

EXERCITATIONES SOCIETATIS LATINAE

QVAE IENAE EST

VVLGATAE

AB EIVS DIRECTORE

FRIDERICO ANDREA

HALLBAVERO

THEOL. DOCTORE ET PROF. P. O.



VOL. II.

LIPSIÆ
IMPENSIS CASPARI HENR. FVCHSII.
M DCC XXXIII.

CONSTITUTIONAL AND STATUTORY

OF THE UNITED STATES

OF AMERICA

AS AMENDED

BY THE SEVERAL CONGRESSSES

OF THE UNITED STATES

OF AMERICA

VOL. II.

LIPSIUS

LIBRARY OF THE UNIVERSITY OF CHICAGO

1892

SERENISSIMO
PRINCIPI AC DOMINO
DOMINO
CHRISTIANO ERNESTO

ET
SERENISSIMO
PRINCIPI AC DOMINO
DOMINO
FRANCISCO IOSIAE
DVCIBVS SAXONIAE
IVLIACI CLIVIAE AC MONTIVM
ANGARIAE ET WESTPHALIAE
LANDGRAVIIS THVRINGIAE MARCHIO-
NIBVS MISNIAE PRINCIPALI DIGNITATE CON-
SPICVIS COMITIBVS HENNEBERGIAE COMITIBVS
MARCAE ET RAVENSBERGAE DYNASTIS
RAVENSTEINII RELIQA.

PRIN-

PRINCIPIBVS
AVGVSTAE GENTIS SAXONICAE
ANTIQVITATE GENERIS
GLORIA MAIORVM
ET
SVMMORVM MERITORVM
CVM
IN S. R. G. IMPERII DIGNITATEM
TVM
IN LITTERARVM ET VNIVERSAE REIPVBLICAE
SACRAE ET CIVILIS DECVS
QVAE
INCREDIBILI TOT SAECVLA ADMIRATIONE
IMPLEVERVNT
ET
OMNIS MEMORIAE LAVDIBVS
PERCELERBATA
PER
VNIVERSAS CVLTIORIS QVAM LATE PATET
ORBIS GENTES
ILLVSTRI FAMA
PERAGRARVNT
MAGNITVDINE ET SPLENDORE
NVLLI IN GERMANIA SECVNDAE
ORTV
ET VEL EO QVOD
AB
ERNESTO PIO
PRINCIPE OMNIYM SAECVLORVM
MEMORIA DIGNISSIMO

VTI
CVNCTA VIRTVTVM DECORA
EXCELSAE FORTVNAE FASTIGIO
DIGNA
DIVINO ANIMO COMPLEXO
ITA
ABSOLVTISSIMO REGNANDI PRVDENTIAE
EXEMPLO
GENVS EX IPSIVS VIRTVTIS STIRPE
GENERATVM DVCVNT
OMNI LAVDIS PRAECONIO
QVANTVM CVNQVE ETIAM ILLVD SIT
MAIORIBVS
SED
EO ETIAM
QVOD
AVITA ET PROPRIA GENTIS SVAE
VIRTVTVM ORNAMENTA
NON SOLVM CVPIDISSIME RETINENT
ET
SAECVLO NOSTRO RESTITVVNT
VERVM ETIAM
NOVIS IDENTIDEM INCREMENTIS
CVMVLATISSIME AMPLIFICANT
IMMORTALITATI COMMENDATISSIMIS
SOCIETAS LATINA
IN
ILLVSTRI ATHENAEO
VERO DIVINAE HVMANAEQVE SAPIENTIAE
DOMICILIO
QVOD

QVOD
TAMQVAM
SEMPITERNVM GLORIAE SVAE THEATRVM
VT
CONSERVATORES INDVLGENTISSIMI
REGALI PLANE MVNIFICENTIA
FOVENT ET COMPLECTVNTVR
AD
POLITIORVM CAVSSAM LITTERARVM
VT NVNC SVNT TEMPORA
GRAVITER LABORANTEM
ET PARTIM CVM SAEGVLI INCOMMODIS
PARTIM CVM OBTRACTATORVM ODIO
CONFLICTANTEM
TVENDAM ET SINE LABE CONSERVANDAM
QVANTO FIERI POTEST IMPETV
INCVMBIT
EXERCITATIONVM HARVM
VOLVMEN
QVO
INDYSTRIAE IN LITTERIS MELIORIBVS
ELABORATAE
ET
OFFICII SIBI DATI RATIONES
PVBLICO TESTATAS MONIMENTO
REDDIT
DEMISSISSIMA SVBIECTISSIMAQVE
OBSEQVII TANTIS PRINCIPIBVS DEBITI
RELIGIONE
DAT DICAT DEDICAT.
TANTVM VERO ABEST
VT
CYLPARIA QVOQVAM POSSE
SVAM CREDAT AVDACIAM

VT
OPTIMO POTIVS IVDICIO
INDVCTA
RECORDATIONE LAUDATISSIMI VETERVM MORIS
QVO
HONESTARVM ARTIVM STVDIA
VT
FLAVIVS VEGETIVS RENATVS
AVCTOR EST
LITTERARVM MANDATA MONIMENTIS
ET
IN LIBROS REDACTA
PRINCIPIBVS
OFFERRE SOLEMNE ERAT
VT
TESTIMONIO ILLORVM CONFIRMATA
MAIORA CAPIANT INCREMENTA
QVIA
NISI PRINCIPES FAVEANT
MVSAE LANQVENT
NEC
SVO STARI LOCO DIV POSSVNT
TANTO ARDENTIVS
QVOD
SVAE CONVENIT PIETATI
PERSOLVIT
QVANTO MAGIS
SERENISSIMOS SAXONIAE DVCES
LITTERARVM AVSIBVS
IGNOSCERE POSSE
RES IPSA INVSITATAE IN MVSAE LARGITATIS
EXEMPLIS. COMPROBATA LOQVITVR.
AT
NON TAM VENERANDAE ANTIQVITATIS
INSTITVTO

NEC

NEC
 PRAESTANTISSIMORVM POETARVM
 CONSVETVDINE
 QVI
 OPERVM, QVIBVS SAECVLI ILLVSTRABANT
 GLORIAM
 PRIMORDIIS
 POST DEOS PRINCIPES COMPELLABANT
 VT
 CARMINA EX VOTO SIBI PROCEDERENT
 SE DEFENDIT
 SED
 OBSEQVENTISSIMI GRATISSIMIQUE ANIMI
 RELIGIONE DEVINCTA
 QVOD
 OPTATISSIMO MVNIFICENTISSIMORVM
 PRINCIPVM
 PRAESIDIO FLORENS
 FRVCTVS QVOS EX MVSARVM COMMERCIO
 PERCIPIT
 AD EOS
 OPTIMO IVRE REFERRI DEBERE EXISTIMAT
 OPERIS HVIVS NVNCVPATIONE
 IN
 TANTORVM PRINCIPVM
 CLIENTELAM DEMISSISSIME SE COMMENDAT
 ET
 DEVOTISSIMI HOC CVLTVS MONIMENTVM
 CVM
 SEMPITERNA SAXONICAE GLORIAE
 ET BENIGNITATIS
 IN LIBERALIS DISCIPLINAE SCIENTIAS EFFVSAE
 PRAEDICATIONE CONIVNGIT
 SIMVLQVE
 SANCTISSIMI OFFICII CVLTVM
 IN PERPETVVM OBSTRINGIT.

ET
TAMETSI EA QVAE OFFERT LONGE INFRA
LOCI QVO CONSTITVTI SVNT EXCELSI
SPLENDIDIQVE
AMPLITVDINEM DVCIT
TAMEN QVOD LITTERIS POLITIORIBVS
QVANTVM POTEST
PRODESSE CVPIT
SOLA OPERAE IN HONESTAE REI STUDIO POSITAE
CONSCIENCIA SVSTENTATA
IN
OPTIMAM FIDVCIAM INGREDITVR
FORE VT
CONATVS SVOS SERENA RESPICIANT
FRONTE
QVOD RELIQVVM EST
SOCIETAS LATINA
SVSCEPTIS MVLTPLICATISQVE VOTIS
HANC
A SVMMO RERVM HVMANARVM ARBITRO
INIBIT GRATIAM
VT
PRAEPOIENTIS SAXONICAE GENTIS
ERNESTINAE STIRPIS
GLORIA
FLORENTE FORTVNA DOMVS AVGVSTAE
AMPLISSIMISQVE ACCESSIONVM INCREMENTIS
CVMVLATA
NVLLIS TACENDA SAECVLIS
CVM
IPSA AETERNITATE
TERMINETVR.



LECTORI BENEVOLO

S. D.

FRIDERICVS ANDREAS
HALLBAVER

SOCIETATIS LATINAE DIRECTOR.



Eloquentia vt ex naturae praestantia originem, artisque praeceptis incrementum, ita ex dicendi exercitationibus robur suum capit, ac firmamentum. Ingenium scilicet incipit: ab eo enim non

modo naturalem quamdam ad orandi facultatem propensionem, verum ipsa eius etiam praesidia, atque ornamenta: obtinemus. Sic enim oratoris natura generata esse debet, vt, ea magistra et duce, possit inuenire res veras, aut verisimiles, quae ad omne genus causae adcommodentur; ex inuenta autem copia atque vbertate tam argumentorum, quam verborum

borum vi quadam iudicii depromere, atque pruden-
 ter eligere ad dicendum pro auditorum et rerum
 rationibus apta. Inde SEXTO PHILOSOPHO non
 refragarer, adferenti, Demadem, atque alios solius
 ductu naturae magnam eloquentiae laudem consequu-
 tos fuisse. Ad LONGINI autem sententiam descen-
 dere non possum, *unam artem ad ea*, quibus praestare
 debet orator, *esse nasci artificem*. Solet natura, sibi re-
 licta, in salebras saepe incidere, inque iis interdum hae-
 rere: sed si ab arte, tamquam scientissimo gubernatore,
 dirigitur, rectam tenet, cursumque conficit. Accurate
 ISOCRATES haec disputat contra Sophistas, πολλοὶ μὲν
 τῶν φιλοσοφούντων ἰδιῶται διέτελεσαν ὄντες, ἄλλοι δὲ τινὲς
 ἄδενι πώποτε συγγενόμενοι τῶν σοφιστῶν, καὶ λέγουσιν, καὶ
 πολιτεύεσθαι δεινοὶ γεγόνασιν· αἱ μὲν γὰρ δυνάμεις καὶ τῶν
 λόγων, καὶ τῶν ἄλλων ἔργων ἀπάντων ἐν τοῖς εὐφροέσιν ἐγγί-
 νονταί, καὶ τοῖς περὶ τὰς ἐμπειρίας γεγυμνασμένοι. Ἡ δὲ
 παιδείσις τὰς μὲν τοιαύτας, τεχνικωτέρας, καὶ πρὸς τὸ ζεῖν
 εὐπορωτέρας ἐποίησεν. *Multi ex iis, qui philosophati sunt,*
clari non fuere: alii vero, quum nulli umquam sophistae
operam dedissent, et in dicendo, et in administranda re-
publica valuerunt. Nam praestantia et orationis et re-
 rum aliarum omnium in naturali quadam vi consistit, e-
 tiam in iis, qui circa experientiam versati sunt. Doc-
 trinae autem institutio eos artificiosiores et ad viuendum
 feliciores reddidit. Quae autem in oratoribus natura
 praeclara ac pulchra profert quum animaduerti et men-
 te percipi possint; non adeo difficile est diligenter at-
 tendentibus, rationes certas, et dicendi praecepta fir-
 ma, stabilia et coniuncta inuenire. Quod quo fiat mō-
 do; veteres praeclare exposuerunt: quum enim plerū-
 que

que temere et nulla ratione causas in foro dicant; nonnulli autem propter exercitationem, aut propter consuetudinem aliquam callidius id faciant; quum alii finem, quo referri omnem orationem oportet, consequantur, alii non: non esse, ostendunt, dubium, quin, quum quisprehenderit, quid sit, quare alii melius, quam alii dicant, si non plane artem, at quasi artem quamdam inueniatis. Non minus vero qui ipsum eloquentiae finem accuratius expendat, atque aestimet, ex eo vias quasdam deducet, errare in dicendo non patientes: finis enim in disciplinis, quae ad exercitationem tendunt, qualis est haec oratoria, principium est cognoscendi, et statuendi de iis, quae oratori sint agenda, aut euitanda. In oratoribus latinis admirabile est, quantum MARCVS TVLLIVS CICERO inter omnes vnus excellat: hic vero ex naturae, finisque et oratorum contemplatione, pinxit nobis, detractis omnibus vitiis, oratorem, omni laude cumulatum. Ipse summam copiam, facultatemque dicendi naturae bonitate acceptam retulit: praecepta cum a rhetoribus Graecis accepit, tum ipse meditando adsequutus est. Saepe miror siue incitiam, siue ambitionem aetatis nostrae declamatorum, qui in CICERONE nihil praeclarum esse dicunt, praeter verborum phaleras; qui gloriae sibi ducunt, eius libros oratorios non attigisse: qui denique hoc nomine se disertos censent, quod a dicendi magistro, qui regnavit, dum vixit, eloquendi virtutibus, apud posteros autem id obtinuit, ut eius nomen non hominis, sed eloquentiae nomen habeatur, quam longissime discendant. Inde autem fit, ut, quum TVLLIVS recte praecipiat, oratoris esse, docere, mouere et delectare; dicere

orna-

ornate, copiose, varie, distincte, ordinate, prudenter, compositae, apte, adcommodate, memoriter et cum quadam actionis dignitate; vti sententiis atque argumentis ad probandum commouendumque adcommodatis, verbis autem ad audiendum iucundis; cauendam esse pressis oratoribus inopiam et ieiunitatem, amplis vero inflatum et corruptum orationis genus et quae sunt alia: illi ignorance praeceptorum, quibus oratoria a grammatica, filo, logica, dialectica, et quouis vulgari loquendi modo discernitur, aut nihil horum faciant, aut, ceteris neglectis, communia tantum quaedam, et contrita obseruent, neque tamen haec ea adhibeant ratione, quam pro constitutione, et fine dicendi artis oratorem decet. Sed quemadmodum picturae studiosis, nihil profuerit cognouisse Apellis aut alius praestantissimi artificis tabulas, nisi ipse animum manumque ad pingendum admouerit; ita eloquentiae cupiditate flagrantibus, neque summa ingenii ad orandum indoles, neque doctrinae praestantia, neque aliquid bonorum omnium, quae rhetorica complectitur, vtile esse poterit, nisi et scribendo et dicendo sese exerceant. Itaque duobus istis vsus accedat, necesse est: cuius quidem tanta vis est, ut multos paruo ingenio, litteris fere nullis, ut bene dicerent, dicendo consequutos esse, PLINIVS compertum se habere adfirmauerit. Superat certe vsus magistrorum omnium praecepta, ut CICERO lib. I. *de oratore* dixit, et eadem mente lib. II. ep. 25. *stilum dicendi opificem* vocauit. Ipsae autem dicendi exercitationes ita instituendae sunt, ut ad quod natura ipsa ducat, et quid praecepta dicendi praescribant non minus attendi, quam exempla optimorum oratorum ad imitandum sumi debeant. Equidem non negaue-

gauerim, praeclara ingenia, si suam tantum indolem sequantur, plurimas virtutes dicendi ex se ipsis efferre posse: nihilominus et hoc dubitationem non habet, non omnes tam beate nasci, ut, nullo praeunte, per se satis conspiciant, quid in quavis re, quae inciderit, et quae sit oratione tractanda, ratione argumentorum, ordinis ac dictionis optimum fuerit; quin et illos, in quibus totas vires suas eloquentia experta est, citius et certius ad facundiae laudem adspirare, si eos sibi imitandos proponant duces, quorum nomina consensus saeculorum aeternitati consecrauit. CICERO naturam habuit admirabilem, ut adeo illi illaborata fluere, quae alii intentissima cura consequebantur: quantum vero ipsi profuerit, quod se ad imitationem Graecorum contulerit, vimque DEMOSTHENIS, copiam PLATONIS, et iucunditatem ISOCRATIS effingere studuerit, ipse in scriptis suis passim fassus est. Debemus itaque vnum, atque alterum, optimos videlicet in quolibet genere, et laudatissimos, quorum ingeniis nostrum conuenit, eligere, ad quorum imitationem diligenti ratione contendamus: quales ut in epico carmine HOMERVS et MARO, in lyrico PINDARVS et HORATIVS; ita in dicendi facultate DEMOSTHENES, ISOCRATES, CICERO, CAESAR et LIVIVS iure, meritoque habentur. Atque hi quidem legendi sunt ita, ut meditatione adsequamur, quae et quo modo in auctore expressa sint et argumenta rerum et verborum ornamenta. Audiendi vero etiam sunt, si datur locus, oratores, nostro tempore eloquentiae principatum tenentes: licet enim in lectione certius sit iudicium, quod nec vocis, nec actionis impetu impeditur, et lecta saepius repeti possunt, si dubitemus;

b

non-

nonnulla tamen, in quibus potissimum ea, quae in viua voce et actione sunt praestantia, audiendo intelligi, atque obseruari melius possunt. Neque tamen id statim siue legenti, siue audienti persuasum sit, omnia, quae summus orator dixerit, esse perfecta: nam et hic, dum homo est, labitur aliquando et dormitat, si aut tempus quid postulet, non vbiuis attendat, aut plura loquatur, aut se ostendet, aut eorum, ad quos dicit, vel dignitatis, vel commodi rationem non satis habeat, aut si in aliquo genere inconcinnus, multusue sit. Sed modeste de vitiis eius statuendum, et circumspecto iudicio vtendum est; ne quis, quod multis accidit, damnet, quod intelligat. Quod vero vitiosius prolatum esse, iudicatur; id non minus vitandum, quam similitudo virtutum orationis non adfectanda est. Praeter autem lectionem, et auditionem exercitatio scribendi requiritur: qua oratoria ornamenta exprimere debemus, quae in magnis auctoribus obseruata a nobis sunt. Sed turpe esset, aliorum perpetuo premere vestigia, segnisque hominis duce semper indigere: ideo propria ingenii meditatio adhibenda est, vt ex hac, tamquam ex perenni fonte fluant, quae scribuntur. Prius tamen, quam animum ad scribendum adplicamus; cogitari oportet de materia, forma et conspectu totius orationis: quibus omnibus constitutis, praemeditata demum fundenda sunt et litteris consignanda, tandem vero diligenter limanda, atque emendanda. Huius quidem emendationis ea debet esse ratio, vt, si conceditur, scripta in aliquod tempus reponantur, et post interuallum, ne nobis tamquam recentes foetus, nimis placeant, in manus sumantur; tum vero adiiciantur,

tur, et detrahantur, quae deficient, aut superuacanea sint, ceterum premantur tumentia, humilia extollantur, luxuriantia adstringantur, inordinata digerantur, soluta componantur, exultantia coerceantur*, et praeterea mutantur, quaecunque inepte, et minus eleganter prolata videantur. Restat una, quae dicendi habitum parit, exercitatio: scilicet licet nobis scribendo, atque emendando satisfecerimus; non tamen consultum est, nostro adquiescere iudicio, sed potius elucubrata peritis, atque intelligentibus recitare. Ita facere PLINIUS** solebat: qui nullum emendandi genus quum omittendum esse, statueret; primum, quae scripserat, secum pertractabat; deinde duobus aut tribus legebat; mox aliis tradebat ad notanda; notasque eorum, si dubitaret, cum uno rursus, aut altero pensabat; nouissime recitabat pluribus; ac tum acerrime emendabat. Commoda recitationis huius varia indicat***, quod aliquanto acrius scriptis suis auditorum reuerentia intendat; de quibus dubitet, quasi ex consilii sententia statuatur, quum multa a multis admoneantur; et si non admoneantur, quod quisque sentiat, ex vultu, oculis, nutu, manuum motu, murmure, silentio, quae satis apertis notis iudicium ab humanitate discernant, perspicere possit.

* FABIVS lib. I. cap. 9.

** lib. VII. ep. 17.

*** lib. V. ep. 3.

Atque hanc viam parandae eloquentiae ingressi sunt commilitones, qui septimo quouis die in acroa-
terio meo conueniunt, et latinas orationes, carmina,
uariique generis commentationes cum societatis sibi
vinculo coniunctis, tum aliis auditoribus recitant. In
quibus, vt, ceu in speculis, cernitur, eos naturam in lar-
giendis ingenii viribus fautricem habuisse; atque doc-
trinae interioris, ex priscis, et limpidis fontibus hau-
stae, praeceptis, excoluisse animi ista ornamenta: ita
ad maiora politioris litteraturae, et facundiae incre-
menta in dies capienda, in hoc honestae concertatio-
nis stadio omnes neruos aetatis industriaeque suae con-
tendunt. Nec poenitebit eos vmquam in eiusmodi
exercitationibus, commentationibusque multum ope-
rae posuisse, ex quibus magnus fructus ad reliquas sci-
entias facilius atque accuratius intelligendas redundat,
quaeque non tantum scholis, verum etiam rebus, siue
sacris, siue politicis vtilitatem, dignitatem et insigne ad-
ferunt lumen. Excitare ad continuandum ingenui cul-
tus studium suapte sponte, et iudicio currentes, non
opus est: quod autem maxime inflammare solet eo-
rum animos, non reticebimus. Id vero est, quod
vident, suos conatus a viris, quos actus nostra in hoc
litterarum genere fert praestantissimos, valde compro-
bari. Hi enim dum societatem politioris humanitatis
nobiscum coire, suasque cultissimas commentationes
nostris addere exercitationibus non dubitarunt; quid
magis nostrorum ingenia ad laudem litterarum, quae
ab humanitate nomen habent, expetendam allicere, et
commouere posset? Quae in hoc nostrarum exercitatio-
num secundo volumine continentur lucubrationes non
tantum

tantum a nominibus auctorum, verum etiam a rerum exquisitarum delectu, stilique nitore, et elegantia tantam ducunt commendationem, vt nostro praeconio non indigeant. Seruamus in tabulario nostro plures varii argumenti dissertationes, orationes, poemata, atque alia scripta, ab honorariis collegis ad societatem missa: quae vt tertio volumine in lucem proxime prodeant, curabimus. Ad extremum vt institutis nostris porro faueant, quotquot his litteris delectantur, et qui iis excellunt, de suo lumine nostrum accendant, oramus, atque obsecramus. Scr. Ienae III id. Maii, anno, quam salus parta est, cIo lccc xxxxiI.

INDEX

COLLEGARVM SOCIETATIS LATINAE INDE AB EDITO PRIMO EXERCITATIONVM VOLVGINE VSQVE AD HOC TEMPVS ADSCRIPTORVM.

I. HONORARIORVM.

- M. IEREMIAS KETZLERVS, oraculorum diuinorum
interpres apud Hirschbergenfes.
M. LVDOLPHVS BERNARDVS KEMNA, colle-
gii Mariani apud Gedanenfes Reftor.
PAVLVS SCHAFFSHAUSEN, Philofophiae Magifter.
M. IO. CHRISTOPHORVS KIESEWETTERVS,
Illuftr. Gymnafii Vinar. Infpector et P. P.
IO. CHRISTIANVS RITTERVS, ad facra Serb. fa-
cerdos.
IO. FRIDER. IVGLERVS, art. liberal. Magifter.
A. B. MVLLERVS, fcholae Michaëlit. Hamb. Reftor.
M. IO. CHRISTOPH. STERNIVS, verbi diuini apud
Eckolftadienfes praeco.
IO. AVG. SEEBERGIVS, voluntatis diuinæ apud Deu-
ftettenfes interpres.
M. GODOFREDVS HECKING, Gymnafii Heilbron-
nenfis Reftor.
FRIDERICVS WILHELMVS PESTEL, I.V.D.
IO. FRID. GRIMMIVS, Gym. Ifen. Conreftor.
IO. MARTINVS LVDOVICI, in fummo iuftitiae Nas-
ſouico-Dillenburgenfi tribunali aduocatus ordinarius.

II. ORDINARIORVM.

- CASP. DOERINGIVS, Silefius.
IAC. FRED. HEVSINGERVS, Wetteraus.
IO. FRED. GRVNERVS, Coburgenfis.
FRED. HEVSINGERVS, Wetteraus.

EXERCITATIONES SOCIETATIS LATINAE IENENSIS VARII GENERIS.

I. ORATIONES.

- I. Dan. Hainoczy *sacrum parentale diuo Carolo VI. cet.*
- II. Io. Matth. Gesneri *oratio in funere Brunquelli.*
- III. Io. Sam. Mulleri *oratio de elegantiori puerorum educatione.*
- IIII. M. Philippi Davidis Kraeuteri *oratio de meritis Theologorum Ienensium in sanctiores litteras.*

II. DISSERTATIONES.

- I. Christ. Henr. Eckardi D. *diff. epistolarii de ritu sanctiori coe-
tui olim solemni acclamationibus sacrorum antistites eligendi.*
- II. Herm. Sam. Reimari *differt. de optima ratione discendi do-
cendique elementa linguae latinae.*
- III. Io. Diet. Winckleri *animaduersum in Fabri thesaurum
Spec. I.*
- IIII. Gottl. Frid. Gudii *commentatio de felici rei scholasticae sta-
tu in Germania.*
- V. Io. Mich. Heusingeri *emendationes aliquot locorum in Cor-
nelii Nepotis vitis excellentium imperatorum.*
- VI. Io. Christoph. Mylii *disquisitio de origine, natura et usu nu-
meri oratorii.*
- VII. Io. Casp. Everardi Winekenii *comment. de antiquitatibus
cathedrarum.*
- VIII. Martini Borekii *diff. crit. ad Horatii Odam I. L. I. v. 1-12.*
- VIIII. Pauli Schaffshausii *diff. epist. de insignibus Taylorii in Ly-
siam oratorem meritis.*

III. EPISTOLAE.

- I. Illustr. Praefidis *ad societatem epistola valedictoria.*
- II. Io. Sam. Mulleri *epistola ad societatem Latinam perscripta.*
- III. Wolfg.

THE END OF THE WORLD

SACRVM PARENTALE
DIVO
C A R O L O V I

D. LEOPOLDI MAGNI FIL.
D. FERDINANDI III. NEP.
ROMANORVM IMPERATORI
SEMPER AVGVSTO

CAESARI PIO FELICI INCLVTO
GERMAN. HISPAN. HVNGAR. BOHEM. REGI
ARCHIDVCI AVSTRIAE
etc. etc etc.

PATRI PATRIAE
REI LITTERARIAE STATORI CONSERVATORIQVE

A. R. S. cId Idcc xxxx

D. XIII. KAL. NOV.

BEATIS COELITVM SEDIBVS INLATO

O R A T I O N E

DE

IMMORTALIBVS
AVGVSTAE DOMVS AVSTRIAE
IN REM LITTERARIAM
MERITIS

IN LIB. REG. PANNONIAE SVPER. CIVITATE SEMPRONIO
PRO CONCIONE SCHOLASTICA.

HABITA

CELEBRATVM

A

DANIELE HAYNOCZI

PANNONIO GYMN. AVG. CONF. IBID. CONRECT.
SOC. LAT. IEN. SOD. HON.

THE NEW YORK PUBLIC LIBRARY

ASTOR LENOX TILDEN FOUNDATION

125 WEST 4TH STREET

NEW YORK

1900

1901

1902

1903

1904

1905

1906

1907

1908

1909



Quod dudum optimus quisque, animo futura
 prospiciens, non sibi modo, aut nobis omni-
 bus, neque regno tantum Pannoniarum,
 verum vniuerso, qua patet, Christianorum
 orbi metuebat, votisque calidissimis apud
 DEVM, sapientissimum iuxta, ac potentis-
 simum, rerum humanarum gubernatorem,
 suppliciter deprecatus, auertere cupiebat; quod vix sceleratis-
 simus quisque ciuium optabat: id nobis, Auditores, exspecta-
 tione ac metu malorum, quae inde consecutura ominabamur,
 moestissimi, arcano diuinæ sapientiæ, cuius rationes mirari
 potius, quam rimari, conuenit, consilio, die XIII Kalendas
 Nouembres, anni huius, a salutari virginis partu, supra se-
 ptingentesimum ac millesimum, quadragesimi, proh dolor!
 accidit. O infaustum anni, mensis, dieique numerum, et
 omni posteritati memorabilem! o nos infelices, ac potius mi-
 feros! o nos inuisos DEO, ac potius, merito nostro, exosos!
 quibus horror sanctissimus, incerto rerum euentu trepidanti-
 bus, plenam illam metus, ac tristitiæ, querelam non potest
 non elicere: O DEVS, in quæ nos tempora reseruasti!

Quam vero cladem nefastus ille dies, atroque calculo dignissimus, nobis attulerit, nihil meo indicio opus habetis, Auditores. Quis enim est, non dicam in vrbe nostra, sed in vniuerso terrarum orbe, qui sit nescius, quam tristis, eodem die, ad omnes gentes, non finitimas modo nobis, sed remotissimas quasque, ac transmarinas, Vindobona Pannonum, incredibili celeritate, dimanauerit nuntius? qui, cum per urbem nostram, praeter omnem opinionem, expectationemque, percrebresceret, vniuersos ac singulos, insperata sui nouitate, fulminis instar, ita perturbauit, vt, versos in stuporem, menteque deiectos, percelleret, prosterneret, ac tantum non exanimaret. Quid enim, quaero ex vobis, Auditores, ex confusione illa, et consternatione, quae summa est, nondum recreatis, quid, inquam, durius luctuosiusque nobis omnibus accidere potuit, quam, hoc ipso tempore, quo, pace cum barbaris vixdum inita, firmataque, orbis christianus, noua bellorum tempestate, ad occidentem solem, vehementer iactari conflictarique coepit, eum amittere, qui, ad clauum reipublicae sedens, communis salutis fuit, tam felicissimus, quam artis suae scientificissimus, custos; amittere, decedentem sine masculo, quem frustra nos optasse, sperasse, frustra votis supplicationibusque de coelo implorasse, dolemus, paterni solii herede; amittere, inquam, eum, quem, sine religiosae mentis pietate ac contestatione, sine doloris, per venas ac medullas diffusi, sensu, et lamentatione, ne nominare quidem possumus; quem, inquam?

CAROLVM VI

ROMANORVM IMPERATOREM SEMPER AVGVSTVM
GERMANIAE HISPANIARVM HUNGARIAE BOHE-
MIAE REGEM ARCHIDVCEM AVSTRIAE
PATREM PATRIAE

PIVM FELICEM INCLVTVM.

Dabit, spero, veniam, Auditores, breuitate hac tituli videnti, et, quod syrmata reliquorum populorum nationumque, imperio CAROLINAE MAIESTATIS subiecta-
rum,

rum, praescindam, non tam numero, quamuis maximo, quam animi dolori, curarum magnitudine stupenti potius, quam loquenti, tribuetis. Quam enim grauem, quamque reparatu difficilem, casu hoc, iacturam patiamur, animo concipi facilius, quam verbis explicari, potest. Amisimus PRINCEP PRINCIPVM AVGVSTISSIMVM, qui gubernacula Imperii Romani, multarumque aliarum gentium, quas a Diuis Maioribus acceperat, in his nostrarum quoque Pannoniarum, sapienter iuxta, ac potenter, annos triginta, sic moderatus est, vt publicae Christianorum salutis, ac securitatis, contra gentium barbararum tyrannidem, quantumuis opibus formidabilem, felicissimus assertor, conseruatorque, dici mereatur. Meliori profecto iure, ac merito, de augusto hoc funere, quam quondam, de obitu Scipionis Africani, Metellus eos. iudicauit, sublato clamore pronuntiare possumus: (*) **Concurrite, populi, tali nudati praesidio, concurrite moenia tot vrbiū, tot prouinciarum, tot regnorum, ipsiusque Romani Imperii corruerunt.** Tanto vero grauior haec ruina est, tanto reparandae ratio obscurior abstrusiorque, quod, cum AVGVSTA haec DOMVS AVSTRIA, HABSBVRGICI sanguinis, veteri in Friderico extincta, auspiciatissimis DIVI RVDOLPHI CAESARIS exordiis, propagata, annos iam amplius quadringentos, inter summos Europae Principes, maxime floruerit, ex eademque stirpe, decem et septem CAESARES, REGES Hungariae duodecim, summa imperii dignitate, virtutum, tali fastigio parium, excellentia, et magnitudine, gloriaque rerum gestarum, vere AVGVSTOS, procreauerit; num, nescio, qua factorum iniquitate, extincto seculi nostri Scipione, haec gens, tam antiqua, tamque illustris, in virili sanguine intermoriatur; vnde, sine vlla diuinandi arte, nihil aliud, nisi motus vehementiores, nisi ingentes rerum conuersiones, et nouam prorsus rerum faciem consecuturam, nisi DEVS e machina nostri misereatur, nemo est, qui non videat. Lactum quidem,

A 4

(*) Val. Max. Lib. IV. c. 1.

dem, dignumque votis omnium, fuit vatis illius augurium, qui, ludens ingenio, ex titulo hoc,

CAROLVS SEXTVS IMPERATOR

permutato litterarum ordine, sententiam hanc, solatii plenam,

TRES PARIET VXOR MASCVLOS

elicuerat, dignus profecto lautissimo congiario, si augurio euentus respondisset. Sed, o inanes poëtarum lusus! o preces ciuium irritas! o fallaces hominum spes, alæae, qua nihil incertius, quam simillimas! Vanum enim fuisse ingenii huius vaticinium, cum AVGVSTA ELISABETA CHRISTINA, quatuor quidem liberos in lucem ediderit, ex his vero non nisi vnus, non tam datus, quam ostensus terris; masculus fuerit, exitus comprobauit. Nunc, nisi contra malorum, quam metuunt omnes, iliadem, spei multum, ac solatii, in AVGVSTA MARIA THERESIA, paternae indolis, et virtutis, heredes, cui regna, non iure tantummodo sanguinis, verum etiam publicis sanctionibus, pactorumque conuentorum fide, debentur, superesset: nobis praesertim Pannoniis, barbaricae tyrannidis periculo proxime expositis, domesticarumque virium inopia laborantibus, desperata salus videretur, essemusque simillimi naui, aestuante mari, gubernatore orbatae, aut gregi, sine custode errabundo, aut exercitui, sine duce proelianti. Haec omnino vna, quod DEI ingens est beneficium, relicta est rebus patriae, grauius afflictae, anchora, quod, legibus Salicis nequaquam circumscripti, habeamus DOMINAM, ea sapientia, vt omnia consilio regere, ea potentia, vt viribus cum domesticis, tum sociorum, omnia conficere, illis denique virtutibus conspicuam, vt omnia fide integritateque tueri possit. Haec tamen AVGVSTA patriae MATER, quae nobis solatio, ac praesidio, relicta est, suo ipsa solatio, ac praesidio, quod in AVGVSTO PATRE habuit, destituta, in praesens orbitatem suam acerbe lugeat, et, cum AVGVSTA MATRE, ac SORORE, cum SERENISSIMO CONIVGE, cum omnibus AVGVSTIS,

STIS, LEOPODINI, ac IOSEPHINI Nominis FILIABVS, in squalorem luctus coniecta, omnes populos suae ditionis, in societatem doloris inuitat. Neque est quisquam, qui non, vulnere hoc AVSTRIAE, grauius condolet, qui non leonem HABSBURGICAE GENTIS, erectum antè, nunc inuersum, imo emortuum, et quasi in sepulcrum delabentem, cum dolore intueatur, qui non calamitatem hanc simul ad se pertinere existimet. Luger AVGVSTA AVLA: moerent omnes Europae Principes: dolet Equestris omnium locorum ordo. Luger Italia: lamentatur Germania: dolore conficitur Hungaria: afflictaur Bohemia: angitur Belgium: squallet Austria: gemit Stiria: cruciatur Carinthia: ingemiscit Carniola: turbatur Tyrolis: plorat Moravia: flet Silesia: senio conficitur Vindobona: complorant omnes Imperii Ciuitates: municipia, coloniae, agri denique ipsi lacrymantur. Quis est inter socios AVLAE ac foederatos, qui non tam sapientem, tam inuictum, tam beneficum, ac salutarem, Imperatorem desideret? adueniunt ex omnibus mundi partibus Vindobonam Oratores, et, quantum doloris Principes sui hinc capiant, amicitiae officiique causa, contestantur: basilicae Regum, ac Principum, in castra doloris vertuntur, sepositoque omni splendore, atratae, facibus illustrantur: ferale per vrbes iustitium, cum luctu publico, indicitur. Quae pietas, vt diis manibus, meritisque, CAESARIS OPTIMI in rempublicam Christianorum immortalibus, debetur: ita nos quoque, musarum studiis dediti, nostri officii, ac potius pietatis, esse duximus, dolorem, quem ex Augusto funere grauissimum cepimus, in praesens, quam subiectissime palam testari, vosque, Auditores, cultui DOMVS AVSTRIAE deuotissimi, in hanc coetus scholastici concionem, non ostentationis, quam procul a nobis abesse volumus; non exercitationis, cui argumentum aliud, dictu, audituque iucundum, optassemus; verum luctus, et venerationis gratia, institutam, ea, qua par est, obseruantia, conuocare. Postulat hoc a nobis, non solum publica, de qua nunc diximus, luctus communio, sed ipsa quoque imperat pietatis religio, vt,

quem, cum viueret, post DEVM proxime coluimus, hunc etiam post fata, omni cultu ac reuerentia prosequamur: tanto quidem magis, quod, sicut communem patriae salutem, HABSVRGICO AVSTRIAE DOMVI debemus; ita acceptorum conscientia beneficiorum, gratiam, quae augustis manibus nunquam digna referri potest, qualemcunque habere iubeamur. Praestitimus id officii, quatuor abhinc annis, EVGENIO, quem laudatione, pro modulo virium nostrarum, ex hoc loco profecti, quam praeclare ille de patria nostra sit meritus, et, quid, in hoc belli Turcici fulmine, sit amissum, plures in posterum EVGENIOS AVSTRIAE optando, gratae mentis pietate, declarauimus: quanto magis id reuerentiae ac religionis debemus CAROLO, de Hungaria immortaliter merito, cuius auspiciis optimis, sic multa prudenter prouisa in pace sunt, ita, contra iuratum nominis Christiani hostem, aliosque inimicos, patriae infestos, pro aris focisque dimicatum, vt CAROLVM Hungariae non seruatores, quod perparum nobis videtur, sed, quod lingua Graecorum, quam Latinorum, cum Tullio felicius efferas, Soterem quandam mortalem, qui patriam, toties periclitantem, non seruauit solum, sed salutem etiam, quam huius vitae felicitate metimur, nobis omnibus dedit, ex vero dixeris. Non dubitamus quidem, fore, domi, forisque, qui hoc institutum, nostro quidem iudicio, religiosum, temeritatis accusent, leueque, et non satis dignum tanti Principis persona, hoc orationis genus iudicent: cum cogitabunt, quis sit, qui laborem tantae molis in se suscepit; quo sit vsus dicendi genere; quid in laudibus CAESARIS, Caesarum Maximi, vel commemoratum sit, vel praeteritum. At, hi sciant, nos, non inanem ingenii, quod pertenuē est, aut eloquentiae, quae est nulla, gloriolam aucupari, sed cultum ac pietatem, non verborum splendore, atque elegantia, sed animi deuotione metiendam, DIVI CAROLI manibus testari voluisse. Fatemur vltro, neque dicentium conditionem, quae est humillima, neque genus dicendi, quod in rebus ieunum ac sterile, in verbis simplex ac impoliturum est, nequaquam excellentis-

lentissimo illi humani generis fastigio, in quo CAESARES positos suspicimus, esse condignum: liceat tamen, pace vestra, Auditores, nobis audaciam hanc illa excusare ratione, qua recte, pro iudicii sui modestia, usus aliquando est, apud Titum Vespasianum Imperatorem, C. Plinius Secundus, qui, dum libros historiae naturalis illi nuncupat, Titum quidem comparat cum diis, ab omnibus quoque modo colendis; se autem cum rusticis, qui diis lacte supplicent, et, cum thura non habeant, mola tantummodo falsa litent. Neque enim DEO quidquam in terris fuit similis, quam AVGVSTORVM AVGVSTISSIMVS CAROLVS, cui omnis post DEVM cultus debetur ac honos: neque rusticis quidquam convenientius, lacte litantibus, quam nos ipsi, tam vilia munuscula CAROLO, in concilium iam coelitum translato, ad sepulcrum deferentes. Vtimur hac excusatione tanto fidentius, quod, licet scriptori historiae naturalis, quae in iustum excrevit volumen, suaeque praestantia Imperatori sese commendavit, nequaquam simus pares: fuit enim in Plinio doctrina exempli singularis, ipseque locum caritatis apud Titum in primis obtinuit: Vespasiano tamen CAROLVS noster fuit quam simillimus, merito amor deliciaeque humani generis appellandus, qui proinde, vtille, diem, quo nihil se aliis benefecisse meminerat, in perditis habuit. Neque vero consilii nostri est, vel excellentes CAROLI, omni praedicatione maioris, laudes, quarum nulla oratio capax est, praedicare, vel omnia, quae, domi, militiaeque, ab hoc, tot annorum, tot gentium, Imperatore, toties hostium Imperii potentissimorum triumphatore, vel prudenter provisa, vel acta constanter, vel gesta fortiter sunt, commemorare; quem laborem, qui in se suscipere audeat, nae ille onus Aetna gravius sustineret, et magnitudine, copiaque rerum obrutus, ab immenso opere desistere, suamque siue propositi temeritatem, siue tenuitatem virium confiteri, necesse haberet. Exerceant hac in re vires suas, ac periclitentur Newensteinii, Pittermanni, aliique AVGVSTAE AVLAE Oratores, in quibus et diuina ingenii, atque iudicii, excellentia, et maior dicen-

dicendi exercitatio, et perfecta eorum, quae, CAROLINIS auspiciis, in orbe terrarum gesta sunt; intelligentia inest, atque exemplum Plinii, Eusebii, Pacati, quorum ille Traiano, iste Constantino M. hic Theodosio Panegyricos scripsere, in laudibus CAROLI, Imperatorum excellentissimi, praedicandis, imitentur. Nos nobiscum habitabimus, nostroque pede ac modulo nos metientes, et nos ipsos, et omnes alios musarum cultores, non nisi ad luctum et dolorem, ad cultum et honorem, funeri tam venerabili habendum, excitare contendemus.

Fiet illud, nostro quidem iudicio, haud inconuenienter, si, ex tanta in CAROLO decorum copia, quae laudibus efferri merentur, nos conditionis nostrae, quae scholastica est, memores, merita DOMVS AVSTRIAE HABSBURGICI nominis, in rem litterariam, non illa quidem omnia, quod infiniti pene est laboris, sed praecipua tantummodo, eademque, non nisi carptim, in praesens venerabundi memoremus. Quae enim laus Principum maior, quam de litteris bene mereri? quid AVSTRIAE prius potiusque, cuncto illo, quo floruit, tempore, quam ornamentis subsidiisque augustalibus, rem litterariam promouere? quid loco huic, quid coetui scholasticorum conuenientius, quam pia grataque mente, beneficia, quibus se ornatum cumulatamque sentit, praedicare? Cum vero innumera sint AVGVSTISSIMAE GENTIS in rem quoque litterarum publicam merita, nos, breuitatis studio, tribus tantum momentiis gloriam hanc aestimandam, proponemus: dicturi primum, quanto studio CAESARES, HABSBURGICAE stirpis, nullo non tempore, et ipsi coluerint, et in aliis aestimauerint litteras; deinde, quam multum adiuventi, de selectiore apparatu rei librariae, et domesticis, et exterorum vsibus, inserviente, solliciti, orbi litterario attulerint; postremo denique, quam prudenter, liberaliterque scholas publicas, in agno rei litterariae augmento, condiderint, fouerint, exornarint. Hoc erit spicilegium illud, quod, ex tam copiosa CAROLINARVM laudum segete, ab aliis praestantioribus AVGVSTI funeris, in

in vrbe nostra laudatoribus, Serpiliis, Oerteliis, aliisque, qui, hac pietate, inter se velut certantes, praecipua elogiorum capita iam praecerpserunt, nobis in hoc puluere scholastico, musarum sacra curantibus, relictum esse, arbitramur. Itaque quid non modo AVSTRIAE debeamus, verum etiam, cur CAROLVM, non tam Maecenatem, cuius celebritatem NOSTER longe superauit, quam coelestem quendam musarum, velut fugientium, ac pereuntium, Statorem, et Numen quoddam orbis litterati Tutelare, terris nunc, nostro omnino incommodo, extinctum, coeloque, vnde originem habuit, rursus receptum, tam sancto, quam acerbis, dolore, pietateque, prosequamur. Vos interim, Auditores, DOMVI AVSTRIAE deuinctissimi, oramus, atque, per merita, sanctosque manes, CAROLINAE MAIESTATIS, rogamus, obtestamurque, vt nostris conatibus benigne faueatis, dicentibus patientem ac beneuolam audiendi operam praestetis, et, si iudicio vestro, quo nihil acrius, si argumento, quod, pro dignitate, vix ab exercitissimis oratoribus, ac ne vix quidem, pertractari potest, factum non fuerit satis, id vel infirmitati virium nostrarum, vel communi, quae verba sibi paria non reperit, perturbationi, vel studio saltim religionis, qua tam AVGVSTVM, et patriae, et musarum, non tam Patronum, quam Patrem, satis etiam functum, sancte veneramur, condonetis.

Accessurus iam ad rem, ea lege, quae praescripta est, breuiter pertractandam, quaero ex vobis, Auditores, desiderio CAROLI, felicioris Augusto, melioris Traiano, ardentissimi: Ecquis melius imperet, quam litteratus? Non mea haec est, sed Romani quondam senatus vox fuit, M. Claudium Tacitum eligentis Imperatorem, festiuoque ista, et honorifica acclamatione, cum ille oblatum imperium suscipere detrectaret, confirmantis. Fuit enim princeps litterarum amantissimus, qui cum patre, senatorii, consularisque ordinis viro, natus esset, Cornelium Tacitum tamen, annalium, atque historiarum scriptorem, parentem, ac familiarem suum nominare, non erubuit, tantumque coluit, vt libros eius, ne interirent, multorum

re affatus est, loquar, nullum quemquam vel meliora scire, vel plura, quam Principem, decet. Scilicet, ut duo sunt rerum publicarum tempora, aliud quidem, quo pacatae otio fruuntur, aliud, quo turbatae se defendunt armis: ita duo quoque ab egregiis Principibus decora expectantur: in pace sanctitas; in armis fortitudo; utrobique autem, ut Victor in Traiano monet, prudentia. Haec tamen non comparatur, nisi accurata artium, in omni vitae genere utilissimarum; scientia. Quae domi sperari potest integritas? quae in armis fortuna? ubi contemptus litterarum, et virorum, qui peritiam rerum gerendarum habent, inopia dominatur. Ex quo simul intelligere est, ad felicem ac beatam rerum publicarum procurationem, nequaquam sufficere, ut Principes ipsi pulcherrimas illas, tum pacis; tum belli, artes calleant, sed requiri simul, ut illarum artium studia liberaliter promoveant, sedes ac domicilia musarum publice constituent, his, tanquam seminariis utriusque reipublicae, tum sanctioris, tum civilis, de idoneis magistris, honestisque viuendi subsidis, munifice prospiciant, leges praescribant, bibliothecas, et alia, quibus publica Athenaea carere nequeunt, quaeque priuatorum hominum sumptum excedunt, liberaliter condant, ingenia excellentiora prolixè beneficeque foueant, bene merentes de reipublica magni faciant, ac modis, quibus possunt, omnibus, honorem eorum tueantur. Nisi a Principe meliores litterae suo pretio aestimentur, non possunt non apud ceteros venire in contemptum: contraque exempla summorum virorum, credi vix potest, quantum, ad conciliandum litteris apud omnes amorem, momenti habeant. Intellexerunt hoc sapientissimi quique omnium retro seculorum Principes, suoque commodo edocti, nihil verius esse, censuerunt, quam quod a Platone dictum accepimus, eas demum respublicas florere, in quibus aut philosophi imperent, aut, qui imperant, philosophentur. Suo id exemplo, emolumentoque, confirmat ex Assyriis Nebucadnezar, cui, ut scholastica iuuentutis institutio curae cordique fuit, ita, ad firmandas, amplificandasque, imperii opes, plurimum attulit adiumenti. Quid dein-

driam confluebant, familiariter versatus est: verum etiam Demetrii Phalerei, viri litterarum laudibus illustis, monitu, bibliothecam tot codicibus, quot vix credas, instructam, sapienti consilio condidit, atque, insatiabili librorum cupiditate accensus, ipsum quoque codicem sacrum, quo DEI ipsius oracula continentur, a Iudaeis petenti submissum, in linguam, regno suo familiarem, curauit transferendum. Non vacat in praesens excurrere in laudes Mithridatis, qui potentissimus, amplius viginti gentium, rex cum esset, omnium tamen linguas tenuit, neque cum legatis earum vnquam per interpretem locutus est, ita vero calluit, vt eiusdem gentis, cui respondebat, crederetur. Hunc quia Cn. Pompeius deuicit, imperiumque summum ex oriente in occidentem transferre coepit, haud alienum a proposito nostro videbitur, si asseramus, non armis modo, ac potentia, verum sapientiae potissimum studiis, factum esse, vt imperium Romanae gentis, angustissimis initio terminis circumscriptum, in tantam excreceret amplitudinem, deuictisque aliis gentibus, quantumuis bellicosissimis, sed litterarum rudibus, per totum orbem terrarum sese diffunderet, atque tam augustum et venerabile, tam potens et formidabile, tam denique diuturnum et stabile redderetur: quamuis autem multis, atque ingentibus, conuersionum tempestatibus, aliquoties grauius afflictum fuerit, inconcussum tamen, ab annis amplius mille ac septingentis, ad nostra vsque tempora, perduraret. Neque vnquam, vel maiore in periculo versabatur, quam, dum omnis disciplina, vnum illud rerum publicarum stabilimentum, negligeretur, vel labefactatum melius vires resumebat, pristinaeque firmitati restituebatur, quam, dum litterae, vna cum salute publica, iacentes, sapientissimorum heroum industria, resuscitarentur, priscusque nitor musis, situ ac squalore obsitis, redderetur. Quodsi quis insigniores Imperii Romani mutationes, recogiter, quatuor earum maximas obseruabit; omnes autem illae, verum id esse, quod de studiorum, vel cultu, vel contemptu, diximus, comprobabunt. Prima earum fuit, cum, euersis ad orientem regnis, ad Romanos victores summum hoc decus transiret: altera,

cum summa imperii CONSTANTINVS M. potiretur: tertia incidit in tempora CAROLI illius, pariter MAGNI, qui, infractis barbararum in occidente gentium viribus, maiestatem hanc in terris summam, ad Germanos transtulit: vltimam tribuimus RVDOLPHO, auspiciatissimo illo hodiernae GENTIS AVSTRIAE propagatori, qui, ex CAROLI M. sanguine oriundus, post tot annorum interregnum, in summa reipublicae confusione, imperium, incertis sedibus vagum, velut postliminio recepit, pacataque Germania, dignitatem hanc Christiani Principatus, DOMVI HABSBURGICAE, meritorum gratia, conciliauit. Quenam vero istarum est vicissitudinum, quae non doceat, saluti, praesidio, ornametoque, reipublicae semper fuisse litterarum amorem, atque aestimationem; contraque dedecori, detrimento, atque exitio, illarum neglectum, et contemptionem? Quid enim mirum, Romam, omnium gentium fieri dominam, aut arma victricia, per vniuersum orbem terrarum, circumferre, dum imperio praestit C. IVLIVS CAESAR, Caesar ille ex utroque, gladio non magis, quam consilio, eruditionis, et eloquentiae laude, stylique nitore, praestans, qui, quae interdum armatus gerit, ea noctu, nitidissimo dicendi genere, litteris mandat, et excellentibus ingeniis mirifice, teste ipso Cicerone, delectatus, insignes doctrina viros, praesertim mathematicos, propositis praemiis, ex remotioribus populis, dum kalendarium emendare vellet, Romam euocat? aut, dum pacatio iam orbe, fasces tenet AVGVSTVS, qui in eloquentia, incredibili studio ac labore, a puero sese exercet, et munditiarum patris sui, IVLII sectator, cincinnorumque et calamistrorum Maecenatis, non osor tantum, verum etiam exagitator, incorruptae latinitati, etiam Imperator, operam dat, ingeniaque, seculi sui, praestantiora omnibus modis fouet, ac nullo genere hominum magis, quam litteratorum, delectatus, Maecenatem, Horatium, Virgilium, alios, assiduos comites, omniumque consiliorum conscios, et arbitros, habet? aut, dum Imperii habenas regit TITVS VESPASIANVS, quem Caesarum iucundissimum, at eloquentia simul, et eruditione sum-

summa, praeditum, scriptor ille historiae naturalis, quem supra laudauimus, nominat? aut denique, ut alios praetereamus, et cum his ipsum quoque NERONEM, qui alia prorsus mente, nescire litteras, optabat, taceamus, dum iura legesque tot populis dat TRAIANVS? qui, quem honorem dicendi magistris non defert? quam dignitatem sapientiae doctoribus non habet? Sub hoc enim studia spiritum et sanguinem, patriamque, recipiunt, quae priorum temporum immanitas, teste Plinio Iuniore, exilio punierat. Longum foret persequi laudes M. AVRELII ANTONINI, qui, ob excellentem litterarum, ac sapientiae abstrusioris, scientiam, quae vero magno illi adiumento, ad imperii felicitatem, est, Philosophi cognomentum adeptus, tanto discendi studio, flagrat, ut ad imperii dignitatem iam euectus, domum tamen Apollonii Chalcedonii, quo magistro usus fuerat adolescens, discendi causa, adire non erubescat, et, dum ingenium audius pascit, corpus emaciet; eidem vero Apollonio, Frontoni Cornelio, L. Volusio Metiano, Iulio Rustico, aliisque magistris, tantum honorem defert, ut imagines eorum, auro ornatas, in lathro habeat, sepulcraque aditu, hostiis, floribus, cohonestet. At simul, his decedentibus, studia negligentius tractari coeperunt, gloriam quoque imperii labasse, animaduenterunt sapientes, quae collapsa pristinum decus recuperare non ante posuit, quam ad gubernacula reipublicae, strenuus ille, non religionis christianae tantum, verum etiam scientiarum, scholarumque, contra contemptores assertor, CONSTANTINVS M. perueniret. Cuius vestigia secutus THEODOSIVS, sic de litteris sentiebat, sic persuasum habebat, ut, cum filios, Principes Iuuentutis, Arsenio formandos, erudiendosque, traderet, hortareturque ad diligentiam, sapienter et praeclare, praesente magistro, diceret, Satiis illis fore, ut, nisi discerent, priuati vitam agant, quam, doctrinae expertes, cum periculo imperent. Nec aliter sentit IVSTINIANVS, qui, duo esse censuit, quibus orbis nitatur, haec scilicet, ut a litteris adiuuentur arma, et ab armis litterae sustineantur. Quod postquam, consceleratissimus ille religionis christianae desertor, oppugnatorque,

Iulianus intelligeret, ad eam se fraudem vertit, ut scholas Christianorum claudi iuberet, sic arbitratus, non posse celerius rempublicam Christianorum cum doctrina deleri, quam, si officinae istae doctrinae, eruditionis, omnisque virtutis, intercipientur. Impio huic-turpissimi desertoris conarui defuit quidem, quem optabat, euentus, calamitatem tamen hanc rei litterariae, persequentis aetas sequior, cum barbarae gentes, aliae supra alias, a Septentrionibus in Imperium sese effundunt, et, eversis Christianorum scholis, sublata omni doctrinae liberalis cultione, in omnes occidentis provincias barbariam secum inuehunt. Nec potuit tantis tenebris lux prius affundi, quam, singulari DEI prouidentia, lumen illud, Germaniae non tantum, sed Europae totius fulgentissimum, CAROLVS MAGNVS, ad quem DOMVS HABSBURGICA natales suos legitime refert, fausti Imperator et nominis, et ominis, ad capeffenda gubernacula destinatus, exitiosam hanc temporum obscuritatem, ortu suo dissiparet, atque, collapsis imperii rebus, et fere ad incitas reductis, pristinum statum et dignitatem; prouinciis, Gothorum, Longobardorum, Hannonum, Saracenorum, aliarumque gentium, feritati seruiantibus, libertatem; populis finitimis, metu eiusdem, sensuque seruitutis, oppressis, securitatem; musis, velut in exilium, temporum iniquitate, actis, patriam, et quietem; armorum ne vi, an litterarum adiumento magis, dubium est, conciliaret. Magna fuit CAROLI, fateor, tot gentium domitoris, potentia, sed neque minor vel eruditio, vel rei litterariae cura. Aureum vere seculum, vereque CAROLINVM, id est, faustum, felix, et fortunatum! quo, tantae Princeps celebritatis, Rex Franco-Gallorum primum, mox Caesar, solemni ritu inauguratus, imperat, qui et ipse, incredibili studio, colit litteras, et, ad elegantiam, admirationemque omnium, doctus, poemata, ipsamque Grammaticen scribit, res singularum gentium literis mandari iubet, ac Latino non solum ore, sed etiam Graeco, elegantius, quam, temporis illius, Rhetores, Dialectici, Sacerdotes, Praesules, alii, loquitur: qui, magno reipublicae christianae commodo, et posteritatis emolumento, tot episcopatus, tot academias, tot coenobia, ac religiosorum, litteratorumque viro-

virorum, domicilia, in Gallia, Italia, Germanique, excitat, publice docentibus stipendia liberaliter constituit, scholas ipse ingreditur, profectus explorat, magistrorum iuxta, ac discipulorum, animos ad studium alacritatemque accendit, segniores coarguit, comminationibusque vrget, diligentiores collaudat, muneribus, ac pollicitationibus, velut calcaribus quibusdam, ad persequendum cursum, concitat: qui, tot gentibus aliis, ad Christi fidem adductis, in Hungariam quoque nostram, Scythicae adhuc immanitatis tenebris immersam, lucem aliquam coelestis veritatis infert. Fuitque haec, fuit propria tandem et perpetua CAROLINAE GENTIS gloria, vt imperii decus, non armis modo, verum etiam optimarum scientiarum studiis tueretur: si modo illis curae cordique fuissent simul studia humanitatis, qui, se musarum doctores, profitebantur. At horum, siue incuria et oscitantia, siue vana eruditionis persuasione, siue denique otio, mollitie, ac luxu, accidit, vt hi ipsi, titulis quidem insolentioribus inflati, nimiaque Aristotelis admiratione, aut falsa potius, et per Arabes corrupta, interpretatione, decepti, nubem pro Iunone amplecterentur, pro liberalique, ac solidiore doctrina, non nisi nugas arriperent, inanesque ac spinosas subtilitates, sub honorifico philosophiae, septemque artium, titulo, imperitae multitudini, nouarum rerum studiosae, neque aera lupinis discernenti, venditarent, donec tandem exulum Graeciae, atque Italorum opera, industriaque, meliores litterae per occidentem renascerentur. Magno enim orbis huius Christiani, qui, vt a Graeco discerneretur, Latinus dici consuevit, commodo, factum est, vt, sub idem fere tempus, quo beatus ille, ac secundus, AVSTRIAE DOMVS Pater, RVDOLPHVS, partem hanc orbis regundam auspicio suscepit, mansuetiores musae, imperio orientis christiano labante, barbaram Turcorum tyrannidem, seruitutemque, velut meruentes, antiquissimas Graeciae sedes relinquerent, perfugiumque, ac patrocinium, in Latinorum imperio, quaerentes, in Italiam primum per maria, mox per Alpes, non modo in Galliam, Germaniamque, verum etiam Pannonias, transuolarent, liberaliusque acceptae, ac munifica prorsus Principum, HAB-

BVRGICAE originis, benignitate refotae, illam, toties cordatoribus viris, tam sero sese recreari condolentibus, exoptatam, temporum emendationem adferrent. Videris, Auditores, studiis bonarum artium florentissimi, non melius quemquam Principum, vlllo tempore imperasse, quam litteratum, nec steterisse vnquam imperia firmitus, quam, dum honos suus, pretiumque, litterarum studiis haberetur.

Ecquis iam mirabitur, AVGVSTAM AVSTRIAE DOMVM, tamdiu saluam incolumemque floruisse, nosque omnes, praesidio aquilae, terrarum dominae, tutos saluosque, inter tot discrimina perstitisse? Ex quo enim haec ad clauum reipublicae sedere coepit, profligata est sensim barbaria, res litteraria nouo patrocinio recreata, nouisque, progressu temporis, augmentis, ornata, et cumulata. Nescio autem, quid prius, quidue potius, in his AVSTRIAE laudibus, memoremus: studiumne illud scientiarum pulcherrimarum, in quod non ipsi tantum, sanguinis huius heroici, vereque diuini, Principes, maximo reipublicae bono, assidue incubuerunt, verum etiam, pro sua, tum sapientia, tum beneficentia, Viros, eruditionis eximiae, laute fouerunt? an amplissimam illam, splendidissimamque bibliothecam, quam, quanto Vindobonae ornamento, tanto orbis litterati emolumento, incredibili cura, sumptuque vere Augustali, collegerunt? an denique scholarum, societatumque celebritatem, quas, antiquo more, passim constituerunt, exornarunt, conseruarunt? Nullum enim e tanto Principum numero reperiēs, qui non prolixius amasset, non impensius coluisset litteras, tanto quidem studio, vt, vnde alii, vel principes, vel priuati etiam homines, molestiam ac taedium capiunt, illi maximam inde voluptatem perciperent. Idem hi omnes sentiebant, quod de VLADISLAO I. Rege Hungariae, memoriae prodidit Aeneas Siluius, cui, ne homines quidem, nedum Principes, esse videbantur, qui litteras ignorarent. Idem quod SIGISMVNDVS Imperator, cui, etsi aliquid in concilio, Constantiae celebrato, accidit, quod Prisciano stomachum mouere potuisset, saepius tamen fassus est, neminem sine litteris recte imperare posse. Huius rei indicio

dicio fit nobis insigne illud, velut gentilitium, quo plerique PRINCIPVM AVSTRIAE olim utebantur. Liber his fuit, praeter alia domestica insignia, in deliciis, quo indicarent, non aliunde, quam ex libris, hauriendam esse omnem, diuinam, ac humanam, sapientiam, ad bene feliciterque, non viuendum modo, sed etiam, in pace, ac bello, imperandum. Apertum autem sibi depingi voluerunt, non clausum, recte existimantes, haud sufficere, vt libri, splendoris, ostentationisque gratia, comparentur, aut tineas, non mentes hominum, pascant, sed legantur simul, atque in vsus priuatos, publicosque, conuertantur. Nonnulli, vt palam testarum facerent, artis quoque militaris scientiam, armorumque felicitatem, ex librorum lectione peti, signa etiam militaria, exemplo Alphonfi, hac gentis suae tessera distinguere, non dubitarunt. Ridebant hoc sine dubio, indocti doctrinae liberalis contemptores, qui otia litteraria, quibus vero nihil vel iucundius, vel vtilius, praestabiliusque esse potest, indigna viris Principibus arbitrati, in aucupiis tantummodo, aut venationibus, in conuiujs, aut lusionibus, in arte saltandi, equitandi, iaculandi, digladiandi, aut aliis corporis exercitationibus, alias, si moderate, ac suo tempore, instituantur, nec indignis Principe, nec vtilitate sua carentibus, omne tempus collocandum, stauiebant, haud memores, quid DEVS ipse, duci populi sui, Iosuae, omnibusque eius successoribus, seuerè praeceperit, cum demandaret, vt codicem diuinorum oraculorum nunquam ex manibus deponant. Qui, quam turpiter ludibrio apud cordatiores se exponant, suo id exemplo, testatur Rex Franco-Gallorum, Carolus VIII, quem, sicut puerum pater, Ludonicus XI, falsa inductus persuasione, dedita opera, nulla impertiendum doctrina liberali voluit, ita, praeter haec quinque verba: Qui nescit dissimulare, nescit imperare; ex Latino sermone didicerat nihil. O factum! o verbum, tanto parente, tantoque filio, indignum! Quanto pulchrior, et sacro diademati conuenientior, vox illa, id CAROLVM nepotem, MAXIMILIANI I apud Ionium: Turpe Principibus, nescire litteras! aut Aeneae Silij, postea summi Pontificis, nomine Pii, qui litteras in ple-

beis, argento, in nobilibus, auro, in Principibus, gemmis pretiosiores, iudicauit. Eadem hac mente, plane diuina, praediti AVSTRIAE CAESARES, nihil exempla indoctorum, nihil obrectationes, litteras despicientium, morabantur. FRIDERICVS enim IV, quem Tertium alii nominant, tantum abest, vt librum eundem fastidiret, vt potius, plena sapientiae, ac maiestatis, AVSTRIAE que conuenientissima, inscriptione hac ornaret: LIBER REGIT, GLADIUS DEFENDIT, eandemque, tanquam vnicam vitae, actionumque suarum omnium, priuatim publice, suscipiendarum, normam, in ore familiariter crebro haberet. Libro tamen Princeps, tam cordatus, in mensa posito, appingi voluit brachium, quod gladium strictum, erectumque, cuius capulus niteretur volumine, teneret: vt palam constaret spectatoribus, quid liber sibi, quidue gladius, velit. Id scilicet significare voluit, tali pictura, Imperator sapientissimus, frustre esse foris arma, nisi domi consilio regantur; ex librisque petendam esse omnem prudentiam, quae Principis et sanctitatem in pace, et fortitudinem in armis, regat, condecoret, tueatur. Vt vero huius imaginis neque posteros FRIDERICI vquam pertaesum est, ita libris, veris illis, editisque in lucem, virorum doctorum monumentis, dedita sapientiae studiis, AVSTRIA, continenter sese oblectabat, suosque iuuentutis Principes, imperio natos, a teneris, vt aiunt, vnguiculis, in omni scientiarum genere, maiore prudentia, ac ille Gallorum Rex, idoneis erudiendos magistris tradebat. Pulchrum hic foret, praecipuos iuuentutis AVSTRIAE Principum magistros referre, quorum disciplina, ad omnem formati cultum, humanitatemque, pro indolis diuinae praestantia, egregie profecerunt. Neque nullum operae huius pretium fieret. Ex hac enim paterna, Augustae sobolis educandae, prudentia, quisque, magistrum rerum omnium optimam, AVSTRIAE sapientiam peruideret, alii vero discerent, qua cura, qua prudentia, sit opus, vel in magistris deligendis, vel in liberis recte instituendis. Sed a proposito hoc rerum momenti maioris, quae ad dicendum restant, multitudo nos auocat. Mittamus itaque Hadrianum

Floren-

Florentinum, cum aliis meritis, tum praecipue fideli CAROLI V institutione, clarum, remuneratione autem adeo felicem, ut, praeter alia fidei, ac laboris, praemia, summam quoque Romani Pontificatus dignitatem reportaret & praetereamus Fratris eius, FERDINANDI I, magistros, Ludouicum Viuem, ac Desiderium Erasmmum; quanta inter litteratos seculi illius lumina! fileamus de Augerio Busbequio, felicissima MATTHIAE, quem nos Pannonii secundum dicimus, institutione, et nitida, accurataque, quibus functus est, legationum, Constantinopolitanae, atque Amasiana, descriptione, illustrem: nihil moremur in Henrico Philippo Belga, quo magistro, formatum a puero, omnique scientiarum, quae Principi conueniunt, genere, percultum fuisse, accepimus FERDINANDVM III. Vnum hac in parte infelicem, qui tamen, ingenii felicitate, suoque Marte, talem florentis aetatis iacturam feliciter refarsit, fuisse MAXIMILIANVM I. tradit Cuspinianus. Optimae enim hic indolis adolescens, inciderat in Petri cuiusdam, pistrino dignioris, ineptam disciplinam, de qua ille, prouecta aetate, saepius grauitur, iure ac merito, questus est. Romanorum iam Rex factus, quoties illiberalis illius, quam subierat, disciplinae recordaretur, multis querelam hanc audientibus, non sine stomacho, Si inquit, hodie Petrus, Praeceptor meus, viueret, quanquam multa praeceptoribus debeamus, efficerem, ut eum instituisse me poeniteret. Eccur ita? Sicne gratia magistris habenda, quae nunquam pari mensura refertur? Scilicet rudis ille, ac plagosus Orbilius, cum, excelsae Principem indolis, liberalibus imbuere leuisset artibus, quas vero ipse nunquam vel a limine salutarat, atque, ad comparandam rei publicae regundae prudentiam, ducere, tricas Dialecticorum, apinasque, et si quid istis vilis, puero, ad solidiora, magisque seria; nato, studia, ea feritate inculcabat, ut, cum, diuiniore discipulus animi, ab his ugis alienus, non statim sophismata caperet, saepius hunc trociter verberaret, ipse magis verberandus. Qua re fiebat, et ingenium, in se come, tractabile, aptumque satis ad discendum, litteras odio magis haberet, quam diligeret. Habent

hic, quod discant, et parentes, quorum est, idoneis ad docendum viris, erudiendos tradere liberos; et praeceptores, ne talia, quibus pretiosum florentis aetatis tempus perditur, et, quae dediscere multo labore oportet, iuuentuti tradant; et discipuli, delicatiores illi praesertim, atque disciplinae domesticae vitio corruptiores, qui in scholis nihil aliud, quam mellitos verborum globulos, et omnia dicta, factaque, quasi papauere, et sesamo sparsa, licet male se gerant, nihilque discant, sibi pollicentur. Vix Petrus iste, Noua tandem Ciuitatis, Sempronio finitimae, antistes, legerat, quae Xenophon, aut Plutarchus, alique, de liberis Principum educandis, recte praecipunt; nondum viderat librum illum, mole quidem exiguum, at, siue auctoris famam, siue materiae, quam pertractat, dignitatem, siue tradendi rationem, quae nervosa est, intuearis, vere aureum, et vastissimis multorum voluminibus anteponendum, quem, post MAXIMILIANI demum tempora, FERDINANDVS III, Fraterque eius, LEOPOLDVS VILHELMVS, quo rariore, hoc magis omnibus eruditis admirando, Principibus autem imitando, exemplo, composuerunt, **Principemque in compendio** inscripserunt. Qui, vt omnia accurate tradit, quibus studiis impertienda sit praetextata Augustorum Principum aetas, quibus illa artibus, ad comparandam bene imperandi facultatem, ducenda, quibusue decoribus, summos rerum publicarum gubernatores enitere oporteat: ita dignus videbatur Petro Lambecio, quem absolutissimum sapientiae hegemonicae enchiridion nominaret. Ex quo intelligere est, Augustos Iuuentutis AVSTRIAE Principes, sic incubuisse in doctrinae studia, vt, semper gentilitiae illius tesseræ memores, **LIBER REGIT**, libris non modo legendis, florente aetate, vacarent, sed etiam, imperio admoti, si quid otii a curis, quas sibi salus publica vindicabat, nanciscerentur, illud, non gloriosam captantes, quam semidocti plerumque, ac nugiuenduli, improbarum saepe mercium, ad scombros tandem, aut in thuris piperisque cuncullos abeuntium, foetuumque ingenii monstroforum, ostentatores, aucupantur, sed seria, dum liceret, negotia, animi, a curis recreandi, gratia, his interuallis litterariis, pul-

pulcherrime dispungentes, scribendis etiam, summa cum voluptate, impenderent. Fecit hoc, ante FERDINANDUM III. praeter alios, MAXIMILIANVS I, qui, non tam doctus, quam factus, nec tam institutus, quam imbutus, litteris, cum parum Orbilius illius disciplina profecisset, aurei temporis iacturant, assidua librorum lectione, suapte sponte, ad hoc studium accensus, sua adiutus solertia, refarciendum iudicauit, delectatus summopere, cum aliis historiarum monimentis, tum in primis, primi Romanorum Imperatoris, C. IVLII CAESARIS, quibus ille rerum, ab se gestarum, memoriam complexus est, commentariis, eo quidem iudicio, vt, vbi animaduerneret, Iulium, gloriae cupiditate abreptum, magnificentius de se, quam verius, scripsisse, loca talia, fidem excedere visa, aut virgula censoria, ceraque miniatula, notarit, aut ad marginem manu docta scripserit: Fides sit penes auctorem. Cuius laboris cum respublica, civilis, et litteraria, fructum percepit, vt, exemplo Alexandri M. Homericum Achillem, in dictis, factisque, exprimere volentis, CAESAR quoque totum se, ad CAESARIS imitationem, domi, militiaeque, componeret, atque non tantum artibus illis, quas inter legendum obseruabat, in proeliis vteretur, verum etiam, exemplo tam praeclaro, excitatus, Iulianos Commentarios, terfo nitidoque dicendi genere, de rebus, sua memoria, gestis, commentatus, pulchro, felicique successu, imitaretur, multaue alia ingenii, ac doctrinae monimenta, quae inter Vindobonensis Bibliothecae scrinia, thesauri loco, adseruantur, post se relinqueret. Loquatur ergo, pro MAXIMILIANI eruditione, meo loco, Poëma illud Germanicum, animi caussa, confectum, vbi, fictis Inuidiae et Curiositatis personis, varia, quae ipse subiit, pericula enarrat, formis aliquando, Augustae Noricorum, membranae impressum: aut Porta honoris, opus, vario virtutum genere, picturisque elegantioribus, exornatum: aut denique, vt alia scripta praetereamus, Rex sapiens, quo vitam, resque gestas, tum suas, tum Patris, prosa oratione Germanica, complexus est, ea arte, vt, nisi clauem habeas, quid sit, vel Lagutrop, vel Neschuet, et quae sunt alia, quibus CAESAR lusit,

lufit, intelligere vix poffis. Nec tantum leuioribus ftudiis, acutis tamen, flagrabat, verum etiam, quid theologi, quid iuris- confulti, quid medici, quid philofophi, doceant, infatiabili ftudio perueftigabat. Quoties illum, dum publica id patiebantur negotia, lux noctu aliquid legere ingreffum, quoties nox oppreffit, cum mane coepiffet! quam multum, quam familiariter, fuo Cufpiniano, aliisque viris litteratis, vfuſ eſt! quam gaudebat doctis aliorum ſermonibus! quoties ad menſam, et pocula, minuta illa ac rorantia, cum litteratis viris colloquia, in multam noctem, diſcendi cupidus, protrahebat! quanta in eo fuit notitia antiquitatis! quae rerum naturalium ſcientia! quis ardor in perueſtigandis ſiderum motibus, ſolisque ac lunae defectionibus! quae memoria rerum non domesticarum ſolum, ſed etiam externarum! quod denique ſtudium, quae peritia, in rebus religionis! Recte cordatiores, de tam litterato Principe, litterarumque non tam patrono, quam parente, euenru minime dubio, diuinabant, aut hunc fore, cuius praefidio muſae, per Germaniam renaſcentes, feliciter ſuccreſcant, aut, hoc exſtincto, alium fore neminem. Ne vero virtus haec in poſteris intercideret, mature, ſoliciteque prouidit, cumque PHILIPPO filio, qui viuum paternae ſapientiae exemplum fuerat, ſe ante tempus orbatum, videret, Nepotibus, ex illo natis, auiti ſeueritate exempli, auctor exſtitit, vt in liberalium artium ſcientia nihilo eſſent ſegnioreſ. Quod Auguſtum Fratrum par, ad aemulationem auitae virtutis, ac gloriae, exardeſcens, nihil prius potiusque habuit, quam, acceptam a maioribus, laudem, cum aliis Imperatoriis decoribus, tum litterarum amore, tueri. CAROLVS quidem, armorum potius, quam litterarum, ſtudiis puer capiebatur, conſtantem tamen eius aetatem, ſicut toties neglectae diſciplinæ, quoties Hadriani ſui recordabatur, poenituit, ita cupiditas tanto ardentior ſubiit, ex libris ea diſcendi, quorum cognitio perſonae Principis eſt conuenientiſſima. Legit, indefeſſo ſtudio, ex Graecis Thucydidem, ex Latinis, Aui exemplo, Iulium, ex quibus cum multa reipublicae ſalutaria hauſiſſet, Thracicos quoque Orientis tyrannos, Solymannum, ac Selymum, ad ſtudium, Iulianos

Com-

Commentarios legendi, atque in Arabicam linguam transferendi, vt hinc artes bellicas et ipsi discerent, prouocauit. Per eadem MAXIMILIANI vestigia incessit, alter Nepotum, FERDINANDVS I, Rex primum, post Imperator, artium non minus, quam armorum, gloria excellentissimus, quem, in tanto fastigio positum, tanta negotiorum mole implicitum, tam difficilia bella; pro Hungariae praesertim salute, aduersus Ioannem Regni aemulum, gerentem, nulla vnquam studiorum satietas cepit: tesserae autem Maiorum adeo non puduit, vt, inter certamina litteratorum, quibus theologi maxime inter se, de veritate diuina, dimicabant, ipse librum, qui controuersias omnes optime dirimat, ceteris insignibus suis adpingi voluerit, memor moniti illius sapientissimi, ex ore aui accepti: Turpe Principibus, nescire litteras. Fuit et MAXIMILIANO II satis negotiorum cum Solymano, eiusque cliente, Ioanne Sigismundo, Daciae Principe: nihilominus tamen, vt religionis incorruptae, ita doctrinae liberalis amore, paucos in Europa inter aequales habuit pares, superiorem neminem: libris vero et ipse tantum tribuit, vt libro, non gladio, argumentis, non tormentis, bella DOMINI optime geri, sapientissime iudicaret. Esto, iacuisse postea, in multorum Principum aulis, studia litterarum, aut prorsus exulasse. Esto, haud iniustam fuisse querelam Mauritiū, Hassorum Landgrauii, quam Albo eruditi cuiusdam viri, Ratisbonae, anno, supra millesimum et sexcentesium, sexto, ad diem XIV Kalendas Sextiles, sua manu inscripsit, atque, ne interiret, gymnasii nostri Rector, Schwanshofferus, natalibus Ratisbonensis, conseruauit, vbi aularum Germaniae omnium haec fuisse studia queritur:

Aut lasciua Venus, viridi aut cum veste Diana,

Ebrius aut Bacchus, Germanus possidet aulas:

Exulat hinc Phoebus, sapiens hinc exulat Hermes,

Exilium doctis ibi perpetuumque Camenis.

Grauis profecto querela. Enim vero de Augusta RVDOLPHI, tum imperantis, aula, in quem omnium Maiorum decora, tanquam in natiuam suam ac hereditariam sedem, tacita quadam

quadam naturae conspiratione, confluxerant, mitius nos iudicare iubet veritas. Non enim Veneri, non Dianae, non Baccho, aut etiam Vacunae, litasse RVDOLPHVM, RVDOLPHINAE, praeter alia scientiarum documenta, testantur tabulae, quas, in CAESARIS, doctrinarum amantissimi, in arte pingendi peritissimi, Aula, diu versati, Tycho de Brahe, et Ioannes Keplerus, Mathematici illius memoriae celebratissimi, confecerunt. Quae cum centum annos, inter scrinia Vindobonensia, laterent, nostra demum memoria, auspiciis ac munificentia, studio Mathematicarum disciplinarum laudatissimi, CAROLI SEXTI, formis expressae, magno orbis litterati gaudio, commodoque, ex tam diuturna obscuritate, in lucem publicam prodierunt. Neque adulationis, sed veritatis, vox illa fuit Reineri Reineccii, scriptoris illorum temporum grauissimi, quando, eundem affatus RVDOLPHVM, sic de Augusta Vindobonae AVLA pronunciat: Decus hoc praepotenti AVSTRIACAE DOMVI pene gentilitium esse coepisse, ut Hercules musarum in ea recognoscamus. Idem sentit, idem suo, et exemplo, et testimonio, confirmat, multis, in lucem editis, ingenii monumentis, domesticus rerum Hungaricarum scriptor, aetate illa percelebris, ac de re litteraria praeclare meritis, Ioannes Sambucus, qui non tantum, in FERDINANDI I. obitum, Panegyricum scripsit, verum etiam tum MAXIMILIANI, tum RVDOLPHI, a cura valetudinis, a consiliis, et a scribendis historiis fuit. Tirnauiensis huic, atque illi Steinhemiensi, adiungerem Iustum Lipsium, diu in Aula Vindobonensi commoratum, si scirem, posse aliquid lucis soli meridiano facibus adfundi, aut, ad retundendam Mauritii querelam, vllis vindiciis esse opus. Longum quoque foret conquirere ea, quae, ad laudes FERDINANDORVM faciunt. De SECVNDO tamen, ne nihil dixisse videamur, accipite ex multis vnum, ex quo facile iudicare potestis, quibus ille studiis tempus, a curis Imperii, bellicque Bohemici, vacuum, impenderit. Legebat is, praeter alios scriptores, et sacrum codicem, ea vero mentis religione, ut, siue quid laudabile occurrebat in exemplis, siue reprehensione dignum,

gnum, id ad suam vtilitatem conuerteret. Accidit aliquando, forte fortuna, vt, sacram Regum populi Iudaici historiam legenti, interueniret sacerdos, qui, cum a sacris confessionibus esset, tantum abest, vt improbaret factum, vt potius sciscitaretur, quid obseruatu dignum animaduernerit. Is vero, se mirari, respondit, tam paucos, ex tanto Regum numero, diuinis affici laudibus, tamque multos, tam grauibus contaminatos fuisse vitiis. Quid ad haec theologus? Suae is memor personae, Quin ex illis etiam ipsis, qui laudantur, aiebat, non paucos, rebus secundis elatos, concidisse, quo discant alii, quid in arrogantia principibus sit periculi, quibus semper plus in portu, quam in alto, salua naui, quam fracta, sit timendum. Hoc erat, sacram, vt CHRISTVS praecipit, scripturam scrutari. De Principe in compendio, eiusque auctore FERDINANDO III, cum supra dictum sit, actum agere nolo. Quo autem animo DIVS ille, et ab rerum, bello, togaque, gestarum, magnitudine, vere MAGNVS, LEOPOLDVS erga litteras fuerit, quam studiose, lauteque, rem litterariam curauerit, Petrum Lambecium, bibliothecae Augustae praefectura, eruditioneque, clarum, audiamus, qui prologo ad opus, ab se editum, CAESAREM affatus, ad hunc modum, Effecisti, inquit, profecto hac ratione, (intelligit vero curam rei librariae, litterariaeque) vt, quod Iuuenalis olim de imperatore Domitiano, amorem litterarum, in principio imperii, simulante, falso gloriatus est, id nunc verissime de te dici possit.

Et spes, et ratio studiorum in Caesare tantum:

Solus enim tristes, hac tempestate, Camenas

Respicias.

ta, quod fata orbi litterato eripuerunt in FERDINANDO V, trium iam gentium Regi, rite inaugurato, illud in Fratre ius LEOPOLDO, XLVII. annorum Caesare, cumulate, maiorque foenore, reddiderunt. Nec sine causa, litterarum hic estimator munificentissimus in opere Lambeciano, sic acri insus est, vt, sedens in folio, librum, Maiorum instituto, ante
oculos

oculos apertum habeat, cum veteri hac, sapientiae plena, inscriptione: **MEDICINA MENTIS**. Nihil tamen imaginibus, nihil testimoniis, opus est, ubi res ipsa pro se loquitur, propriamque hanc **DOMVI AVSTRIAE** gloriam, tot, tamque praeclaris, documentis demonstrat. Neque **AVGVSTVM** par Fratrum, **IOSEPHVS** et **CAROLVS**, vllis egent testibus, quibus, ab incunte aetate, nihil prius fuit cultu litterarum, quo ea sibi mature pararent studia, quibus tanti fastigii decus tuerentur, reuocantes sibi ad memoriam imaginem illam Maiorum, libro, gladioque insignem, et, quid vterque in republica, bene regunda, valeat, suo exemplo, confirmantes. Et **IOSEPHO** quidem, disciplina Rumelii, qui summam postea Pontificatus Vindobonensis dignitatem ornauit, ad omnem virtutem, morumque facilitatem, instituto, nihil aliud ad gloriam defuit, quam longior vitae, imperiique diuturnitas. **CAROLVS** tenui quidem fuit, cuius vero imperio nihil vnquam firmitus, valetudine adolescens, quam ille moderatae vitae ratione, solatio orbi terrarum, correxerit. At, quemadmodum diuina eius indoles, in prima statim aetate, coelestibus igniculis eluxit: ita, optima fide, optatoque successu, institutus, summam spem de se non modo concitauit, verum etiam continuo adolescens, sapientia incredibili, superare coepit. Audiamus vnum rei huius testem, non ad sensum tantum, sed omni cultu ac veneratione, maxime dignum, **LEOPOLDVM**, qui, postquam **CAROLVM**, sibi carissimum, nondum viginti annos natum, in Hispanias, mortuo **CAROLO II** iure omni, diuino, humanoque, **AVSTRIAE** proprias, non sine lacrymis, quas paternae caritatis teneritas prolicuit, nec sine obrestatione, per sempiternam Maiorum gloriam, ad persequendum coeptae laudis cursum, cohortatus, dimisisset, multas ad eum, manu sua, latino sermone, stylo nitidiore, exaratus, dedit epistolas, e quibus elucet, non tantum, quam Latine doctus, quamue sapiens, Pater fuerit, sed etiam, quibus, **CAROLVS**, declaratus, iure paterno, in se solemniter translato, Hispaniarum Rex, ea iam aetate, excellerit virtutibus. Collaudat enim vna harum, in legitimo hoc

Regno-

Regnorum, per vniuersum terrarum orbem, sparsim positorum, herede, et pietatem, qua DEVM coluit, et obsequium, quod Patri semper praestitit, et inusitatam animi moderationem, qua corporis infirmitatem, itinerum molestias, expeditionis pericula, et alia sexcenta incommoda, aequissimo animo pertulit. En tripartitam illam omnium, quae DEO, quae aliis, quae nobis ipsis, debemus, officiorum praedicationem! en maturam in adolescente auitae, paternaeque, gloriae aemulationem! en, quam cum Augusto Patre optimus quisque, de CAROLINI seculi felicitate, augurio haud vano concipiebat, spem atque expectationem! Credo ego, vos, Auditores, laudum Nominis CAROLINI cupidissimi, accendi desiderio, ipsa epistolae LEOPOLDINAE verba audiendi. Versari quidem ea dudum coepit in manibus non solum, verum etiam scriptis eruditorum, cum tamen sit brevis, ac neruosa, ad verbum recitabo. Chare, inquit, *) CAROLE, a Praefecto tuo, Principe Lichtenstein, libenter sane intelligo, te, pro statu tui morbi, sat bene valere, et in omnibus PATIENTEM, et OBEDIENTEM esse, quod multum iuuabit, vt, hoc morbo superato, molestias, quas nunc patienter persers, variis recreationibus recompensare possis. Maiori vero solatio mihi erat, ab eodem percipere, quod, in elapsa nocte sacra NATIVITATIS DOMINI, tuam confessionem et communionem tam DEVOTE, peregeris. Quod sane in me maximam spem excitat, te ab hoc, molesto sane, morbo breui liberatum iri, et vera postea fruiturum valetudine: quod tibi a recens nato IESVLO, cui te totum commendo, affectu paterno cordicitus apprecor. Haec LEOPOLDVS ad CAROLVM. Luculentius, credo, testimonium haud expectabitis, Auditores, de summis CAROLINAE indolis laudibus persuasissimi, quo dictis faciamus fidem, sapientiae igniculos, AVSTRIO genere dignae, iam tum ex CAROLO emicuisse, cum ex Austria per Germaniam ad Batauos, hinc ad Britannos, illinc ad Lusitanos, isthinc ad Iberos, ad vindican-

C

da

*) Berger l. c. p. 33.

da sibi, paterno iure, Hispaniarum regna, ex sinu complexuque Patris dimissus, expeditionem, ad Herculis columnas, terra marique, periculis ac laboribus, plus quam Herculeis, haud carentem, adolescens suscepisset. Etsi autem infirma esset valetudine, bellum vero, contra Domum Burboniam, acerrime persequeretur, vrbes oppugnaret, proeliis ipse compluribus interesset, grauem Barcinone obsidionem sustineret: inter hos tamen armorum strepitus, curasque rei gerendae, animum a studiis litterarum nequaquam abstraxit, verum in castris etiam, imitatione Maiorum, musis deditus, exemplo suo, Apollini cum Marte non male conuenire, demonstrauit. Sic enim iura sua persecutus est, vt libro omnia negotia prudenter regeret, feliciter defenderet gladio. Viderunt sine dubio vestrum complures, legeruntque, Vindobonae inscriptionem illam, CAROLINAE sapientiae indicem, omnique posteritati memorabilem, quae in Numophylacii CAROLINI, ex Hispaniis in Austriam reuecti, foribus prostat, ac testatur, quae CAROLI, liberali disciplina sic, vt melius non posset, instituti, vel ante, quam praetextam posuisset, vel post, quam virilem togam sumisset, domi forisque studia, quae oblectamenta, fuerint. Docet enim, hunc rei numariae veterum, qui se tum copia, tum rarioris exempli numis commendat, thesaurum, vt illic legere est*): Primum CAROLI, Principis Iuuentutis institutioni, deinde inter armorum strepitus, in ipsa expeditione Iberica, Regis, Victoris, recreandae menti inseruuisse, vt Gades remotae in hoc altero Carolo V ipsum Herculem, non modo Gaditanum, sed etiam Musagetem agnoscerent. Huc oculos mentis intentos habuisse videtur, cum nuper admodum, pro muneris sui dignitate, Augustum fanus Augustalibus cohonestaret inscriptionibus, excellentissimus Augustae Aulac Orator, Poëtaque laureatus, Ioannes Carolus a Nevvenstein, qui, in sua Apotheosi, CAROLI, immortalitati iam consecrati, praetextatam aetatem vix ante praeceptis, quam exemplis, et laureatam iuuentutem regnatrices artes, non in ludo, sed sub su-

do;

*) Iō. Guil. de Berger Panegy. p. 122.

do; imperatorias vero, in ipsa expeditione Iberica, per exercitamenta magnarum virtutum, edoctam, esse scribit. Hinc illa in CAROLO, domum, ad capeffenda Paterni, Fraternique, imperii gubernacula, reuocato, pulcherrima rerum omnium, Persona Augusta dignarum, notitia: hinc perfecta linguarum omnium, EVROPAE familiarium, peritia: hinc proluxa et benefica erga litteratas voluntas: hinc reipublicae in bello, togaque, bene regundae facultos: hinc mirifica illa animi aequitas et moderatio: hinc tacita illa quaedam omnium decorum, quibus enituerunt Maiores, in vnum CAROLVM conspiratio, mutuaeque virtutum, quae fulgeat magis, aut plus gratiae, commendationisque, adferat, concertatio: hinc, in dirimendis, quae obscuritate sua perplexae inexplicabilesque videbantur, litibus, veri perspicientia solertiaque: hinc, in deligendis bellorum ducibus, in administrandis prouinciis, in foederibus ineundis, in fide seruanda, in bellis fuscipiendis, gerendis, componendisque, in omnibus denique negotiis, et destinationibus, ad optatum finem dirigendis, prudentia: hinc illa vitae morumque integritas: hinc in rebus non modo, quae ante pedes sunt, peruidendis, sed etiam, quae longe post eueniebant, animo prospiciendis, sagacitas: hinc denique illa, rari admodum exempli, sapientia, felicitas, et gloria, vt in senatu, consilioque, semper haberet viros, et prudentia illustres, et fide, integritateque praeclaros, et iuris diuini, humanique, studio excellentes. Tanti refert, quibus quis nascatur parentibus, quos magistros habeat, quibusue moribus, atque artibus, a puero imbuatur. Eadem AVLAЕ CAROLINAE debetur laus, quam MAXIMILIANO II Iustus Lipsius, aut CAROLO V Nicolaus Schombergius, sedis Romanae Purpuratus, attribuit. Is enim, de Vindobonensi Aula, palam praedicabat; plures vnam hanc eruditos habuisse, quam tota regna aliorum. Hic autem, quaesitus Romae, quid tribus in Regnis, quae adierat legatus, memoratu dignum, obseruarit, breuiter, apposireque respondit, se in Galliis regnum pulchrum, in Britannia pulchrum Regem, in Hispaniis autem sapiens consilium reperisse. Nec difficile fuit CAROLO tales in

Imperii, Regnorum, prouinciarum, ipsiusque Augustae Aulæ senatum, cooptare viros, iustitiaeque constituere sacerdotes, cum, florentibus vbique, CAROLINO seculo, litteris, in tanta prudentissimorum virorum adfluentia, non nisi excellentiorum opus fuerit, ingeniorum delectu. Sicut enim omnes, qui litteras recte didicerunt, literatosque in pretio habent, cum nullo hominum genere libentius, quam cum doctis, versantur: ita Hercules iste seculi nostri Musagetes, ingeniis praestantioribus mirifice delectatus, infra suam maiestatem non existimabat, viros, quantumuis fortuna, natalibusque humillimos, ingenio tamen, et rerum multarum cognitione, supra vulgus positos, in Aulam suam, famam CAESARIS, sapientia soli DEO secundi, excitos, admittere, aut etiam arcessere, lautioribus fouere stipendiis, in maximisque deliciis habere, ut Aula Vindobonensis, tanquam quoddam sapientiae sacrarium, et theologorum, et iurisconsultorum, et medicorum, et philosophorum praestantissimorum copia semper abundaret, neque vnquam illi deessent, vel oratores, qui cum Tullio, vel poëtae, qui cum Marone, vel mathematici, qui cum Euclide, vel architecti, qui cum Archimede, vel statuarii, qui cum Phidia, vel pictores, qui cum Apelle, artis suae excellentia, certarent. Quotquot peregre adueniebant exteri, ne barbaris quidem, litterarum contemptoribus, exceptis, istaque sapientiae adyta, tanquam per transfennam intuebantur, non poterant non religiosa capi admiratione, et non secus, ac splendidam cuiusdam Iouis Aulam, venerari. Sic, quod de Carthagine refert Suidas, id de Vindobona verissime dixeris, fuisse venerabilem terrarum magistram, musam coelestem, et Camenam legatorum. Nec alia causa est, cur barbari in oriente litteras, despiciatui ante habitas, colere incipiant, librosque diligentius, quam ante, et scribant, et formis imprimant, quam quod, exemplo AVSTRIAE, suo autem malo, didicerint hucusque, haud fideliores esse Imperiorum custodes, quam musas. Eant nunc iniqui litterarum osores, atque obtrectatores, qui, a curis, aulisque Principum, litterarum studia procul abesse, volunt; clament, quantum velint, indignum esse persona Principis,

cipis, ut vel ipse in litteras incumbat, vel litteratorum consuetudine, amoreque, capiatur. Longe rectius sensit Imperator, omnium quotquot orbis habuit, sapientissimus, CAROLVS, qui, quanto aeterna caducis, immortalia fluxis, diuina humanis, rebus antecellere, persuasum habebat, tanto maius semper statuebat pretium, et artium studiis, et viris ingenio, scientiarumque laude ornatoribus, quamuis hi loco humili et obscuro nascerentur. Qua prudentia imitari voluit, nobilissimam omnium plantarum, vitem, quae, cum, natura caduca, nisi fulciatur, ad terram fertur, multiplicique lapsu, serpens in omnes partes, nimia funditur, ac siluescit, ideoque laetatur adminiculis, quibus, licet haec ex vilissimis siluestribusque fiant arboribus, illa tamen religata, iugataque, optime sustentatur, et, absque hoc si est, clauiculis suis, quasi manibus, quodprehendat, quaerit, et, quidquid nata est, tenacius complectitur: ita CAROLVS, cuius stirpe nihil illustrius, aspectu nihil pulchrius, fructu nihil lactius, nihil generosius, nihil denique salutaris fuit, quo iucundius, commodiusque tot populos, nationesque, sub pampinos suos confugientes, tegetet, aduersus incommoda defenderet, fructibus nutriret, ac recrearet, doctorum virorum, quibus apud alios Principes nihil contemptius, consuetudine, ac litteris, velut quibusdam adminiculis, altius sese erigebat, operaque eorum, in tanti imperii procuratione, felicitate, sapientiae pari, utebatur. Ita nihil cessit gloria, studioque bonarum artium, SIGISMUNDO, Archiduci, Imperatoris FRIDERICI patruo, cui Aeneas Silius per litteras hanc tribuit laudem, Quid tibi videtur, inquit, Sigismunde, cum venit Hungarus, aut Italus, aut Gallus, latineque fatur, cum tu adolescens illos intelligas, alii senes, tanquam surdi, audiant? Nihil CAROLO IV Imperatori, qui eo loco litteras habuit, ut non modo legibus Imperii, quas Auream Bullam vocant, re sapienter, et multum considerata, praeceperit, ut filii Principum, in Grammatica, et linguis, Italica, Slavica, et aliis, in imperio tum receptis, mature, ac diligenter instruantur; verum etiam, prout ipse ingenio, doctrina, multarumque linguarum usu, pollebat, ita scholam Pragensem

saepenumero adire, et magistros artium liberalium, inter se disputantes, aliquot horarum spatio, patienter, ac beneuole audire, non dubitarit. Acciderat aliquando, ut iam, non modo maiestatis suae, verum etiam corporis curandi, oblitus, palaestrae huic litterariae, quatuor horas impenderet, atque a Purpuratis, morae longioris pertaesis, ut ad coenam rediret, disputationi intentus, moneretur: is vero, ad intempestiuos, quibus iam animus in patinis fuit, monitores conuersus, Mihi, inquit, tempus est minime, nam coena mea haec est. Digna vox elogio! digna imitatione principum! Nihil denique filio eius, SIGISMUNDO Caesari, qui, reprehensus ab aliis, quod homines, obscuri ortus, humilisque conditionis, ob litterarum studia, lautius haberet, Quidni, inquit, amem eos, quos natura ceteris antecellere voluit? Haec, ut magni, et supra vulgus sapientis, animi sunt, ita felicia praedicantur ea tempora, quibus reipublicae tales moderabantur Principes. At quanto felicius, beatiusque, praedicabunt omnes posterius nostrum seculum, cui, fatis rei litterariae salutaris, talis obtigerat Imperator, quo indulgentiorem suis rebus musae vix optare potuissent. Praedicer, quantum velit, prisca aetas Iulios, Augustos, aliosque beneficos litterarum, atque ingeniorum praestantiorum, aestimatores: laudet Bohemia Carolos, Sigismundos, et, si quos habet, alios: CAROLO SEXTO, qui patrocinio musarum, gloriam omnium horum non exaequauit solum, sed etiam longe superauit, imo obscurauit, hic ex merito debetur honos, ut, quoties in posterum nominandus fuerit is, qui amat litteras, ac fovet, is exemplo omnium temporum, gentiumque celebratissimo, CAROLVS nominetur. Loquentur enim, apud rempublicam litterariam commendanturque aeternitati TVVM, CAROLE AVGVSTISSIME, aduersus bonas artes fauorem, plus quam Augustum, cum diuinissima facinora abs TE, Musarum causa, edita munificentissime, tum ipsa quoque Hungaria, ut Belius noster, (*) qui, TVIS auspiciis, patriam illustrare coepit, prae-

(*) Praefat. ad Tom. I. Operis.

Praedicat. TV enim, debellatis hostibus, non modo imperio maiestatem, populis pacem, regionibus commercium, verum etiam, vt, Ludouicus Antonius Muratorius, Tomo primo scriptorum Rerum Italicarum, TVO Nomini nuncupato, scribit, (*) artes restituiti. Mirabitur omnis posteritas, cum in Abbate Gotuicensi, Gottfrido, (**) legerit, Te de veris Historiae Germanicae fontibus, de diplomatum veterum vsu, vi, et auctoritate, de instaurandis denique, prouehendisque, optimarum artium studiis, sic erudite disseruisse, vt idem Chronici Gotuicensis auctor, sacro munere venerabilis, talia ex TE summo orbis terrarum Principe, audiuerit, in TVVM colloquium saepius clementer admissus, qualia vix ab illis, qui eruditi existimari volunt, cognoscuntur, in Principibus autem, ad simile fastigium euectis, sunt rarissima. Nec tacebit vnquam TVVM erga meliores litteras studium, Bergerianus, de Naturali Orationis Pulchritudine, ad excelsam Longini disciplinam, illustri, continentique C. Iulii Caesaris, exemplo, exacta, Commentarius, quem, TVAE Maiestati consecratum, ea suscepisti (***) benignitate, vt auctor eius, Ioann. Guil. de Berger, optimus ille dicendi, ad Chrestomathiam Longinianam, magister, magnam, quam apud te iniit, gratiam, hodieque apud Saxones praedicet, nouisque abs te auctus honoribus, ad vnum amicorum Sempronienfium, suum ante discipulum, haec iam tum gratulabundus scripserit: (****) Gaude tecum, inquit, felicitate seculi CAROLINI, quo litterae tam benignae habentur. Haec cogitatio nos erigat, vt spernamos barbaros, fordibusque quaestus sui relinquamus, te quidem in primis, qui propiore tanti Caesaris Augusti auspicio exhilararis, ad optimam quamque spem exciter, vt alacriore semper animo, ac fiduciae pleno, bene de

C 4

po-

(*) edito Mediolani an. 1723 in folio.

(**) in Opere Historico, seu Chronico Gotuicensi, edito an. 1732 in folio Vid. Dedicatio ad Caesarem.

(***) an. 1720 in quarto.

(****) Vitemberga Saxonum IIII Kal. Oct. MDCCXXIII.

politioꝛe humanitate, bene de liberalibus ingeniis, sicut adhuc consueſti, mereare. Sed ſatis de litterarum amore, ſatis de ſtudio rem litterariam ornandi, AVSTRIAE ſic proprio, vt nullum fuerit tempus, quo non benignam muſarum parentem, et nutricem, ſe geſſiſſet, nullum ex ſe genuerit Principem, qui non, benignioꝛe fato, orbi litterarum natus, vel cognitione ſcientiarum pulcherrimarum exſplenduſſet, vel ſtudia, ſiue illa ad humanitatem pertineant, ſiue ſint ſeueriora, et grauiora, ſuo pretio non aeſtimaeſſet.

Alterum ſequitur DOMVS AVSTRIAE, magnis rei litterariae commodis, ornamentisque metiendum, decus, quod in ſupelleſtilis librariae cura ſtudioque, pono. Quam aegre orbis eruditus bibliothecis careat, quantumque ſubſidii, ad comparandam eruditionem, ac ſcientiam, hinc naſcatur, de eo in praeſens dicere, nihil attinet. Neque huius loci eſſe exiſtimo, vt, quantum vel decoris, vel adiuamenti, rebus publicis, earumque principibus, librorum adferat adparatus, demonſtretur. Nam, vt alios vſus bibliothecarum inſignes taceamus, viuorum conſiliis, non tam bene imperia regi, quam ſapientia mortuorum, monimentis litterariis expreſſa, nemo eſt, qui non videat. Quo enim alieni oꝛes ſunt mortui, ſiue a metu periculi, quod plerumque parit veritas, ſiue a captatione gratiae, quam adfert obſequium, ſiue ab amore, atque odio, quae duo multum offutiarum habent, rapiuntque animos ſaepe in tranſuerſum: eo minus de fide, candoreque, horum conſiliariorum, ſupereſt dubitationis. Recteque ſcripſit Tullius, haud vnquam facilius, aut reſpublicas, aut omnem reipublicae diſciplinam, quam ex annalium monimentis, cognosci. Quod cum, ſuo edocta vſu, perſpectum haberet AVSTRIA, in eam ſemper curam ſtudioſe incubuit, ne inter cetera illud quoque ſuis Principibus deeſſet, reipublicae bene gerendae, adiuumentum, quod ſapientiſſimi quique rerum publicarum moderatoꝛes, in adparatu, vſuque librorum, quaesiuerunt. Pridem enim ex FRIDERICO IV didicerat, librum eſſe, qui regat, gladium, qui defendat reſpublicas. Quamobrem FERDINANDVS, illius pronepos,

nepos, licet haberet aulam viris adfluentem, ad prudentiam omni studiorum genere eruditis, libros tamen tanti fecit, vt hos sibi optimos esse consiliarios, multoque fidelissimos, aliquoties palam sit professus. Hoc erat sapere cum ALPHONSO, Hispano, matris suae Propatruo, cui non sanguinis modo, sed etiam virtutis, ac sapientiae propinquitate, cognatus videri voluit. Anteposuit autem mortuos viuis, quod hi, aut pudore, aut metu, aut gratia, aut odio, multa Principem celarent; illi omnia nude, libere, simpliciterque, siue grata essent lectoribus, siue minus, declararent, similes statuis mercurialibus, quae, cum mutae sunt, rectum tamen iter omnibus demonstrant. Nec aliud permouit olim Ptolemeum Philadelphum, vt Alexandriae bibliotheca institueretur, vel Demetrium Phalereum, vt tale consilium Regi daret, quam, vt haberet Rex, vnde artes belli, togaeque, sibi redderet familiares, salutariaque consilia, in vtramque fortunam, depromeret. Eodem consilio amaltheam sibi quondam condiderat MATTHIAS ille, cui DOMVS AVSTRIA legitime, in regnis Pannoniarum, successit, cognomento Coruinus, quo regnante, vti regnum ipsum, depulso barbarorum metu, quem memoria cladis, ad Varnam recens acceptae, iniecerat, vires quodammodo recolligere, ita res etiam litteraria, funestis bellorum tempestatibus, neglecta, atque obscurata, a situ et squalore vindicari, nitoremque pristinum ac decus recuperare visa est. E re enim, cum sua, tum regni totius, prudenter existimauit futurum, Rex, non armorum gloria magis, quam artium liberalium studio, atque aestimatione, clarus, si non modo viros, elegantia litterarum perpolitos, quos vel patria sibi gignebat, vel fama munificentiae erga litteratos Regiae alliciebat, assiduos circum se haberet, sed etiam Budam, regni caput, bibliotheca, magno codicum adparatu, splendidoque, instructissima, exornaret. In quo, regio prorsus, rei litterariae thesauro, ex remotissimis quibusque gentibus, colligendo, non laboribus, non sumptibus, parsum est, eumque res ista habuit successum, vt musae, ex Graecia, Latioque, in Pannonias certatim conuolare, atque,

ad profligandam ex patria barbariam, conspirare viderentur. Vidisses isthic, quod oculata Alexandri Brassicani fides adserit, Hyperiden integrum, locupletissimis illustratum scholiis, codicem quantovis pretio aestimandum: vidisses Chrysostomi, Athanasii, Cyrilli, Nazianzeni, Basilii M. Gregorii Nysseni, Theophrasti, Dorothei, et aliorum, quos sub Patrum nomine veneramus, opera incomparabilia: vidisses Apostolicos Canones, exempli rarissimi: vidisses auctores Graecos innumerabiles, immensamque vim poetarum, oratorum, philosophorum, historicorum, aliorumque scriptorum, quos ex oriente, occidenteque, tantus, ut eidem Brassicano adpellatus est, librorum heluo, incredibili sumptu, ac studio, conquirebat. Alebat non modo complures Florentiae, lautis stipendiis, librarios, qui auctores, notae melioris, exscribebant, sed etiam in Graecia, scripta quaevis, velut mancipia, e barbarorum catastris, redimebat. In exornando vero hoc museo, quis non fuit nitor? quae non, extrinsecus, intrinsecusue, elegantia? cum codices Coruiniani, non modo auctorum praestantia, verum etiam manu librariorum nitidior, externo splendore, insignibusque Regis gentilitiis, sese omnibus commendarent, hodieque thesauri huius reliquiae, in alias reuocatae bibliothecas, facile dignoscantur. Quam nitidis in membrana characteribus plerique fuerint exarati, vnus fides faciat, ex hac captiuitate, in Gallias delatus, Nicephorus Callistus, cuius libros XIX Historiae Ecclesiasticae, ex hoc, manu exarato, codice, cum ederent Parisienses, elegantior scribae manum satis admirari, praedicareque non potuerunt. At fuimus Coruiniani! iam per diuersas Europae partes, prohi dolor! dissipati exules! Vix annos sexaginta, gloria haec rei litterariae stetit incolumis, labante in deterius regno, attritisque ciuili dissensione viribus, bibliothecam hanc, Pergamena, Alexandrinaque longe illustriorem, prophanae barbarorum manus, corripiente dominatum Solymanno, diripuerunt, distraxerunt, dissiparunt. Triste, credo, fuit spectaculum, cum tot millia Christianorum Thrax in seruitutem, ipsa morte acerbior, traheret: at, quam foedum simul adpectu ac miserabile, quam auditu horrendum

ac

ac detestabile, orbi litterato fuit fatum hoc amaltheae Coruinianae, cum, codices, tam pretiosos, tot carris conuatos, in Thraciam auehi, atque Constantinopoli, in Muhamedanae impietatis stabulum conuersa, mancipiorum more, sub hasta diuendi, intelligeret! Quid tamen dolemus? quid thesauri huius iacturam tantopere ceploramus? Praeclare satis nobiscum, egregie cum regno, perbenigne cum musis, extincta Hunnyadum gente, actum est. Amisimus libros, non ipsas Camenas, librosque maiori ex parte, ex captiuitate Ottomanica, sensim recuperauimus. Enim vero clementiore Hungariae, laetiore rei litterariae fato, factum est, vt musarum decus, vna cum Regia dignitate, aduerso flumine Istro, Buda Vindobonam, superioris Pannoniae, quam prisca Primam dixerunt, urbem, transferretur. Ita cum musis, in exilium nequaquam exacti sumus, verum, amissa Regia, non Regno, in veterem patriae urbem, locumque longe augustiorem, tutioremque, nostro commodo, transportati. Caeso enim ad Mohacium Ludouico, Rege, profligatae a barbaris musae, aut potius ipsae immanitatem tyrannidis Solymanicae fugientes, velut in fidem, clientelamque, DOMVS AVSTRIAE sese tradiderunt, et, quod perfugium patrociniūque, satis cedente Coruino, iam apud MAXIMILIANVM CAESAREM, Augustumque tandem eius nepotem, FERDINANDVM quaesiuērunt, satis largiter sunt consecutae. Vbi autem terrarum, vbi, quaeso, gentium, liberalius hospitium, vel sperare, vel optare, vel adipisci potuissent, quam in AVSTRIA? Vbi tutius praesidium, praesentius auxilium, fideliorem tutelam, quaerere, aut inuenire, quam in AVSTRIA? vbi domicilium commodius, augustioremque sedem deligere, ac figere? vbi iucundius? vbi securius conuiescere? quam in Augusta, totque meritis in rem litterariam venerabili, AVSTRIA? Timuerunt scilicet hae lucis, non tenebrarum, pacis, non armorum, religionis, non superstitionis, alumnae, nothum lunae corniculantis in oriente splendorem, ideoque, solem occidentem secutae, atque inter fugiendum, ab AVSTRIO litterarum Statore, ad iuga montis

tis Cetii, subsistere, et spiritum viresque resumere iussae, non modo noctem perpetuam, qualis pristinas musarum in Graecia sedes iam obruerat, Pannonioque Heliconi imminabat, feliciter euaserunt, verum etiam, iucundissimum noctae otium, in luce versari magis coeperunt. O felicem rerum conuersionem, quae, quidquid cum Buda amiseramus, abunde reddidit! o beatam Pannoniam, quae, post tot funestas clades, ad Nicopolim, Varnam, Mohacsiumque, acceptas, post tot externos non solum, sed etiam domesticos motus turbasque, sub victribus Aquilae AVSTRIAE alis, optime conquieuit! o fortunatum duplex illud matrimonii vinculum, quo, CAESARE MAXIMILIANO, et Rege VLADISLAO, vltro citroque, data, et accepta, sponsa, AVSTRIA Pannoniae artius coniuncta, ita in amicitiam coaluit, vt, quod DOMVI HABSBURGICAE, iam in ALBERTO, Sigismundi genero, nuptiarum iure, obuenerat; quod FRIDERICO IV, Ladislai Posthumi tutori, pactione Oedenburgica, quam et Neostadiensem vocant, a MATTHIA Rege, per legatos, Sempronii cum regni corona redimeretur, sancte fuerat promissum; quod MAXIMILIANO, tot procerum, tot sigillorum fide, in Posoniensi conventu, fuerat confirmatum: id tandem in FERDINANDO, ANNAE sponso, salutari Hungariae facto, impleretur; ita vero impleretur, vt, quam procures spem expectationemque, de DOMVS AVSTRIAE praesidio, sibi conceperant, illam stirpis eiusdem REGES, non interrupta deinde serie, sese excipientes, non modo abundantius, quam sperari a nobis ipsis poterat, exaequarint, sed etiam, patria summis ornata beneficiis, cumulataque, quam longissime superarint. O faustum Pannoniis, plenumque laeti omnis, MARIAE AVSTRIACAE, LVDOVICO desponsatae; nomen, per quod coalitio illa, ducentis abhinc, et amplius annis, auspicato facta, nunc de AVGVSTA MARIA THERESIA, paterni solii, gloriaeque herede, eiusque Regio Coniuge, SERENISSIMO DVCE LOTHARINGIAE et BARRI, MAGNO DVCE HETRVRIAE, FRANCISCO STE-

STEPHANO, et patriam, et orbem litteratum, optima quaeque, euentu minime dubio, non tam sperare, quam certo exspectare iubet! Quod enim bene feliciterque vertit, nondum Buda a barbaris intercepta, nondum Coruiniensis ille suppellectilis librariae, quo nihil fuit pretiosius, thesaurus direptus fuit, iam diuina prouidentia, de rei litterariae salute, ex qua rerumpublicarum salus pendet, sollicita, nouum, Budensi longe magnificentius, perennitate vero etiam felicius, musis exilium, exitiumque, in Hungaria metuentibus, domicilium in AVSTRIA parabat. Bibliothecam intelligo Vindobonensem, omnium, quas orbis terrarum vnquam habuit, quasque hodie admiratur, augustissimam. Iam fundamenta thesauri huius, Camenis destinati, posuerat quidem sapientissimi auctor instituti, RVDOLPHVS I instructius reddiderat, artis, quae prelo libros diuulgare felicius coepit, ope, non parum adiutus, FRIDERICVS: cura tamen, ac munificentia MAXIMILIANI, in perficiendo hoc opere, musis sacro, colligendoque adparatu, eademum fuit, vt hic, ex Comitibus Imperii Augustae Nemetum actis, reuersus, translatis in publicas aedes, pulchroque ordine digestis, omnibus, quae ante dispersa, priuatam Principum eruditionem alebant, litterarum monumentis, nulla Maiorum iniuria, conditor haberi coeperit. In locupletandis, exornandisque, his rei litterariae gazis, ita inter se, honesta aemulatione, certarunt postea CAESARES, vt, imperante LEOPOLDO, MAGNO illo, non CAESARE tantum, sed etiam musarum Patrono, longe amplius octoginta voluminum millia, Lambecius suo iam tempore, numerarit. Quidquid enim librorum, suos in vsus, collegerat, Conradus Celtes, omnium, quos vnquam Germania lauro ornatos vidit, poetarum princeps, a FRIDERICO IV noua hac dignitate auctus, post vero, iubente sic MAXIMILIANO, artis poeticae, et rhetoricae, magister publicus: id omne, satis cedente Conrado, in Caesaream, ex pluribus in vnam aedibus paullo ante coactam, translatus est. Ab hoc scientiis perpolitus, Ioannes Spieshamerus, dictus ore Latinorum Cuspinianus, eidem MAXIMILIANO in primis carus,

rus, rem hanc librariam, non solum praeclaris ingenii sui monumentis auxit, verum etiam, iussu Imperatoris, reliquas totius AVSTRIAE bibliothecas, situ squalentes, diligenter excussit, et, quidquid codicum rariorum, manu scriptorum, in his reperire poterat, in Vindobonensem transportavit. Neque nulla debetur laus, vel Casparo a Nydpruch, viro legum peritissimo, rem hanc haud segniter curanti, vel Ioanni Fabro, Praefuli Vindobonensi, cuius thesaurus librarius, quem reliquerat ingentem, gazas istas insigniter locupletavit, vel Ioanni Dernschuammio de Hradiezin, qui, ex variis regionibus, ingentem copiam, incredibili studio, huc coegit. Neque parum incrementi, imperante FERDINANDO I accessit, ex selectiore Wolffgangi Lazii apparatu, qui, sicut ad propaganda litterarum studia, iustus, auctores vetustissimos, ex antiquioribus Austriae, Carinthiae, Stiriae, Cillii, Sueviae, Helvetiae, Brisgoiae, Alsatiae, Sundgauiae, NigraeSiluae, coenobiis, inter ceteras, non sine situ, et litterarum iactura, adhuc delitescentes, stylo, non formis, exscriptos, collegerat, ita, post mortem, omni sua supellectile, in Augustam translata, magnam non eruditionis tantum, verum etiam curae librariae, famam post se reliquit. Quantam vim codicum, quantam veterum numismatum, inscriptionumque, farraginem, legationibus, magna cum gloria, perfunctus, ex Graecia, Asiaque huc intulerit, a FERDINANDO I ex Belgio in Austriam arcescit, Augerius Busbequius, testantur non modo scripta eius, verum etiam Auberti Miraei, Antuerpiensis, elogia, quibus illustriores Belgii scriptores enarrauit. Hoc enim teste, centum amplius, cum Graeca, tum Latina, in membranis calanio exarata, volumina secum inde retulit, in charta vero simplici descriptorum, tota plaustra, totasque naues. Peccaremus in patriae caritatem, nisi partem huius laudis tribueremus et Ioanni Sambuco, Tirnavia Pannonio. Fuit enim ea viri huius clarissimi, in colligendis, tum litterariis veterum monumentis, tum statuis, ac numismatibus, diligentia, ut, teste Thuano, summis Principibus, qui hac re laudem sunt consecuti, quamvis in dispari fortuna, aequari debeat. Quan-

tos ille, suo sumptu, redemit captiuos, quos, ex Palladio Budensi, abstulerat Turcorum feritas! Nec intercidet Sambuciani nominis memoria, donec litterarium hoc sapientiae AVSTRIAE templum Vindobonae steterit, bis mille sexcentis, et amplius, rarioribus popularis huius nostri libris, Tirnavia huc translatis, locupletatum. Orationis modum excederemus, si laudare vellemus, vel Hugonem Blotium, qui hoc Palladis sacrum, imperante RVDOLPHO II administrabat, invidiam Ioannis Leunclauui, indeque natam, profusae, in communicandis libris, facilitatis suspensionem, expertus; vel Richardum Steinium de Schwarzzenau, liberalioris fidei, atque indiligentiae, cuius Hugo accusabatur, adiunctum custodem; vel Sebastianum Tengenagelium, virum quindecim linguarum, quas lapis sepulchralis Vindobonae recitat, peritum, insatiabili comparandorum librorum aviditate, atque, cum suam, tum Augustalem, cui summa cum laude praefuit, amplificandi cura studioque, ipso tum Busbequio, tum Sambuco, superiorem. Quidquid enim probatae eruditionis Belgium, Germaniam, Galliam, Hispaniam, Italiam, Graeciam, Asiam, Turcicam et Persicam, Aegyptum, Aethiopiam, adhuc insidebat, id omne, ingenti sumptu, aut coëmi, aut describi, curauit, relicta hac nominis sui memoria, ut hodieque istis rarioribus MScris codicibus, Latinis, Graecis, Hebraicis, Arabicis, Turcicis, Persicis, Syriacis, Armenicis, Aethiopicis, Vindobona gloriatur. Priuata vero eius, cum, si excipias libros, prelo impressos, amplius quatuor millia auctorum, calamo exscriptorum, in linguis variis, orienti praesertim vsitatis, numeraret, omnem tamen hanc hereditatem, suauissimum illud, ut tabulae testamenti loquuntur, animi, litteris imbuti, pabulum, et vnicam miseriarum humanarum officinam medicam, rarioribus, multis, pretiosis, inuentuque difficillimis, codicibus, constantem, lege testamentaria, Augustae legauit. Non capit institutum praesens laudes Wilhelmi Rechbergeri, aut Matthaei Mauchteri, quibus, sacra haec Palladis, post Tengenagelii fata, curantibus, gazophylacium hoc nouis accessionibus auctum est. Huc refero in primis,

mis, instructissimam illam Fuggerianae gentis amaltheam, quae, a FERDINANDO III comparata, Augusta Vindelicorum, ratibus quinque, Vindobonam, vna cum Atlante, stupendam illam totius vniuersi molem, et aetheream, et elementarem, summo Martini Furtenbachii artificio, factam, sustinente, demigravit, maiorem copiam secum aduectura, nisi, bello Germaniae tricesimali, maiore sui parte, quae iactura nunquam satis deplorari potest, fuisset deminuta. Eodem, quo haec facta est accessio, tempore, idem FERDINANDVS bibliothecam Tychonis de Brahe, adhuc in Bohemia delitescentem, pro suo in rem litterariam studio, vna cum scriptis Schickardi, Maestlini, Kepleri, Gassendi, aliorumque, huc curauit transportandam. Tot CAESARVM, tot annorum, tot copiarum, suppetiis sic locupletatum fuit, post tempora FERDINANDORVM, hoc museum, vt nihil ad Augustalem magnificentiam addi posse videretur. LEOPOLDVS tamen, vt in rem litterariam, animo fuit prolixissimo, ita gloriam Maiorum nouis augmentis cumulaturus, cura quoque rei librariae, nomen suum aeternitati commendauit. Testis huius rei locupletissimus est Petrus Lambecius, qui, non modo ex ergastulis Budensibus, captiuos nonnullos, utpote Gregorii Nazianzeni sermones Apologeticos nouem, e Graeco in Latinum translatos, Augustini Sermones, de Verbis Domini, et Iani Pannonii Poëmata, plures enim nec prece, nec pretio licuit, liberauit, cum a CAESARE Budam, ad Leslaeum Comitum, apud portam Ottomannicam, Oratorem, mitteretur; verum etiam ex Ambras, prouinciae Tyrolensis arce, ingentem omnis eruditionis adparatum, quem, animi causa, hic antiquitus, loco amoenissimo, Principes congesserant, Vindobonensi adiunxit. Quod autem Leslaeo, a barbarorum feritate obtinere tum non licuit, id paullo post, recepta vrbe, omne in potestatem LEOPOLDI, de oriente triumphantis, transiit. His rebus factum, vt templum hoc sapientiae, variis monumentorum generibus, redditum sit refertissimum, gaudeatque hodie tantis Coruinianae bibliothecae reliquiis, coruo, annulum rostro tenente,

nente, insignitis, quantis nulla alia gloriatur. Elapsis vero inde annis amplius quinquaginta, quid non augmenti, splendorisue, ex eo tempore, CAROLINIS praesertim auspiciis, accessit! Vt enim bibliothecam Hohendorffianam, incredibili copia instructissimam, quam, Philadelphus hic seculi nostri munificentissimus, magna vi auri comparatam, Augustae adiecit, taceam, meministis vos ipsi, Auditores, litterarum amantissimi, quam exquisitum, pretiosumque, suppellectilis librariae adparatum, post se reliquerit, gloria rerum gestarum immortalis, EVGENIVS, rariorum codicum, et antiquitatum, quantiuis pretii, studiosissimus, qui vero omnis, duobus abhinc annis, Augustae adscriptus, posteris omnibus, quanto CAROLVS studio rem litterariam curauerit, quantisue accessionibus gazas librarias ampliauerit, sempiterno erit documento. Nec vero tantum, Amplificator iste doctae suppellectilis, Coruino longe gloriosior, libris, in omni scientiarum, linguarumque genere, praestantissimis, veterem numerum auxit, verum etiam alia omnia, quibus res litteraria illustratur, adiuuaturque, studio et cura indefessa, sumptuque vere Imperatorio, conquistuit, ac, ne quid splendori, venerationique musarum deesse videretur, nouo prorsus, et omnem regiam magnificentiam excedente, templorumque aemulante sanctitatem, aedificio, musas, sibi carissimas, quanto eruditorum applausu, tanto gloriae suae augmento, cohonestauit. Palladium enim hoc ingressus, quid prius mirere, quid potius venerere, difficile dictu est, in tanta rerum cum varietate, tum praestantia, quantam, qui oculis non vsurparunt, quantumuis multa in Lambecio, aliisque legerint, multa ex aliis audiuerint, animo vix concipere, multo minus verbis exprimere possunt. Quo veritas cunque oculos, aut animum intendas, nihil non praestabile, nihil non augustum, CAESAREaque magnificentia dignum, obseruabis, neque vnquam, in tam amoeno deliciarum paradiso, vel corporis exsatiabis oculos, vel mentis. Multa quidem CAROLINAE magnificentiae supersunt monimenta, quodnam tamen in tanto numero, quod huic possit aequiparari? Praedicat Vindobona, ac veneratur, et

sacram Carolo Boromaeo basilicam, anno MDCCXIII ex voto aedificari coeptam, anno vero demum MDCCXXXVII consummatam, et statuat, Diuo IOSEPHO Tutori, ex aere conflato, dicatam, et Cancellariam Imperii, recens exstructam, et Gymnasium, ludis Equestribus excitatum, et alia aedificia non pauca, quae, cum lateritia accepisset, marmorea post se CAROLVS reliquit. Laudat Dacia Albam Iuliam, atque, ab instauratore Augusto, CAROLINAM hodie adpellat. Admiratur omnis Europa viam, ab Augusta vrbe, vsque ad litora maris Adriatici ducentem, et Romanae magnificentiae, vsque in delicias, aemulam vocat. Cum omnibus tamen his aliisque innumeris operibus, certat palatium illud, musis dedicatum, et, si non sumptus magnitudine, vsus tamen praestantia, reliqua omnia superat. Si CAROLVS nihil aliud orbi terrarum beneficii praestitisset, si nihil gessisset aliud, aut struxisset, vnum hoc musarum sacrarium, quod Athalici, Philadelphini, Coruini, celebritatem obscurauit, conciliandae nomini CAROLINO immortalitati, in terris, suffecisset. Non enim satis commode Athalo nostro musae habitare visae sunt. Nec locus, in tot conclauia dispersitus, gazas, huc confluentes, iam capiebat, nec aurae liberiori, quae libros defenderet a blattis, fuit peruius. Templum itaque, non solum opportunius, quod et solem orientem exciperet, et latere altero, extra vrbis pomoeria prospiciente, puriore aura perflaretur, verum etiam magnificentius excitatum est, atque, ne inscia sit posteritas conditoris tam munifici, collocata in summo fastigio, Triumphatoris, tot populorum inuictissimi, statua, incisum: CAROLVS AVSTRIVS D. LEOPOLDI AVG. F. AVG. ROM. IMP. P. P. BELLO VBIQUE CONFECTO INSTAVRANDIS FOVENDISQVE LITTERIS AVITAM BIBLIOTHECAM INGENTI LIBRORVM COPIA AVCTAM AMPLISS. EXSTRUCTIS AEDIB. PVBLICO COMMODO PATERE IVS-
SIT clb lb cc xxvi.

Sed externa haec sunt. Ingrediamur ipsa musarum adyta. Hic, siue loci Augusti sanctitatem contemplare, seu pulcherrimum rerum omnium ordinem: siue statuarum elegantiam, omnis aevi, seu varietatem imaginum, quas prisca, quas recentior, aetas finxit, ad venustatem, et quibus vel ipsa artificis fama dignitatem, ac quantumvis pretium, conciliat, intueare: siue te delectent, prisca aevi, lapidum, seu inscriptionum monumenta, quorum fide rei litterariae multum lucis affunditur: siue cipporum, urnarum, lampadum, lacrymarum, quibus veteres sua funera cohonestarunt, varia genera videre; seu, rei nummariae studio accensus, quid aeris vel Graeciae, vel Latium, vel alia cuius demum cunque aetatis, aut linguae, gens habuerit, quid numis inciderit, memoriaeque proditum, conservari voluerit, scire gestas: siue codices videndi vetustissimos; manu exaratos, seu membranas, scripta, epistolasque celeberrimorum, recentioris aevi, virorum, cupiditate ardeas: siue denique innumerabilia librorum volumina, per pluteos, et scrinia, pro diuersitate linguarum, artium, scientiarumque omnium, scite disposita, spectes, abunde suppetet, quod, per alias Europae bibliothecas, frustra quaesitum, desiderio tuo satis faciat, quod te trahat in sui admirationem, quod ingenii aciem non minus, quam corporis oculos praestringat, quod sancto quodam horrore ac veneratione animum repleat. Habet omnino orbis litteratus, quare gratiam DOMINICAE AVSTRIAE habeat, tantique beneficii memor, pro cura hac studioque indefesso, pro incremento, saluteque litterarum, hoc Numen musarum Tutelare, debita pietate colat ac veneretur. Habet et Pannonia, cur oblita suae Rudensis, quam insana Turcorum tyrannis dissipauit, sibi gratuletur, dum videt, tam multas illius reliquias, tam sanctos nactus custodes, aestimatorumque, in omnium augustissima, tam diligenter, tamque reuerenter, adseruari. Hoc vero suum amaltheum, quibus in deliciis habuerint semper CAESARES, quid de tali adparatu senserint, quam vtilitatem libris inesse crediderint, cum supra sit demonstratum, prolixiore illustrandi labore hic supersedeo. Vnus ampliorem rei, per se luculentae, fidem porro

D 2

faciat

faciat LEOPOLDVS, qui, vt studiis litterarum valde delectatus, doctusque ad litteratorum admirationem, bibliothecam hanc instaurauit, amplificauitque, ita, Ofynanduae illius, Regis olim Aegyptiorum, librariae supellectilis amore, apud Diodorum Siculum, celebrati, exemplo, bibliothecam suam, qua nihil habuit carius, Medicinam Mentis adpellauit. Per haec paternae vestigia gloriae, pari incedens passu, Decus Principum seculi sui illustrissimum, CAROLVS, tantum bibliothecae suae, non visendae tantum, ac frequentandae, sed euoluendae, sed legendae, tribuit operae, ac temporis, vt, inter arduas, et continentes imperii curas, occupationesque, inter tot bellorum adparatus, et negotia, et alias, summum hoc dignitatis fastigium circumstantes, publicae salutis procuraciones, nusquam libentius, iucundiusque, quam inter hos, mortuos quidem, et mutos, at optimos, sapientiae magistros, consiliariosque, versaretur, neque animum, curis tam grauibus, defessum, vlla remissione amoenius, quam librorum lectione, recreare videretur. Nihil dare volumus auribus, at grauissimi quique seculi nostri viri, qui suis ipsimet oculis viderunt, narrant, scribunt, praedicant, mirantur, CAROLVM, toties sanctam hanc musarum aedem, alacri animo adiisse, incredibilique voluptate sic perfusum, quasi omnes illic molestias, quas cura imperii facescebat, tam familiari Camenarum consuetudine, absterfisset, hilarem, ad regendas tot prouinciarum habenas, reuertisse; quidquid autem illic percipiebat, id in communem ciuium salutem conuertisse: at, quod mirum auditu, quod Principibus multis insolens, qua anni parte? si quaeras, num verno, aut aestiuo tantum tempore, hoc factitabat? non tantum, verum etiam, dum aliorum musae frigent, maxime saeuiente bruma: qua diei parte, quaeris? num a prandio? non tantum, verum horis etiam, quas amiciores musis docti sentiunt, matutinis: quamdiu vero, in sacro hoc musarum contubernio, versatus? quod molestum identidem priuatis etiam hominibus videtur, trium quatuorue horarum spatium; otio huic litterario quandoque impendere nullus detrectauit. Audiamus hanc in rem differentem, seculi nostri Tullium, supra iam laudatum, Bergerum, qui,

qui, cum venerabundo cultu CAROLINAM Maieſtatem proſequeretur, non dubitabat quidem, fore, vel ipsis edoctis, complures, quibus, multas dubitandi cauſas interſerentibus, praefertim autem ex ſua iudicantibus conſuetudine, incredibile videatur id, quod dicturus erat. Quid autem dicturus? Id, quod ſupra adſeruimus, quod ipſe, cum, profeſtus in Italiam, Vindobonam; Semproniumque, adiret, obſeruauit, a CAROLO, muneribus reipublicae perfuncto, plures ſaepe horas, vel ipſa hieme, in euoluendis amaltheae ſuae monimentis, iucundiſſime conſumi, ipſoque mēſe Ianuario, alieniſſimo, quod multi eruditi refugiunt, anni tempore, nihil retardari CAESAREM, quo minus in ea tres horas, idque mane, commoretur. Sic litterae, vel ipſa aëris inclementia, cum frigebant, non refrigeſcebat CAROLI in litteras amor, nec eius beneficentia magis, quam praefentia, bibliotheca illuſtrabatur. Sic inter haec ſacra, Minervae litans, cum ſolus videretur, minime fuit ſolus: cum otioſus, minime otioſus: cum imperii, ſalutisque publicae incurius, minime incurius. Sic CAROLO nihil opus erat, vel nocturnis cum Egeria, quos Numa ſimulabat, congreſſibus; nihil Iouis, aliorumque commentitiorum numinum, quae, Minos, Solon, Lycurgus, alii, iactitabant, oraculis; nihil inanibus, quae olim, tam crebro, ſciſcitatum mittebantur, ad Apollinem Delphicum legationibus: certiora, Solon ſeculi noſtri ſapientiſſimus, oracula, ex his iuris diuini, humanique, atque omnis ſapientiae, monimentis hauriebat. Sic, dum aliae bibliothecae, puluere, ſitu, ſqualore, obſitae, aranearumque telis horrentes, blattas, tineasque paſcunt, et, in ſuis latibulis obſoletae, carie corrumpuntur: Vindobonenſis, Auguſtiſ tractata manibus, uſum illum humano generi quotidie praebebat, quem ſapientiſſimi quique ex libris vnquam perceperunt. O rari admodum exempli Principem! o felicem, CAROLINO ſeculo, rem litterariam! o fortunatam librariorum artem, quae, DOMVS AVSTRIAE auſpiciis, a Germanis reſerta, in omnem terrarum orbem diſfuſa, et ad ſummam elegantiam, perfectionemque perducta, ſecularem ſui memoriam, hoc

ipſo anno, tertium ſolemniter, celebrauit! Sed o' annum ſimul luſtuoſum, qui non typographorum modo, verum omnium, qui litteras¹, et libros amant, totiusque orbis, feſta gaudia in luſtum conuertit! annum, qui non Romam modo, Berolinum, Petropolin, verum etiam Vindobonam, caput orbis Chriſtiani, inſperato caſu, funeſtauit! annum, quo cum Metello, Conſule Romano, in Scipionem ſeculi noſtri inuiſtiſſimum, eodem aetatis anno, quo Africanus minor, illius nepos, quo alii Heroës, vita functum, pronunciare poſſis:

ConCVrrite CIVES hVC, ConCVrrite, Moenla Vlen-
nae (aut, ſi mauis, AVſtriae, reVtonlae, hVngariae,
ſerVlae, Vrbis noſtrae) CorrVerVnt.

Supereſt, Auditores, vulneris, recens accepti, grauitate confuſiſſimi, vt tertium proferamus, quod in AVGVSTA DOMO AVSTRIA, ſubmiſſo gratae mentis, beneficio-
rumque memoris, cultu ac pietate, praedicare habet orbis literatus. Scholas intelligo publicas, ſine quibus, vt res literaria eſt nulla, nulla rerum publicarum ſalus, ita, non dicam, ingrati animi, ſed nefandae foret impietatis, ſcelus, niſi, hoc quoque nomine, AVSTRIAE, perbenignae muſarum parenti, altricique, gratia, quae referri nequaquam poteſt, haberetur. Sunt enim publicae omnis pietatis, litterarum, artium, ſcientiarum, in omni vitae genere vtiliſſimarum, pulcherri-
marumque, officinae, quas cura, munificentiaque Principum, pro ſalute publica vigilantium, ſapienter conſtituit, liberaliter fouet, paterne tuetur ac conſeruat, vt, prudentia diſciplinæ publicae, exercitationeque aſſidua, ingenia formentur ad omne officium, humanitatemque, vtrique reipublicae, tum diuinæ, tum humanae, profutura: ſive illae iam Academiaſum, ſive Societatum, ſive Gymnaſiorum, ſive Ludorum equeſtrium, nomen, pro inſtituti varietate, a ſuis conditoribus obtineant. Quænam vero eſt inter omnes Europae regiones, quae aut plures huius generis, aut celebriores, aut magis proficuas, officinas inſtituit, aut ſuſtentat, quam Germania? Cuius autem cura ſtudioque potiſſimum? paucas ſi excipias, quas vero, fundatas ab aliis, conſeruauit, Inclutae DOMVS AV-
STRIAE

STRIAE prouidentia. Haec enim, ex quo Imperii habenas, optimis quidem auspiciis, moderari coepit, vt ipsa domi fecunda excellentium ingeniorum mater fuit, ita, pro innata Principibus sui sanguinis sapientia, in eam semper curam cui-gilauit maxime, vt, reipublicae christianae bono, per omnes Germaniae fines, suasque in primis prouincias, idoneas musarum sedes, alias ipsa munificentissime excitaret, alias, ante constitutas ab aliis, conseruaret, alias, quibus iniuria temporum ruinam attulerat, instauraret, alias, liberalitate aliorum Principum conditas, datis priuilegiorum tabulis, muniret, atque exornaret. Praedicant salutare hoc consilium, paternamque sui curam, Teutonici orbis musae, iam in, Imperatore nominis faustissimi, **CAROLO MAGNO**, qui, vt imperii decus ad Germanos, debellatis barbaris, princeps transtulit, ita, vt aliam quoque barbariam, orbi christiano nihilo minus exitialem, ex occidente praestigaret, in eo sibi maximopere elaborandum existimauit, conditisque non modo in Gallia, Lutetiae Parisiorum, atque Bononiae, ac Ticini, in Italia, verum etiam in Germania, Osnaburgi, huius generis seminariis, et stipendiis laute constitutis, pulcherrimum posteris exemplum ad imitationem reliquit. Tardiores quidem resista habuit processum, nec ante litterae meliores in Teutonis efflorescere potuerunt, quam Vindobona Pannonum, imperante **FRIDERICO II**, magno Europae totius, vicinaeque in primis Pannoniae, emolumento, in Athenas conuerteretur, quae mox et imperii christiani caput futura, matris fecundissimae instar, non modo liberalis doctrinae cultum, omnibus ad se, velut ad mercaturam bonarum artium, vndique confluentibus, impertiuit, verum etiam **Pragensem, Heidelbergensem, Erfurtem, Ingolstadiensem, Herbipolitanam, Tubingensem**, aliasque omnes academias, aut peperit, aut gloriae suae aemulatione excitauit. Quo vero reipublicae commodo, id factum, **SIGISMUNDVS** Imperator, testatum fecit, cum palam pronuntiaret, se dignitatem quidem equestrem, aliosque honores conferre posse; doctos vero non nisi a **DEO** creari. Idem ille Caesar, in conuentu procerum, Basileae,

Fiscellinum, temporis illius iurisconsultorum facile principem, audiente multorum Principum corona, affatus, dicebat, se vno die mille equites posse creare, doctorem ne mille quidem annis vnum. Id si verum est, ut est omnino verum, hoc scholae possunt, quod non possunt Caesares, quantumvis potentia maximi. Titulos honorum, dignitates, opes, privilegia, largiri possunt, doctores in aliquo scientiarum genere facere, aut bonos viros formare, nisi per scholas, nequaquam possunt. Hae enim homines, hae viros bonos, hae ciues bonos effingunt. Comperta insigni hac Athenacorum utilitate, AVSTRIAE GENTIS CAESARES, nihil prius potiusque duxerunt, quam, ut plura bonarum artium domicilia, publice passim excitarentur, ex quibus, velut ex equo Troiano, viri, ab omni scientiarum genere instructissimi, magno in commune emolumento, prodierunt. Dum enim Gryphisvaldianam Vratisslaus, Pomeraniae Dux, Lipsiensem Fridericus, Saxo, cognomento Bellicosus, Basileensem Pius II, Pontifex, Tubingensem Eberhardus, Dux Vürtembergicus, pulchro inter se gloriae certamine, instituunt: AVSTRIA, ne gloriae suae, aut commodis rei litterariae, deesset, Friburgensem, in Brisgoia fundat, et, quo sacra Minervae rite feliciterque curarentur, subsidia laute constituit. Quae res sic bene feliciterque cessit, ut, cum Vindobonae Conradus Celtes, Ingolstadii, Iacobus Philomusus, Tubingae, Henricus Bebelius, Lipsiae, Henricus Buschius, Friburgi, Hieronymus Baldunus, litteras humaniores, iunctis viribus, excolerent, eliminata feliciter barbaria, musae omnes ex Graecia, Latioque, ad Teutones migrasse viderentur. Neque academicae solum, certis locis, sedes litterarum figebantur, tanta contentione, ut Principum alter alteri dubiam vellet facere palmam, sed societates quoque litterarias, propter Rhenum, Danubiumque, ad excolenda eloquentiae potissimum, ac poëseos studia, viri, mansuetiorum litterarum studiis dediti, locis dissitis, arctiore inter se iuncti vinculo, laudabili sane instituto, inire coeperunt; Imperatores autem, ut hos bonarum artium studiosos, ad maiorem alacritatem accenderent, musarumque, patrocinii indigentium, tutores fautoresque sese

fese praeberent, non modo immunitates Societatibus, recens statutis, fide publica, donarunt, verum laureas quoque poëticas, augustis manibus,nectere, et, quae tali honore digna videbantur, capitibus imponere voluerunt, tanti habitas, quanti vix sua olim praemia Olympionicae fecerunt. Vnam hic ex multis Societatibus proferam Celticam, dictam alio nomine Danubianam, quam Conradi Celtis, viri, de litteris bene meriti, consilio, FRIDERICVS IV instituit, Filius autem, MAXIMILIANVS, peculiaribus ornauit p̄uilegiis, tantique fecit, vt Celtem, ex Saxonibus aduenam, non modo professorem artis poëticae, apud Vindobonenses, agere iuberet, sed poësin etiam, quintam, vt aiunt, Facultatem academiae huius esse vellet, data magistro, tam egregio, poëtas laureatos Caesareos creandi, potestate; vnde laudabilis illa consuetudo, ad nostram vsque aetatem permanuit. Ingrediebantur hanc sodalitatem, non modo, excellentes ingenio, natalibus illustres, Graece, Latineque docti, Germani, in his praeter alios Ioannes Trithemius, Abbas Spanhemius, Ioannes Camerarius de Dahlburg, Vormationsum antistes, Melchior Mellerstadius, Eitelvvolf de Stein, vel, vt pro seculi illius more, dici maluit, Hololycos de Lapide, cuius auunculum Georgium, Silesiae praefectura dignum existimauit, litteratorum, illo seculo, insignis patronus, Rex, Matthias Coruinus: verum Pannonii etiam, quibus ingenia ad elegantiorum litterarum culturam, nunquam defuerunt, contubernio hoc Germanorum litterario digni videbantur. Vnde quid emolumenti in patriam nostram redundarit, scriptores illius aetatis, ipsumque Hungariae, tum florentis, seculum, vere aureum, loquitur. Etsi enim patria nostra, nullo non tempore, abundaret ingeniis, ad studia natis, domique haberet tum Istropolitanam, Posonii, brevis illam aevi, academiam, et fere cum conditore suo, Ioanne Vitézio, Antistite purpurato, Matthiae Regiae magistro, emortuam, tum Quinqueecclesiensem, a Rege Ludouico M. fundatam, tum alias florentissimas musarum sedes, vbi cines, in omni studiorum genere, felicissime proficiebant, multi etiam ciuium Italicas adirent scholas: fatendum tamen, atque etiam profitendum est, excultam litteris,

illius temporis, Hungariam, benignae ingeniorum nutrici, Vin-
dobonae, plurimum in acceptis debuisse. Neque enim tantum-
modo exemplis, viciniaque Celticorum sodalium, ad tractandas
studiosius litteras, ciues nostri mouebantur, verum etiam prae-
miis, quae AVSTRIA doctioribus distribuebat, inuitati, ex-
citati, almam hanc studiorum matrem agminatim adibant,
certatimque venerabantur, redeuntes inde domum et politio-
res doctrina, et patriae fructuosiores. Quanta enim Hunga-
riae lumina, illa quidem aetate, fuerunt, vel idem, quem supra
laudauimus, Ioannes Vitézius, vel, ex sorore illius natus, Ianus
Pannonius, (*) vel Nicolaus de Báthor, vel Georgius Szakma-
rius,

(*) Tanquam hunc Pannonium, memini, me appellare Vitezium, in Epi-
stola ad Societ. Lat. anno MDCCCXXXVII exarata. Vide sis Fasc. I
Exercitationum Soc. Lat. p. 213. Quum autem in Ioanne Vitezio,
Episcopo primum Varadinensi, post Archiepiscopo Strigoniensi, non
patrum, sed auunculum habuerit, non equidem video, quo iure no-
men hoc Viteziorum gentilitium Iano Pannonio, Episcopo Quinque-
ecclesiensi, tribuatur. Sic tamen eum praeter alios et Mart. Szent-
ivani e Soc. Ies. domesticus rerum Hungariae scriptor, vocat in Dis-
sert. Paralipom. Catal. XIV. p. m. 71. num. 28. Fors eo iure, quo
Andreas Dudithius ab Horehovitza, eiusdem loci Episcopus, cogno-
nimentum Sbardeballati apud Thuanum, et alios, gerit. Vid. Czvit-
tingeri Specimen Hung. Litter. in Dudithio p. 128. Habuit enim et hic
auunculum, episcopo Vacienſi illustrem, Augustinum Sbardellatum,
Seculo XVI. cuius nomen, a Szentivania, paulo ante laudato, inter-
missum, Vir nostrae aetatis celebratissimus, MATTHIAS BEL, pro
sua in illustrandis patriae rebus industria, ex monumentis erutum, in
tabulis Episcoporum Vacienſium reposuit, Tom. III. Notit. Hung. in
Descriptione Vaciae. Aut certe hoc nomen, quod maternae stirpis
fuit, Iano inditum est propterea, quod Io. Vitezii, Metropolitae, con-
silio, cura, et liberalitate, tantum profecit in studiis litterarum, musa-
rumque sedes adiit Italicas; quod ille beneficium, matris Barbarae
funus elegis prosequutus, ad hunc modum praedicat:

Imbiberam tenera vix prima elementa Minervae,

Nec mala venturi iam documenta dabam:

Cum tuus Ausonias tradis me frater ad oras,

Longinquo et musas quaerere in orbe iubet.

Illius impensa Venetas celebrauimus vrbes,

Dum sol vndecies per sua regna redit.

Hoc est, quod monendum duxi, ne, quasi parum mei ipsius memor,
confusionem inter duo haec Hungariae litteratae lumina, vna adpel-
latione admisſisse videar. Ceterum, quod ad laudes Iani pertinet, Si
Latine loquebatur, inquit Bonfinius Dec. IV. Lib. III. in vrbe Roma;
si Graece, mediis natum Athenis adfirmasset.

rius, vel Stephanus Brodericus, vel alii, dignitatibus non magis, quas domi gesserunt, quam humaniorum litterarum cultu, insignes, musarum vero, non Italicarum, aut domesticarum tantum, sed etiam AVSTRIARVM, alumni. Longum foret reliqua omnia enumerare Athenaea, quae, sequiore post aetate, auspiciis DOMVS AVSTRIAE, per Germaniam, statuta, publicis hodie inferuiunt commodis. Ex tam multis, quarum neque exordia, neque fata, praesentis instituti ratio capit, vt duas tantum memorem, cuius, quaeso, auctoritate stat, alma studiorum nostrorum mater, Leucorea? MAXIMILIANI I, quam ille, pro suo amore, ac munificentia erga litteras, privilegiis ornauit. In hac si nihil aliud foret, memoratu dignum, quam, quod Thurzones, Comites, Palatinali in Regno Hungariae dignitate, illustres, fasces in ea academicos, summa cum laude, aliquando gesserint; si nihil haec aliud beneficii orbi christiano praestitisset, nullosque alios viros peperisset, praeter, memoria nostra illustres, Bergeros, ac Werneros, quos, vt prudentia sua, consiliisque, AVLAE AVGVSTAE adessent, CAROLVS VI ex iuridici ordinis senatu, ad capeffendam, in Imperiali Aulico Consilio, dignitatem, isthinc Vindobonam arcessiuit, satis iam celebritatis fuisset consecuta. Cuius porro consilio fundata est Viadrina? eiusdem MAXIMILIANI I. Is enim Ioachimo I, Septemuiro Brandenburgico, cum idem institutum, vt academiae conderentur, omnibus aliis Germaniae Principibus, serio commendaret, auctor fuit, atque, vt idem, quod Fridericus Saxo, cognomento Sapiens, paulo ante, in sua ditione ad Albim inierat, consilium fusciperet, persuasit. Nullus dicendi esset finis, si natales singularum inquirere, si laudare ingrederemur vel Graecium, vel Argentoratum, vel Ienam, vel Marpurgum, vel Paderbornam, vel alias per Germaniam musarum sedes, ab AVGVSTA DOMO, aut statutas, aut ornatas auctasque privilegiis, ex quibus, quae in communem salutem, remque litterariam, emanauerit vtilitas, et libri, et viri, qui hinc magno numero prodierunt, loquuntur. Mittamus tum Fridericianam, Halae, Magdeburgicae, tum Georginam, Göttingae, quarum

quarum illa Friderico Brandenburgico, haec Georgio Hannoverano, Sacri Romani Imperii Nouemuiris, natales deber. Erſi enim vtraque, AVSTRIIS, et iſta quidem LEOPOLDINIS, haec CAROLINIS, auſpiciis ſumſerit originem, Imperatoriis ornata, munitaque diplomatis, alia tamen ſuperſunt munificentiae monimenta, quibus AVSTRIA ſapientia, proprio Maiorum inſtituto, orbem, artium, ſcientiarumque ſtudiis operantem, noſtra, patrumque memoria, maſtauit, atque illuſtrauit. Praetereamus, breuitatis ſtudio, et duo Hungariae Parnaffos, Tirnauienſem, Caſſouienſemque, bene de re litteraria, patriaque illuſtranda, merentes, ex quibus illum Petrus Pazmannus, Antifteſ Purpuratus fundauit, luridico ſtudio Lippaius ampliavit, magnifico ſcholarum aedificio Ferdinandus Palſus exornauit; hunc, a Benediſto Kiſdio poſitum, Aurea Bulla DIVVS LEOPOLDVS confirmauit. Praedicat AVSTRIAE beneficentiam et Vratiſlauenſis Sileſiorum Helicôn, ſeque, ab Auguſto Conditore, gratae mentis pietate, beneficiique memoria, LEOPOLDINVM nominat. Nec tacent illuſtiores Equeſtris ordinis palaeſtræ, Vindobonae, Lignitii, alibi, cura patrociniſque DOMVS AVSTRIAE, publice inſtitutae, quae exercendae, in ludis, equeſtri ordini conuenientibus, parandaeque ad publicos uſus, nobilitati Germaniae egregie inſeruiunt. Nefas foret ſilentio praeterire, Caefaream Naturae Curioſorum Academiam, quae, a LEOPOLDO fundata, (*) a IOSEPHO ſuſtentata, a CAROLO conſeruata, vt ex omnibus orbis nationibus colligitur, ita toti humano generi locupletiffima teſtis eſt, quid adiumenti DOMVS AVSTRIA, cum omnibus aliis ſcientiis, tum praecipue rerum naturalium ſtudio, ſocietate hac, recens inſtituta, procurarit. Nihil enim ab natura tam alte conſtitutum, quo non illa enitatur, nihil tam remotum ab oculis hominum, tam naturae viſceribus abſtruſum eſt, quod non curioſius rimetur, inueſtigatumque detegere ſtudeat. Qua quidem ſolertia id efficit, vt, exemplo Pariſienſis, Petropolitanae, Londinenſis, Berolinenſis, aliarumque omnium, hodie florentium,

(*) an. MDCLXXXVII.

tium, ad aemulationem concitata, exteros quoque ad sui admirationem, desiderium, societatemque, alliciat, receptisque non paucis in suum gremium Hungaris, quibusdam in his et Sempionis, utpote Diodoris, Pittalis, Nileis, Apollophanibus, patriae quoque nostrae commoda, et gloriam, feliciter promoveat, atque illustret: ipsaque vicissim a nostris haud mediocriter promoveatur, atque illustretur. Nam, ut scripta huiusmodi taceam, quibus quisque pro se, et personam, quam induit, et famam Collegii sui, cum laude adhuc tueri contenderunt, atque unius Diodori, quod nomen Io. Ad. Genselio inditum fuit, mentionem hic obiter iniiciam, is non modo iuventuti patriae, studiis debitae, ut, quemadmodum lapis, ad sepulcrum eius positus, docet, diuus etiam viuos iuaret, excitaret, feruaret, lege testamentaria, adminicula liberaliter constituit, verum etiam, ut Io. Maur. Hoffmannus, scripta tali Maecenati, nomine sociorum, panegyri, praedicat, munifica liberalitate, redundantibus ex legato sex mille florenorum usuris, Academiae prospexit, dignus laudatori visus, quem lumen collegii sui clarissimum, dulce decus, munificum patronum, et tutorem benignissimum, nec immerito, nominaret. Quem autem caritatis locum, apud Augustos conditores, patronosque suos, obtinuerit, id CAROLVS, paulo ante obitum, ad d. XII. Kal. Octobres; luculenter declarauit, cum Pittalum nostrum, ad se, reliquorum nomine, venientem, nouumque communis industriae specimen, ad pedes Augustos, deponentem, et admitteret facile, et alloqueretur benigne, et humiliter ab se dimitteret, paulo post, celebratis ritu festo Kalendis, natali suo sacris, cum Hungariam adiret, morbo correptus, domumque cum rediret, magno omnium dolore, extinctus. Quantum denique gloriae non accessit AVSTRIAE, ex duabus celeberrimis, tum mathematicarum disciplinarum, praesertim architectonicis militaris, (*) tum pictoriae, statuariaeque (**) artis, academiis, quae, singulari Augustae, in omnes musarum filios, munificentiae exemplo, Vin-

(*) condita an. MDCCXIIIX.

(**) instaurata MDCCXXVI.

Vindobonae institutae, ad invidiam vsque exterorum, magno reipublicae commodo, effloruerunt, magnamque iam celebritatem sunt consecutae. Quanta non cum vtilitate, architectonicè traditur! quam non scite eleganterque pingitur! quam non affabre, atque antiquo prorsus artificio, statuæ formantur! quam non feliciter omnia artis militaris rudimenta, hodie inculcantur, discuntur, percipiuntur! o prouidentiam AVSTRIAE singularem! o munificam, admirabilemque communis salutis curam! o sapientiam, omni laude, praedicatione, litteris, monimentisque decorandam! Collaudat, nec immerito, ANNAM suam, lugens nunc, Russia, et Patronae mularum suarum, vt nuper admodum accepimus, inter alios lesus, hanc quoque neniam canit.

ANNA cadit, cuius per Russica regna potestas,
 Atque salus sceptro publica fulta fuit.
 Lessus ingeminant Victoria, Gloria, Virtus,
 Mars, Themis, Eusebie, Pallas, et alma Fides.
 ANNAE praesidio, florebant suauiter artes,
 Quas toga produxit, quas aluitque sagum.
 Applaudit meritis terrarum fama per orbem,
 Atque nouum per eam Russia nacta caput.

Nihil ANNAE laudibus detrahimus, quin potius Imperio Russorum, et gratulamur nouam, efflorescentibus studiis, felicitatem, et lugenti pacatum IOHANNIS III imperium comprecamur: nihil tamen ipsi vicissim, quod persuasum habemus, desiderabunt in illis, quae nuper scripsit, litteratissimus AVLAE Vindobonensis Poëta, Nevensteinus, qui, inter alias CAROLI laudes, Augustum funus, prosa hac oratione, profecutus, Princeps, inquit, litteratissimus, liberales omnes disciplinas, immortalitatis suae iustrumenta, vetere maiorum exemplo, donis, praemiis, congiariis, ad dignitatem antiquam reuocauit, restituit, conseruauit. Sed dies nos prius, et oratio, quam rerum copia, deficeret, si vel leui brachio ea omnia attingere vellemus beneficia, quibus

bus DOMVS AVSTRIA rem litterariam ornavit, atque illustravit.

Quis iam est, Auditores, salutis, ac honoris, AVSTRIAE studiosissimi, qui non orbitate DOMVS huius, tam benignae litterarum parentis, altricisque, commoneatur? qui non funus, lacrymis maius, comploret? qui non CAROLINIS manibus religionem cultus, iustaeque pietatis, debeat? Amisimus enim Herculem, reuera Musagetem, qui, ut ipse liberalium disciplinarum cultu fuit ornatissimus, ita et studia litterarum, optima illa imperii sui, tam late patentis, ex usu humani generis, regundi, instrumenta, permagni semper fecit, et amaltheam suam Vindobonensem, exquisitiore librorum adparatu, palatioque ad magnificentiam structo, exornavit, et officinas bonarum artium, scientiarumque, publicas, aut munificentia sua excitavit, aut, a Maioribus conditas, patrocinio suo fovit, promouit, conseruavit. Amisimus vero etiam CAESAREM, qui gloriam DOMVS perantiquae, non vnusvrbis moenibus clausam, sed in totius orbis theatro conspicuam, sic tutatus est, ut, sicut illa, nouis semper accessionibus, a tot retro seculis, Maiorum industria, fiebat illustrior, ita in CAROLO, ultimo stirpis virilis Heroë, summum splendorem, cui nihil amplius lucis possit adfundi, sit consecuta. Amisit Hungaria REGEM, cui ille se, non tam Principem, quam Patrem, gessit, cui, tribus Regni Comitibus, salutare leges tulit, cui, in maximo periculo versanti, pace, paullo ante obitum, cum barbaris facta, qua non praesentia tantum bella, verum etiam futura, vnus Tauruni iactura, deleuit, in tanta nunc rerum confusione, in tanta Europae totius caeca futurorum expectatione pendens, trepidatione, securitatem procuravit. Quidquid prisca aetas de Augusti magnificentia, aut Traiani bonitate, aut pietate Antonini, aut Constantini M. clementia, aut Iustiniani iustitia, aut Caroli M. munificentia, aliisque boni praedicat; quidquid Hungaria in domesticis, aut aliunde accersitis Regibus, virtutum veneratur; quidquid gloriae in Maioribus DOMVS HABSBURGICAE vnquam exsplenduit; quidquid heroicarum virtutum, summi Principis personam ornantium, laudari,

dari, excogitariue, potest: id omne in CAROLO, omnium famam Principum supergresso, natura ipsa cumulatissimum esse voluit. Amisimus in CAROLO VI CAROLVM M. vtrumque meliori iure, quam Aegyptiorum olim fuerunt Ptolemaci, nuncupandum Euergetam. Vt enim DOMVS HABSBURGIA, virtutibus Heroicis, vna cum sanguine CAROLINO, ad se transmissis, semper enituit: ita vltimus hic, Stirpis antiquissimae Heros, CAROLINA prorsus liberalitate, non musarum tantum cultores, verum etiam alios, egestate adflictos, paterna cura complexus est. Nam, vt alia quam plurima, et donatiua in militem, et congiaria in populum, taceamus, loquuntur de CAROLI beneficentia tot domicilia, alendis, educandisque pauperioribus, liberaliter excitata: praedicantur, domi, forisque, cum alia sapienter instituta; tum in primis Pesthanum illud in Hungaria, quo militibus, siue senio confectis, siue ex vulnere, alioque casu, ad merendum inualidis, rude dignis, optime consultum est: ingrati forent, impiique, exsules Hispaniarum, quos, fortunam CAROLI, ad capeffendum imperium Barcinone discedentis, secutos, tam lautis stipendiis sustentauit, vt, qui laeti in exsilium, aut pauperes, ibant, nunc in patriam, diuites, ac tristes, Patre amisso, reuertantur. Nec mendici, quod querantur, habent, quorum egestati sapienter non minus, quam benigne, prospexit. Conquerantur hi de ea, quae in Plauti Trinumo legitur, sententia: De mendico male meretur, qui ei dat, quod edat, aut bibat; nam et illud, quod dat, perdit, et producit illi vitam ad miseriam. Duram hanc Comici, et, iudicio Lactantii, detestandam, vocem CAROLVS, vt nunquam probauit, ita, habita aequitatis, pro sua erga egenos, misericordia, ratione, antiquam illam, de alendis mendicis, quae iam in CAROLI M. sanctionibus legitur, legem renouauit: Mendici per regionem vagari non permittantur: suos quaeque ciuitas pauperes alito: illis, nisi manibus operentur, nullus quidquam dato. Vixit in CAROLO, vt alios Maiores praetereamus, RVDOLPHVS I, potentia non modo quondam maximus, sed etiam recti verique studio,

dio, ita inclytus, ut, annalium fide, perpetuus iustiamor, summum ei in orbe terrarum imperium conciliarit. Nec vero quisquam recti tenacior, quam CAROLVS. Facilius sol a suo cursu, quam, hic nostri seculi Fabricius, a tramite iustitiae potuisset dimoueri, qui, si non verbis, factis tamen, loca, supplicis fontium destinata, sic cum MAXIMILIANO I compellauit: Salue, sancta iustitia! probauitque illud FERDINANDII: Fiat iustitia, pereat mundus. Habuit orbis in CAROLO et ALBERTVM I, qui, ut tria maxime coluit, religionem in sacerdote, virtutem in milite, castitatem in sexu sequiore, ita nihil magis odio habuit, quam, quae tria vno ictu mortifera vulnera infert, calumniam. Vterque enim aureum illud Pythagorae monitum probauit: Quod optimum, idem iucundissimum. Suspexerunt omnes in CAROLO eam in aduersis animi constantiam, quae fuisse traditur in FRIDERICO III. Ut enim huic adpingitur vna columnarum Herculis in basi, cui pedes humani, alter quidem integer, alter autem infractus, firmiter tamen insistant, cum inscriptione: Adhuc stat, ad denotandam, sine dubio, cum fortunae fragilitatem, quam in armis, contra imperii aemulum, Ludovicum, expertus est, tum animi, sibi constantis, firmitatem: ita CAROLO mens fuit, semper sui similis, atque ita aequabilis, ut neque secundis rebus efferretur, neque deioeretur aduersis, staretque, rupis instar, in medio aquarum collocatae, quae nihil aut ventorum vim, aut rabiem fluctuum, pertimescit. Non defuerunt quidem pericula, non incommoda, quibus, quid fortuna valeat, quid in virtutem possit, vires suas omni conatu periclitari voluit; in CAROLINAM tamen animi magnitudinem adeo nihil potuit, ut haec, grauiter tentata, omnes difficultates feliciter superarit, atque inconcussa, inuictaque, et in vita, et in ipsa morte, perstiterit. Nam, ut alia mala, quae intrepido excelsoque animo excepit, taceamus, quae animi, ubique sibi praesentis, celsitudo fuit, cum Iason hic AVSTRIVS, aureum in Hispanis vellus, non eripiendum alii, sed iure sibi vindicandum, expeditionem, anno seculi tertio, susciperet? cum iter, tam longum, vndique ab

E

hosti-

hostibus interclusum, aduersissima anni parte, terra faceret? cum, mense Ianuario, ex Britannia in Lusitaniam nauigaret? cum, Gades praeteruectus, viam, inter Herculis columnas, angustam sibi aperiret, ac dilataret? cum, Neptuno quoque irato, cum ventorum, fluctuumque rabie, decertaret? cum exorta tempestate, labores, molestias, pericula sociorum, impavidus spectaret? cum, monitus ab argonautis, vt sibi in tanta aëris, marisque inclementia, parceret, seque in casulam reciperet, de puppi tamen, CAESAREM breui futurum, et CAESARIS quoque fortunam, nauigationis iam comitem, vehente, spectator operarum nauticarum, non decederet? cum contra aduersarios, tot proeliis, tam acriter, dimicaret? cum ab hoste vndique circumfusus, Barcinone, grauissimam obsidionem sustineret? cum obsessus, et, terra marique, summa vi oppugnatus, victoriam hosti ex manibus eriperet? cum in ipsa Castiliae viscera victor perumperet, Mantuaque Carpetanorum vltro recederet? cum tristissimos nuncios, de funere PATRIS, FRATRIS que carissimi, acciperet? cum praeter spem atque expectationem, a medio rerum, cum gloria gestarum, cursu, domum reuocaretur? Quo autem animo casus domesticos absens pertulit, eodem post praesens, et Matri carissimae iuit exsequias, et vulnus, ex praematuris vnici filii, paternarum virtutum, opumque heredis, vulnus, vt ipsa vrbis inscriptio loquitur, lacrymis maius, excepit, ex neptis, deliciarum suarum, funus, paullo ante mortem suam, extulit. Quid est, si hoc non est, firmo rectoque talo stare, in columnae basi? Hoc reuera fuit, CONSTANTIA ET FORTITVDINE, quo dicto familiariter vsus est, et imperii, et animi habenas moderari? Extulimus vero cum CAROLO et ALBERTVM II, amore ciuium, quam armis, tutiorem. Vt enim is, amicos optimam esse vitae possessionem, adferebat, et coram Socero, SIGISMUNDO caritatem ciuium, quae vitae integritate concilietur, firmissimum Principum praesidium, adfirmabat: ita CAROLVS tam fuit carus omnibus, vt, quod Eberhardus, Dux Vürtembergicus, de se gloriatus est, in gremio cuiuslibet ciuium, inermis, et in soli-

solitudine, tuto quiescere, ac dormire, potuisset. Fuit in CAROLO et FRIDERICVS IV moderatione animi, et clementia in hostes, spectatissimus. Iste, cum, finitimos Sempronio, Günzienses, Austriae finibus infestos, deuicisset, tantum abest, vt oppidum militibus diripiendum, hostesque pertinaces, ac suae DOMVI pridem graues, ad internecionem delendos, daret, vt victor victoriam, seque ipsum, vincere, qua victoria nihil est pulchrius, sciret. Ad milites enim, praedae cupidos, conuersus, Magnum, inquit, actum est opus, sed restat maius, vt, victis hostibus, vincamus nos iam ipsos, et auaritiae simul, vlciscendique cupiditati, frenos iniiciamus. Quam vero sui ipsius potens, quam moderati animi in hostes, fuerit CAROLVS, bella Hispanica, Gallica, Turcica, non maiore felicitate, quam clementia, gesta, testantur. Desiderat nunc in CAROLO orbis terrarum, et MAXIMILIANVM I, in primis sapientem, qui, quod litteris mandauit, idem in omni vita, consiliis, actionibusque, conuenienter expressit, ne frustra illud familiare in ore habuisse videretur: Tene mensuram, et respice finem. Floruit in CAROLO VI et CAROLIV, cum inuictum robur imperii ac potentia, tum in suos, milites, ciuesque, amor et pietas. Vtrumque Gaditanum Herculem ex vero dixeris, vtrumque et Antoninum Pium. Quinto cum aliquando, in expeditione contra Tunetanos, nonnulli desperatum, periculique plenum, consilium darent, ille, vt ciuium sanguini parceretur, respondisse fertur, Vnum se malle seruari ciuem, quam barbaros mille profligari. Sexti vero Hephæstion, EVGENIVS, ea moderatione, in bellis gerendis, vsus est, vt maluerit saepenumero hosti cedere, quam suos obicere periculo; nulla, quam cruenta, victoria potiri; captos, aut saucios, quam caesos, hostes numerare. Quoties iste inter proeliandum, Iuliana est voce vsus: Miles, parce sanguini! Luger in CAROLO suo AVGVSTA ELISABETA et FERDINANDI I castitatem. Fuerunt enim in hoc, cum aliae virtutes, tum praecipue coniugii, religiose seruati, sanctitas, qui, cum a nonnullis reprehenderetur,

quod ANNAM coniugem ad Imperii comitia secum duceret, grauiter respondit, Officium honesti Principis esse, in coniugio caste viuere, a multis plura profundi in libidines vetitas, quam in vitae honestae coniugalis sumptus. Deploramus omnes in CAROLO et MAXIMILIANI II innocentiam, ac vitae integritatem. Hanc iste, et nominis existimationi, qua nihil pretiosius, anteponendam existimauit, cumque obseruaret, a multis curari famam, conscientiam rectae mentis a paucis, manu sua, in mensa, qua Crato, viuientis medicus, mortui laudator, tandem potitus est, inter alia haec scripsit: Famae praefer salutem animae, reliqua vanitas, nam omnia praetereunt, praeter amare DEVM. Ad hanc cynosuram cum totum se CAROLVS dirigeret, ciues suos, ac domesticos, recte facere, faciendo docuit, cumque imperio fuerit maximus, exemplo, ad quod se orbis componeret, maior fuit. Quae non vitae sanctimonia? quae non morum facilitas? quae non pietas in Parentes? quae non liberalitas in sorores? quae non bonitas in ciues? quae non iustitia in omnes, in Traiano nostro fuit? Nota sunt Vobis omnia, Auditores, eorum, quae Princeps Optimus domi fecit, peritissimi. Lugemus vero nunc in eodem et RVDOLPHVM II, quanto ex Hispania in Austriam, tanto ex hac vita in coelestem patriam, cum gaudio reuertentem. Quod si quis scire cupiat, quae fata CAROLI adolescentis fuerint, quamque aequo ac religioso animo, aut quas inter cogitationes, desideriaque, mortem subierit, is repetat sibi tantummodo in memoriam ea, quae, de RVDOLPHO moriente, annales tradiderunt. Is, morti iam vicinus, ad suos conuersus, Mei carissimi, inquit, cum in iuuentute mea, a diuo Parente meo, ex Hispania in patriam meam transitoriam per legatum reuocarer, tanto gaudio perfundebar, vt sequentem noctem totam insomnem traducere. Quanto magis mihi nunc laetandum, quia Pater meus coelestis in aeternam patriam me breui auocaturus est, vbi nullus est temporis vicissitudo, aut mutatio, et vbi calamitas et aduersitas nulla. Tanta vtriusque erat, et in mor-

morte, animi praesentia, tanta abiturientium alacritas! Tanquam ex hospitio, non tanquam ex domo, ex hac vita Carones hi discedebant. Coluimus in CAROLO et MATTHIAM Caesarem, pacis ac concordiae studiosissimum. Licet enim tempora huius fuerint turbulenta, ipse tamen, natura miris ac tractabilis, paci semper sic inseruit, ut litem Austriae, cum Bethlenio Principe, aequissimis conditionibus componeret, tyrannum autem Thraciae, Pannoniis inhiantem, ut ostenderet, se posse, et quiete vincere, et superbos debellare, armis ultricibus, ad pacem petendam, compelleret, hanc vitae cynosuram secutus, Concordia lumine maior. Quodsi vero CAROLINI Imperii exordia cum exitu contendamus, annon, cum imperare coepisset, apertum Iani templum reperit, contraque, cum diem obiret supremum, Pacificus temporis nostri AVGVSTVS, annon clausum reliquit? annon meliori iure moriens, quam olim Septimius Severus, gloriari potuit, ac dicere: Turbatam accepi rempublicam, pacatam relinquo? annon iisdem verbis, quibus S. P. Q. R. eidem Septimio parentauit, et nos in praesens, tali orbatos Principe, lamentari conuenit? CAROLVM aut nasci non debuisse, aut non mori. Iudicate vos ipsi, pro ea, qua excellitis, prudentia, Auditores, quid nunc spei, salutisque, nobis esset reliquum, nisi pacatam reliquisset Hungariam? Nec modo fortissimus hic, ut loquar cum Claudiano, Rheni Pacator et Istri, regnis, prouinciisque suis, optime sic consuluit, sublati dissensionum seminibus, sed etiam inter alios Principes, conciliata inuicem, mutua animorum conuentione, felicissimum Pacificatorem egit. Quid vero dicemus de Pragmatica, ut dici consuevit, Sanctione? quid de anni M DCC XXIII, in regno Hungariae, de heredibus constitutione? Annon has ipsas concordiae custodes esse voluit? annon ita domesticum discordiae, quod animo prospiciebat, malum sustulit? Optandum modo est, ne aliud eridos pomum, quod animos Principum, inter se alias coniunctissimos, dissoluat, in medium proiciatur, ne imperium illi, qui auctiorem habuerit gladium, ut Pyrrhus, reliquisse videatur, ne, diebus

Fidei, Spei, et Caritatis, mortem eius proxime, veteri instituto, antegressis, cum Principe, concordiae pacisque amantissimo, et fides, et spes, et caritas populorum, Principumque christianorum, intermoriatur. Fuit autem in CAROLO non modo pacis studium, verum etiam proavi FERDINANDI II, indefessi imperii cura et sedulitas, qui adeo non defugiebat molestias, ut, quod diurno labore confici multitudo prohibebat, nocturno insomnis illud perficeret. Accidit enim aliquando, ut coenatus moneretur, parceret iam sibi, et quieti se traderet, ille vero, ostendens complures supplicum libellos, Non, inquit, prius, quam lectis his omnibus, atque expensis. Amat enim, ut MATTHIAE numus, grue, vigilantiae indicio, insignis, memoriae causa cusus, loquitur, amat, inquam, victoria curas: neque datur victoria potiri, nisi, ut idem FERDINANDVS statuit, legitime certantibus. Eriperunt nobis fata in CAROLO, et auum eius FERDINANDVM III, Pietate in miseros, et Iustitia, insignem, qui, cum observaret, adstrictos aditu suo arceri, non sine indignatione, satellitium his perstrinxit verbis: Si non vacat miserorum causas audire, ne imperare quidem volo. O singularem pietatem et misericordiam! Didicit hoc vterque ex RVDOLPHO I, qui, cum idem in suis satellitibus animaduerteret, gravius commotus, dixisse fertur: Date, obsecro, hominibus, ad me accedendi, locum et facultatem; non enim ideo ad imperium euectus sum, ut hominibus in arca praecludar. Nec vana fuit iactantia, quando idem FERDINANDVS, testimonio conscientiae domestico persuasus, paullo ante mortem, ita fidenter de suis, quae iuris sunt, actionibus et factis, gloriatus est, se nescire, quid religiosissimus quisque conscientiae arbiter, in iis negotiis, quibus de aequitate ageretur, vel reprehendere in se posset, vel accuratius postulare. Hoc reuera fuit, Pietate et Iustitia imperare. Habes omnino, Sempronium, cur tibi gratuleris, quod tam pium iustumque Caesarem, cum ritu Pannoniarum, regiis honoribus inauguraretur, sinu tuo exceperis. Nec vero tuam in Principem tam bonum

pieta-

pietatem vlla ignorabit posteritas. Prius portam posteriorem, quam, anno M DC XLII. deiecta veteri, ex solido posuisti, vna cum lapidibus, aetas consumeret, aut inscriptionem, AVGVSTO huic, feliciter regnanti, sacram, vetustas exedet, quam vel Regiae in te benignitatis, vel tuae in Regem caritatis, fideique memoria intercideret. Quae vero CAROLI fuerit vel pietas, vel iustitia, cum in omnes alios populos, tum praesertim in Pannonios, hoc inter alia documenta, praecipue tria Regni Comitia, Posonii celebrata, sanctionesque publicae, MDCCXV, MDCCXXIII, et MDCCXXIX annorum, testantur. Inuidebant nobis eadem fata diutius in CAROLO et FERDINANDVM IV. Vt enim hic, quamvis terris, non tam datus, quam ostensus, spes magnas de se, Germaniae, Hungariae, Bohemiaeque sceptris rite susceptis, concitauerat, fueritque nemo, qui non virtutes in Principe, tot regnis destinato, excelsas admiratus, persuasum haberet, futurum, vt Pro DEO, et Populo strenue, feliciterque, propugnaret: ipsaque porta vrbis nostrae anterior, eo aditu, qui medius, ponteque versatili munitus est, Rege hoc solemniter inaugurato, anno M DC LVII reparata, verbis, lapidi incisus, quanta fuerit omnium expectatio, testatur: ita CAROLVS, ex Fratre nepos, spem istam, praematura morte extinctam, feliciter supplēuit, causam, tum DEI, tum hominum, dum vixit, egregie tutatus. Viuum et LEOPOLDINAE erga DEVM pietatis exemplar in Filio, CAROLO, totus terrarum orbis veneratus est. Namque, vt reliqua et LEOPOLDI M. et CAROLI nihilo minoris, decora, quae omnem vim orationis excedunt, praeteream, et, grauissimum saltem illud, sanctissimumque nomen, virtutum omnium fundamentum, Pietatem, erga DEVM, obiter attingam, quis utroque religiosior? quis sacrorum obseruantior? quis sanctitate mentis, quam cum sanguine ipso ex Maioribus hauserat, illustrior? Plena sunt quidem hac de re historiarum monumenta, nec est, qui dubitet, quam religioso vterque in DEVM fuerit animo: euolemus tamen mente in turris, omnium, quas Vienna habet, celsissimae, fastigium, et legamus, quid isthic

LEOPOLDINA pietas, cuius memoria omni aere perennior est, fecerit, quidue scripserit aliquando. Lunam hic ante stetitisse, meministis, quam vero LEOPOLDVS, liberata Turcorum obsidione Vindobona, eodem, quo Budam. recepit, anno, loco tam augusto, arduo labore, tollendam, CRVCIS que signum, ex aere conflatum, reponendum curauit, manifesto indicio, vnum sibi praesidio esse, qui crucis supplicium nostro loco, pertulit, IESVM NAZARENVM. Confirmat hoc, incisa aeri, epigraphae, quae in hunc modum legitur: LVnae LoCo, AVGVSTO Caesare LeopoLDo, signo CRVCIS VICTAE, atqVE EX TVRR! sanCtI stephanI, 15 IVLIi posItae, CrVX ista ereCta et exALtata est. Demittamus nos loco tam sublimi, et humiliora, propioraque adituri, Sempronium reuertamur, atque, si fide inscriptionum, lapidumque, in re per se clara, indubiaeque, opus est, intueamur, quid patres nostri, in primo portae anterioris, forum spectante, aditu, Ludouico Primosanno, Consule, et Matthia Strausio, Quaestore, incidi curauerint. Haec enim leguntur:

AVGVSTISSIMO LeopoLDo
 patri patrIac
 plo IVsto benigno
 eIVsqVE gnato Iosepho I
 orbis et Vrbis sopronlensis solatio
 posita.

Hae sunt tres illae Charites, quae se in LEOPOLDO, inter perpetuos, mutuosque amplexus, deosculatae, imperium eius florentissimum, magno non solum vrbis nostrae, sed totius orbis commodo, reddiderunt. Quid autem in Rege amplius desideres, si pietatem, si iustitiam, si benignitatem colat? Conuertamus porro animum in colossus, e regione curiae, opere satis magnifico, ex voto positum, et SACROSANCTAE TRIADI consecratum, oculosque in statuas defigamus. Quem equidem locum nunquam praetereo, nunquam verba illa, Vni trinoqVE Deo patri FILloqVE et spirItVI sanCto
 ex Voto posVIMVS sopronII,

in-

intueor, quin simul de pietate in DEVM, et LEOPOLDINA, et CAROLINA, cogitem. Videtis illic DIVOS CAROLI PARENTES, LEOPOLDVM atque ELEONORAM, in stylobate, velut ad pedes DIVINAE MAIESTATIS, prostratos, genibus ad pulvinar inflexis, oculisque in coelum sublatis, non sua merita iactare, sed, oblitos quasi summae dignitatis, quam tenebant in terris, DEO supplicare, suam humilitatem, atque indigentiam, confiteri, ad DEI misericordiam confugere, fauoremque, gratiam, opem, salutem, de coelo suppliciter implorare. Lapides hi sunt, sed tamen elingues mentem, coelo deuotam, praedicant. Conferre enim cum hac statua omnes veterum, quas Roma, Graecia, Aegyptusue olim habuit, columnas, pyramides, obeliscos, titulosque omnium expedientes, iudicate, quam toto ab hac coelo differant. In veteribus magnificentiae multum, iactantiae satis, veritatis parum, religionis nihil. Illae enim opes priscorum Principum crepant; haec LEOPOLDINAE index est paupertatis: illae honores diuinos mortalibus tribuunt; haec immortalis DEO: illarum conditores supra omnes deos sese efferunt; in hac, tot gentium triumphator potentissimus, DEO sese reuerenter submittit: illae omnes prosperos successus, humanis viribus, quibus nihil infirmius, adscribunt; haec omnem secundissimarum rerum, et praeteritarum memoriam, et praesentium gloriam, et futurarum spem, vni attribuit DEI clementiae. Ita, dum LEOPOLDVS, hinc pietate et precibus Numen diuinum sancte religioseque colit, hinc omnia belli, pacisque negotia, Consilio et Industria, moderatur: non potest non imperium bene feliciterque geri, Hungaria, cum suis prouinciis, ad legitimum dominum postliminio redire, DOMVSQUE AVSTRIAE potentia in dies maiora capere incrementa. Haec vero est illa pietas, quam, suae parem, LEOPOLDVS in CAROLO, adhuc puero, atque adolescente, vt supra ex epistola audiimus, toties praedicauit, quae, praeter ceteras virtutes, in CAROLO constanter maxime exsplenduit. IESVM et ille, in cruce suffixum, vt ex RVDOLPHO, ceterisque Ma-

ioribus, didicerat, pro sceptro domi, militiae pro signo, habuit: cum IESV saepius, quam cum hominibus, quod de CAROLO V annales tradunt, locutus, piis precibus, assiduisque, DEO salutem, cum suam, tum suorum omnium, quotidie commendavit: IESVM, in rebus dubiis, cum humani consilii nihil, nihil opis, reliquum videretur, religiose in auxilium inuocavit, Abrahamique illam, plenam fiduciae, vocem, Dominus prouidebit, cum MAXIMILIANO II, pro vitae regula, usurpauit: IESV dulcissimo Nomini, diem festum, ad d. XIX. Kalendas Februarias, ritu solemniori, quotannis celebrandum, instituit: IESV honori toties publicas supplicationes, a quibus nulla aëris inclementia retrahi potuit, decreuit, ac persoluit: IESV auspiciis omnia bella, et prudenter suscepit, et fortiter gessit, et feliciter confecit. Et si neque duces deessent exercitui, neque exercitus ducibus, neque res aliae, bello viles: in suo tamen EVGENIO, in consiliis, opibusque humanis, nunquam ponebat fiducia tantum, quantum in IESV. Meministis, qua religione hunc Hephaestionem suum, in castra contra barbaros, aliquando dimiserit, cum effigiem IESV, e cruce pendentis, discedenti traderet, atque, ut, diuinis auspiciis, res bene feliciterque caderent, DEO, scelerum vindici, causae suae bonitatem, exercitusque salutem, commendaret. Quo ipso declarare voluit, qua mente Diuinum Numen reueretur, cuius in virtute plurimum confidat, et quam sibi contra hostes victoriam polliceatur, secutus ita vestigia, non Constantini M. tantum, in Christo vincentis, verum etiam RVDOLPHI, contra Ottocarum, Regem Bohemorum, dimicantis. Hic enim sacram crucis imaginem, ut accepimus, tanti fecit, ut, signis intextam militaribus, praefendam in bellis curaret, imo, cum Aquisgrani inauguraretur, religioneque iurisiurandi deuinciendi essent procures, neque adessent imperii insignia, quibus daretur fides, ex aris sacrum crucis, CHRISTVM suffixum gerentis, simulacrum desumpsit, et, conuersus ad Principes, rei nouitatem admirantes, Hoc, inquit, signum, quo salutis recuperatae monemur, est regni mei sceptrum: hoc ego, in omnes meos,

meos, imperiique hostes, vtar, huius me (non materiem crucis, sed vim meritumque CHRISTI innuens) auspiciis tuebor. Digna tanti Principis persona res, digna omnium imitatione! Qua vero religione in IESVM fuit primus CAESARVM, gentis HABSBVRGICAE, Heros, RVDOLPHVS, eadem et vltimus, CAROLVS SEXTVS. In quo nomine, si ordo litterarum permutetur, vt haec latet sententia: CRVX SALVS ESTO: ita CAROLO SEXTO, IESVS, spes, fiducia, ac solatium, IESVS, amor, decus, ac delictum, IESVS perfrugium, auxilium, praesidium, verbo, IESVS vnus CAROLO salus, tum domi, tum militiae; tum in vita, tum in morte; contra vim ac furorem, tum malorum hominum, tum inferorum, fuit. Neque enim haec, in IESV vno posita, spes ac fiducia fecellit CAROLVM. Nam, vt vnum, ex tam multis, in bello tum Hispanico, tum Gallico, tum Turcico, affatim occurrentibus, diuini auxilii exemplum proferamus, et pacis tantummodo Passarouicenaë tempora in memoriam nobis reuocemus, non nisi, diuinis IESV auspiciis, CAROLVS, eo bello, et rebus Venetorum periclitantibus, aduersus perfidos ac sceleratos pactiois Carolouicenaë violatores, opem tulit, et Italiam totam metu barbarorum, quam spe iam deuorauerant, victricia domi arma circumferens, liberauit, et coelo ipso, causae optimae fauente, periuriumque Thracum vlciscente, receptis Tauruni, ac Temesuariae munimentis, hostem bellicosissimum, cladiumque acceptarum sensu in rabiem versum, ex Hungaria, Seruia, Slauonia, Valachiaque, profligauit. Tantum intèrest, iustane bella geramus, an minus; diuinisne confidamus viribus, an humanis; votisne ac supplicationibus simul, an armis tantum, pugnemus. Quam apposite vates tum quidam, ad illam alludens sententiam, ex nomine CAROLISEXTI erutam, de hac ipsa victoria cecinit!

CAROLVS Eugenio CHRISTVM praefecit eunti
Ductorem belli, CRVX, ait, ESTO SALVS.

Di-

Dixit, et euentu CRUX est operata SALVTEM,
 Barbara gens cecidit, pace triumphus adest.
 Gloria Christiadum! magnis crux apta triumphis,
 Exornat CAROLI nomen, et omen habet.

Paucis vt complectamur omnia, amissimus in CAROLO, et Amorem Deliciasque illas humani generis, IOSEPHVM, qui, Amore ac Timore, sic temperauit imperium, vt non modo de auctoritate deperderet nihil, sceleratis ciuibus non minus, quam hostibus, terribilis, sed etiam, cum diligeret omnes, ac Patrem indulgentissimum se praeberet, ipse vicissim diligeretur ab omnibus. Quam enim carus fuerit orbi alter hic IOSEPHVS, indicant nunc tot vrbium aetuis, tot prouinciarum gemitus, tot Principum, populorumque luctus. Vt enim bona non agnoscimus, nisi amissa, et virtutem, quam praesentem aliquando ne aestimamus quidem, sublatam, nostro incommodo, ex oculis, desideramus: ita CAROLVS, exemplo Fraternali, omnibus amabilis, maximum nunc sui post se desiderium apud omnes reliquit. Vniuersa nunc Europa templum est, vbi augustis PRINCIPIS OPTIMI manibus parentatur; omnes vrbes vertuntur in delubra, CAROLINISque honoribus consecrantur: omnes Principes, milites, ciues, sunt pro statu, merita praedicantibus, quorum in animis CAROLINI nominis memoria aeternum insidebit. Verbo, amissimus in CAROLO perfectum boni Principis, omnibusque numeris absolutum exemplar, cui, omnibus Maiorum laudibus enitescenti, imperiumque, Constantia et Fortitudine, regenti, nihil nisi immortalitas, defuisse videtur. Amissimus Herculem, non Gaditanum modo, sed etiam Mufagetem.

Hoc igitur Decus orbis terrarum, hoc humani generis Delicium, hoc Pannoniarum Desiderium, hoc, vestrum Perfugium, Praesidium, Patrociniumque, hoc inquam, commune omnium bonum, ex hac vita sublatum, lugere, vos in primis, multis nominibus DOMVI AVSTRACAE deuinctissimae, clientes, vos, inquam, quae imperante CAROLO, optime

me floruiſtis, nihilque a barbaria timuiſtis, Muſae, talique nunc orbatæ Patrono, de vobis tam praeclare merito, Auguſtum hoc funus, quibus decet, aut licet, coronis, fertis, floribus condecorate. Induite perſonas praeficarum, componite vos ad luſum, ite feſta, lugubri tamen, celebritate exſequias, adeſte inornatae, veſtesque exiles et ſqualentes adſumite, canite hymnos paeanasque lamentabiliter, vosque in choros diſtribuite, ferte aromata, adolete ſuffimenta, et, quidquid odoris eſt, quidquid fragrantiae, honori Statoris, Conſervatorisque veſtri, conſecrate, atque, cum dignis laudibus parentare nequeatis, religioſa publici luſtus conteſtatione, vos a nefando ingrati animi ſcelere, tot maſtatae beneficiis, vindicate, nec tam ſortem Maecenatis veſtri, quam veſtram, lacrymis acerbiffimis complorate. Nihil enim CAROLO mali accidit, ſi quid durius accidit, vobis accidit. Cum CAROLO, quis dubitet, actum eſſe praeclare? Ille poſito, quidquid habuit caducum ac mortale, aeternum duraturam, coelo receptus, gloriam adeptus eſt, atque, decurſo iam ſpatio, poſtquam deſiderio tot populorum parum, ſuae gloriae ſatis, vixiſſet, aliis inferuendo, conſumptus, ex hac turba et colluvione mortalium, ad coeſte Maiorum ſuorum, omniumque diuorum, concilium coetumque profeſtus eſt. Vos igitur, tam bene rebus humanis exempto, voſtempla, voſarae, voſ ſtatuæ, flamines, ſodales, eſtote, vosque ipſas memoriae, honorigue tutelaris veſtri Numinis conſecrate. CAROLVS coelo ſic illatus, honoribusque diuinis auctus, nihil illa, priſci ritus, conſecratione eget, nihil veſtro ad campum Martium comitaru, nihil pyris magnifice conſtructis, nihil ordinis equeſtris ad certam legem, motu, ac decurſu, nihil hic eſt opus aquila, quae, ſubiectis ignibus, e ſupremo tabernaculi faſtigio emiſſa, animam deſuncti deducat ad ſuperos. Conſecret ita coelo Tiberius Auguſtum, vt aliquod numen maieltati inducat; dicet immortalitari, hoc ritu, Claudium Nero, quod, vt irrideret, fecit; referat in diuos Veſpaſianum Titus, vt dei filius habeatur; inferat ſideribus Titum Domitianus, vt frater dei videatur. Vos, vt ſanctiore imbutae eſtis religione, ita

CAROLO meritis immortalitati consecrato, coeloque, unde humano generi datus erat, recepto, christiana deuotae grataeque mentis pietate, iusta persoluite. Insistite vestigiis praeficarum quatuor, quae funus Augustum totidem coronis, aliisque augustalibus ornamentis, incinctum, lugent: quarum vna aquilae bicornis; altera turris; tertia crucis duplicatae; quarta leonis bifurcati speciem, nouemviralium pileo ornata, gerit, et vnaquaeque, ritu christiano, sic diis manibus iusta exsequiarum facit, ut, pro incolumitate DOMVS AVSTRIAE, pro salute Augustae MARIAE THERESIAE, legitimae regnorum, prouinciarumque omnium, heredi, pro incrementis GENTIS LOTHARINGICAE, pro summe necessario, inter Christianos orbis Principes, pacis et concordiae vinculo, vota certatim, suppliciterque DEO, OPTIMO, MAXIMO, nuncupet. Has dum acrius intueor, Germaniam, Hispaniam, Hungariam, Bohemiamque, lugentes mihi videre, videor, suis vnamquamque ita stipatam prouinciis, ut harum quaelibet, ancillarum more, suam non modo comitetur dominam, verum etiam, ad luctum composita, casu tam funesto, lacrymis et lamentis muliebriter sese dedit. Adiungite vos illi herae pedissequas, quae, ut ipsa gloriatur:

Aquilae secura sub aliis,

hinc crucem, ex vna rupium, quam corona ornat, prodeuntem, bisque immissam, hinc fascias, in campo rubro, quatuor gerit, totidemque alia regna, antiquitus virtute comparata, numerat, quot Musas veteres finxerunt, et sortem vestram, quae est omnium acerbissima, deplorat.

Sume, Melpomene, tria leopardorum capita, coronis ornata, eademque aurea, in campo caeruleo, in triquetra constituta, age personam Dalmatiae, praedica in CAROLO amorem ac studium erga musas, atque dic:

Gaudent hoc Hercule Musae.

Cape, Thalia, scutum, tessellis argenteis, ac rubris, distinctum, gere vices Croatiae, lauda CAROLI Pieratam, in Christo, cruci suffixo, spem omnem ac fiduciam collocantis, et profer cum eodem:

Mihi spes crux vna salutis.

Prehende, Terpsichore, tres canes albos venaticos, in campo viridi decurrentes, age vices Slauoniae, admirare CAROLI sapientiam, atque pronuncia:

Superauit laude Catones.

Tolle, Calliope, ferratum brachium, frameam vibra argenteam, luge cum Bosnia, venerare in CAROLO virtutem Heroicam, atque ingemisce:

Heroum sanguine cretus.

Adsume, Clio, caput apri siluestris, inserto ori spiculo, ex campo rubro, ploracum Seruia, commemora rerum, a CAROLO gestarum gloriam, atque proloquere:

Volat omnem fama per orbem.

Accipe, Euterpe, tres coronas aureas, et monedulam, transverso supra ramusculo insidentem, lamentare cum Halicia, collauda Iustitiae studium, atque hanc adde epigraphen:

Fuit hic Fabricius alter.

Praefer, Polyhimnia, inter tres campos caeruleos fasciam geminam, rubris et albis tessellis distinctam, moere cum Vlodomiria, effer, quibus potes, laudibus, magnifica munificentiae opera, atque, tot aucta beneficiis, faterere:

Tumido quoque largior Istro.

Indue, Erato, leonis rubri, in campo caeruleo, speciem,
su-

superne stella, infra vero luna, illustrem, desse vices Cumaniae, et, cum AVGVSTA ELISABETA CHRISTINA, viduitatem suam deplorante, castitatem collaudans, adice:

Gemit orbis coniuge turtur.

Erige denique, Vranie, scutum, quaternis fasciis auratis, oblique scissum, lupumque album, in campo rubro, reliquis caeruleis, currentem, indole rebus Bulgariae, et triumphum CAROLO coelestem gratulare:

Post fata triumphat in astris.

Dicite vno omnes ore, quae luctus publici sit causa, indicate, cuius ossa haec vrna condat, inscribite marmori hoc monumentum:

Vltimus Austriadum iacet hic Habsburgicus Heros,
Eusebies, Themidos, Martis, et Artis Honos.

Sic tamen indulgeamus dolori, Auditores, in rebus, cum secundis, tum aduersis ferendis, moderatissimi, ne, quamvis sit iustissimus, omnis prorsus spei, solatiique expertes, videamur. Viuit enim adhuc CAROLVS, viuit in MARIA THERESIA, AVGVSTA PATRIAE MATRE, paternarum, tum virtutum, tum fortunarum, ex asse herede, quae, supra sexus sui dignitatem, omni laudum genere cumulata, supra vulgus, omni liberalis doctrinae cultu perpolita, sicut cum matronis, priscae, recentiorisque aevi, laudatissimis, sapientia certat, ita regnis paternis praesidium, et Musis patrocinium omne pollicetur. Diuina, sine vlllo dubio, providentia, res humanas sapienter procurante, factum est, vt, dum ANNA IVANOVA, Imperii Russici Domina, illustre illud ad aquilonem sidus, occidit,

dit, eodem ipso tempore, MARIA THERESIA ad austrum, non Austriae tantum, sed omnibus, quas auito iure obtinet, terris, tanquam stella quaedam veneris, lucis prae-nuncia, quae solem orbi terrarum parturit, tenebras lunae corniculanti, inducturum, auspiciis optimis, oriatur. Haec est, de qua verius, quam de Latini Regis filia, cum Marone ca-nere possis:

Filius huic, fato diuûm, prolesque virilis
 Nulla fuit, primaque oriens erepta iuuenta est;
 Sola DOMVM, et tantas seruabat FILIA
 fedes.

Superabit haec, fausto nata fidere, felicitate imperii, omni-umque laudum gloria, ANNAM RVSSICAM, vincet laudibus ANNAM Britannicam, ipsiusque ELISA-BETAE, Iacobo Rege generosioris, famam obscurabit, et, quod Maiores nostri in MARIA Hungarica olim, spe sua deieci, frustra sibi promittebant, id omne MARIA AV-STRIACA, regno Apostolico longe dignior, in nobis cu-mulate implebit. Abstergite igitur, quoad eius fieri potest, lacrymas, Auditores, spe meliorum temporum excitati, et CAROLVM, in MARIA THERESIA, tanto pa-tre digna, intuentes, suspicientesque, animos, quantum pote-stis, recolligite. Ponite dolori modum, luctumque, exspe-ctatione rerum secundiorum, temperate. DOMINA haec prisca moris, auitae gloriae, paternae indolis, capacissima, HVNGARICAE gentis, artiumque liberalium, amanti-sima, IVSTITIA et CLEMENTIA, quam sibi tesseram, pro vitae norma, delegit, regnatura, spes nostras superabit, nosque omnes gaudiis, quae phosphorus iste adhuc quadantenus moratur, abunde cumulabit. Hac spe, ac potius fiducia, ple-ni, pro salute, nobis summe necessaria, fortunaque AVGV-STA, DOMVS AVSTRIAE, Deo immortalis vota, sancte re-ligioseque, nuncupate, reipublicae sanctioris, ciuilis, ac litterariae felicitatem, summo imperiorum conditori, moderatori, confer-

uatorique, commendate. Atque, vt idem Numen coeleste AVSTRIAE Genti perbenigne faueat, vt imperium MARIAE THERESIAE, rebus secundissimis, fortunet, praesidioque suo seruet, firmet, protegat, vt DOMVM LOTHARINGICAM, nouis fortunarum accessionibus, beet, augeat, cumulet, vt Principum orbis christiani animos, arctissimo concordiae vinculo, iungat, regat, sospitet, vt christianae reipublicae, vt Hungariae, vt vrbi, scholaeque nostrae, benigne faueat, optime consulat, constanter benefaciat, vna mecum religiosissimis precibus supplicare.



II.
ORATIO IN FVNERE

VIRI

DVM VIVERET

ILLVSTRIS ET MAGNIFICI

IOHANNIS SALOMONIS
BRVNNQVELLI

POTENTISSIMI MAGNAE BRITANNIAE REGIS AT-
QVE ELECTORIS BRVNSVICENSIS ET LVNEBVRGENSIS
A CONSILIIS AVLICIS, IVRIS CANONICI PROFESSO-
RIS ET IVRIDICAE FACVLTATIS ORDI-
NARI

ITEMQVE

ACADEMIAE PRO-RECTORIS AVCTORITATE REGENDAE

COMMISSARI

A. D. XV. IVN. CIO IDCC XXXV.

AD D. IOHANNIS HABITA

A

IO. MATTHIA GESNERO

ELOQ. ET POES. P. P. O.

ILLVSTRIS
ET
MAGNIFICE COMMISSARIE
ILLVSTRISSIMI COMITES
PROFESSORES EXCELLENTISSIMI
VENERANDI SACRORVM ANTISTITES
AMPLISSIMI MAGISTRATVS
GENEROSI ATQVE NOBILISSIMI CIVES ACADEMIAE
AMOR NOSTER, SPES PATRIAE
TVQVE RELIQA VEL CIVIVM HVIVS VRBIS VEL HOS-
PITVM, SVIS QUIQVE TITVLIS ORNATISSIMA
CORONA

Sextus hodie et vicesimus dies est, cum ad superos a nobis abiit *Vir Magnus atque Illustris* IO. SALOMO BRUNNQVELLYS, S. R. Maieſtatis a Conſiliis Aulicis, Iuris Canonici in hac Academia Profeſſor Iuridicae Facultatis Ordinarius, et Litterariae Vniuerſitati Pro-Reſtoris auctoritate regendae Commiſſarius Regius. Si in mediocri anima iactura facta eſſet, ſi vulgaris eſſet dolor, ab hoc ipſo interiecto tempore lenimentum atque medicinam haberet. Sed tantum in BRUNNQVELLO perdidimus, AUDITORES, quantum in recenti luſtu obſtupeſcens dolor et ipſe ſe non capiens, peruidere non potuit. Ad hoc ipſum valere hi dies, vt per ſingula cundo aeſtimare demum calamitatem noſtram, et qualis quantaque ea eſt, talem tantamque ad animum demittere potuerimus. Et ſi quam etiam ad retundendos acutiſſimi doloris ſtimulos temporis illa intercapedo vim habuit: ac nunc quaſi rupta cicatrice recrudescit luſtus, quem hic ipſe apparatus, ipſa perhonorifica Manibus Brunnquellianis praefentia veſtra A. A. lenire debebat. Equidem dum inane hoc et deſtitutum vero corpore feretrum con-

contueor, videor mihi apertam subito hanc machinam, et iacentem in ea non iam BRVNNQVELLVM, sed miseras BRVNNQVELLI reliquias videre, eo fere habitu, et flebili specie, qua vltimum eum vidimus, cum occupans paullatim mancipium suum mors hinc luridum pallorem vegeto corpori induceret, hinc splendore ablato rigidos redderet oculos illos, quibus paullo ante vel ad conciliandos sibi animos, vel ad muneris sui obeundas partes tam praeclare utebatur; cum frenaret linguam, vt verba emorerentur intra ipsa labia viri disertissimi, et ad publicam priuatorumque vel salutem tuendam vel mouendam voluptatem tam praeclare lingua et sermone vrentis: cum manus obrigescerent fide, calami vsu, liberalitate, praestantes: cum adflictum iaceret corpus, quod ipsa statura atque conformatione sua dignitatem viro atque venerationem conciliaret. Talis, tam lacrumabili habitu obuersans animo BRVNNQVELLVs ita me perturbat, vt difficile mihi sit susceptam personam perferre. Heu pater! heu lumen huius Academiae! heu decus vnicum! Siccine destituis spes nostras? Sicne fiduciam de te conceptam eludis? Hocne fuit, quod de te sperabamus omnes, qui tuam doctrinam, tuam prudentiam, humanitatem tuam noueramus? Ideone summo studio, conditionibus amplissimis, non sine magnis difficultatibus huc euocatus es, vt paullo post morte a nobis discederes? ideo ne tanta nobis aduentus tuus commoda ostendit, vt tanto ampliorem paullo post nancisceremur lugendi materiem? Conferte A. A. hunc diem cum illo, quo primum ad Spartam suscipiendam huc venit BRVNNQVELLVs. Tum erecti omnes literatae vniuersitatis ciues non sine impatientia aduenientem expectabant. Occurrunt equis vecti qui poterant, alii pedibus; reliqua turba aggerem et portam obsident, alacri laetitia et gratulabundi aduentantem excipiunt, deducunt, et sub noctem musicis concentibus ipsum honorant, quantique faciant virum, tum rebus caeteris, tum modestia praesertim sua atque verecundia significant. Nunc quam mutata sit ab illa rerum facies, non sine intimo doloris sensu videmus. Deiectos vultus cernimus, sollicitum obseruamus silentium, in ipso gestu atque habitu moestitiam, lugu-

bria omnia. Domus, quam paullo ante celebrabat flos ipse iuventutis nostrae, nunc solitudine et squalore miserandum inconstantiae rerum humanarum exemplum praebet. Atque ut melius appareat, quantam in BRUNNQVELLO iacturam fecerimus, quam iustas proinde lugendi causas habeamus, immoremur, agite, aliquantum tristi licet cogitationi. Percenseamus bona nostra, quae perdidimus; numerum, si potest, incamus earum rerum, quas vel abstulit nobis vel interceptit ingens illa, quae BRUNNQVELLUM eripuit, calamitas. Idque eo magis faciendum arbitramur, quod eadem etiam consolationis quaedam iaci fundamenta videntur posse. Habet enim hoc luctus eorum, qui cari nobis fuere, ut initio quidem pungat et vehementer stimulet bonorum amissorum cogitatio; deinde vero non minus sit iucunda, quam aliarum recordatio voluptatum, cuius quidem opera reuocare quasi et repraesentare animo ea etiam possumus, quibus iam non aliter, quam sola animi aduersione frui licet. Neque vero inane illud consolationis ac doloris leniendi genus putandum est, cum ipsarum etiam, quae praesentes nobis sunt rerum nihil aliud ad animum nostrum praeter imagines illas, quas cogitatione effingimus, pertineat. Agite igitur A. A. obfirmato ad dolorem animo intueamur iam BRUNNQVELLUM nostrum, et ita distribuamus decora ipsius et bona, quae amauimus dum noster erat, quae lugemus amissa, quae contingere nobis optamus in aliis, ut illum *ICtum bonum, bonum ciuem, bonum denique litteratae ciuitatis rectorem* fuisse, doceamus.

Ac primum quidem non opus est in hoc conuentu ostendere, *ria* esse, quibus opus sit, ut aliquis in vnoquoque doctrinae aut cuiuscunque adeo artis genere ad fastigium aliquod perueniat, natura siue ingenio, tum praeceptis atque institutione, exercitatione denique et usu: sed ab his omnibus praeclare instructum fuisse BRUNNQVELLUM, facile apparebit, si vitae ipsius rationes paullo repetere altius placeat. In schola natus est, patre felici puerilium ingeniorum formatore, cui generi pro contemptu, quo solent onerari, iisque quibus vulgo obruuntur molestiis, eam saepe attributam felicitatem obseruamus, uti
filios

filios habeant tanto honoratiores, quo minoris ipsi apud imperitos aestimantur. Vidit nostra atque patrum aetas ex eo genere Wernheros, Bergeros, Thomafios, Schurzfleischios, ne de pluribus, his praesertim qui supersunt, commemorem, magnos viros, qui in eam cogitationem inducere aliquem possint, non formari modo, sed nasci etiam in scholis praeclara ingenia. BRVNNQVELLI certe nostri pater, qui instituendae ad humanitatem pueritiae in Quedlinburgensi Gymnasio fidelem dedit operam, hac felicitate auctus est anno saeculi superioris xciij, ut filius sibi nasceretur nulli eorum, quos commemorauimus, nisi arctis viuendi spatiis exclusus esset, secundus. Sed filio etiam peropportune accidit, quodeum patrem haberet, qui disciplina iuuare ingenium, et aetatem teneram praeclaris augere institutis posset. Successit deinde patri, quo iuuenis orbatus est, vicaria quasi aliorum opera, quam cupide amplexus noster, in Ienensem Academiam ea doctrinae humanioris fundamenta adtulit, quibus deinde superstrui atque inaedificari possent tum vniuersalia sapientiae praecepta, quam philosophiam vocamus, tum legitimae praesertim scientiae, et quae huius vel adiumenta vel ornamenta ex historiarum studiis petuntur. Cumque nactus esset praestantissimos doctores, quorum eruditioni, diligentiae, fidei, sua ipse discendi cupiditate atque obsequio responderet, ac post triennium sic exactum simili deinde industria Lipsienses musas coleret; nihil supererat, quam ut ipso etiam rerum actu, ad quae vel ab ingenio aptus, vel a doctrina paratus; esset, confirmaret, et numeros ita omnes Icti paullatim impleret. Et cogitauerat ille quidem istum quasi Colophonem legitimae doctrinae addere in patria sua, et opera forensi tum iuuare ciues suos, tum suam ipse prudentiam augere. Verum enim vero reditum ipsi in Ienensem Academiam, et ad maiora aditum machinata fuerat caelestis prouidentia, quae per eas nos vias ducere consuevit, quarum flexus omnes atque anfractus praenoscere ne oculatissimis quidem datum est; exitus vero intuenti a summa sapientia institutas atque dispositas esse, facile apparet. Ductore atque comite opus est generoso iuueni in laudatam Academiam ituro; non

inueniunt, quorum ea curatio erat, BRVNNQVELLO nostro aptiorem. Hic vero videres, quod est in Graecorum prouerbio, equum in campum immissum, BRVNNQVELLVM adeo cupide, strenue adeo remerientem, quasi de nouo iurisprudentiae, quos iam decurrerat campos, et deinde cum ad docendos alios, tum ad causas in foro agendas ita incumbentem strenue, vt ipso inuitante vtriusque rei successu, et honores petere Academicos, et sedem sibi stabilem circumspicere in Ienensi Athenaeo statueret. Est illa maxima, A. A. doctarum vniuersitatum, quae aliquam diu iam floruerunt, commoditas, quod se quasi ipsae alunt, et in suo sibi sinu educant viros vndecunque ad se delatos, qui subire paullatim ac deinde plane suffici in locum decedentium doctorum possint, cum vbi noua instituenda schola est, incredibiles fere difficultates ex instructorum ab ingenio, eruditione, et fama hominum inopia obiiciantur; quod quale sit summi viri intelligunt, quibus id negotii datum est, vt huic ipsi Academiae nostrae doctores idoneos prospiciant. Quo autem frequentior est Academia, et aemulantibus eadem studia plenior, tanto difficilius est in multitudine hominum idem spectantium ad fastigium illud emergere. Tanto igitur magis laudanda non fortuna BRVNNQVELLI, sed virtus, qua perfecit, adspirante quidem successum Deo, vt ipse per diuersos gradus, superato celeriter et perfecto, qui in illa schola solemnis est, honorum cursu, ad Antecessoris dignitatem perueniret, et in collegia iuri dicundo, rebusque et litibus iudicandis, cooptaretur. Sapienter autem ibi et hoc constitutum est, vt iisdem fere spatiis gradibusque ad docendi apicem perueniatur, quibus in actu rerum, causisque primum agendis, deinde iudicandis, proceditur. Ita noster, post ipsum Docturae, quem ita vocare liceat, honorem, admissus est ad patrocinia in Curia Ser. Ducum Saxoniae suscipienda; tum quasi auctis exercitatione copiis extra ordinem iura docere iussus; postea peritiam, quae inde creuerat, ad Scabinorum, quos vocant, collegium conferre; deinde, post noua hinc etiam eruditionis incrementa ordinariam iuris professionem suscipere; summam denique iuris omnis prudentiam, his quasi gradibus auctam, inter Curiae prouincialis Saxonicae Assessores, et in Con-

Consilio Serenissimorum Principum Aulico explicare. Qui vel hunc ipsum, quem tenuit BRVNNQVELLVS, studiorum pariter atque honoris cursum cogitauerit; ille quanta res sit ICtus hoc tanto nomine dignus, quantus proinde vir fuerit BRVNNQVELLVS noster, intelliget. Non sane legum multarum memoria, et notitia formularum, non qualicunque in cauendo calliditate, aut vafritie in fallendo censendi sunt ICti hodie, (quod quis de illis, quos Tullius non nunquam ridet, forte dixerit,) sed ea interpretandi leges Romanas, Germanicas, antiquas et nouas peritia, quae sine infinitis prope litteris et studio incredibili comparari nequit; ea porro singularum legum ad ipsa facta applicandarum scientia, quam praestantissimis etiam ingeniis, et multa doctrina nixis, non nisi multo vsu rerum atque exercitatione contingere, satis constat. Talis igitur tantusque ICtus fuit BRVNNQVELLVS, qualem quantumque suspicari, si quis aliunde iudicare non possit, fas est eum, cui ex omnibus Germaniae partibus certatim homines nobilissimi causas suas, quin liberos suos, sua pignora commendauerint; eum, cui Rex Sapientissimus de consilii sui, virorum prudentiae laude florentissimorum, sententia, primas dicendi iuris, alteras autem docendi partes in Academia sua, quam nulla parte optimis quibusque inferiorem esse cupit, imposuerit; quem rebus nostris adhuc propter ipsam nouitatem imbecillis rectorem moderatoremque praefecerit; quem praeclare sustinere, quidquid impositum esset oneris atque muneris, quicumque iudicare aliquid possunt, vno omnes ore profitentur.

Magna profecto laus, sed tanto illustrior, quod adiunctam illam alteram habuit, cui non nimis bene cum priore illa conuenire, vulgaris opinio est; commendationem dico *boni viri* atque *ciuis*. Sunt haec ipsa inter se aliquantum diuersa, cum bonum ciuem vocare non nunquam cogamur, quem virum bonum dicere dubitemus; et *boni viri* laus negari interdum sine iniuria non possit, quem bonum ciuem nemo facile dixerit. Sed ista subtilius hic quidem non disputamus. Bonum ciuem BRVNNQVELLVVM fuisse confirmamus, hoc est, cum virum, qui et ex animi sui sententia certoque proposito utilis esse vel-

let tum vniuersim reipublicae, tum singulatim quibuscunque posset, et egregiam eius rei facultatem atque copiam haberet. Poterat sane aliquis conferre in ipsum Catonianam oratoris definitionem, et Ictum, qualis ipse fuit, dicere virum atque ciuem bonum, iuris diuini atque humani peritum: adeo ille consilia omnia atque actiones ad communem referre vtilitatem consueuerat. Habebat illius consuetudinis a firma animi inductione profectae fundamentum pietatem aduersus immortalem Deum, qua a teneris inde vnguiculis imbutus fuerat, quamque deinde ab ipsa ratione, tum etiam a soceri ipsius contubernio confirmatam atque a superstitione puram, tota vita magis exprimebat, quam disputando et ritibus quibusdam obeundis prae se ferebat. Quae non eo pertinent, A. A. quasi parcus templorum cultor, et contemtor publicarum ceremoniarum fuerit; nemo enim hac etiam in parte honesti atque decori obseruantior. Sed illud volumus, pietatem illius non ita angustis limitibus circumscriptam, totius potius vitae atque omnium actionum magistram, quam anxiam cerimoniarum custodem fuisse. Quod de socero modo innuebamus, illud eiusmodi est. Quicumque nouerunt GUIL. HENR. BRVCKNERVM, illustri dignitate et meritis virum, norunt autem qui per hosce triginta amplius annos Ienae fuerunt, iidem sciunt, virum esse, vti doctum et sapientem, ita in primis, nemine, quod audiuerim, contra disputante, pium; et quod caput est, pium sine ostentatione, sine reprehensione aliorum, sine asperitate, sine affectatione denique, et quaecunque alia vitia non tam comitari, quam infamare pietatem solent. Huius viri hac laude, quod diximus, conspicui, filiam, caste et pudice habitam, atque a saeculi corruptela puram, quod vxorem sibi expetiit, impetrauit, habuit, quod cum hac vxore, cum hoc socero, suauissime coniunctissimeque vixit, nonne ipsum quoque religiosae pietatis in BRVNNQVELLO nostro signum est? Hunc socerum igitur imitatus, quin sanctis Christi Dei praeceptis obsecutus, primo se suumque animum formare studuit, deinde familiam bene ad felicitatem tum quae hac vita continetur, tum quae post speratur, gubernare; hinc egressus ciuibus suis quacun-

quacunq̃ue posset re vel opera commodare. Vnde factum est, vt domum ipsius non modo percontandi causa, tanquam ad oraculum quoddam confluerent homines, sed etiam ad opem, quae a bonis ciuibus atque amicis speratur, petendam. Neque sane quisquam ab eo culpa ipsius tristis discessit, qui suam felicitatem interpretaretur, si posset prodesse quam plurimis. Senferunt propitiam hanc et promptam ad iuuandum voluntatem viduae complures mulieres, et destituti parentibus liberi, qui grati agnoscunt, per illum factum esse, vt minus sibi viderentur miseri: quorum precibus quoque, speramus, hoc dabit Deus, vt afflictissima BRVNNQVELLI familia in aliis inueniat non minus praesidii, quam in ipso alii saepe habuerunt. Sciebat nimirum BRVNNQVELLVVS, etiam ita remp. cui natum se putabat, nauari, si singulis opem praestaret, his praesertim, qui indigere ea praeter caeteros, aut opportuni esse iniuriae viderentur. Caeterum ita se instituerat, vt ad publicam utilitatem et patriae commoda intentus semper esset, tum ipso vitae genere atque instituto, quod totum ei impenderetur, tum quod commoda sua et voluptates illi condonaret. Dubito equidem, A. A. an ea, quae dicturus sum, satis probare, quin declarare etiam omnibus possim: sed quid sentiam tamen, in conuentu praesertim humanissimorum hominum, audebo eloqui. Quantumuis amarae sunt radices humanioris doctrinae, adeo quidem, vt pauci deuorare molestiam, qua ad fructus dulcedinem peruenitur, sustineant: ipsae tamen illae litterae, cum fideliter semel perceptae atque pleniore haustu gustatae sunt, nescio quae delinimenta habere mihi videntur, vt vix a se dimittant amatores suos, sed sibi solis per otium et quietem a forensi strepitu remotam, adhaerescere eos subigant, et Loto-phagorum vel Sirenum adeo fabulam in illis agant. Quod quidem paucis quibusdam contingere, qui vel ad has ipsas litteras docendas animum deinde appellant, vel otium suum illis oblectent, et optabile est, et ferendum facile. Interim laboraret respublica, si praestantissima ingenia, quae sola fere iis rebus capiuntur, inter Sirenum istarum complexus consenescerent. Quare viri fortes et boni ciues esse, et rei publicae
amo-

amorem suae voluptati praeferre, censendi sunt, qui agunt, quod BRUNNQVELLVS noster egit. Haud ille profecto tralatitiam nec infelicem in antiquitate Romana, et optimis scriptoribus cognoscendis operam posuerat. Loquuntur hoc tum aliae viri commentationes, tum illa, quae prima in hac schola, rerum vero humanarum pene vltima illi fuit, in qua consilium aperuit de legibus in iuris pandecten a Triboniano relatis eo ordine atque tenore, quem Labitti ille aureus index commonstrat, edendis prout extant hodie integris, et diuerso adnotationum genere illustrandis; consilium pulcherrimum profecto, quod explicari vehementer mansuetiorum litterarum et solidae iurisprudentiae interest; sed idem tale, quod nec in mentem venire, nec probari potuit, nisi humanissimo viro, et Alciatiique Cuiacianae doctrinae aemulo. Quam vero difficile sit illis deliciis imbuto homini inde ad asperam se et contentiosam respondendi iudicandique rationem conferre; non obscurum esse potest, qui degustare vtramque rem, vel seria certe cogitatione percurrere voluerit. Nisi forte putabimus, iucundius esse homini bene nato, sexcentas vno spiritu ineptias, nugas, contentiones, iniurias, turpitudines, insanias, scelera, cognoscere, ac sententiam de iis interponere; quam in veteris aevi lingua et moribus cognoscendis, legumque antiquarum sententia peruestiganda, otium suum fallere. Haec igitur qui potest, et illa tamen eo studio, quo BRUNNQVELLVS noster, agit, eum profecto, illo ipso etiam nomine, bonum ciuem, et amabilem his, qui patriam amant, virum esse iudicamus. Nam quod alii vel ingenio sunt pinguiore, quam ut capere illam elegantiam possint; vel ad rem et honores illa altera via festinandum sibi putant; horum nihil in BRUNNQVELLVM nostrum conuenit, qui in doctrina, quam diximus, animum tum pecunia superiorem, tum ambitioni malae impenetrabilem, multis rebus declarauerit, et quoties vel potentiorum voluntas, vel priuatum aliquod commodum pugnare cum generoso illo honesto videretur, forti animo atque magno displicere principibus, vtilitate aliqua carere, quam parum vereri conscientiam maluerit. Non est huius loci, A. A. per exempla

pla ire; sed quibus familiarius innotuit BRVNNQVELLVs, ii nihil praeter rem a nobis dici, non ignorant. Habent hoc adiunctum incommodum non nunquam, iusti tenacesque propofiti optimi homines, vt feueritate fua atque afperitate molefti fint aliis, atque illa ipfa re interdum ab opportunitatibus reipubl. iuuandae excludantur. BRVNNQVELLI noftri virtus in fe tantum fuit rigida, mitis in alios. Hinc pacis, tranquillitatis, concordiae, compositionis auctor efle, easque res fuadendo, concedendo etiam quantum eius fieri poffet, promouere nunquam deftitit: eaque ipfa re in tantum bonus fuit ciuis, quantum in pace atque concordia bonum efle, omnes agnofcunt. Quidni vero bonum h. e. vtiliffimum reip. noftrae praefertim ciuem eo etiam nomine praedicemus, quod quo tempore nobifcum fuit, ciues huc allexit alios. et numero fatiſ magno, et ſplendore generis reliquaque dignitate praefantiffimos. Perſane honorificum eſt huic Academiae, naſcenti demum, et nondum rebus omnibus exornatae, legi in matricula tot praeclaros ciues, non ſcribente tantum BRVNNQVELLO, ſed etiam huc pertrahente, in eam relatos: amplum eſt illi ad laudem atque famam in ipsis iam incunabulis parandam, legi in vltimo ipſius programme inter ciues alios minime poenitendos ſex Illuſtriſſimorum Comitum nomina, qui diſputationum publicarum arenam ipſo praefidente ingreſſuri fuerant. Quorum aduentum vt debere nos BRVNNQVELLO grati fatemur, ita ſperamus, fieri poſſe, vt aliis quibusdam vel viris vel rebus deliniti, conſilium vel veniendi vel manendi apud nos non mutant, ſed quae in BRVNNQVELLO amiſerunt et ipſi, ea alicunde reſtitutum primo quoque tempore iri, nobiſcum confidant.

Sed ſupereſt, vt bonum etiam fuiſſe BRVNNQVELLVm *litteratae ciuitatis noſtrae rectorem* oſtendamus. Quam difficile ſit, praeeſſe hominibus, nullumque animal ita aegre alienum imperium pati, non opus eſt Xenophontis vel aliorum philoſophorum auctoritate confirmare, cum ſatis hoc experiantur, qui vllam imperii cuiuſcunque partem vnquam attigerint. Inter homines porro neſcio an difficillimum ſit, imperio continere

tinere eos, quos vel calida aetas reddit inquietiores, vel prima libertatis vsurpandae facultas ferociores, vel variarum rerum cognitio callidiores, vel ingenii, generis, ac familiae, opum ac reliquarum copiarum fiducia audaciores, vel, quae vltima classis est, ipsa paupertas et omnium verum desperatio ad conandum proiectiores. Hoc igitur genus hominum, aut potius haec tam varia hominum genera, ita regere, vt neque serui nimis disciplina virtutis igniculi opprimantur, neque in licentiam perniciosam effrenis erumpat audacia; hoc vero consummatae cuiusdam prudentiae atque sapientiae opus est, qua qui valeat, eum in summis adnumerari hominibus debere, equidem arbitror: idemque eam ipsam laudem BRUNNVELLO nostro deberi, confirmo, quibusque rebus illud consecutus sit, breuiter indicabo. Induxerant in animum, iustis illi quidem de causis, ciues nostri, eum esse BRUNNVELLUM, qui et posset sibi consulere propter prudentiam non doctrina modo, sed longo satis rerum vsu comparatam, et vellet, propter probitatem et studium, quod modo laudabamus, publicae salutis. Huic si quis repugnaret, ille non tam magistratum contemnere videbatur, quod ipsum iam satis graue est, sed solum cum est, non satis semper validum; quam suam ipse salutem, quod nemo nisi stultus facit, impugnare. Accessit naturae quodam munere, cui diligenter ille obsecutus fuerat, singularis prope humanitas, et facillima candoris fides, quum ille expositus omnibus atque obuius nudum quasi pectus, et plenum amoris ac beneuolentiae animum cum honestissima inferuendi voluntate ostenderet. Quod vt virtutis opus etiam fuisse non negamus; ita naturae atque felicitatis cuiusdam diuinitus adiunctae partes qui hic agnoscat, is vel eo nomine nihil quidquam de laude viri summi detrahit, quod ea etiam, quae virtuti tribuuntur, diuinae in se bonitatis opera esse, ipse pro sua modestia agnoscebat. Interim propter ipsas, quae commemoratae iam sunt, causas, felicissima regiminis ipsius erant auspicia. Apparebat vos, huius litteratae vniuersitatis CIVES, vos enim alloquor, *gaudium nostrum atque deliciae, vnicumque doloris nostri solatium, Generosa atque Nobilis egregiorum ad*
omnem

omnem laudem iuuenum corona, apparebat, inquam, ita amari a vobis BRVNNQVELLVM, vt indignum putaretis agere quidquam, quo ille contristaretur, quem nihil ferre constaret molestius, quam quo vestra labefactaretur felicitas. Maeste ista virtute estote, carissima capita, felicissimam illam animi adfectionem nunquam deponite, beatam nobis porro crescentem hanc rempubl. nostram ista virtute, pudore isto, ista in amantissimos vestri patres beneuolentia, praestate. Redeundum est ad BRVNNQVELLVM. Ille reliquas etiam muneris atque magistratus sui partes ita diligenter, alacriter, fideliter, exsequabatur, vt in spem veniremus omnes, feliciter euenturum Academiae, quod hoc potissimum viro moderante illa consisteret, et formam quasi suam acciperet, putaremque magistratum BRVNNQVELLI non in praesens modo vtilissimum huic Academiae, sed ad omnem quoque posteritatem futurum, idque maiori aliquanto iure augurari videbamur, quam coeli, sub qua nascuntur homines, conformatio vim ad totius vitae cursum habere olim credita est. Sed aliter scilicet Deo visum. Heu! funus illius ducimus, quo cum purpura et sceptris praecunte, pompam frequentem inaugurandae Academiae causa ducturos nos paullo post sperabamus: heu! mortuum detulimus in Paullinam aedem, vbi praesidente illo, prima inaugurationis illius solemnia nos obituros arbitrabamur. Heu! fallaces hominum spes! heu inania consilia! in vno BRVNNQVELLO *ICtum optimum, ciuem optimum, optimum huius litteratae ciuitatis rectorem*, amisimus.

Sed reprimamus dolorem, et remedia potius illius leniendi, quam exasperandi rationes adhibeamus. Si parum hic valet communis mortalitas, quae perpetuam potius lugendi materiem suppeditet, quam consolandi argumentum: at illud cogitemus, quaecumque nobis eueniunt, ea diuino consilio euenire omnia, et aut ipsa bona esse, aut medicinae et remedii, ad maiora vel occupanda vel sananda mala rationem habere, aut ad commoditatem aliquam consequendam pertinere. Si plus semel contigit, vt imperatore in acie caeso, victor ta-

men

men exercitus discederet; si patre intempestive, ut videbatur, defuncto, tanto laetius saepe familia effloruit: quidni acerbissimus, quantum nunc aestimare licet, casus, occultas iam quidem certas tamen futurae felicitatis rationes continere possit? Consoletur nos Potentissimi Regis nostri, Patriae Patris Indulgentissimi, sancto nuper pede Germanicam ditionem suam ingressi, providentia, cuius nutu primo curatum est, ut mori non videatur, non desiterte, qui hanc Academiam auctoritate et consilio regat; deinde ut hac ipsa funebri pompa instituta intelligant omnes, honoratissimos velle Regem Indulgentissimum, et viuos et mortuos, qui praeclare in rei huius publicae procuracione versantur. Quid amantibus contingere soleat, recordemur iterum, A. A. His si in ipso principio luctus, et inter primas doloris facies atque stimulos, imago forte obiiciatur absentis aut mortui adeo amici, exclamant, et in flebiles soluuntur querelas. At paullo post in eadem imagine consolabilem moeroris sui oblectationem quaerunt, inveniuntque: ipsa illa loca frequentant, reliquias illas tractant, quae monumentum aliquod amici habent; lamentationis et stetus paullo ante materiem in tranquillitatis et placidae cuiusdam ac sincerae voluptatis argumenta conuertunt. Hoc ipsum in BRVNNQVELLO imitemur, A. A. Luctuosam licet nunc et flebilem viri imaginem hauriamus animis, et profunde imprimamus. Quantam ea nunc, damni quod fecimus cogitatione, adfert tristitiam, tantum suauitatis in posterum et incunditatis adeo habebit: quin neque utilitate maxima ea res carebit. Animus enim in cogitandis admirandisque illius virtutibus defixus magis magisque ad earum imitationem incitabitur, conformabitur ad exemplum. Sic post fatum etiam suum noster esse BRVNNQVELLVVS, bonus et utilis nobis esse, non desinet.

Tum tu, Pater Optime Maxime, cuius nutu atque voluntate ista nobis obuenit calamitas, medicinam ipse praestantissimam nostris malis adhibebis, et sanctum ac salutare fuisse nobis quidquid hic fuit incommodi, exitu beato demonstrabis. Saluum nobis et incolumem praesta Indulgentissimum Regem nostrum atque Patrem, tuae inter nos maiestatis vicarium, quo saluo infelices nos esse vix possumus; suaeque ipsum domus atque imperii sui felicitate, nos providentia ipsius atque beneficiis diutissime frui iube. Tuere, Pater, hanc dicatam publicae saluti sapientiae ac pietatis officinam, atque tenerae instar plantae fouendam ipse atque alendam suscipe. Tuere urbem, quae hospitium nobis praebet, atque ad omnes illius ordines ornamenta inde atque commoda ut perveniant, effice. Familiae BRVNNQVELLI adstrictissimae solatia pariter auxiliaque pro infinita sapientia tua et bonitate suppedita. Totam denique patriam nostram providentia tua ita comple-

ctere, ut saluo Rege, salva vigeat floreatque
respublica!



III.

IOANNIS SAMVELIS MVLLERI

RECTORIS HAMBVRGENSIS

ORATIO

DE

ELEGANTIORI EDVCATIONE.

G

Vetus querela est, A. V. non nostra demum aut patrum memoria audiri coepta, homines singularum aetatum deteriores nasci, semper a prisca virtute atque integritate magis magisque degenerare, magnamque flagitiorum accessionem ad superiorum seculorum vitia nunquam non fieri. Nemo, mea quidem sententia, elegantius grauiusque eam exposuit, quam Venusinus ille Lyricorum princeps,

Aetas parentum, inquit, peior auis tulit, Nos nequiores, mox daturos Progeniem vitiosorem.

Neque aliud quidquam innuunt reliqui poetae, quia aureae aetati successisse argenteam canunt, argenteae aeneam, hanc denique fugatam a ferrea, in qua nihil intactum, nihil intactum sit relictum, quo, si fieri posset, pudor et aequitas e rebus humanis proscriberentur penitus atque exterminarentur. Nonnulli adeo vniuersam rerum naturam sensim deficere contendunt, et fato quodam omnia indies in peius trahi, decrescere non tantum vitam hominum, lethique tardam necessitatem gradum corripuisse, verum ipsam tellurem quoque esse effoetam, et longe minora, quam olim, animantium corpora procreare, ut alia, quae ad corroborandam opinionem suam afferunt, omittam. Non nostrum nunc est, tantas componere lites aut inquirere, adeone inculpata apud antiquos vitae fuerit sanctitas, ut seculorum, quae propius a nobis sunt disiuncta, moribus, si numerum etiam bonorum spectare velis, tanto peius anteferri mereatur.

Sed pone, quod tamen liquido demonstrari vix poterit, at pone, deberi illam gloriam priscis temporibus, descitum esse pedetentim nonnunquam, citato gradu saepius, ab antiqua vitae innocentia, moresque hominum ruisse semper in deterius; gloriari tamen possumus, illuxisse iam tempus illud, ubi meliora de filiis nostris, de natis natorum, et qui ab illis nascuntur, sperare, atque adeo confidere queamus, fore ut haud ita longo annorum decursu

toto surgat gens aurea mundo.

Quem.

Quemadmodum enim, qui agrorum atque hortorum salutem consulunt, id imprimis operam dare solent, ut semina atque plantae recte se habeant, ita et honesti parentes cum vitii suorum temporum pugnaturi, maiori nunc cura atque intentione de filiis recte educandis sunt solliciti. Quoniam igitur a iuuentutis formatione totius reliquae vitae, imo et posteritatis, pender expectatio, omnia de grandioribus polliceri nobis possumus, quum maior opera, maior diligentia expoliendae adolescentiae nunc impendatur.

Haud ingratum vobis, A. V. neque a muneris mihi demandati partibus alienum esse arbitror, si de *elegantiori*, quae nunc obtinet, *liberos educandi ratione* pauca exposuero, neque dubito, quin et me pro consueta Vestra benevolentia propense audituri, et, si ea temporum nostrorum felicitas probata Vobis fuerit, nobis posterisque eandem sitis gratulaturi.

Quando hodiernam filiorum educationem veteri illi longe praeferendam esse statuo, non conrendo, neminem antiquorum existisse, qui meliora viderit probarique. Fuerunt nonnulli, qui iusto dolori indulgentes, immutanda quaedam esse usque ad invidiam proclamarunt. Sic QVINTILIANVS (*) suo iam tempore requirebat vel praecipue nutricis operam in fingendo pueri ore ac lingua, volebatque deligi non indifferenter, quae cum primo lacte simul purum orationis genus et quaedam liberalioris doctrinae elementa instillare posset. Quales nostrates nutriculae esse soleant, notum est et referre pudet. His tamen ad nostram usque aetatem ingenti suo damno concrediti sunt pueri, donec tandem, posteaquam tot Gallorum millia religionis causa e patriis finibus expulsa, ad nos commigrarunt, tales mulierculae suppetere nobis coeperunt, cuiusmodi M. Fabius exigit. Ista enim natio, si qua alia, omnium confessione est politissima, ita ut tenuioris etiam

G 2

fortis

(*) Institut. Orator. Libr. I. cap. I.

fortis puellae generosos pueros ad vitae venustatem instituere valeant. Formant hae os tenerum, assuefaciunt eos ab incubulis ad sermonem gallicum, in quo crescente aetate eos faciunt progressus, ut, quando germanice etiam loquentes audias, non possis non Gallos eos putare. Hae lepidis fabulis atque narratiunculis, quarum magnam semper copiam iam promptu habent, longi temporis taedia leniunt, audiendique studium accendunt, ita ut earum disciplina subigere eum quasi ac praeparare ad reliquarum scientiarum cultum videatur.

Dura nimis sine dubio atque aspera maiorum nostrorum fuit educatio. Imitabantur illi non solum Romanos, quorum adolescentes, antequam in viros transierant, sub rigida paedagogi custodia continebantur, sed ipsos propemodum Spartanos, quorum filii nulla alia veste, nisi pallio, circumdati nudis pedibus incedere, hiemis frigora, feruidissimum aestatis calorem omnesque tempestatis iniurias tolerare, nuda humo somnum capere, et flagellorum ictus ad necem usque acceptos ita perferre assueuerant, ut non clamores modo, sed gemitus adeo in potestate haberent. (*) Eodem modo maiores nostri parce nimis duriterque habebant filios praeter aequum et bonum, cibum eis praebebant vulgarem ac promiscuum, potum tenuem, qui caput non tentaret, vestes e panno duplici ac villosa confectas, et ubi eorum aliquid admiserant, quae fert adolescentia, adeo depexos atque exornatos eos dabant, ut per haud exiguum temporis spatium meminisse possent, verbera sibi esse admota. Mittebantur mature in ludum, siue rectius ergastulum litterarium, cui praeerant magistri tetrico aspectu trucique iracundia, fronte senilibus rugis constricta, barba opace proluxa et in pectus demissa, totoque habitu horridi. Hi operam acerbe exigebant, et si quem negligentiorum animoque peregrinantem aut perulantem inuenerant, in omnem conuiciorum amaritudinem effusi ita eum accipiebant,

ut

(*) CICERO. Tusculan. quaest. Libr. 2. cap. 14.

ut tergum vibicibus varium fieret, multusque nonnunquam e visceribus sanguis exiret. Putabant illi, adeo procliuia esse adolescentum ingenia a virtute ad vitium, ut eorum paucissimi, nisi coacti, officium facerent, nihilque esse corruptius puero, cui, ut SENECAE verbis utar, nihil vnquam est denegatum, cui sollicita semper lacrimas absterfit mater, cui de paedagogo satisfactum est. Itaque et ipsi coercebant filios, et a magistris coerceri volebant, neque audebat quispiam apud parentes, ne apud matres quidem, quamquam illae alias, prout sexus est mollior et amoris intemperantior, in huiusmodi iniuriis adiutrices suis esse solent, de praeceptoris seueritate conqueri, nisi qui vibicibus addi volebat vibices.

Maiorem circumspeditionem atque prudentiam hodie adhibemus, qui liberalitate, quae multo valentior est ad obtinendum id, quod volumus, quam terror, non magis fidus venerationis custos quam recti magister, nostros retinere cupimus. Enimuero si rem recta nobiscum reputamus via, quum nemini expediat vi ad officium compelli, minime illud conuenit adolescentum ingeniis, quos ad honestatem decusque consecrandum excitare volumus. Nam qui didicerunt flagra extimescere, ad illiberalem quandam humilitatem se abiiciunt, quae vires ingenii eneruat, igniculos gloriae exstinguit, et mentem eorum quasi onere depressam humi in sordibus detinet, ut emergere atque ad summa contendere nequeant; aut si natura sunt peruicaciores, timorem in odium vertunt, et in veritum eo acrius nituntur.

Est indulgendum aliquid condonandumque huic aetati, atque ita hoc, quod patres sumus, utendum, ut meminerimus, et nos homines esse et hominum patres, (*) ne, si nimis seuerè tractentur, alienori tempore adolescentum more se profundant, qui in adolescentia senum mores prae se tulerunt. Ante omnia curamus, qui parentes sumus, ne mature nimis, et ante duodecimum aetatis annum, ad laborem compellatur puer, aut somnus intempestiue discutiatur, quoniam aliorum lapsae genae, pallidum os, caua lumina, totusque tenerorum corpusculorum

G 3

rum

(*) PLIN. Libr. IX. epist. 12.

rum habitus in maciem fluens satis prodit, quantum et animi et corporis vires ea festinatione frangantur. De mortalitate nostra cogitandum, nec brevis vita laboribus caducis fatiganda est aut abrumpenda.

Quando tamen aetatis progressu magister quaerendus est puero, non mittimus eum in scholam publica auctoritate constitutam, tam quia in illa e multorum, imprimis tenuiorum, consortio facile aliquod vitium ei arripere potest, quam ut libertatem nostram, qua nihil maius, nihil praestantius, nihil diuinius homini concessum est, tueamur, publico iudicio nostrum anteponent. Neque etiam, quibus paullo lautior est res familiaris, ei liberos nostros concedimus, qui theologiae nauauit operam, sed politico, quod hominum genus ad seculi elegantiam multo esse accommodatius, ex ipso statim nomine apparet. Et inter hos ipsos eos praeferimus, qui ad opiniones vulgo receptas et disciplinae cuiusdam legibus adstrictas, tanquam ad saxum, non adhaerescunt, neque commodi sui ratione adducuntur, ut velut milites auctorati, quae praescripta et quasi imperata sunt, pertinaciter tueantur atque ad alios propagent. Quum enim superstitio per omnes omnino gentes diffusa omnium fere oppressit animos, ea autem nunquam recta mente consistere homines patitur, et praeterea maximarum turbarum in republica semper causa existit, magnopere sunt laudandi, qui eiusdem stirpes elidere et semina ipsa in teneris mentibus extinguere student. Hi auctoritatis iugo reiecto causas inter sese conferunt, quid in quamque sententiam dici possit, expendunt, et quae simillima veri videntur, probant. Nihil autem veri illis quidquam videtur simile, nisi quod intellectu suo consequi possint.

Quando igitur ex animi nostri sententia nacti sumus praecptorem domesticum, huic iniungimus, ne nominum ac verborum declinationibus, multo minus infinita illa atque implicatissima regularum, scholiorum atque observationum farragine memoriam pueri obruat. Relinquendae sunt hae nugae illis, qui inter obsoleta atque exesa veterum linguarum rudera vitam transigere decreuerunt. Labore illo, qui ad earum in-

telli-

telligentiam capiendus est, res longe vtiliores parari possunt. Sufficit, si procedente tempore interpretum praesidio munitus scriptorum romanorum probatissimos legere possit, necnecesse est, ut in scribendo ad aureae aetatis nitorem quam proxime accedat.

Neque enim conciones sacrae latino sermone habentur ad populum, neque in foro ad causas agendas aut sententiam dicendam, neque apud aegrotos ad formulas salutare praescribendas eodem opus est. Imo ab ipsis doctorum academicorum scholis fere exulat haec lingua, vixque ei locus aliquis superest, nisi in disputationibus, ubi tamen rerum magis, quam vocum habetur ratio. Aiunt quidem eius propugnatores, propterea illam addiscendam esse, quoniam eius usus in omnibus Europae regionibus diffusus sit, isque, qui eam teneat, ubiuis terrarum inueniat, a quibus sine interprete intelligi possit. Sed longe maior hac in re gallici quam latini sermonis est utilitas, quum ille apud omnes omnino gentes, quibuscum nobis aliquid commercii intercedit, non ab honoratioribus tantum, sed et ab inferioris sortis hominibus hodie percipitur.

Multo minus necessarium videtur esse, ut graecam linguam, quae iam pridem mortua est, magna opera, multo sudore adolescentes sibi parent. Etsi enim negari non potest, multos viros admirabili sapientia longe praestantissimos graece scripsisse; attamen quum vtilissima eorum scripta aut in patrium, aut certe in gallicum, reliqua autem omnia in latinum sermonem sint conuersa, huius linguae discendae labori sine villo dubio supersedere possunt.

Quum igitur ad vitae commendationem imprimis formandi sint pueri, (vnde et praeceptores nostros nunc morum magistros appellamus, ut, quae praecipua officii sui pars sit, intelligant) nulla autem res maiorem homini contemptum pariat, quam incessus quidam et sessiones deformes, flexi fractique corporis motus, facile perspicitur, ad elegantiorum educationem nihil magis requiri, quam ut mature tales artifices conducamus, qui leges ac praecepta saltandi pueris tradant.

Hi enim eorum membra ac venustatem fingunt atque componunt, ut dignitatem aliquam in stando, ambulando ac sedendo sequantur, ut omnis illorum motus atque habitus sit æquabilis, ad naturam, non sibi relicta, sed perpolitam congruens ac decorus. Et quid præterea aspectu est iucundius, quam ubi in nuptiali aut quadam aliâ festiuitate turbam aliquam saltantium videas? Puella iungitur adolescenti, hi primum inflexo poplite se mutuo salutant, deinde alter alterius prehendit manum, brachium brachio assurgit, pedes ad numeros decenter mouentur, hi sub suauissimo fidium tibiæque concentu suspenso gradu modo vna obambulant, modo se dimittunt, nunc tremulo saltu in aërem se efferunt, nunc toto corpore circumaguntur, modo huc, modo illuc se vertunt, nunc fugere se videntur, alter fugacis stringit vestigia, tergoque eius imminet, donec iterum iunguntur, sicque eandem viam singulari venustate centies percurrunt.

Cum hoc studio recte copulatur ars palæstrica armaque tractandi scientia. Per eam non solum nerui intenduntur, ossa firmanentur, totusque corporis habitus fit robustior, sed animus etiã augetur, audentiorque redditur ad pericula vltro subeunda, auertendos ictus, depellendamque aduersariorum violentiam. Vnde et apud PLATONEM Nicias (at quantus vir!) hanc tanquam vnã ex omnibus generoso iuueni longe vtilissimã maximeque necessariã scientiam Lyfimacho et Melesiae commendare minime dubitat. (*) Neque est, quod eam non nisi illis, qui castra secuturi sunt, profuturã arbitremur. Quum enim, quamdiu quis in academia degit, summo studio summaque cura cauere non potest, ut nunquam prorsus lites cum aequalibus oriantur, ille vero labein nullo vnquam tempore eluendam sibi aspergeret, qui singulare certamen prouocatus detrectaret, mature paranda est ea facultas, quæ a vulnerum vitæque discrimine immunes omnibusque metuendos nos præstat.

Quoniam vero, uti Horatii ætate, ita et nunc imberbes iuuenes nulla re magis gaudere solent, quam equis, hanc etiam

(*) Initio dialogi, qui LACHES siue de fortitudine inscribitur.

iam oblectationem lubentes nostris concedimus. Vnica bestia sine magnis sumtibus alitur, hac facilitate ingentem in eorum animis excitamus ad amorem nostri stimulum, neque dici potest, quam utilis equi vestitio sit stomacho, hepatis, lienis ceterisque abdominis visceribus, quamque praesens contra morbum illum, quo eruditi vexari solent, qui in hypochondriis latere perhibetur, remedium.

Et quid in speciem potest esse pulcrius, quam homo adolescens forma atque aetate florenti, generoso insidens equo, qui chalybem frendens mordet, caputque ardua ceruice et prominentibus venis spectabile obrutu ambiguo vultuque ad pectus procliui, magnanimo fastu superboque gressu, modo huc, modo illuc vertit, qui, prout rectoris fert voluntas, aut tolitim badiat, aut cuius

Quadrupedante putrem sonitu quatit ungula campum, quique strenue circumagitur gyrum decenter absoluit? Nonne sibi ipsi et efferentibus sese cupiditatibus facilius imperabit, qui equum, non eum tantum, quo saepius vitur, sed nouum etiam atque intractatum ferociterque exultantem, regere, calcaribus adhibitis incendere, concitatum sustinere, et vel ad nutum suum moderantibus frenis doctus est conuertere?

Quia tamen hoc oblectationis genus paullo est vehementius, auctores iis sumus, ut eam aliquanto leniori distinguant, qualis est aleae pictarumque chartularum usus, quo non ingenium tantummodo acuitur, sed cuius peritia etiam nemo hodie carere potest, qui ad circulos ac semicirculos virorum foeminarumque principum aditum sibi patere cupit: Accedit et alia, eaque minime contemnenda utilitas, ut de vniuscuiusque indole e moribus, quos in ludendo prodit, verissime iudicari queat. Id quod veteribus etiam non plane fuit incognitum, quibus testibus *in oculo, in poculo, in ludo, cognoscitur quisquis homo*. Eadem de causa vini usum mature iis concedimus, utque singulis conuiuii sanitatem precati singula pocula vno spiritu exhauriant, assuefacimus. Nihil enim est turpius, quam si, ubi adultiores sunt facti, in computationibus vinum tandem sensus eorum vincat. Vinum quoque moerorem curasque ex

animo pellit, nobilem quandam confidentiam efficit, alacritatem, comitatem et acumen ingenii auget, egregiasque cogitationes instillat. Neque enim vivere ac placere possunt diutius, quae scribuntur dicunturque aquae potoribus.

Neque alias oblectationes adolescentibus nostris inuiderimus, seu canes ad venandum expectant, seu mundiore vestitu capiantur, seu concentus muscos ament, seu sclopeto destinata ferire studeant, seu tabernas publicas, in quibus potio e fabis arabicis parata diuenditur, et ad saluberrimum corporis motum globuli eburnei impelluntur, frequentare cupiant. Et si vel maxime his in rebus modum excedere, aut sumptuosius quaedam emere videantur, neutiquam grauiori censura, sed leui tantum admonitione opus est, quae ab omni impetu, stomacho atque asperitate est immunis. Non singulae eorum actiones curiosius sunt inspectandae, sed danda opera, ut patres nos esse sentiant, ut audeant nobis credere omnia, a nobis petere et poscere, ne quam aliam quaerant copiam. Sequimur in eo auctoritatem non tam Menedemi alicuius aut Mitronis Terentiani, sed ipsius PLINII, scriptoris grauissimi prudentissimique, qui vult, (*) ut, *quum eos etiam, qui non indigent clementia vllius, nihil magis quam lenitas deceat, aliis ita ignoscamus, tanquam ipsi quotidie peccemus, mandemusque memoriae, quod vir mitissimus, et ob hoc quoque maximus, Paetus Thrasea, crebro dicere solebat: Qui vitia odit, homines odit.*

Sunt, qui et hoc in reliquis aetates praeclarum omen esse ducant, si adolescentes mature de facie in consilium ire, de capillis intorquendis pectendisque et reliquo ornatu solliciti esse incipiant, ut puellis probentur. Neminem enim felicius ad elegantiam mores suos compositurum credunt, quam qui sexus venustioris consuetudine utatur frequentius. Sed nolo omnia persequi, quoniam hi ipsi, qui elegantioris educationis studiosi sunt, non omnino consentiunt, dum alius alio plura ad eam requirit.

Restat,

(*) Libr. VIII. epist. XXII.

Restat, ut quid de ea sentiam, paucis exponam. Mirabimini fortasse, Ornatissimi Iuvenes, quare ipse hanc instituentis iuventutis rationem, cui suffragari nunc visus sum, quaeque iucunditate sua se ipsam satis commendat, non sequar. Sed iniuria mihi fieret a vobis, si in me vnum huius rei culpam transferretis. Aliter enim visum est iis, qui hanc bonae mentis palaestram auctoritate et consilio suo moderantur, quibus quidquid decernere placet, illud et nos rectius putare debemus. Facite periculum, num forte persuadere iis possitis, ut vestra causa leges huic Lyceo praescriptas et paucis abhinc annis denuo promulgas antiquent. Sed vereor, ne inutilem hanc sumatis operam. Illi enim multis iisque grauissimis causis permoti educationem illam atque institutionem, quae pro elegantiori vulgo venditur, minus solidam vestraeque aetati parum conducere arbitrantur. Volunt illi, suam coercendae malitiae manere seueritatem, volunt in lingua latina et graeca non minus, quam patria praecipuum studium collocari, volunt tempus non deliciis atque otio, sed labore et opere transigi. Et nisi omnia me fallunt, Vestrum ipsorum non sunt pauci, qui nullam praesentiorum pestem, nullum certius exitium adolescentibus afferri posse confitentur, quam si nimis eleganter, hoc est delicate ac licenter educantur, ut falsa persuasione seruitutem esse credant, praeceptis officii atque virtutis obtemperare. Nemo Vestrum ignorat, dilectissimi Iuvenes, omnium actionum et consiliorum Vestrorum Deo immortalis rationem esse reddendam, qui omnes animorum Vestrorum recessus, omnes latebras perspectas exploratasque habet, quem nihil eorum, quae suscipitis, praeterire potest, etiamsi omnes omnino homines ea celare Vobis contingat. Scitis, Vos eius indignationem effugere non posse, nisi finem illum, quo conditi estis, ut Vestram nimirum et aliorum conditionem nunquam non perfectiorem reddatis, id quod sine studio atque opera impetrari nequit, ante oculos semper habeatis. Scitis, nos Vobis peractis laboribus honestum otium non invidere, sed scitis etiam, necessitates atque utilitates voluptatibus, seria iucundis anteponenda, ac primum de animo excolendo or-
nando.

nandoque, tum demum de curando corpore cogitandum, operamque et recreationem ita miscendam esse, ut neque illa in tristitiam et morositatem, neque haec in torporem aut petulantiam procedat. Scitis, ipsa disciplinarum fundamenta propemodum conuelli ac labefactari, si linguae earum gentium, a quibus humanitas bonaequae litterae ad nos transmissae sunt, negligantur. Scitis, illos rerum suarum nunquam securos esse semperque fluctuari animis, qui regulas in vocum structura ac compositione seruandas non tenent, et quamquam stolidum sit illud vnum operis habere, lectionemque optimorum scriptorum tantisper omittere; temerarium tamen fore illam artem omnino aspernari, quae contemptum sui per totam vitam vlcisci queat.

Insistite proinde viam tot seculorum usu comprobata, neque temere ab ea decedere, nisi quis meliorem tutioremque commonstret. Amate doctrinam solidam, non eam, qua famam popularem, quae stultorum consensu saepius excitatur, Vobis conficere queatis, sed qua constans ac durabilis utilitas continetur, quaeque ingenua et insatiabili delectatione Vos complet. Sectamini virtutem et sapientiam, sine qua semper miseri sunt, quos vulgus beatos praedicat. Non imponat Vobis pestifera otii dulcedo, non inficiant animos Vestros languor, desidia, deliciae, quas grauior molestia et diuturnum taedium excipit, sed hac aetate inprimis indefessam bonis artibus impendite operam, qua ingenium, memoria, corpus ipsum maxime vigent, ne olim ad labores perferendos minus idonei aliisque curis distracti habeatis, cur iuuenilis negligentiae Vos pudeat poeniteatque, pudor autem et poenitentia nullum amplius fructum Vobis praestare possint.



III.

ORATIO SOLEMNIS

DE

SVMMIS

THEOLOGORVM IENENSIVM
IN SANCTIORES LITTERAS
MERITIS

AD

MEMORIAM NATALIVM

ACADEMIAE IENENSIS

PVBlice CELEBRANDAM

NOMINE

SOCIETATIS LATINAE

• DICTA

A

M. PHILIPPO DAVIDE KRAEVTERO

EIVSDEM SODALI HONORARIO

A. CLD LXXX. AD D. XIII. CAL. APRIL.

MAGNIFICE
ACADEMIAE PRORECTOR
ILLVSTRISSIMI COMITES
PATRES ACADEMIAE VENERANDI
SVMME REVERENDE SOCIETATIS LATINAE
DIRECTOR
EPHORE CONSVLTISSIME
PRAESTANTISSIMI LITTERARVM GERMANICARVM
CVLTORES
SOCII CLARISSIMI ERVDITISSIMI QVE
AVDITORES NOBILITATE GENERIS, VIRTVTVM ET DOCTRINAE
PRAESTANTIA ORNATISSIMI.

Quoties equidem, *Auditores*, admirandas huius Musarum domicilii origines, ortusque diuinos, mecum recogito: recogito autem saepius; toties in ea me video confirmatum sententia, vix tantum opus aut spe certiore, aut maiore religione non dicam suscipi, sed ne cogitari quidem potuisse.

IOHANNES FRIDERICVS, gentis Saxonicae gloria, in quo veritas omne, quod possit, demonstrasse videtur: qui nec generosi sanguinis periculo, nec callidae stragis immanitate, nec libertatis amissae iniuria, nec iactura terrarum iniquissima, frangi vlllo modo poterat, quin euentum sibi parum felicem adhuc sentiens obfirmato animo veritatem ad seros posteros inuictam tradere constitueret: HIC tantus heros et summae pietatis et inauditae constantiae hoc vltimum esse monumentum voluit, vt IENAM nostram defensionae tanta sua opera veritati et commodum receptaculum, vbi omnes suas copias colligeret, et locum securum, vnde quam latissime posset vi quadam propria erumpere, dedicaret. Illud enim animo suo etiam atque etiam proposuerat, non tam victoriam de se reportari, quam victo.

viſtoriae inſignia, nec rite hoſtes triumphare, dum veritas regnaret.

Ab iſtis vero initiis quum exſurrexerint Athenae Salanae; dubium eſſe nulla ratione poterit, magnanimum Principem, qui vix vnquam ſine Numine vixerat, tum maxime tamen diuinis uſum eſſe auſpiciis, quum vltima iſta conſilia mente conciperet, atque in his vltimis votis adfectus Ipius deſingeretur.

Quo, quid ad excellentiam huius Academiae auguſtius, quid ad ſpem futuram ſecurius dici poſſit, equidem non deprehendo. Quid vero ſpem dicam? ſpem, ducentorum annorum experientia iam confirmatam? ſpem ab innumeris teſtibus in omnium terrarum orbem promulgatam? ſpem extra inuidiae omnes inſultus dudum poſitam? Tanta enim eſt huius loci celebritas, vt dies me citius deficeret, quam perſequi pro rei grauitate vix incepiſſem, quanta exinde ad omnes partes humanae felicitatis, quae a ſcientia exſpectari poteſt, acceſſio facta ſit.

Illud tamen vnicum paucis ad animum hodie *Vobis* reuocare fas eſto, *baud aliunde maiora ſanctioribus diſciplinis praefidia, ornamenta plura contigſſe; quam, quae Theologorum Ienensium opera inde a feliciffimis huius Academiae natalibus inſtructa ubique terrarum praedicantur.* Ea quidem eſt huius argumenti dignitas, quae non niſi diſertiffimum requirat, measque vires longiſſime ſuperet, cui nec ab ingenii facultate multum natura tribuit, nec ab eloquii virtute laus vlla accedit: quum vero voluntas eorum, penes quos erat, memoriam auſpicatiffimae lucis, quae hic prima Muſis adfulgere coepit, ſacro anniuerſario celebrare, verba me nunc facere iuſſerit; hanc ſaltim a *Vobis, Auditores*, gratiam me initurum ſpero, vt quantum elegantia deceſſerit orationi, tantum pietate in hanc almam religionis matrem accedere cenſeatis.

Dicere vero quum iam ſuſceperim de ſingularibus Theologorum Ienensium in noſtra ſacra ſtudiis, eximiisque virtutibus; vnde incipiat oratio facilius inueniri poſſe video, quam quo deſinat: tanta eſt rerum praeclare ab illis geſtarum multitudo,

tudo, ut non tam copia, quam modus in dicendo quaerendus sit. Atque ut, quod caput caussae est, paucis complectar, in eo me facile confido *Vos* assentientes habiturum, ut veritati divinae ex omnibus partibus sua constet vis atque integritas, quatuor has res eius doctoribus adesse potissimum debere: diligens eloquiorum DEI scrutinium; certam eorum, quae tam intelligentia teneri, quam sedulo pietatis exercitio peragi debent, scientiam; virtutem porro erroris redarguendi; prudentiam denique singularem, quae rerum antea gestarum haud mediocri notitia egregie perficitur. Et, quod primo quidem loco commemorauimus, religiosam voluminum sacrorum curam; illud adeo mirum esse non debet, ut, qui aliter hic vellet statuere, alienus merito a pietate videretur. Ea enim est diuiniore scientiae felicitas, ut, quum in aliis humanae cognitionis partibus aequè in vitio sit positum, auctoritatibus confidere, atque easdem temere proculcare; hic auctoritate, diuina; eaque haud fallaci, stare vnice et acquiescere tuto liceat. Atque utinam, tanta semper ab omnibus reuerentia exciperentur oracula Numinis, ut difficilius haud videretur nefandis eorum conatibus occurrere, qui ad confirmandum scelus suum iisdem abuti consueuerunt, quam illa fide non dubia castissime retinere. Nunc vero, quum in eum locum res deducta sit, ut non minor opera in vindicandis DEI effatis, quam in iisdem enucleandis collocanda sit; quis est, qui neget, eos, qui hic apud nos sacras litteras docuerunt, in hac praecipue causa maxima cum laude versatos esse: qui, post excussum diuina gratia humanae auctoritatis iugum, cum primis DEVM ipsum loquentem perceperunt: qui fontes sacros incredibili diligentia prius exhausissent, si quidem humanae diligentiae hoc datum esset, quam umbratici olim doctores impuros vix riuulos degustarent: qui non inanibus vocum ludibriis, (fuit enim haec quondam fraus nefanda) non decretorum temerariis sancitis, non leuissimis credulorum hominum fabulis, sanctissima praecepta inuolui, atque hominibus imponi, amplius passi sunt: sed, quidquid Romanorum imperiosa consuetudo, quicquid sacra antiquitas non corrupta, quidquid denique ratio luminis residui

residui offerret ad muniendos oraculorum sacrorum aditus, id omne sedulo congefferunt, quo magis deinde illis deliciis secure, pie, ductu ipsius Numinis, uti fruique possent.

Floret hac laude VICTORINVS STRIGELIVS, hac saltem in caussa inter primos egregie versatus. Celebrantur suo merito IVSTVS IONAS, GEORGIVSQUE RORARIUS, quibus, si plenum Academiae splendorem videre non licuit, aequalis tamen utique gloria cum reliquis debetur, quos magnus ille LVTHERVUS, in perpolianda atque illustranda sanctorum voluminum interpretatione, socios peritissimos, in studiis erga Vates nuntiosque diuinos aemulatores strenuos, hunc etiam, in aeternis ingenii sui monumentis ad posteros integre tradendis, gratissimum post fata discipulum habuit. Iam, quid de MATTHIA FLACIO dicemus? quem providentia diuina ex ultimis Illyriae partibus a superstitionis atque obscuris hominum, ordini sacro adscriptorum, ortis in hanc splendidam Germaniae atque veritatis lucem euocauerat: quantam is industriam, quantam sapientiam, huc attulit? quam scire recessus Scripturae abditos referauit? quam perspicua breuitate, quidquid ex ore Christi, quidquid ex institutione primariorum Seruatoris nostri discipulorum haurire posset, complexus est? ut tantis meritis maculam, quae fere infedit atque inueterauit in nomine ipsius, si delere penitus noluit, absterfisse tamen videatur. Quam feliciter ERNARDVS SCHNEFFIUS mirae facundiae exquisitam oraculorum sacrorum peritiam iunxerit, quanta pietate NICOLAUS SELNECCERVS ancipitem fortunam vel septies ipsi mutatam hisce studiis munitus tolerauerit; testimoniis confirmare opus non est, quum scripta loquantur. IOHANNIS autem AVENARII memoria ab hoc instituto nostro sine iniuria eo minus abesse potest; quo magis non eius tantum sincerus in DEVM adfectus toti fere Christianorum genti ita placuit, ut ipso, tamquam pietatis suae interprete, variis linguis uti hodieque non desinant; sed eruditis etiam fatendum est, tanta praesidia ab eius tempore expectari vix potuisse, quanta hic ad faciliorem voluntatis diuinae cognitionem ex linguae sanctae penetralibus expromsit. Immor-

tale nomen, quod SALOMŌ GLASSIVS ex hisce sacrarum literarum studiis retulit, si iam ego demum celebrare instituerem; verendum mihi utique videretur, ne illo lepide dicto exciperer, quo noctuas olim Athenas ferri dixerunt. Quae enim legitur in hunc usque diem erudite conscripta de oraculis diuinis pagina, quae hoc nomine laudato non exornetur? Quis sine hoc magistro tirocinium ponit sanctioris disciplinae? Quis vero etiam est, qui hoc deposito illum cum aliis quibusque grauissimis scriptoribus in consilium non adhibeat? Qui vel hoc nomine omnibus admirationi esse debet, quod, quum ante ipsum monita, tam multorum, dispersa quidem, haud sufficerent sanctiorum disciplinarum studiosioribus, in hunc fere omnium oculi etiamnum vnice dirigantur. Neque tamen obscura cuiquam esse potest IOHANNIS MICHAELIS DILLHERRI fama praeclara, quem Noribergensibus, ad quos delatus a nobis est, multi, etiam magni Principes, inuidere visi sunt, quem ipse magnus ille Romanorum Imperator ita probauit, ut suae partis hominibus etiam exemplo esse posse iudicaret. Tantum valebat eloquentia: tantum elegantiore doctrina coelestis sapientiae discipulos adiuuare poterat. Eadem sane laude incensus IOHANNES TOBIAS MAIOR non dubitauit vitam incertis marium fluctibus committere, ne scilicet exteri haberent, quo diligentia nostrorum carere videretur. Quin IOHANNES ANDREAS DANZIVS ne sic quidem adquietendum ratus, nisi et exteri habeant, quod a nostris desiderent, non solum incredibili opera, quidquid ad sacra Hebraeorum monumenta spectaret, acervatim ex regionibus etiam diffitis huc contulit, sed mira etiam ingenii felicitate ita adauxit, ut Lugdunensium ex Batauis aemula in nostrum studia id decoris tantum non nobis eripuissent, nisi sapientissima Numinis cura meliora nobis prouidisset: hoc superaddens, ut, quam acerbissimo Eius fato faceremus iacturam, eam IOHANNIS REINHARDI RVSI meritis insignioribus laetaremur aliquamdiu restitutam. Nondum enim indolere hic desuit Musarum coltors praecipiti eius casu percussa: maxime vero, quum aliud etiam Prytanei nostri decus, IOHANNES IA-

COEVS SYRBIVS, spei nostrae post illum datus, non sine magna quidem ipsius gloria, sed et maximo cum luctu nostro inopinatum funus esset efferendus.

Nomina iam *Vobis* dixi, *Auditores*, quae vel audita delectare possint: quum dignae ipsis laudes breui oratione comprehendere nequeant. Haec enim animo meo penitus infixae haeret sententia, cum omnis opera, quae ad conseruandum rite Palladium illud, coelitus ad omnium salutem commissum, impenditur, summa utique in laude ponenda sit; tantas atque tam praeclaras multorum curas omnem orationis virtutem excedere.

Sed alius quoque iam honos cuique Theologorum huius Academiae optimo habendus est, quod non sine magno exquisitae doctrinae adparatu, quaecumque nos pandectae sacrae immota fide amplectenda, quae actione exprimenda docent, ita grauiter argumentorum coniuncta vi corroborauerint, ita strenue collatis quasi in vnum signis verserint, ut nec mentibus caussa vacillandi aliqua, nec pertinaciae excusationis occasio vlla relicta sit. Si enim, quae per volumina tam ampla dispersa leguntur, animum pungunt, si iterata saepius vincunt; quanta iam a *Vobis* illa vis reputari debet, quam insuperabilis, quae ordinato omnium consensu in admirationem rapit, quae impetu coniuncto assensum extorquet, affectus corripit, atque erroris etiam suspensionem dirigit. Nimirum diligentiae nostrae acuendae, permisit hoc DEVS, ut, quos Ipse nobis ad perennem voluptatem, ad excitationem perpetuam dispersit fragrantissimos coelestis sapientiae flores, eos auide in vsus colligere nostros, et, quae nostri temporis est felicitas, collectos animo saltem memori recondere debeamus. Quidni enim maioribus, quidni huius in primis Musarum sacrarii religiosissimis Praesidibus istud operae gratum referamus, quae tantis commodis nostris prouide insudarunt?

Quis est, quem fugiat PHILIPPI MELANCHTONIS circumspecta sedulitas, qua is etiam litterarum in Germania Parens dici meruit. Nam hic etiam Ienensium honori suam ad-dixerat operam, cum timor, quis? nescio aliter eius mentem inflexisset, quocum antea non sine omine a lethifera pestilen-

tiae rapacitate bis ipsa Viteberga huc aufugerat. Quid iam porro KIRCHNERI ingenua cura laudabilius, quae suum ipse studium hic ita collocatum esse voluit, ut auctoritatis maiorum, et, quae merito nobis prima habetur, LUTHERI maxime studiosus intelligeretur. Quanta vero in celebratione apud omnes est magnum IOHANNIS GERHARDI nomen? Quanta in hunc omnium desideria? Ille est, quem singulari prorsus DEI dono prius servatum esse nouimus, quam communi sorte nasci posset: quem fortuna in utero matris adhuc absconditum paene abstulisset; quem casus aliis fere consumeret; cum providentia Numinis liberatum commodo sui coetus restitueret praecipuo. Ille est, cuius indefesso labori vel quinque lustra suffecerant, non dicam ad conscribendos libros, sed ad maximas librorum moles consarcinandas: qui profusa eruditione quaecunque amplissime docet, ea limatissimo iudicio seligit atque discernit: cuius seuera in pietatem studia non tantum eruditorum circulis, non spatiosissimis Germaniae regionibus, non populis religione nobiscum consentientibus circumscribuntur; sed ultramaria, quin inter ipsos veritatis nostrae hostes, inter Graecos etiam cognita, meditationibus sanctissimis impleuerunt totum, quae patet, Christianum orbem. Hic tandem est, cuius egregie facta perpetuae omnibus admirationi erunt, magnis animis aculeos addent, inuidiam quoque, si et hoc addere liceat, aeternum argent; obscurare vero nulla unquam dies poterit. O auspiciatum ecclesiae fidus! O decus Academiae fulgentissimum! O felicem quoque Parentem! qui filium relinquere poterat IOHANNEM ERNESTVM, paternae virtutis ex asse haereditem atque non infelicem aemulum, quo vehementissimum leniretur Parentis desiderium. Quem dum prolixius persequitur affectus noster, indignum profecto esset praeterire GODOFREDVM CVNDISIVM, in quo, utrum concinnam breuitatem an profundum acumen mirari magis debeas, omnino dubium videtur: aut sine amplissima laudum commemoratione IOHANNEM GVILIELMV M BAIERVM nominare, qui cupidos sanctioris disciplinae alumnos foecundissima doctrinae vbertate hic eo usque innutrit, donec sapien-

pietissimus BORUSSORVM REX GVILIELMVS hunc nostrum Fridericianae suae primarium decus constitueret, perpetuum sane futurum, nisi vltimas ipsius curas serenissimuvINARIAE PRINCEPS inflammandae suorum pietati efflagis tasset. Et si praeterea summam VELTHEMII in refingendis ad sanctitatem moribus hominum industriam, si HEBENSTREITI subtile ingenium enucleandis perspicue omnibus, difficillimis etiam exercitatum, recogitamus: quid iam amplius desiderari a nostris poterit, quo flectantur hominum mentes, quo confirmetur veritatis diuinae scientia? Imo vero, omnes nominandi essent, quotquot rerum sacrarum peritia hanc omnis sapientiae officinam illustrarunt, si eorundem industriae mea par esse debeat oratio.

Quemadmodum autem gloria non minor est tueri parta quam quaerere: sic multorum ex nostris virtus maleficorum insultibus prouocata, institutis publice certaminibus, ad rectos de DEO sensus piosque cultus integre conseruandos inclaruit egregie. Quid enim est, quod intentatum reliquerit callida malignorum pertinacia? quale genus est iniuriae, quod in veritatem non eructauerint? num scelus dici potest vllum, a quo insana quorundam errandi voluptas abstinuerit? Quis etiam locus ab insidiis impostorum immunis prorsus fuit? Non lex tam sancta, quam non proculcarent: non fides tam certa, quae ab eorum cuniculis tuta esset: non spes tam promissa, quam dubiam non redderent: nec solatium tam exoptatum, quod eripere non minarentur. Et, quae sigillorum apud homines religio esse solet maxima, diuinis negata est. Mutilare, infringere illa non amplius reputatum est nefas. Sed, quid ego haec nostra damna commemoro? rapta ab illis bona nostra conquerar? cum ipsam (meminisse horret animus) ipsam eius maiestatem, a quo omnibus parta salus est, impugnare non vereantur. Aut, Christianum nomen multis ludibrio esse dicam? cum nec desint, qui ad tremendam cogitationem sanctissimi DEI ipsius nominis rideant. Proh DEVS immortalis! tantas hostium cateruas, tam desperatos, scelestorum furores quis non miretur incredibili nostrorum virtute atque insupe-

rabili constantia ita omnes confectos esse, vt, qui antea interitum bonae causae minabantur, veritatis vim inexpugnabilem nunc extimescentes vix audiantur; obmutescant; quorundam ne quidem amplius etiam nomen superfit.

Atque hic quantum valuerit Antistitum veritatis lenens fortitudo maxima, etsi perspectum esse debeat omnibus: nomina tamen insignia a nobis in dicendo praetereunda non sunt. Multa quidem superiore loco iam laudauimus, non repetenda: alia dicemus inferius. Hic agmen ducit NICOLAVS AMSDORFFIVS et genere et infula nobilis. Iam praesto est TILEMANNVS HESHVSIVS, quantos ex iustitia animos fides inspirare possit, prolixè exponens. Docet REVDENIVS, quibus signis Christus Imperator summus, qui sua ipsi dant nomina, duci atque confirmari velit. Hostes excipit intrepide GEORGIUS MYLIVS, acerrimus libertatis Euangelicae vindex. Reprimit etiam strenue PETRVS PISCATOR. Fortiter irruit ALBERTVS GRAVERVS. Nec segnis est IOHANNES MAIOR. Acriter vrget IOHANNES HIMMELIVS. Confundit ordines quasi conglobatos IOHANNES MVSAEVS, atque acies aduersariorum concatenatas pertumpit. Turbat CHRISTIANVS CHEMNITIVS. Prosequitur SEBASTIANVS NIEMANNVS. Leniter vero succedens ERIEDEMANNVS BECHMANNVS, ne quidem tutum, quo se, recipiant locum relinquit vllum. Nouissimos impetus refrænât MICHAEL POERTSCHIVS. WYCHERERVS insidias etiam longinquas detegit. Iam, quos pertinacia satis audaces reddit, curuas elabendi vias taciti quaerentes pereunt. Aliqui, quos poenitere infelicitis pugnae coepit, victas porrigunt: nostris seruandos se committunt. Veritas ita ex omni parte victrix nostris in oris gloriosa triumphat.

Reliquum est, Auditores, vt, quam sollicitè religionis in hac artium bonarum matre custodes integerrimi nostros homines ad prudentiam, si in re vlla, in sacris profecto necessariam, informauerint, paucis edisseramus. Quam cum praestare

stare ars nulla ex se ipsa possit, meminisse vero, quae res temporum praecedentium periculo feliciter gestae sint, quae secus acciderint, egregie conferat: quin illud historiae genus, quod rerum in orbe sacrarum vicissitudines pandit, utramque hic faciat paginam, dubitari prorsus nequit. Haec sane pietatem alit, grauitatem decet, scientiam illuminat, oblectat in otii, spes vanas eximit, feruorem moderatur, monet in secundis ecclesiae rebus, in afflictis erigit. Haec acutos ad praeuidendum, paratos ad occultas impostorum fallacias, cautos ad pericula praesentienda, lenes in corrigendis fratribus, ad perferendos etiam faciles reddit. Haec timide in diuinis statuere, non nisi cum reuerentia de DEO cogitare, tandem ad coniungendum publice piorum ardorem in medium prudenter docet consilere. Quis iam adeo ineptus est, ut has litteras non amet? Quis tam rudis, ut, quo difficilior ad illam historiae veritatem est aditus, eo magis extollendos neget, qui in hoc etiam admirandi sunt, quod illam primi inuestigarunt?

Nostis, Auditores, nostis illas centurias, quae totum orbem suo tempore dare in stuporem poterant: a quibus Roma perditissima, cum propter scelerum consuetudinem atque arrogantiam haud tolerandam erubescere non posset, victa tamen infamiae conscientia prae timore palluit atque penitus commota est. Mirabile dictu! Quae Augustorum potentia terri non poterat, quin auctoritati eorum pessime insultaret; quae flumina sanguinis testium veritatis calidissime furibunda absorpsit: ea paucorum quorundam et fere ignotorum hominum liberiori stylo ita conturbatur; ut, quibus consiliis salua esse, quibus mendaciis tegere ignominiam possit, anxie quaerat. Et qui sunt tandem? Principes sane inuidendi huius operis auctores Iena habuit. Est MATTHIAS FLACIUS. (Cur enim bis laudare eum poeniteat, cuius innumera fuerunt bene merendi studia?) Quem, dum cultro abusum esse criminantur aduersarii, ut scilicet habeant, quod praetendi possit: cogitare utique debebant, rectius ab iniustissimis obliuionis vinculis tinearumque iniuria aeternos praestantissimorum foetus cultro vindicari, quam strictis ensibus rogisque accen-

sis saeculum ab ipsis est in confessores veritatis, atque etiam Lupatinus, Flacii ingenuus ad pietatem magister, voraginibus aquarum submersus. Est praeter hunc IOHANNES WIGANDVS, qui ab initiis obscuris vsque ad Episcopatus Pomezanensis fastigium euehmeruit. Est etiam MATTHAEVS IVDEX vir in tantum laudandus, quantum invidiae displicuit. Isti, inquam, sunt, qui Herculeam molitione id effecerunt, quod antea quisquam non tantum non suscipere, sed ne optare quidem ausus fuisset. Si vero illi in tanta sui temporis obscuritate, tam densis fraudum nubibus circumsepti, tantum potuerunt: quid Vos tunc futurum fuisse putabitis, si ad hanc nostram litterarum lucem pertingere fuisset datum, quae fallaces etiam nebulas dissipat. Docuit exemplo suo IOHANNES FRANCISCVS BVDDEVS, Reip. litterariae fulcrum heu! quondam ornatissimum. Quae enim fata diuini cultus nunc antiquati tam remota sunt a cogitatione nostra, ut eius scientiam effugerent? Quae reparati per Christum orbis memoria tam longinqua est, quin exploraret sagacissime? quale doctrinae genus in sacris tam inuolutum, ut ad historiae lumen non explicaret? quae tandem ad diuinam sapientiam inueniri hac duce via potest, quam ille non praemonstrauerit?

Haec vero, *Iena*, fuit tua felicitas pristina, quam incompta hucusque celebrauit oratio. Praesentem non attigit: cuius nec repetenda veluti memoriae antiquae explicata recordatio, nec lingua mea balbutiens dignum agere praeconem potest; quum vestri videant oculi, quum aures vestrae percipiant. In illis sane, quos commemoravi, lucida virtutum exempla ex oculis euannerunt: haec in praesentibus illustra plane conspiciatis. Illorum solidissimas doctrinas legere ex monumentis, quibus viuunt, debetis: horum aurea dicta etiam sonora vox tenaci insigit memoriae, et vehementer Vobis comprobari, plausus quotidiani significant. Quid ergo nominare opus est WEISSENBORNIOS? Quid dicere WALCHIOS? quid HALLBAVEROS compellare? quorum grauitatem omnes suspiciatis, quos summo cum amore, fauentibus cunctis;

Etis; quos vlla publicae salutis cura tangit, magnifice, vti par est, ipsi iactatis; quorum gloriam famamque tot sacra loquuntur pulpita resonantque. Satius erit optare, vt tanta Ecclesiae columnina, tam corusca Musarum ornamenta diuturna sint, atque tantorum luminum radiis, longissime sparsis, laetissima nostris coetibus bonorum omnium seges magis in dies magisque efflorescat.

Intelligere Vos iam puto, Auditores, quatenam ex hoc scientiarum emporio incrementa pietas sumserit, quot fulcra habuerit religio. Haec pars, licet eximia sit, vna tamen est: cui si addatis iura, quae distribuuntur hominibus, aequissima, si consilia viuendi saluberrima haud negligatis, praestantissimi sapientiae omnis generis thesauri si connumerentur: quid iam deesse ad gaudiorum cumulos existimatis? quae gratia par tantis beneficiis dici poterit? Maiores nostri hanc nobis libertatem suo sanguine redemerunt: nos conseruatam nullo periculo nostro parui duceremus? illi, quo posterorum felicitatem praemunirent, profundere omnia visi sunt: nos etiam laudibus parceremus? Absit haec ignauiae macula a nomine Germano! absit haec, ne quid peius dicam, imprudentia! Hic potius voces congratulantium audire decet. Tam laetam memoriam aequum est conceptis votis celebrare. Hic supplicationes rite instituuntur. Hic precibus etiam de futuris alacriter contendendum. Iste saltem orationis meae finis erit. Tuam vero, DEVS immortalis! prouidentiam singularem prorsus, quo tandem modo recte praedicabimus? quae verba beneficiis hisce innumeris digna reperiri poterunt? qui felicitati Ienensium non annos, non lustra solum, sed tota secula tribuere clementer voluisti. TVA gratia factum est, vt in hunc vsque diem vanis inuidiae moliminibus, irritisque minis ingruentium subinde malorum inconcussa stet huius Athenaei gloria. TIBI etiam futura vnice committimus. TE pro exoptatissima salute SERENISSIMORVM PRINCIPVM, NVTRITORVM ACADEMIAE INDVLGENTISSIMORVM supplices exoratum vehementissime cupimus, vt sub fortissimis

HEROVM SAXONIAE clypeis nostrae religionis decus tutum
 appareat semper atque ornatissimum. TIBI precibus humil-
 limis enixe commendamus PRORECTOREM MAGNIFICVM,
 ciuium amorem, eruditi orbis delicias, cum toto PATRVM
 CONSCRIPTORVM Ordine splendidissimo, vt, quam ipso-
 rum nominibus gloriam IENA mutuatur, per Ipsos diutur-
 nam, quin indies auctam laetissima perspiciat. TVIS deni-
 que auspiciis Optimos Commilitones, spem totius Germaniae
 florentissimam ducendos feliciter atque protegendos permitti-
 mus, qui suo exemplo famam, qua dudum Iena excelluit, non
 demonstrent solum, sed etiam superent. Sic validissima erit
 TVO praesidio haec arx veritatis. Sic felix beneficiis TVIS
 aeternum manebit virtutis seminarium summa haec voto-
 rum est, atque esse nisi cum hoc meo halitu desi-
 net nunquam.

D I X I.



II.

DISSERTATIONES.



I.
DISSERTATIO

DE

RITV SANCTIORI COETVI
OLIM SOLEMNI,
ACCLAMATIONIBVS SACRORVM
ANTISTITES ELIGENDI

QVA

V I R O

MAGNIFICO SVMME REVERENDO
ATQVE EXCELLENTISSIMO

FRIDERICO ANDREAE
HALLBAVERO

SANCTIORIS DISCIPLINAE DOCTORI AC PROFES-
SORI PVBLICO ORDINARIO CÉLEBERRIMO, SERENISSIMI
DVCS SAXONIS ISENACENSIS A CONSILIIS SACRIS, CI-
VIVM GOTHANORVM ET ALTENBURGENSIVM IN FLO-
RENTISSIMA HAC ACADEMIA INSPECTORI SPECTA-
TISSIMO ET SOCIETATIS LATINAE DIRECTORI
GRÁVISSIMO

S V M M A M

DIVINIORIS DOCTRINAE
DIGNITATEM

SOCIETATIS LATINAE NOMINE

GRATVLATVS EST

CHRISTIANVS HENRICVS ECKHARD

IVRIS VTRIVSQVE DOCTOR

SOCIETATIS LATINAE EPHORVS.

IIENAE MENSE DEC. A. O. R. MDCCC XXXX.



VIR MAGNIFICE

S V M M E R E V E R E N D E

ATQVE EXCELLENTISSIME

DIRECTOR SOCIETATIS LATINAE

GRAVISSIME



I, quam virtus per se pulchra ac splendida est, tam quoque mirabiles sui amores excitare creditur; dubitare non potes, VIR SUMME REVERENDE ATQVE EXCELLENTISSIME, quin TVA causa ea omnia fiant, quae iam incredibili voluptate auribus oculisque percipimus. Quid est? exsultant omnes laetitia, faustissimae Musarum audiuntur acclamationes, et vniuersae academiae, sicut mentes oculique, ita studia in TE conuertuntur. Non ita nescii sumus, quantas vires virtus habeat, quid admirabilis doctrina, quid ingens meritorum decus valeat, ut non ex honorificentissimo iudicio, quod cum sempiterna TVA gloria SERENISSIMI huius diuinae humanaeque sapientiae domicilii CONSERVATORES haud ita pridem coniunxerunt, commune hocce gaudium profectum esse intelligamus. Quem non commoueat splendor gloriae TVAE, tam praeclari, tam insignis honoris accessione mirifice auctus? qui omnium animos, etiam

etiam eorum, qui plane ab honestae laudis studio auersi sunt, perstringit. An quis cogitare potest de admirabili honorum TVORVM cursu, quin simul summa quaeuis, excelsa, ampla omnia, animo sibi proponat, et fortunam ipsam cum virtute certare perspiciat? Quemadmodum vero magnopere quisque gloriae, meritis partae, fauet; ita quoque iudicio; quo honores iis, quos virtus omnibus venerabiles fecit, deferuntur, vehementer delectatur. Quo ergo laetissimae illae voces spectant? eo scilicet, ut, quum virtus TIBI vnice ad dignitatem, quam cepisti, suffrageretur, omnes quoque, qui virtuti student, suffragari TIBI intelligas. Quid aliud, quaeso, prae se ferre videretur mirificus votorum concentus, quam summam animorum voluntatumque consensionem, qua ad eorum, qui academiae nostrae salutem omnibus modis prouident, iudicium suam quisque adscribit sententiam? Ita TE, VIR SVMME REVERENDE ATQVE EXCELLENTISSIME, summa SERENISSIMORVM PRINCIPVM prouidentia ad splendidissimum munus prouexit, sed vna quoque bonorum omnium vox illud TIBI defert, quia his aequae, atque illis probatae sunt excellentissimae TVAE virtutes, et spectata praeclarissima TVA in diuinarum rerum disciplinam merita, utpote quae quotidianis illorum sermonibus celebrantur, et praeconiis veluti consecrantur. Sic sese nobis probent, qui honores consequuntur, ut ab eorum, a quibus ornati sunt, voluntate nullius dissideat opinio, siquidem illa demum vera solidaque felicitas est, dignum videri felicitate. Contigit itaque TIBI, quod priscis sanctioris coetus doctoribus, quos Patres vocant, accidisse nouimus, qui acclamationibus populi ad summos in sacra republica honores sunt euecti. Proditum memoriae est AMBROSIVM (a) et HIERONYMV M, (b) duo religiosi et coelestis veritatis luce

(a) vid. PAVLINVS in *Vita Ambrosii*. SOZOMENVS L. VI. c. XXIV. *Histor. ecclesiast.* SOCRATES L. IV. *Hist. eccles. c.* XXX.

(b) Ipse HIERONYMV S. T. IV. P. II. ep. XXVIII. p. 66. de se ait: *antequam domum S. Paulae nossem, totius in me urbis studia consonabant, omnium paene iudicio dignus summo sacerdotio decernebar.* Confer. GOTT.

ce collustrati aevi decora, acclamationibus ad capeffendam rerum sacrarum curam vocatos esse. Quid AUGUSTINUM, strenuum et indefessum purioris Dei cultus vindicem, ad ἐκτίσασθαι amplitudinem prouexit, nisi acclamatio populi? (c) ERADIVM, quem ob egregias, quibus omnes antecellebat, virtutes ipse Augustinus successorem sibi optabat, vna omnium vox ERADIVM EPISCOPVM, sacrorum antistitem, declarauit atque constituit. (d) Non male rationes subducere videmur, si ex his, aliisque exemplis, colligamus, vsu venisse apud veteres, qui quarto saeculo Christi sequebantur doctrinam, vt acclamationibus illi eligerentur, qui sacra curandi, legesque diuinas interpretandi, munus sustinerent. At quid hariolationibus, quid coniecturis opus est? si luculentissima veterum, qui aeuum illud scriptis non minus, quam virtutibus illustrarunt, monimenta clarissime loquantur. Quis locupletior huius rei testis esse potest, quam ipse AMBROSIVS? quid ait? *in ordinationibus eorum* (sacrorum antistitem) *clamant et dicunt: dignus es, et iustus es.* (e) Quin acta ipsa, in quae more, Romanis solemnibus, relatae sunt acclamationes, quibus ERADIVS sacrorum apud Hipponenses praesul renuntiatus est, ad posteritatis memoriam ab Augustino tradita, (f) tam aperte, tam luculenter hoc produnt, vt aliis ad hanc rem testimonii non indigeamus. Sed EVSEBIUS quoque, grauisissimus diligentissimusque scriptor, vti adcurate ritus in sanctiori coetu receptos adnotauit, ita quoque praeclare memoriam huius consuetudinis historiae suae monimentis consignatam reliquit. Relatum enim apud eum legimus sacerdotii munus FABIANO impositum esse, quum dignum eum esse omnes exclamarint. (g) Nec quarto demum saeculo morem hunc viguisse, sed iam longe

ge

GOTTLIEB STOLLE, quem honoris causa nomino, in libello, bonae frugis plenissimo, quem inscripsit: *aufsichtige Nachricht von den Leben der Kirchenväter* Cap. XXIV. §. V.

(c) POSSIDIUS in *Vit. Augustini* Cap. IV.

(d) AUGUSTINVS ep. CX.

(e) AMBROSIVS de *dignitate sacerdot.* c. V.

(f) AUGUSTINVS ep. CX.

(g) EVSEBIUS L. VI. *Histor. ecclesiast.* c. XXVIII.

ge ante inualuisse, ex eo liquet, quod ORIGENES, qui tertio saeculo floruit, dum rationem eligendi sacerdotes sui temporis cum ea, quae aeliosuae aetate obtinuit, comparat, *nulla, inquit, hic populi acclamatio, nulla consanguinitatis ratio, nulla propinquitatis contemplatio habita est.* (b) Ita acclamationes, quibus theatra primum personabant, in sanctissimorum hominum concilia penetrarunt: et, quod mireris, ritus, inter scenicas nugas et ludicras voluptates natus, ad grauissimam rem, electionem nimirum sacerdotum, traductus est. Quamuis vero eam ob causam veteribus primum adeo forderet acclamandi consuetudo, ut in turpissimis ferè haberetur; postea tamen, quemadmodum fit, ut, quae parum decora et honesta olim visa, a posteris pulchra putentur, tantum illi dignitatis accessit, ut sapientissimis etiam mirum in modum placeret. Etenim non eruditorum tantum umbracula strepebant acclamationibus, verum in foro etiam, et in ipso amplissimo ornatissimoque Senatorum confessu illae audiebantur, quibus maxima quaeuis negotia conficiebantur. Equis ignorat Senatus consulta apud Romanos acclamationibus condita? quod repetitis ex annalium vetustate exemplis eleganter iuxta ac luculenter comprobauit nobile et carum Musis nomen, FRANCISCVS BERNARDINVS FERRARIVS. (i) Non maior honos Principum orationibus haberi poterat, quam ut acclamationibus, uti PLINIVS auctor est, (k) in Senatu exciperentur, quae, ne intercideret tam illustis rei memoria, aeri incisae in publica acta referebantur. Quid restabat amplius, ut in summo loco sitae essent acclamationes? illud scilicet, ut magistratus, imperii rectores et custodes, et ipsi denique Principes, iis crearentur. Sed hoc quoque Romanis solemne fuisse, satis testantur annales. VALERIANVM Patrum conscriptorum acclamationibus nouo et antehac inaudito exemplo

(b) ORIGENES *Homil. XXII. in Numer.*

(i) FERRARIVS de *veterum acclamationibus et plausu* L. IV. c. II, quod excellentissimum opus recudi curauit immortale omnis humanitatis decus, 10. GEORG. GRAEVIUS in *Tomo VI. Thes. Antiquit. Rom.*

(k) C. PLINIVS in *Panegy. c. LXXV. add. ep. IX. L. IV.*

plo Censorem delectum esse, accepimus a TREBELLIO POLLIONE, qui et formulas, quibus conceptae fuerunt, egregie prodidit. (l) Si quid video, ipse C. PLINIVS summum et amplissimum honorem, consulatum, acclamationibus acceptum refert his verbis: *Vos P. C. proxime destinationem consulatus mei his acclamationibus adprobauistis, ut intelligam, etiam atque etiam enitendum mihi, ut hunc consensum vestrum complectar, et teneam, et indies augeam.* (m) Sed non diu hoc magistratuum honori datum est, fortasse, quod augustius quid prae se ferret talis electio, ideoque Principes etiam hoc modo ad publicae salutis gubernacula sunt admori. TACITVM sane, si FL. VOPISCO, non leui historiae augustae scriptori, uti fas est, credimus, imperatorem fecerunt voces: *Tacite Auguste, Dii Te seruent: Te deligimus, Te principem facimus, Tibi curam reipublicae orbisque mandamus,* quae a Senatu, quum de deligendo ageretur imperatore, emittebantur. (n) Et MAXIMVM atque BALBINVM acclamationibus factos esse imperatores, diserte IVL. CAPITOLINVS scribit. (o) Quo modo PROBVVS ad imperium peruenit? nonne acclamationibus militum, qui tum imperatores adpellandi ius sibi vindicauerant? (p) Haec non efficiant, ut mirari quis desinat, cur in sanctiorem coetum migrauerit consuetudo, acclamationibus summos creandi sacerdotes? profecto non longe repetenda est huius rei causa. Qui enim acclamationes indignae videri poterant sacerdotum electionibus, et alienae ab eius rei gravitate, quum longus vsus et longa consuetudo omnem deformitatis opinionem, quae fortassis animis hominum initio infederat, iam pridem extinxisset? Quod summis magistratibus honorificum, quod ipsis Principibus gloriosum credebatur, id parum sacerdotum creatione dignum haberi non poterat. Tanto magis vero certum est, a Romanis morem hunc eos, qui purioribus sacris addicti erant, accepisse, quod his eadem fere, quae Romani tum facere consueuerant, solemnia fuisse,

(l) TREBELL. POLLIO in Valeriano Patre et filio cap. I.

(m) PLINIVS in Panegyr. c. XCV.

(n) FL. VOPISCVS in Tacito c. IV. et V.

(o) IVL. CAPITOLINVS in Maximo et Balbino cap. III.

(p) FL. VOPISCVS in Probo cap. X.

fuisse, compertum habemus. Actis, seu publicis tabulis, mandatas fuisse acclamationes, quibus magistratus aut Principes designabantur, (id quod Traianiacuo primum fieri coepisse, recte animaduertit vir summus, ISAACVS CASAVBONVS, (q) C. PLINIVS, AEL. LAMPRIDIUS, IVL. CAPITOLINVS, aliique rerum romanarum scriptores, docent. Idem vero in sacris conciliis obseruatum esse, ex Augustino discimus. (r) Porro easdem formulas vsurparunt Christiani, quibus Romani utebantur, et quemadmodum hi clamabant, *dignus est et fortis et iustus*, (s) aut *aequum est et iustum est*; (t) ita in illorum conuentibus audiebantur voces ἄξιός, vel *dignus est, iustus est*. (u) Deinde Romani diligenter adnotare solebant, quoties quidque inter acclamandum repetitum esset, ceu ex TREBELLIO POLLIONE et PL. VOPISCO liquido adparet. Et hoc quoque imitati sunt, qui Christo, optimo Soteri, nomen dederunt, quod tabulae acclamationum, quibus ERADIO summam sacrorum potestatem delatam esse diximus, ab Augustino epistolis suis insertae, manifesto ostendunt. (x) Videant itaque, quem in suam trahant sententiam, qui, a Graecis hanc consuetudinem profluxisse, sibi sine sponfore credi volunt, et eandem *χερροτοσίαν* vocari, aut saltem cum ea conuenire, contendunt. (y) Equidem non ignoro, (cui enim non dictus Hylas?) morem fuisse Atheniensibus, quo magistratus eleuatis a populo manibus creabantur, quem *χερροτοσίαν* adpellarunt, eumque sanctiori etiam coetui admodum familiarem fuisse, vtpote quod satis demonstrauit doctissimus et de antiquitatibus sacris immortaliter me-

I 2

ritus

(q) ISAAC. CASAVBONVS ad Volcatium Gallicanum de Anidio Cassio p. 466.

(r) In actis ordinationis Eradii haec legimus: *A Notariis ecclesiae, sicut cernitis, excipiuntur, quae dicimus, excipiuntur, quae dicitis: et meus sermo et vestrae acclamationes in terram non cadunt. Apertius ut dicam, ecclesiastica nunc gesta conficimus.*

(s) VOPISCVS in Probo c. XL

(t) CAPITOLINVS in Maximo et Balbino c. II.

(u) AMBROSIVS de dignit. sacerdot. cap. V.

(x) AVGVSTINVS in ep. CX. *dignus et iustus est dictum est vicies.*

(y) V. IUSTVS HENNING. BOEHMERVS, vix illustris, in *Iure ecclesiast. protestant.* T. I. L. L. T. V, §. XVIII.

ritus IOSEPHVS BINGHAMVS. (z) Sed quid, quaeso, simile habet *χεροτορία* cum acclamationibus? et quam diuersa sunt *porrigere manus* et *edere acclamationes*? quae tamen coniuncta semper fuisse, haud obseruamus. Tanto maiori vero laude digna est haec consuetudo; quanto magis pristinam reipublicae sacrae faciem repraesentat, et quanto clarius ex ea incorruptae integritatis imago elucet. Quid? nonne luculenter illa ostendit, proprium adhuc fuisse vniuerso populo ius eligendi eos, qui sacris praeessent? et nondum hoc vni delatum esse, qui ex libidine munera sacra, veluti Alexander ille Magnus commilitonibus suis regna, diuideret. Cui enim potius hoc debetur, quam ipsi coetui, sacris addicto? cui negare nefas est, quod aliis collegiis permittitur, vt sibi de ornamentis et praefidiis salutis suae prospiciant: quem melius sibi consulere verisimile est, quam quemquam alium, qui libidini suae, non communi vtilitati, seruit: et quid denique aequius, quam vt is, qui praefuturus est omnibus, ab omnibus quoque eligatur. (a) Hinc illae acclamationes, quae non laetitiae tantum declarandae causa, nec adprobationis gratia, vt nonnulli falso opinantur, sed quia ad ferenda suffragia adprime adcommodatae videbantur, usurpatae sunt, vt testes essent, omni exceptione maiores, iustae et legitimae potestatis, quae in populo residebat, eligendi sacrorum praefules: quod argumentum prae ceteris clarissimum, recte vrget laudatissimus BINGHAMVS. (b) Quemadmodum vero sapientissimis virorum, diuinitus adflatorum, institutis conuenientissima est haec sanctioris coetus praefectos per suffragia populi constituendi ratio, quam postea nefanda ambitio turbauit, et insana dominandi libido peruertit; ita quoque iure merito electionis formula, quam apud AVGVSTINVM legimus de creatione ERADII, optima visa est AONIO PALEARIO, (c) de quo TV tam praeclare meritis es, VIR SVM-

ME

(z) IOS. BINGHAM in *Antiquitat. ecclesiast. L. IV. c. VI. §. XI.*

(a) Ita praeclare sentit LEO M. in *ep. X. ad episcopum Viennensem.*

(b) IOS. BINGHAM in *Antiquitat. ecclesiast. L. IV. c. II. §. VI.*

(c) vid. AON. PALEARII *actio in Pontif. Rom. c. XVI. p. 401.*

ME REVERENDE, VT HOC NON FORTUITO FACTUM VIDEATUR, quia eloquentissimi huius emendatorum sacrorum vindicis virtus a summo quoque oratore et insigni diuinioris doctrinae interprete, illustrari, omniumque saeculorum memoriae commendari debebat. Vides itaque, non assentationis, non ambitionis voces esse, quibus iam aures TVAE vndique circumsonant, sed TVAE virtutis, quae tam magnifice exsplenduit, et TVORVM meritorum, quibus honores, antea gestos, immortaliter illustrasti. Nihil enim magis ad ampliores honores consequendos prodest, quam munera optime pulcherrimeque administrata, siquidem, a quo iam profecta sunt praeclarissima in rem publicam merita, ea quoque in dies magis magisque augere potest, et communem salutem quam maxime amplificare. Nae hoc facile quisquam multo ante, vt vates, praedixerit Musis Ienensibus, fore, vt TE splendidissimis honoris, quo iam fulges, insignibus conspicuum videant, si, quod PLINIVS recte dixit, *magistratum magistratu, honorem honore peti* (d) probe perspectum habuerit. Quis non videt ideo summum, quod omnia moderatur, Numen nouum et amplissimum virtutis theatrum TIBI aperuisse, vt, quantum eloquentiae decus amplificasti, tantum quoque sanctioris disciplinae dignitatem sustineres, et a vanorum hominum impetu strenue defenderes. Eat in omne aeuum illustre hoc, et numquam satis praedicandum exemplum, per oratoria ornamenta, per summa, elegantioribus litteris parta, decora ad exquisitae sacrarum litterarum doctrinae laudem HALLBAVERVM NOSTRVM contendisse. Iam tandem bene de se sperare incipient Musae mansuetiores, iam obmutescent barbari istisque infensissimi homines, nec amplius furere et vociferari audebunt, politiores litteras per se quidem pulchras et satis utiles, nulli tamen ad vllam sublimioris scientiae laudem adiumento esse, sed vuculas eiusmodi maleuolorum, aut vilissimae eruditorum plebeculae, cordatiores TVO exemplo acriter reprimant et obtundent. Tanto maior, tanto excellentior est diuinae legis in-

(d) PLINIUS in Panegy. c. LXX.

terpres, qui interiorem litteraturam cum diuinioris scientiae studio coniunxit, qui aliis, a praestantissimo hoc praesidio imparatis, veluti caliginem inducit: quemadmodum et veteris iurisprudentiae lumina Q. MUCIVS SCAEVOLA, Cicerone teste, iuris peritorum eloquentissimus, (e) M. CATO, (f) SERVIUS SVPICIVS (g) et Q. AELIVS TVBERO per oratoriam artem viam sibi ad id, quod summum est in iuris scientia, munierunt. Diu meditati sumus vota, VIR SVMME REVERENDE ATQVE EXCELLENTISSIME, quibus incitatisimae pietatis, qua TIBI addicti sumus, adfectum publice testaremur, quae clausa pectore huc vsque impatienter continuimus, quum splendidum honorum TVORVM cursum videremus. At ita nobis secunda quacuis et optata contingant, vt iucundissimo gratulandi TIBI officio omni, qua par est, animi reuerentia religiose fungimur, et pia vota ad TE deferimus. Quorum hanc veluti summam facimus, vt aeterna laude florenti virtutis TVAB gloriae superstes quam diutissime secundis academiae rebus, et ipsi posteritati, intersis. Vale.

(e) CICERO *de oratore* L. I. c. XXXIX. in Bruto c. XXXVIII.

(f) CICERO L. I. *de orator.* c. XXXVII.

(g) CICERO in Bruto c. XLI. et XLII. POMPONIVS in L. II. §. XLIII. et XLVI. D. *de Orig. iur.*



II.

HERMANNI SAMVELIS REIMARI

LINGVAR. ORIENTALIVM IN GYMNAS. HAMB. PROF. PVBL.

DE

OPTIMA RATIONE

DISCENDI DOCENDIQUE ELEMENTA

LINGVAE LATINAE

DISSERTATIO.

§. I.

Fatendum nobis est, viam optimam ad latinitatem nondum in scholis nostris teneri. Optimam enim viam appello, qua quam fieri potest brevissime et facillime discant pueri, non tantum auctores latinos accurate intelligere atque interpretari, sed et virtutes eorundem loquendo scribendoque assequi. A quo fine quam longe absint instituta nostra scholastica, certissimum argumentum praeber euentus. Nam viginti aetatis florentis anni hoc vno fere studio consumuntur: quibus iam operose exactis, vix tamen centesimus quisque est adolescentium, quin oblatos meliores auctores latinitatis legens, vbique haereat in exponendo, stilumque prodatur ipse variis et grauissimis vitiis contaminatum. Magno autem hoc incommodo generis humani et litterarum accidere, agnoscer credo mecum, cui cor est; quoniam bona eademque opportunissima vitae pars vna in lingua, idque corrupte, addiscenda conteritur: linguae non tantum ceterae, sed et artes atque disciplinae vix obiter saluantur, vitae agenda ratio plane negligitur. Atque hinc fit, ut cruda studia, ad Academias propulsa, labem suam in omne vitae et litterarum genus diffundant.

§. II.

In hac communi calamitate, quod pueritiam, quod tarditatem ingeniorum, quod negligentiam plurimorum accusamus, nihil est. Nam puerilis aetas etiam mediocrium ingeniorum ad linguas vernaculas paucis annis, idque sine magistro, arripiendas, per naturam suam idonea et procliuus est. Quare naturam si sequeremur, in docendo, citius etiam illa et facilius et melius latina disceret. Ea ratione equidem motus inquirendum putaui, quo pacto ipsa quasi natura duce pueruli vernaculam linguam addiscant, ut inde iudicari possit, quousque Latinae linguae tradendae ratio huic fieri possit quam simillima.

§. III.

Primum obseruamus, solere nos confabulari statim cum puerulis pro capto eorum, sermone cohaerente, quanquam breuiori-

uioribus sententiis; interrogando eos frequenter, *quis* hoc dederit? *quid* dederit pater? etc. nullus certe hic nomenclator vocabulorum separatorum ediscendus proponitur. Inter confabulandum ostenduntur quidem illis initio res sensibus obuiæ, de quibus sermo est; sed quoniam mox audito vocabulo iam possunt rem significatam, licet oculis non subiectam, animo sibi effingere, vocabula rerum quondam obuiarum pro ipsis rebus substitui possunt; ut in puerulis, non minus ac si res præsentes essent, notionem excitent. Atque hinc fit, ut vocabulum illis vocabulo explicari queat, ac denique ut integram orationem assequantur, etiamsi nulla res subiecta sit sensibus. Iam illi, cum de rebus cogitant, mente simul vocabula earum solent voluere, pronique ad cogitata aliis aperienda, primum singulas res balbutiendo vocabulis insignire incipiunt, deinde et paulatim coniungere vocabula, imitatione confusa eorum, quos loquentes audierant. Quo frequentius autem colloquentes audierunt, quoque saepius ipsi tentarunt audita repetere et aliis narrare, eo citius et expeditius animi sui sententiam discunt enunciare. Atque ita intra paucos annos, in tanta debilitate virium mentis, sine molestia, imo cum voluptate obtinent, ut quicquid cogitant, promte et feliciter eloquantur, eo pacto, ut eorum, quos audierunt, oris pressum, modulationemque vocis, cum ipsis vocabulis eorumque genere, casu, temporibus, modis, confusa imitatione exprimi appareat, sine vllis regulis grammaticis distincte perceptis. Fallit sane interdum loquentes scribentesue confusa isthaec imitatio: unde cuius, etiam vernacula lingua accurate scripturo, opus postea est grammatica, quo confusa cognitio regularum in distinctam et minus fallacem transeat. Sed tum legentes grammaticam, regulas singulas statim clare intelligunt, fideliter retinent, et rite applicant: quoniam habent iam in memoria copiam exemplorum singulis aptorum, nihilque agunt aliud, quam ut nota iam sibi confuse et prorsus familiaria, euoluant.

§. IV.

Quoniam sola confabulatione discunt pueruli sermonem vernaculum, nullum mihi dubium est, quin et latinam

linguam pari ratione iidem addiscere queant, etiam si ne vocabulam quidem aliam admiscueris. Nam si pariter de rebus obuiis primo loquaris, subiiciendo res, de quibus verba fiunt, oculis puerorum, breui fiet, ut iam vocabula rerum notarum substitui rebus ipsis queant, et ita quibusdam notis vocabulis cetera adhuc ignota explicari. Sed et nihil impediet, quominus loco rerum ipsarum vocabula vernacula primo adhibeas interpretandis latinis. Nam auditis vernaculis obuersionabitur menti imago rerum, quae iam sub nouis his latinis nominibus concipiendae erunt. Perinde hic res se habet, ac si quis tibi narret aliquid de Calli ergo quodam, noto quidem tibi per se sub nomine Caii, sed sub Calli ergi ignoto. Quod si enim semel vel iterum monitus sis, Calli ergum hunc esse eundem, quem tu Caium appellas: fiet, ut quoties deinde in narratione Calli ergi mentio iniicitur, hominis imago tibi non minus succurrat, atque antea, audito Caii nomine; atque ita tandem appellationi huic prorsus adsuescas. Sicut vero in singulis vocabulis res succedit, si latina vernaculis interpreteris, ita in integris sententiis pariter id locum habere quis dubitet, cum idem usu quotidiano scholarum nostrarum confirmetur, ubi hoc non postremum agitur, ut in exponendis vernaculo sermone scriptoribus latinis exerceantur tirones. Explicatione igitur vernacula confabulationi latinae continuo adiecta, efficietur intra breue spatium, ut vix ad decimum quodque vocabulum interprete opus habeat puer: et reliqua deinde facultas intelligendi loquendique latine, haud secus ac in vernaculo sermone, colloquiis solis obtinebitur.

§. V.

Via sane haec in Latium, uti per se patens et nequaquam inuia est, ita breuissima foret, et ad naturalem quam proxime accedens, si duces haberemus bonos: hoc dico, si essent, qui de rebus quibuscunque, etiam obuiis, pure et castigate loqui possent. Nam quoniam tota res imitatione constat, et collocutor vnus, vel certe praecipuus est, quem imitentur pueri; accidet, ut cum barbaro barbare, cum soloeco soloece loqui adsuescant. Paucissimi vero sunt nostra aetate, quin subinde in
haec

haec vitia incurrant latine loquentes: nemo fere est, qui sine ne arte, sine meditatione praeuia loquens, eam dicendi elegantiam, quae in scriptis veterum splendet, assequatur. Vnde nihil hoc pacto proficiemus, nisi vt quamplurimi facile discant barbariem. Atqui hoc non est, quod quaerimus; sed vt veram castigatamque latinitatem citius pueri edoceantur. Iungemus, inquis, huic nostro colloquio lectionem optimorum scriptorum. Audio: sed magni laboris ac diuturni res est, stribliginem illam, qua recens imbutus es, prorsus deponere, et quod sermone familiari tritum est, lectione dediscere. Quin tu, si puritatem et elegantiam non ex tuo, sed ex alieno fundo polliceris, hunc tantum adire tuos iube, vbi sine lolligine fructus legant. Non tardius aut molestius pulchro sermoni adfuescimus, quam foedo: nec Lipsiensibus aut Halensibus pueris maiori labore aut tempore constat tersus ille sermo natiuus, quam Bauaris aut Austriacis horridus.

§. VI.

Age igitur, nouos illos et suspectae fidei auctores latinos fugiamus, et vni collocutores nostri sint Nepos, Terentius, Caesar, Cicero, similes. Nam quid aliud, quid melius his praestiterint colloquentes? Narrent forte rem gestam, verba de rebus in vita communi faciant, praecepta morum et vitae honestae tradant, disputent de Deo, et natura vniuersi. Atqui Nepos, Terentius, Caesar, Cicero, lecti, reuiuiscunt quasi, et coram tecum haec eadem et longe melius agunt. Illos igitur audi frequenter, illorum dictioni attende, ex illis vel illorum interpretibus quaere, si quid minus intellexeris, illos iube saepius eadem repetere, vt haereant: expectatione citius, scio, ex ipsorum sermonibus proficies, vt iam non tantum reddere voces audiras, sed et integram orationis structuram repetere queas et imitari.

§. VII.

Quanquam vero his et similibus linguae latinae magistris quotidie resonent scholae nostrae; vereor tamen ne ita eos loquentes faciamus, vt homines difficiles aditu et morosos. Nam antequam in colloquium cum viris tam grauib, Nepo-

te,

te, Caesare, ceteris, descendere possit tiro, et eorum oracula ex cathedra, tanquam ex tripode, audire: bone Deus! quot ille fatigatur durissimis et inanibus exercitationibus? ut mirum sit, ni deinde taedio vel desperatione afficiatur, postquam admissus nihilo plus intelligere se, nihilo aptiorem se ad colloquendum esse animaduertit. Integrum prius vocabularium, v. g. Cellarianum, memoriae mandandum est: et quoniam, cum ad calcem ventum est, priora iam exciderunt animo, iterum hoc et tertium ediscendum: et tandem aliquando ut haereat, nescio quid nugarum vernacularum, in quibus vocabula haec ordine occurrunt, in latinas conuerti debent naenias. Iungitur huic alia carnificina, ut Grammaticae regulae et exceptiones, strueturam sermonis huius adhuc ignoti vocabulis ignotae artis edocentes, magno numero memoriae imprimantur: vno forte hoc solatio relicto nostrae aetati, quod ex illa maiorum stultitia resipimus post aliquot secula, ut non amplius verbis latinis, sed vernaculis regulae conceptae sint. Neque satis est, Grammaticam linguae ignotae tenuisse, sed antequam ullus scriptor latinus lectus fuerit, iam formulae et exercitationes stili latini ope Lexici et Grammaticae compingendae sunt, quo magis a veterum auctorum lectione et imitatione ad nouum et insolens stili genus multo sudore pueri abducantur. Postremo, ubi tandem post Colloquia Corderiana, aut alia recentioris fabricae perlecta, ad Nepotem acceditur, excutiuntur singula ad puluisculum vsque, grammatica euoluitur, phrasae exscribuntur, ediscuntur, imitationes in singula capita proponuntur, ut quadriennium abeat, antequam vnus hic scriptor perlectus vel mediocriter intelligatur.

§. VIII.

Vos, Viri cordati, quibus et ipsis hi viarum anfractus dumetis obstiti perreptandi fuerunt, antequam ad illum, quo splendet oratio vestra, nitorem emergeretis, Vos, qui nunc cognita humanae mentis et linguarum natura cum indignatione recolitis memoriam temporis et operae iuuenilis: Vos, inquam, obtestor, ut ingenue iudicetis, hocne sit naturam sequi ducem, an in diuersa omnia inutiles et aerumnosa contentione diuagari? Enimvero insanire diceretur is, qui infantis aut

aut pueruli memoriam indice vocabulorum separatorum linguae vernaculae onerare conaretur, nec prius eum capere posse dicenda putaret. Potius formulas sententiasque integras et cohaerentes adhibemus confabulantes cum tenera aetate: ex quarum nexu illa, quanquam exiguis tantum rationis humanae igniculis praedita, et notiones eruit, et vocabula celeriter arripit, et structuram orationis percipit. Dudum obseruatum est Criticis, linguas linguis non exacte respondere, ut vocabula latina vocabulis singulis vernaculis reddita, vel falsam, vel mancā generare notionem necesse sit: cum contra ex ipsa sermonis latini cohaesione clare intelligere discamus vocabula, quae nulla interdum nominis definitione exponi possunt. Iam nec omnia latinae linguae vocabula omnibus apta sunt, siue eorum vis interior et potestas aduersetur sibi, siue vsus tantum et consuetudo vetet ea coniungere: quod sane ex sententiis integris commode perspicitur vel nemine monente; ex nomenclatore autem, imo nec ex verbosis obseruationibus vnquam intelligas. Est et structura vocabulorum cuique linguae singularis et propria, ex arbitrio vulgi longaque consuetudine pendens, rationis legibus exempta, et ex vernaculo sermone nequicquam metienda. Iam fac puerulum omni esse vocabulorum latinorum apparatu instructum: vbi ad componenda vocabula accedit, antequam lectione latina tinctus sit et penitus imbutus, nonne ad exemplum structurae vernaculae sibi familiaris eam conformabit vnice, et latini sermonis indolem natiuam cum peregrina commutabit? Quod maximum est, ne ipsa quidem vocabula haerebunt in mente, si velut arena sine calce, dissoluta memoriae commendentur. Eorum enim recordamur tantum, quae eadem nunc esse agnoscimus cum illis, quae antea alio ordine percepimus. Sed vbi nullus est inter vocabula nexus, ibi nullus ordo, nulla recordatio. Accedit, quod e nomenclatore discantur multa vocabula, quae vix post annum aut biennium inter legendum auctores occurrent, postquam dudum elapsa sunt menti; multa etiam, quae per omnem vitam plerique haud legant vsquam, sitque adeo in spem certam futurae obliuionis et fallendi temporis causa in iis elaboratum.

tum. Contra, si nulla vocabula ediscant pueri, quam quae nexu sententiarum coniuncta leguntur, et sine negotio infingentur memoriae, et habebunt in lectione usum praesentem, cum identidem reperta recurrant.

§. IX.

Iam ad Grammaticae tractationem scholasticam veniamus. Tradit quidem grammatica regulas linguae generales, idque vocabulis, quae artis huius auctoribus, non item vulgo solent usurpari. Generales vero illae regulae et notiones eruuntur ex singularibus exemplis, quatenus inter se similitudine quadam sunt affinia. Quare cum ne ipse quidem auctor grammatices fingere sibi eiusmodi notiones aut condere regulas potuisset, nisi habuisset ante oculos plurima exempla singula, in quibus similitudinem quandam observasset: fieri etiam per naturam mentis humanae non potest, ut regulas grammaticas clare intelligant pueri, nisi iam animo complura exempla singula obuersentur, in quibus haec similitudo deprehendi possit. Vnde efficitur, ut regulae grammaticae obscurissimae sint ei, qui nondum multa legit. Est ergo a natura mentis nostrae prorsus abhorrens, ut grammaticas regulas frequenti lectioni praemittamus. Non iam dicam, absurdum fore, si quis linguam vernaculam infanti ope regularum tradere velit, quod omnino per se facile perspicitur: sed fingamus nobis hominem adultum, verum eundem novum et hospitem in lectione auctorum, qui pulchritudine dicendi eminent. Hunc si artem dicendi per regulas edocere velis, nae ille vereor ut quicquam cernat in his, quod in usum possit convertere. At legere illum prius iube optimos oratores, ostende exempla pulchrae dictionis, et aliud cum alio confer, ut concinnitatem illam similem animaduerrat, adde etiam, si placet, vocabula artis, singulis apta exemplis: tum demum post observationem haud indiligentem singulorum intelliget praecepta artis; siquidem habebit, quae sub istis vocabulis animo concipiat exempla cognita. Enimuero et hoc valde incommodum accidit grammaticae tractationi, quod praeterquam tironis animus vacuus est eius linguae exemplis, quae summatim regula complectitur, etiam novis

et insolitis Grammaticorum vocabulis confunditur. Solemus adeo res per se notas subobscurare tantum intelligere, quando multo artificio nouorum vocabulorum velantur: sicut vsu venit nobis venatoriae dictioni minus adsuētis, ut venatores suo more loquentes aut scribentes, etiam de rebus perspectis non capiamus. Quid pueris accidet in grammatica latina, vbi nec vocabula artis intelligunt, et rem ipsam vocabulis significatam, quae per singula tantum capi potest, neglectis singulis, vniuersim multo minus comprehendunt. Caue autem opem hic expectes a definitionibus vocabulorum: nam hae velut magis etiam praecisae a singularibus, rem adeo magis necessario obscurant. Igitur frequens lectio praemittenda est praeceptis grammaticis, et inter legendum danda primum opera, ut in pluribus exemplis singulis clarae saltem notiones vocabulorum artis huius ostendantur.

§. X.

Tertio quidem loco grauiter peccatur a magistris iuuenturis, quando discipulos ad conuertenda vernacula in latinum sermonem iusto citius adigunt. Vnde enim habebunt hoc, ut recte et apte eloqui possint cogitata, cum nondum suppetat ex lectione, quod explicandae animi sententiae inferuiat. Corradent igitur vndecunque ex lexicis et phrasium thesauris seu aptam seu ineptam dictionem, eamque contra indolem linguae, contraque Grammaticae praecepta, neque ex exemplis sibi familiaria, neque ex regulis intellecta satis, compingent, sine omni verborum proprietate, selectu, elegancia, numero, ambitu; ut plane insolens et impurum loquendi genus inde emergere necesse sit, quod ne umbram quidem referat vetustatis. Pessimum adeo est, quod ad hanc stili spurcitiem infinito labore et incredibili anxietate contenditur, quodque omni studio adhibito ne sibi quidem ipsis, nedum praeceptoribus suis satisfaciunt tirones: vnde fit, ut qui humanitatis studia amare nondum possunt, oderint iam et execrentur. Ita enim sunt a natura comparati etiam pueri, ut quod minus ipsis succedit, auersentur; tantoque auersentur magis, quo plus operae in eo frustra consumserunt: contra voluptate et studio maiori

iori ferantur in ea, quae assequi se viribus suis posse, facto haud infeliciter periculo, confidunt. Parcamus igitur aetati, temporis, ingenio iuventutis, nec eam intempestiva diligentia nequicquam maceremus. Longe aliter sane in vernaculo sermone puerorum formando agitur. Nam vel ipsi sua sponte repetunt formulas, fabulas et res gestas, quas audierant, vel iubentur mandata deferre ad alios, vel urbanitatis aliqua significatione, quam praeiuerant parentes, excipere hospitem, vel narrata ipsis aut praelecta denuo narrare. Ita fit, ut breui abundant copia vocabulorum et dictionum, quas deinde confusa imitatione constructionis, pro arbitrio, ad sui ingenii sensa expromenda connectunt. Iam in latinis collocatores nostri sunt Nepos, Terentius, Caesar, Cicero, ut supra indicauimus. Ex illis igitur breuiores sententiae excerpendae sunt, quae explicentur semel iterumque; deinde versio vernacula a pueris reddatur iisdem verbis latinis, ut quasi repetant monitum Ciceronis aut historiolum. Atque sic ad longiora veterum loca, conuertenda primum in sermonem patrium, deinde ex patrio rursus in latinum commutanda, accedatur. Hae sunt in puerili aetate tutissimae et facillimae stili exercitationes, quas ego vnas, reiectis omnibus reliquis, non tantum probandas video, sed et vsu ipso sum expertus.

§. XI.

Ita explicato, et rursus in suam linguam conuerso scriptore vno alteroue, (quod tanto celerius, tanto iucundius fiet, quo minus nomenclator aut grammaticus aliquis molestus studio huic intercessit) iam vocabulorum, dictionum et constructionis, quantum satis est, memoria haerebit, ut Grammaticae praecepta capi et in exemplis notis clare fisci possint. Neque enim is sum, qui solo vsu accuratam latini sermonis facultatem comparari posse existimet; sed ut suae quilibet linguae vernaculae, quam vsu addidicerat, Grammaticam deinde tractare debet, ut lapsus omnes euitet, ac tum demum iucunde et cum fructu tractare potest, postquam vsu linguae sibi comparauit, ita et in latinis rationes instituendas puto. Enimuero confusa perceptio et imitatio regularum, quae vsui debetur, fallit interdum:

dum: unde ad accuratum et erroris expertem habitum necesse est, ut confusa haec perceptio et imitatio regularum abeat in distinctam. Liceat autem mihi quod sentio dicere de grammaticâ tractatione, quae vulgo in scholis obtinet, cum omnia statim etiam minutissima ad grammaticas rationes reuocantur. Huius me fateor nullum perspicere fructum. Nam quando nihil omnino in via hac sine obseruatione praetermittere volumus, tarde admodum progredimur, et lectioni auctorum, quae maximi in linguis est momenti, multum derogamus. Praeterea distractus copia regularum grammaticarum animus, nullam distincte percipit, nedum retinet. Malim duas tantum aut tres praeicipuas regulas, in exemplis earum occurrentibus, primum notari, iisque iam penitus perspectis et cognitis ad pauculas alias procedi: ut ita paucas paucis, ignotas notis addendo, nulla discens grauetur molestia, et interea dum omnes persequamur, maiorem semper legendo usum linguae sibi acquirat. Eiusmodi enim tractatio Grammaticae non admittet facile posthaec in stilo soloecismum. Nam quia nihil legit tiro, nisi auctores optimos, nullam exercitationem stili instituit, nisi expressis eorundem auctorum verbis: non potest memoria vsu optimorum scriptorum imbuta regulis grammaticis aduersum quid suppeditare. Sed quia et cognitio regularum confusa deinde in distinctam transiit, eadem nunc clarius intellecta propter eam, quae in promptu est, exemplorum copiam, facilius scribenti aut loquenti in exemplo simili venient in mentem, et imitationis, quae ex vsu petitur, facilitatem dirigent, ut aberrare non possit.

§. XII.

Non placet nunc ultra elementa latinitatis rationem docendi deducere, quod in his potissimum mora iniicitur tironibus, et corruptae latinitatis semina nunquam posthaec euellenda inseruntur: elementis autem recte perceptis facile est pulchritudinem et vim dicendi scribendique addere. Enimvero, ut exemplo tenerae aetatis et ex natura mentis humanae ostensum adhuc est, hanc viam certo et necessario ad veram latinitatem ducere: ita quiuis intelliget, breuissimam eandem

esse, cum tot inania et magis nocitura subsidia praecedantur, ut interea prope decuplos progressus in lectione auctorum, quae utramque paginam constituere debet, facere liceat. Igitur et in ratione decupla citius ad scopum peruenietur. Sed et facilius atque iucundius ita disci docerique linguam latinam, nemo potest ambigere. Nam nec memoria oneratur infinita multitudine vocabulorum et regularum, quae vel retineri, vel intelligi et applicari nequeant: et tirones ad nullam rem, quae supra vires ipsorum est, adiguntur. Igitur dum ad intelligenda et loquenda latina celeriter et ludendo quasi adducuntur, sentiunt, se sine molestia sua multum proficere, captique voluptate discendi ad strenue pergendum accenduntur. Itaque et docens ferula sua et multis irae commotionibus facile carebit, neque in vocabulis tricisque grammaticis et expurgando Augiae stabulo, seu exercitationibus stili intempestivis cum taedio corrigendis versabitur; contra nactus discipulos et proficientes, et volentes proficere, cum voluptate officio fungetur suo, nec pulverem scholasticum tantopere accusabit. Quodsi ergo hac ratione et melius, et citius, et facilius, et iucundius latina discuntur, atque ad naturam, quam proxime acceditur, methodus haec velut optima erit ceteris anteferenda.

§. XIII.

Nihil habeo quod addam, nisi ut distinctius, quae tradita sunt, regulis complectar.

1. Primum tiro flectere nomina et verba discat, legendo saepius idem brevius pensum clara voce, audientibus ceteris commilitonibus, donec sine multa opera haereat memoria.

2. Seligantur ex probatissimis auctoribus decem centuriae sententiarum, stilo plano omnes scriptae, et praeclara vitae monita eleganter proponentes. In primis centuriis locum habeant, quae tribus verbis, ordineque verborum naturali rem enunciant: sequantur deinde paulo longiores et pleniores, sed ceteroquin faciles intellectu: agmen claudant, quae traiectione verborum haud omnino difficili, vel figuris dictionis facile resoluendis utuntur.

3. Has sententias singulas ordine praelegat docens: constru-

structionem per quaestiones, quis? quid? vbi? etc. ostendat, simulque vernaculo sermone interpreteretur. Idem repetant discentes bis, ter, quater, vsque dum iam a discipulis memoriter dici possit.

4. Post explicationem hanc, nominum verborumque in sententiis singulis occurrentium, flexio iniungatur discipulis.

5. Id ut tutius et facilius procedat, ostendantur signa, ex quibus tirones dignoscere declinationes et coniugationes possint: euoluatur in grammatica exemplum, in quod illi insipientes simili modo flectant id, quod est prae manibus, quo minus aberretur.

6. Inter flectendum haec nomina et verba, casus, persona, tempus, numerus, qui in sententia data reperitur, sedulo notetur et ostendatur: paulatimque vocabula artis grammaticae in his exemplis obuiis reddantur familiaria: genera nominum initio non per regulas, sed ex adiectiuo obseruare doceantur.

7. Ex his exercitationibus, quarto, quinto, et sexto loco traditis, multae cum progressu discipulorum, vel omitti place, vel in difficilioribus tantum, vel certe sine euolutis grammaticae paradigmatis, institui possunt: genera autem nominum nunquam praetermittenda esse facile intelligitur.

8. Post has exercitationes, clausis libris, vbi a praeceptore vernaculam versionem audiuerint, certent inuicem discipuli in reddenda sententia latinis verbis: et postquam noua sententia secundum rationem demonstratam exposita et resoluta fuerit, prior, aut antecedentes omnes, vnius certe decuriae, hoc modo repetantur, ut scilicet proposita versione vernacula eas reddant latine.

9. Ita per decem centurias pergatur; nisi quod in longioribus et traiectione verborum intricatis sententiis paulatim etiam adsuefaciendi sunt discipuli, ut interiecta ab iis, quae per naturam cohaerent, distinguant: sic, ut legentes iam perspiciant statim, id, quod cum praesenti vocabulo cohaeret nomen aut verbum, post interiecta demum expectandum et cum illo connectendum esse.

10. Nec inutile fuerit, in postremis sententiis figuras di-

ctionis, primo tamen sine additis vocabulis artis rhetoricae, resolvere in simplicem dictionem, donec consultum sit, notam iam exemplorum multitudine figuram vocabulo artis insignire.

11. Post mille sententias hoc modo absolutas, posset quis etiam historiolas selectas ex auctoribus latinis eodem modo persequi. Sed non video rationem, cur non statim ad Nepotem legendum accedatur.

12. In Nepote autem legendo nolim amplius flecti nomina et verba, nisi ubi singulare aliquid occurrit, quod tum ex grammatica ostendendum, euolutis praesertim praeteritis et supinis anomalorum: genera item nominum ex adiectiuis continuo obseruentur.

13. Caeterum in hoc pariter et sequentibus auctoribus constanter ad constructionem attendatur, donec eo acies discipulorum penetret, ut sine putida illa constructione perspiciat statim inter legendum, quae cohaereant, et quo singula spectent.

14. Constans quoque et perperua lex esto, vnaque et sola primum stili exercitatio, ut latina germanice bis aut ter, germanica rursus clausis libris latine reddantur: quod utrumque etiam alternatim viva voce et scripto fieri potest.

15. Post Nepotem Terentius simili modo perlegatur.

16. Tum collecta iam ex Nepote et Terentio exemplorum copia, lusus et iocus erit, grammaticas rationes expedire, in tractando v.g. Caesare, Curtio, Cicerone, aut alio, qui maxime placuerit. Atque ibi parum paruo addendum inemineris, ut a tribus potioribus regulis incipiatur, quae quoties exempla earum occurrunt, continuo evoluendae: atque his iam insucum et sanguinem, quod aiunt, conuersis, ad pauculas alias animus adiciatur, donec potissimis superatis, etiam ad minutias grammaticas discipulorum diligentia dirigi possit.

17. Grammaticas rationes in vno et item altero auctore examinari expediet ita, ut non tantum recte posita ab auctore ad regulas exigantur, sed et si forte tiro vernacula rursus vertens in latina aberrauerit, ex grammatica ostendatur, cur minus ita loqui possimus.

18. Post vnum alterumque auctorem ad Grammaticas rationes examinatum, ubi ad alios ventum est, iam ad proprietatem verborum, elegantiam et interiorem naturam sermonis antiquos ritus etc. attendi debere, atque mox ad poetas legendos, ad liberi stili exercitationes aptum fore discipulum, vel me non monente quivis intelligit. Nec enim mihi animus fuit alius, quam ut modum ex primis iisdemque maximis difficultatibus elucundandi demonstrarem.

III.

IO. DIETERICI WINCKLERI
PROFESSORIS HAMBVRGENSIS

ANIMADVERSIONVM
SVBSECIVARVM

IN

FABRI THESAVRVM
SPECIMEN PRIMVM.

ANNO MDCCXXXI.

A CER duplici ratione vsurpatur, tam de sapore, quam de odore. De sapore, qualis est piperis, aceti etc. vti et cibi dicuntur acres, et *Plinio* acre medicamentum, *eine herbe oder scharffe Arzeney*. De odore, vt citreis odor acerrimus, *die Citronen haben einen sehr scharffen Geruch*. *Plin. XV. 28.*

ACINATICVM. Locus *Vlpiani* l. si quis 9. princ. D. de trit. vino et ol. leg. exhibitur in *Fabro*, vbi huius vocis mentio fit. Pretiosum id alii putant ex acinis selectis et bene maturis expressum. At vero nullum esse potuit de hoc dubium. Alii contra de Lora, *Lauer* accipiunt, quorum vero recte in *Fabro* improbatur sententia. Non enim ex acinis, sed ex folliculis et vinaceis acinorum multa aqua maceratis exprimitur, vt aquam magis referat, quam vinum. De hoc *Vlpianus* minime dixisset: *vino plane continebitur*, cum nec mulsum contineri velit d. l. Probabilior videtur eorum esse sententia, qui ex acinis vuae semipassae confectum liquorem intelligunt, qui cuiusdam syrupo vel spiritui vini similis est. Namque vt *Marcus Aurelius Cassiodorus* Lib. XII. var. ep. ep. 4. scribit: *non collecta suspenditur usque ad Decembrem mensem, et fatuos humores exsudans magna suauitate dulcescit*. De tali succo expresso *Vlpianus* merito dicere potuit: *vino plane continebitur*.

ACONITVM herba erat olim in veneficiis crebra, nomen sortita a nudis cantibus, quod nasci in iis soleat, teste *Ouidio* loco in *Fabro* citato. Plura vero dantur eius genera, quae videri possunt in *Menzelii* indice plantarum luculentissimo, et *Bocharti* hierozoico Part. II. lib. I. cap. 15. p. 98.

ADOR male ἀπτοτον siue indeclinabile dicitur in *Ambrosii Calepini* Lexico latino, cum toties occurrat genitiuus. vid. *Vossius* de annal. I. 27. p. 488.

ADOREVM est ipsum far, de quo *Plinius* XVIII. 8. *Far, quod adoreum veteres vocauerunt, nisi pro adiectiuo substantiue sumto accipere velis, vt intelligatur adoreum semen*. *Columella* de re rustica II. 6. species illius tradit esse *clusinum, vermicu-*

culum duplex et trimestre, quod et *alicastrum* dicitur. Far adoraceum Varro habet lib. I. de re rustica.

ADSPICERE ET CERNERE licet vulgo pro eodem habeantur, diuersa tamen significant. *Adspicere* enim est, intendere ad aliquid oculos; *cernere*, intueri illud, in quod inciderunt oculi. Cicero lib. III. de oratore: *neque tanta tamen in rebus obscuritas, ut eas non penitus acri vir ingenio cernat, si modo adspexerit.* Et mox: *ut possitis illa omnia cernere, quae adspexerit.* Item pro Milone: *neque eorum quisquam, quos undique ex hoc loco intuentes cernitis, unde pars aliqua fori adspici potest.*

AMOENVS non de locis saltem, sed et de aliis vsurpatur rebus, uti apud Tacitum Annal. XIII. 3. 3. *ingenium dicitur Senecae amoenum.*

ALIENVS poni etiam solet pro infesto, inimico. Oponitur enim amicus. Sic Cicero lib. I. ad Quintum fratrem ep. 2. fere in fine: *spero fore, studiis non solum amicorum, sed etiam alienorum ut viresistamus.* Idem lib. X. ad Atticum ep. 13. *obsignata iam epistola superiore, non placuit ei dare, cui constitueram, quod erat alienus.* Et orat. pro Muraena: *ut amicis nostris accusantibus, non etiam alienissimos defendamus.*

ALLEGARE pro laudare, citare, adducere non reperitur apud optimae aetatis scriptores, sed quidem apud argenteae. Plinius lib. IX. ep. 12. tam multa allegauit, quae ad rem minime pertinere videbantur. Idem alibi: *adhibes preces, allegas exempla.* Quando vero legitur apud optimae aetatis scriptores, tum hominem significat priuatum rei priuatae causa ad aliquem mittere. Vnde male hoc verbo vtuntur nonnulli in re publica de legatis publicis.

ALVMNVS denotat etiam einen Handwercks-Purschen, Handwercks-Gesellen. Tacitus Annal. XV. 34. 3. *Sutrinæ tabernae alumnus.*

ALVVS male, ut mihi videtur, nec vllius auctoris vsu pro vtero accipitur in hymno Ambrosiano, uti: *alvus tumescit virginis, claustra pudoris permanent.* Et Io. Freinshemius in supplementis Curtianis, l. I. 22. *Obsignatam Olympiadis aluum annulo etc.*

ANIMAL. Cum de partu agitur, *animal* siue partus vivus opponitur *ovo*. v. g. *solus bipedum homo animal igitur*, i. e. foetum animatum, non ovum. *Plinius* X. 63. *Quaecunque animal pariunt, die eine lebendige Frucht zur Welt bringen.* Idem cap. 64. *Quae nec animal nec ovum ex sese generant.* cap. 68.

ANTHROPOPHAGI, populi humana carne vescentes. Tales olim dicti fuere inter Scythas in extremo septentrione. vid. *Plinius* IV. 12. VI. 17. VII. 2. Procul dubio illi intelliguntur, qui postea lingua Sclauonica *Samoiedae* sunt vocati, de quibus legi potest *Adamus Olearius* in itineralio Persico Lib. III. cap. 3. pag. 159. Fuerunt et inter Aethiopes in Africa, v. *Plinius* VI. 30. ubi hodiernum reperiuntur *Anziques* dicti, regno Congo vicini. Conf. *Eduardus Lopez* in descriptione Congo et alii plures. In America, et Brasilia quidem, notissimi sunt *Tapuyae* dicti, vti ex recentissimis relationibus constat.

ASSVLAS tabulas fuisse, ex quibus ianuae confici solebant veteribus, *Plauti* ex loco probari potest, nimirum *Mostellar.* II. 2. 23. *pultando pedibus pene confregi hasce assulas.* Mox enim v. 25. mentis sit *forium*. Patet hinc, minus accurate in *Fabro* per *Spaene* verti hoc vocabulum.

CAEMENTVM vulgo vocant calcem siue lutum aqua illitum, quod lapidibus intersternebatur. E. g. quod apud *Iustinum* I. 11. dicitur *barenae vice bitumen interstratum*, id vulgo vocant *caementum*. Sed veteres semper dixerunt *caementa*, in plurali numero. Tum vero non significabat calcem siue lutum aqua mistum, sed lapides rudes, impolitos, quibus utebantur in substructionibus murorum atque fundamentorum. Iis opponuntur lapides quadrati et pilares. Dicta autem sunt *caementa* quasi *caedimenta* contracte a *caedo*, aequae ut a *rado* sit *radimentum*, et contracte *raementum*, item a *laxo* *luximentum*, et contracte *lamentum*. Vtitur hac voce praeter *Linium* in *Fabro* citatum *Plinius* lib. XXXVI. cap. 23. *ruinarum urbis est maxima causa, quod facta calce sine ferrumine caementa componuntur.* *Floratus* lib. III. Od. I. v. 34.

Iactis

Iactis in altum molibus huc frequens

Caementa demittit redemptor.

Eod. lib. Od. 24. v. 3.

Caementis licet occupes

Tyrrhenum omne tuis -

CAPELLA. Vocabulum hoc primo reperitur in *annalibus Francorum Fuldensibus* An. DCCCLXXXI. b. in *capella regis*. vid. et *Io. Bona*, Cardinalis, rerum liturgicarum lib. I. cap. 20. Pro eo *Alexius Colloter de Iantillet* in horis subsecuis non semel *sacrarium* vsurpat.

CERNERE proprie significat *iudicare*, et deriuatur a graeco *κέρνω*. Quia autem id, quod oculis videmus, diiudicare possumus, hinc notat etiam *videre*. Sic *decernere* etiam ponitur pro *iudicare*. Sed et quoniam, lites quando sunt, illae per pugnam deciduntur quasi, hinc ponitur pro *pugnare*. Vid. *Suetonius* in *Nerone* cap. 26. *Liuius* ait *decernere acie* l. 15.

CONCLUDERE tritum valde est, apud varios significare idem, quod *terminare*, *finire*. Sed simpliciter nullo addito nomine numquam reperitur apud veteres. Concludere simpliciter apud *Ciceronem* est *colligere*, v. g. de *orat. conclusi ita*, et lib. I. de *fin. deinde concluderebat, sapientiam esse summum bonum*. Idem lib. II. de *diuin. O acutos homines! quam paucis verbis negotium confectum putant! Ea sumunt ad concludendum, quorum iis nihil conceditur*. Posuit etiam *Cicero* pro *includere* lib. II. de *fin. ne bestiae quidem, quas voluptatis causa concludimus*. Concludere *sententiam* legimus apud *Ciceronem*, non vero ea significatione, qua hodie, sed pro *comprehendere*, *complecti*. v. g. de *orat. natura ipsa circumscriptam quandam comprehendit et concludit sententiam*. Casus tamen si additur, potest pro *finire* accipi. Sic apud *Ciceronem* lib. V. ad *famil. ep. 12. Si vero exitu notabili concluduntur* (incipites varique casus) *expletur animus iucundissimae lectionis voluptate*.

CONIICERE CAUSAM singulari ratione Ictis videmus vsurpari pro *causam exponere coram iudice*. Sic in *leg. XII. tabb. tit. VII. l. 10. In comitio aut in foro ante meridiem causam coniicito*. Sic et *Gellius* lib. V. cap. 10. *cum ad iudices coniiciendae consi-*

stendaeque causae gratia venisset. Inde causae coniectio leg. I. ff. de R. iuris: per regulam igitur brevis rerum narratio traditur, et (ut ait Sabinus) quasi causae coniectio est.

• **CORDATUS** vulgo vocatur homo fortis, intrepidus, imperterritus. Nusquam autem legitur in hac significatione apud veteres. Latinissimum alias vocabulum est, sed et significat hominem sapientem. Cor enim putabatur esse sedes sapientiae. Vnde et pro ipsa sapientia illud usurpatur. V. g. *Ennius: en cor Zenodoti, iecur Cratetis. Cicero lib. II. de finibus: hoc est, non modo cor non habere, sed ne palatum quidem. Idem l. I. Tusc. quaest. cap. 9. aliis cor ipsum, animus videtur: ex quo excordes, vecordes, concordisque dicuntur: et Nasicus ille prudens, bis consul, corculum. Hinc cordatus dicitur sapiens, prudens. Sic Cicero l. c. egregie cordatus homo catus Aelius Sextus.*

EXPONERE et **EXPLICARE** non vnus sunt eiusdemque significationis. Dicitur namque *exponi* quid, quod prostat palam, sed *explicari* res, quae reuolutis integumentis denudatur. E. g. merces *exponuntur* in foro palam, *explicantur* vero, si eas inspicere emtor velit. Sic libri in officinis dispositi ordine et a tergo inscripti *exponuntur*, *explicantur* autem cum aperti prostant in pergulis. Clare hanc differentiam Cicero docet in Bruto: *plura etiam dicta, quam scripta, quod ex quibusdam capitibus expositis, nec explicatis, intelligi potest. Idem lib. II. de offic. non ut quaereremus, exposuimus, sed ut explicaremus.*

FALX generale nomen est, instrumentum rusticum falcatum significans. Quod quia varium est, diuersa etiam in aliis linguis sortitur nomina. Latine autem vel ex subiecta materia, vel ex addito epitheto dignoscitur. Secundum *Catonem* de re rustica cap. 110. et 111. sunt falces foenariae, *Sensen*, et stramentariae: falces arborariae et vineaticae, putatoriae, *Winzermesser*, syluaticae et rusticariae. Falcula, quae et *Secula* Campanis, *Eine Sechel*. Nam cum de saturno sermo est, vel quando *Varro* lib. I. cap. 50. ait: *in umbria falce secundum terram succidunt stramentum*, intelligendum id de falce maiori est,

von einer Sense. Virgilius eclog. III. vero cum ait: *Mala vites incidere falce nouellas*, hoc est von einer Hiepen accipiendum.

MALE FERIATVS pro homine scelesto, inepto, stolido, numquam apud veteres legitur. Hi semper male feriatos dicunt, quibus non constat otii sui ratio. Sic Horatius l. 4. od. 6. v. 14. vocat Troas male feriatos, i. e. magno malo suo otiantes. GELLIUS lib. X. cap. 22. fin. vocat ignauos philosophos male feriatos, qui inertii inanique desidia cultum et studium philosophiae mentiebantur.

FLAGELLVM atrox erat olim poenae et quidem seruilis, genus. Atrocius virgae. Cicero pro Rabir. Porcia lex virgas a ciuium Romanorum corpore amouit, hic misericors flagella retulit. Atrocius scutica. Horatius l. sat. 3. v. 120.

Nec scutica dignum horribili sectere flagello.

Atrocius fustes. L. in seruorum 10. ff. de poenis. Ex quibus causis liber fustibus caeditur, ex his seruus flagellis caedi et domino reddi iubetur. Differentia haec in Germanorum quoque indicari lingua potest. Hi enim flagella, *Spitzrutben*, virgam, *Ruthe*, scuticam, *Peitsche*, fustes, *Prügel* dicunt. Flagella vero summas arborum partes fuisse, *Seruius* tradit. *Calpurnius* flagella etiam aurigarum, *Fuhrmanns-Peitschen*, esse autumat, quae excussa clarum reddant sonum, idque probare conatus ex *Martiali* lib. XIV.

Proficies nihil, hos caedas licet vsque flagello.

et Virgilio Aen. V. 579.

- - - *signum clamore paratis*

Epitides longo dedit, insonuitque flagello.

At vero sonitus tantum illam nondum probat significationem. Flagellum enim, *eine Spitzruthe*, recens clarum pariter sonum edit. *Seruius* hunc locum per *virgam* exponit, quae sonat in morem flagelli.

HOSPES et CAUPO nonnumquam pro eodem habentur, differunt vero maxime apud Latinos. *Hospes* enim est, qui ex humanitate et amicitia gratis aliquem excipit, cui cum altero ius hospitalitatis intercedit. *Caupo* vero is dicitur, qui pecunia aliquem excipit, cuiusque domus patet omnibus.

Apud

Apud Graecos olim, et in Italia hodie paulo honestiori hi habentur loco, quam *lenones*, ad quos viri graues non diuertunt. Ex *Aeliano* var. hist. XIV. 14. illud constat, vbi Stratonicus ab aliquo exceptus laute gratias ei habebat, quod ipsum recti sui fecisset participem, mox vero cum videret, vnum atque alterum introire, atque hoc modo nulli diuertere volenti domum illius non patere: abeamus hinc, puer, inquit ad suum famulum, etenim pro columba palumbem nacti esse videmur, cum pro hospitio pandocheum inuenerimus.

IACTURAS in plurali numero sumi pro *sumtibus* ex *Cicerone* discimus, qui coniungit *impensas* et *iacturas*. Vid. *Orationis* eius pro *Rabirio* cap. 16. Eadem ratione in orat. pro *Sylla*: *equidem vehementius lactor, me esse cum - - et in qua non maximae iacturae essent faciendae*. Item lib. VI. ad *Atticum* ep. 1. *exhausta sumtibus et iacturis prouincia*.

IMPORTVNITAS quid sit, nemo recte intelligeret, nisi *Ciceronem* legisset *importunitatem* opponere *bonitati* orat. VIII. L. III. in *Verrem*: *vide inter opportunitatem tuam senatusque bonitatem quid intersit*. Est ergo importunitas non, vt vulgo volunt, *incommoditas*, sed *superbia* et *crudelitas*. Hinc *Cicero* in VII. or. L. II. in *Verrem* *importunitatem* coniungit cum *audacia*: *iste, quamquam incredibili importunitate et audacia etc.* Hinc *importunus* pro *scelesto* ponitur *Sallustio* bell. Iug. III. *nam vi quidem regere patriam aut parentes, quamquam et possis, et delicta corrigas, tamen importunum est*.

INSOLENTIA non tam *superbiam* denotat, quam quidem *prodigalitatē*, siue in victu illa sese exferat, siue in amictu. Opponit inde *Cicero* insolentiae *continentiam* orat. Phil. IX. ante f. *Magnifice* *Seruius Sulpicius* maiorum *continentiam* diligebat, huius seculi *insolentiam* vituperabat.

LIBIDO et IMPVDICITIA videntur esse affinia et eiusdem ferme notionis. *Suetonius* tamen distinguere videtur in *Augusto* cap. 71. ex quibus siue criminibus, siue maledictis infamiam *impudicitiae* facile refutauit et praesentis et posteræ vitæ castitate, i. e. vanos illos rumores facile vanos reddidit vita pudica, sed infamiam libidinum numquam potuit imminuere. Addit: circa libidines haesit postea quoque, vt ferunt, ad vitandas virgines promtior, quae sibi undique etiam ab uxore conquirerentur. *Impudicitia* enim est, cum vir muliebria patitur, aut cum masculis rem habet: *libido* vero insanus mulierum amor, cui deditum *Augustum* fuisse, multis exemplis *Suetonius* ostendit.

III.

M. GOTTL. FRIDERICI GVDII

V. D. M. LAVBAE LVSATORVM

COMMENTATIO

DE

FELICI

REISCHOLASTICAE

STATV PRAESENTI

IN

GERMANIA.

§. I.

Dici non potest, quantum reipublicae intersit, REM SCHOLASTICAM integram esse. Reipublicae commodum in scholis agitur, quas seminaria illius omni iure dixeris, in quibus futuri illius sodales aluntur et coluntur. Haec cum irreparabili suo damno sero nimis experitur vitia, in educandis iuuenibus commissa. Liberos enim educandi cura parentibus licet prae aliis debeat; parentum tamen non omnium est, ut, quos genuerunt, ad aequi et iusti regulam vivere, docere possint. Pars eorum desiderat artem: alii molestam, educationi impendendam, operam reformidant: sunt, qui per negotia sua publica pariter ac domestica, rite obcunda, liberos suos ipsi formare nequeunt: quos denique nec arte, nec studio, nec temporis spatio, liberis educandis consecrando, destitutos esse vides, vix sibi temperare posse saepius cognosces, quo minus modo lenitatis, modo severitatis limites transiliant, et, quos emendare debebant, multo peiores reddant. (a) *Res itaque scholastica* ita ad rationem dirigenda est, ut, quos per parentum siue socordiam, siue inertiam, in primo aetatis flore perire oporteret iuvenes, in reipublicae emolumentum sanctissime foueantur, optimisque artibus ad humanitatem informantur. Diuinam et laude omni maiorem operam illi nauant, qui scholasticum pulverem pertinaci animo deuorant, ut iuuentus in reipublicae spem et fructum adolescere queat. Maioris quippe pretii esse, bene educari, quam bene gigni, prudentiores fatentur omnes: quamuis *Rei Scholasticae* moderatoribus ex contemptus squalore caput extollere vix liceat, adeo, ut multos, *Persio* canente, vanae sterilisque cathedrae poeniteat. (b) Vtrique iuuentutis sexui sollerti educatione opus esse, nemo erit, qui infitias iuerit: (c) in praesenti tamen in primis masculae proles educatio menti nostrae obuersatur, per rem scholasticam in melius quotidie provehenda.

- (a) Detegit haec obstacula, per parentum culpam iuuentuti educandae inpendentia, Iuris consultissimus *Willenbergius*, in diss. iuridica, de insufficiencia paternae educationis ad vitam civilem. Gedani 1726.
(b) Dis-

- (b) Discrepantia DEI et hominum iudicia de scholis exposuit cel. *Phil. Theod. Verpoortenus* in orat. quam *Coburgi* in auditorio *Casimiriano* 1709. habuit, et ibidem typis exscribi curauit. Ab *Hobbesii* criminationibus scholas vindicauit immortalis fama inclutus D. *Rechenbergius* in diss. de origine et usu scholarum, Lipsiae habita, 1684. Felicitatem eorum, qui in scholis docent, superiori anno adfertum iuit acerrimus ille humanitatis viudex, *Gesnerus*, in programme, quo *Seminarium Praceptorum* in Academia Göttingensi alendum, 1738. denuntiauit. Dignum est, quod recolamus *Erasmi* iudicium de dignitate doctorum scholasticorum, in epistola ad *Cordum* in schola maxima cum laude docentem: Quo alacrius uerseris in isto munere, fac memineris, secundum Principes, et Episcopos neminem magniscentius posse mereri de re publica, quam ludis litterarii magistrum.
- (c) De filiarum educatione saluberrima consilia dederunt duo Galliae ornamenta, *Fenelon*, et *Rollinus*. Ille quidem in peculiari libro, qui utilissimo *Lockii* scripto, de liberorum educatione, est adiectus; hic vero in vberissimo commentario, rationem litteras elegantiores discendi et docendi tradente, T. I. cap. 2. Cuius in vernaculam linguam translationem cl. M. *Schruvabius* acceptam referimus.

§. 2.

Rei Scholasticae integritatem sine suo obtinendo metiendam esse, existimo. Enimuero non de omnibus litterariis ludis mihi iam est sermo; sed de iis tantum Musarum domiciliis, quae saeculo a C. N. XIII. Academiae fuerunt opposita, in quibus iuuenes ad artes, quas Academiae sibi adseruerunt, felici cum successu capiendas, sunt praeparandi. (a) Conditionem harum scholarum florentissimam esse iudico, quando non solum commoda pro iuuentute erudienda aedificia exstruuntur, sed quando ii etiam iuuentuti praeficiuntur magistri, qui eam scientiis necessariis formandi arte pollent, et iuuentutis educationem ita prosequuntur, ut reipublicae salus per eam certissime augeri et amplificari queat. (b)

- (a) Vid. cel. *Heumanni* conspectum reipublicae litterariae p. 104. Vocabulum latinitatis cadentis *scholaris*, pro studioso artium politiorum ab *Hieronymo* usurpatum fuisse, obseruat *Cellarius* in curis posterioribus p. 319.
- (b) Ad munus scholasticum, cum laude obeundum, quantum requiratur, grauissime docet cel. *Gesnerus* in institutionibus rei scholasticae: quae una cum lege scholastica Hanouerana, auspiciis Regiis ab ipso haud ita pridem conscripta, a scholarum doctoribus non satis legi possunt, et relegi.

§. 3.

§. 3.

Reipublicae salus in sociorum singulorum salute posita est, quorum alios imperandi, alios obsequendi gloria manet. At vero eos non modo imperare dicimus, qui ad reipublicae clauum sedent, et quos sibi administratos eligunt; sed parentes etiam, herosque, et maritos, praeterea diuinarum humanarumque legum interpretes, imperantium ordini adnumeramus: qui, licet eis, quos penes summa res est, sint subiecti, alios tamen habent, qui dictis ipsorum morem gerere debent, liberos puta, seruosque et discipulos. Quorum singuli si partes suas rite obire didicerint, rempublicam sane felicem reddunt. Salua enim singulorum salute vniuersae societatis salus facta et tecta conseruatur.

§. 4.

Hunc finem sibi praescriptum habet res scholastica. Huc tendere debent praecepta, quae de Deo, eiusque vero cultu, de linguis, et variis scientiarum generibus, quae tenebrae illi aetati sunt instillanda, in scholis traduntur. Hisce praeceptionibus praeparandi sunt iuuenes, ut munia sua quisque adultus administrare queat.

§. 5.

Neque est, quod in Academiis a peritis omnium linguarum et artium magistris scholasticae institutionis vitia emendari posse speres. Illas enim si adeant, qui in scholis, quas inferiores dicunt, non, quantum satis erat, praeparati fuerunt; aequae indoctos et ineptos eos redire videbis, atque illas sunt ingressi. Actum in Academiis agere, res si non conclamata, periculi tamen plena est. (a) Fructus ex Academica institutione capiendus, a profectibus, quos in scholis fecere litterarum cultores, quam maxime pendet, quippe quae humanitatis studiis imbutos, probisque moribus bene tinctos, auditores requirit.

(a) Hoc prouerbio praeposteram illam iuuenum diligentiam redarguit, qua in Academiis iis demum litteris vacant, quae in scholis addiscendae fuissent, cl. Freyerus in program. quod Halae 1729. publicauit.

§. 6.

Quibuscumque reipublicae salus curae cordique fuit,
rem

rem scholasticam ita ad veterem morem reducere conati sunt, ut illius ope finis hic optimus obtineatur. Pleno ore laudanda sunt consilia, quae *Carolus M.* et qui ab eius morte rerum potiti sunt pro Germaniae salute, per rei scholasticae integritatem stabilienda et conseruanda, sequuti fuerunt. (a) •Huius auspiciis natales suos multi ludi litterarii in Germania debent: quibus nisi scholis praefectorum pigritia restitisset, horrida illa, et turpis ignorantia, barbarie inualecente, bonas litteras nequaquam tam diu obsedisset. (b) Scilicet in tradenda voces latinas legendi, et ad modulos canendi arte plurimi acquiescebant scholarum doctores, quasi summae reipublicae saluti esset, modulatoribus abundare: qui vero, quod horrendum et turpissimum dictu! ne quidem intelligebant ipsi, neque, ut decebat, pronuntiare poterant, quae legebant, et incondita prorsus voce cantabant. (c)

(a) Imperatorum Germanicorum curas pro scholis erigendis laudat *Micraelius* in Historia ecclesiastica p. 561. ff. nec non cl. *Schmeizelius* in genuino Academico c. I. et *Heumannus* l. c. p. 94.

(b) *Carolo M.* defuncto litterarum neglectum successorum ipsius, in primis *Ludovici Pii* superstitionis pictati, tribuit *Heumannus* l. c. p. 95 qui etiam p. 87. monet, saeculo VI. et VII. litterarum studia non tam ob incursiones barbarum gentium, quam ob crescentem ingeniorum pestem, superstitionem, deferuisse, quippe quae litterarum non solum cultoribus, sed etiam fautoribus ac Maecenatibus orbem vniuersum orbauerit.

(c) conferatur *Rechenbergii* dissertatio de ineptiis Clericorum: nec non cl. *Weberi* historia latinae linguae p. 379.

§. 7.

Summo rerum humanarum arbitro acceptum erat referendum, quod *Reuchlinus*, Saeculo a CHRISTO nato XV. intertibus hisce iuuentutis scholasticae doctoribus bellum indiceret, reiue scholasticae faciem purgare tentaret, linguarum studium ciuibz suis de meliore nota commendando, quarum per plura saecula expertes fuerant. Quam ob rem a *Melanchthone* germanorum studiorum antesignanus, et ab *Erasmio* totius Germaniae vnicum decus et ornamentum reipublicae vocatur. (a) Et licet, qui ordini sacro adscriptierant, eius coepta stomacharentur, impietatis atque exitiosorum errorum notam viro inurentes, qui et intra Germaniae fines, et extra illius termi-

nos doctrina omnes anteire credebatur; (b) impedire tamen non poterant, quo minus litterarum, in Italia Graecorum ex solum opera renascentium, lumen in Germaniam quoque radios suos sparserit, et quibus immerfa erat, ignorantiae tenebras felici fidere dispulerit. Posthac diuinus *Lutherus* puriorem doctrinam et religionem bonis auspiciis instauraturus, rem simul scholasticam, et suis, et certissimi sui socii, *Melanchthonis*, consiliis non minus commendauit, quam ornauit, (c) optime ratus rem sacram absque rei scholasticae salute saluam non manere.

(a) Videatur *Weberi* historia linguae latinae, p. 434.

(b) Conferatur *Reuchlini* vita a I. H. *Majo* succincte descripta.

(c) *Lutherum*, humanioris litteraturae cultorem, elegantissima dissertatione laudauit cl. *Dornmeyerus*, Halae 1703. Ex quantum res scholastica eiusdem operae debeat, oratione saeculari, de inculta et horrida superioris pontificiae, exculaque et florida nostrae Lutheranae aetatis latinitate, docuit M. *Clauderus*, Gymnasii Altenburgensis Rector, 1617. et cl. M. *Wilischius* in oratione saeculari, quam 1717. in eodem Gymnasio recitauit, de Luthero, rei scholasticae restauratore, quas coniunctim legas in Iubilis Altenburgensibus, 1717. in vulgus editis: nec non M. *Caluissius* in dissertat. de causis incrementi litterarii post barbara saecula, Lips. 1698. habita. Sed ante omnia legatur ipsius *Lutheri* sermo ad magistratus, verbique diuini praecones in Germania, de scholarum instauracione, 1530. conscriptus, quem *Coelestinus* libro suo, de scholis prudenter instruendis, 1558. luci publicae exposito, praefixit.

§. 8.

Prodierunt ex *Melanchthonis* schola strenui magistri, qui iuuentutem, litterarum cupidam, linguis et scientiis in Germania ita imbuerunt, vt rei publicae insignem opem tulerint. Flagrabat studium purioris religionis capita, scientias et linguas, scitu necessarias, in scholis addiscendi, Latii et Graeciae scriptores perlegendi, et imitandi, vt iuuenes hisce artibus satis initiati, Academias digne adire, animosque optimis doctrinis praeclare excolere potuerint: donec tristissimi belli, XXX et quod excedit annos acerrime gesti, strepitus Musis silentium imponeret, quo sedato non statim adfuerunt, qui collapsam rem scholasticam restituerent. Tunc nouum prodibat doctorum scholasticorum genus, quod, vt aliis, se deterioribus, palmam praeriperet, loquacitatis et vulgi auram captandi studio abreptum,

abreptum, verba citius facere, quam recte sentire, et ad antiquorum vtriusque linguae principum exempla, quae cogitabant, exprimere, iuventutem docebat. Illibata ramen manserunt nonnulla scholarum sacra, ut haberent, quae sequerentur exempla, et ad quae rem scholasticam componerent saniores:

- (a) Tetigit hoc superiorum temporum vlcus S. R. *Walchius*, in praefat. de corrupta scholarum eloquentia, cel. *Facciolati* orationi, de studiis humanitatis, quam in Germania recudi curauit, praemissa: nec non cel. *Vockerodius* in diss. de recta et antiqua eloquentiae, maxime Latinae, ratione, *Güntheri* Latinitati restituae, praefixa.

§. 9.

Nostro, quod vivimus, saeculo reseruata erat feliciores rei scholasticae instauratio. Hanc sibi iam praecipuam legem scribunt multi, qui de scholis ordinandis praecipiunt, qui pubem scholasticam ad humanitatem instituunt, qui in usum scholarum libros edunt, ut in rei publicae usus iuvenes erudiantur. Nemo hodie habet, quo ignorantiam suam excuset: inertiae et socordiae reus fit, qui melioribus vestigiis inhaerere derectat. Oras nostras reperierunt humanitatis studia, quae Italibus Batavisque paene reliquerant maiores nostri.

§. 10.

Quot, quaelo, scriptiones prostant, quae rei scholasticae naeuos detegunt pariter, et emendant? quot commentationes, ad rem scholasticam rite ordinandam, adprimè facientes? Praedicari omni iure meretur doctissima praefatio, de scholasticae institutionis naeuis, quam S. R. *Langius* Grammaticae Latinae, a se foras datae, praemisit. (a) Si a *Gesneri* institutionibus rei scholasticae discesseris, beate defuncti *Hofmanni* breuiora de re scholastica scripta, in vnum fasciculum collecta, summa laude non sunt defraudanda.

- (a) Cui adiungatur cl. *Brieglebii*, Societatis Lat. Ienens. Collegae, oratio, de impedimentis stili latini, Ienae 1738. recitata, nec non b. *Hofmanni* diss. de praecipuis scopulis in curriculo scholastico iuventutis studiose vitandis. Zittaviae 1712. habita.

§. 11.

Strenuos humanitatis, quae in scholis tradenda est, vindices, et saniores Critices adsertores protulit saeculum nostrum.

strum. Ecquis ignorat *Cellarios*, *Schurzfleischios*, *Walchios*, *Cortios*, *Heumannos*, *Gesneros*, *Heineccios*, *Hallbaueros*, *Ernestos*, *Langios*, *Reinhardos*, et longe plures, qui Romanae linguae castitatem ciuibus suis omni studio commendarunt, et ad eam consequendam non praecepta tantum suppeditarunt, sed scriptores quoque Romanos nitidissime ad Batauorum inuidiam vsque recudi curauerunt, vt, quos humanitatis cultores legant et imitentur, vilissimo pretio parare sibi queant. (a) Vnde enim latinitas felicius addisci potest, quam ex scriptoribus, qui ea aetate libros suos confecerunt, qua latinitas maxime floruit? horum lectione iuuenturi nihil prius esto!

- (a) Adplaudamus patriae nostrae, quod philologiae Latinae incrementa, inde ab initio huius saeculi vsque ad aetatem nostram ciuium ipsius opera facta, in dies laetius crescunt. Collaudauit illa cl. *Laurentius Reinhardus* in oratione *Hildburghusae* 1726. habita, et institutionibus filii latini, quas 1728. edidit, adiecta.

§. 12.

Fuit aetas, qua studiorum, quae ab humanitate nomen sunt adepta, intempestius pudor corrumperebatur Academicarum ciues. Nuntium mittebant iis, quando scholis vale dicebant, ad altiora, vt loqui solebant, progressuri: quasi litteras meliores vel satis excoluissent, vel nulla cognatione studia inter se continerentur. Redire incipit in oras nostras saeculum illud, quo scriptores Romanos pariter, ac Graecos, pro cathedris Academicis explicatos audire, studiisque elegantioribus sedulo vacare non detrectant Academicarum ciues. (a)

- (a) Quos humanitatis studia non dedecere, doctissime adseruit, ingens, dum in viuis erat, Academiae Ienensis ornamentum, Io. Henr. *Kromayerus*, in diss. de litterarum elegantiorum cultura in Academia diligentissime continuanda, quam Ienae 1717. publico examini subiecit. Ad audiendam Orationum *Ciceronis* explicationem Academiae Lipsiensis ciues clarissimus Thomanae scholae Rector, M. *Ernesti*, nuper inuitauit, praemissa scriptione, quod facilius sit latine scribere, quam auctores latinos interpretari, demonstrans.

§. 13.

Quin immo in Academicis Germanicis illustres *Societates* iam congregantur, quarum focii politioribus litteris, magis magisque excolendis, laudabilem operam nauant. Laudes nostras superant *Societates Teutonicae* in Academia Lipsiensi, et Ienensi,

nenſi, eloquentiae patriae ſtudentes, quam per annorum non multorum ſpatium ab innumeris ſordibus repurgarunt. Sed latinam quoque diſtinctionem a barbarie ſtrenue vindicandam ſibi ſumſerunt *Societates Latinae*, quae *Halae*, et in primis *Ienae* propter *Salam*, paucis abhinc annis collectae ſunt. (a) Incumbunt ad hoc ſtudiorum genus, qui adſidua philoſophicorum praeceptorum tractatione iudicii ſui vires ad maturitatem prouexerunt, et hac ratione ab vtilibus, ſcituque neceſſariis, inania et ſuperuacanea diſcernere probe norunt. (b) Qui ſi ad iuuenes in ſcholis formandos accedant; aut alios, qui bonas litteras in illis artium morumque officinis docent, ſaluberriſis conſiliis, librisque ad hoc ſtudiorum genus rite pertractandum vtiliſſimis, adiuuent; eximios ſane uſus inde in rem publicam redundare, neceſſe eſt.

(a) Originem ill. *Societatis Latinae Ienensis* recenſet cl. *Weberus* in hiſtoria linguae latinae, p. 930. Quid *Sodalitio Latino Halenſi* exitio fuerit, ex cultiſſima praefatione, quam illuſtr. *Heineccius* rarioribus Latii monumentis, a cl. *Fiſchero* publicatis, praemiſit, luculenter cognosceſci poteſt.

(b) Quo de ſelectu, religioſe tenendo, praecepit venerabilis *Moshemius*, tam in oratione, quam de eo, quod nimium eſt in ſtudiis linguarum et Critices, quam in diſſertat. de linguae latinae cultura et neceſſitate, *Foſſetae* libris de L. L. uſu et praefantia praemiſſa. Conf. quoque cl. *M. Rompius* in diſſ. de nimio in linguis ſtudio; nec non cl. *M. Janus* in diſſ. de nimio Latinitatis ſtudio.

§. 14.

Philoſophia fidiffimam rectricem ſe doctoribus ſcholaeſticis praebet, vt optimam artes docendi rationem eligant. Philoſophiae ductu ingeniorum delectum inſtituunt, (a) et quomodo attentionem excitare poſſint, exquirunt. (b) Haec praeceptoribus ſuadet, vt, quae in auctoribus, quos clafſicos vocamus, legerunt diſcipuli, diſquiſitioni ipſorum committant, vtrum veritati reſpondeant, nec ne? quo modo in vitae uſus lecta conuerſi queant? vt hoc pacto memoria non tantum verborum, loquutionumque, ſed rerum quoque praefantiffimarum copia cumuletur, et iudicandi facultas in primis expolietur. (c) Igitur nec philoſophiae omnis expertes diſcipulos ſuos in Academias diſmittunt magiſtri, haud ignari, quantum vtilitatis ad ipſa humanitatis ſtudia felici cum ſucceſſu percipienda,

pienda, adferat philosophia. (d) Tantum abest, vt in docendis philosophiae praeceptis scholarum limites transgrediantur, vt potius illius interpretationem in scholis ab Academicis recitationibus discernere, omni opera nitantur. (e) Prae reliquis Philosophiae partibus, Mathematicum studium haud paucis scholarum magistris arrisit, vt illud, quantum per iuuenilis aetatis tenuitatem licet, discipulis suis instillent, cum vt iudicium ipsorum et attentionem acuant, tum vt, qui ex scholis ad operas alias se conferunt, Mathematicis praeceptis ad futuri sui laboris subsidia inuenienda idonei reddantur. (f)

- (a) Quandoquidem Philosophiae vniuersae incrementa doctrinae de temperamentis, et ingeniorum diuersitate non exiguam lucem adfuderunt. Quae de varia ingeniorum conditione, *Pythagora* praeunte, suo iam aeuo docuerunt *Richerius* et *Huartus*, nostrae aetatis hominibus denuo tradidit cl. BVDEVS in commentatione, de ingeniorum cultura c. II. § S. seq. Laudem quoque merentur cl. *Bressolini* lucubrations, de eo, quod praeceptores decet circa sua scholariumque temperamenta, quas Lips. 1737. in lucem emisit.
- (b) Vid. M. *Krigelii* dissertat. de veterum et recentiorum ratione excitandi iuuentutem ad litterarum culturam. Lips. 1719. nec non M. *Hiligeri* diss. de subsidiis attentionis merito et falso suspectis, Wittenb. 1721 editam.
- (c) Legatur celeb. Vinariensis Gymnasii Rectoris, M. *Carpenii*, programma, quo rationem auctores classicos tractandi gymnasticam, succincte exposuit, Vinariae 1738 conf. quoque cl. *Guttieri* commentatio, de lectione monumentorum graecorum latinorumque acroamatica, quam Lips. 1738. eo consilio foras dedit, vt auctorum illorum lectores moneret, non eorum dicta tantum, sed sensa etiam et cogitata indaganda esse.
- (d) Necessarium elegantiorum litterarum cum philosophia nexum adferit doctissimus auctor programmatis, quod institutionibus suis stili latini adiecit cl. *Reinkardus*, quem modo laudauimus.
- (e) Hanc ob causam cl. M. *Ernesti* solidioris doctrinae initia, casto stilo latino exarata, in vulgus edidit.
- (f) Quam ob rem variis scholis bene constitutis hodie praeficiuntur Matheseos interpretes. Testamur in praesenti scholas prouinciales Saxonicas, quarum alumnis paucis abhinc annis datus est, qui Mathesin doceret. Ardenti huius studii amore, et singulis quique palmam praeripere gestiunt, vniuersae Europae, et Germaniae praefertim, incolae, vt saeculum nostrum Mathematicum adpellare non dubitauerim. Videatur S. R. *Verpoortensii* oratio, de honestissima gentium Europaeorum in prouehendis artibus mathematicis aemulatione, Primitiis Gedanensibus, numero IX. inserta.

§. 15.

Laudandus profecto mos est, qui in scholas nonnullas est introductus, ut discipuli, profectibus pares, in singulis scientiis addiscendis, coniungantur. Profectuum enim, qua discentes gaudent, differentia quid eos ipsos, quid docentes magis remorari possit, ego prorsus nescio. Placuit hic singularum artium cultores pro diuersa profectuum suorum conditione in diuersas classes distribuendi modus, nisi me omnia fallunt, primum Directori Paedagogii et Orphanotrophii Halensis; quamuis distributionem illam aliis quoque scholarum doctoribus iam pridem in mentem venisse, et in votis fuisse, facile credi possit: quorum vota tamen sociorum copia destituit, quibus plures illas cateruas, in quas vniuersus coetus est diuidendus, formandas committere potuerint. Enimuero iis abundare curabat Paedagogium et Orphanotrophium Halense prudentissimus eorum Director, ut cuiusuis cateruae emolumento prospiceretur. Tamen non sine mentis laetitia percepimus, laudabile illud institutum aliarum quoque scholarum praeceptores, numero licet pauciores, desiderio tamen et prudentia iuuentutem scholasticam erudiendi nemini secundos, imitari coepisse, ut pro viribus quisque suis linguis et artibus, felicius, quam maiorum nostrorum memoria, erudiret. (a)

(a) Confer relationem, de statu scholae Neustadiensis propter Aischam. 1733.

§. 16.

Renascuntur in Germaniae scholis litterae graecae, quas per annos bene multos ex iis si non exfulasse, saltem in iis obmutuisse, credidisses. (a) Firmiter persuasum sibi habent sapientiores scholarum magistri, graecae linguae cognitionem cum romani sermonis notitia artissimo vinculo coniungendam esse. (b) Inuitant auditores suos ad legenda Graecorum monimenta, ut tam linguae huius cognitionem, illustrandis N. F. libris oppido inferuentem, capiant, quam gentium Graecarum res gestas, mores et doctrinam ex ipsis fontibus cognoscant, suamque rerum utilium notitiam amplificent. (c) Ne-

que in consiliis hisce opera ipsorum subsistit; sed ipsi explicando praeceunt discipulos, et quos per raritatem, nimiumque pretium oculis usurpare paucissimis licuit, auctores, nouiter recusos exponunt singulis. Chrestomathiam graecam foras dedit cel. *Gesnerus*: Xenophontis memorabilia publicae luci exposuit cl. *Ernesti*; Dialogorum a Platone conscriptorum manipulum in iuuentutis scholasticae vsum edidit *Müllerus*; *Aristophanis* Comoediam, quae inscribitur, *Plutus*, recensuit *Stubelius*: Orationum graecarum et Poematum graecorum Syllogas exhibuit *Schroederus*: vt *Schulzii*, *Hederichii*, *Vrsini*, *Reckenbergeri*, Grammaticas graecas, et Lexica graeca, quibus studiosae litterarum graecarum iuuentuti aetate nostra subuenerunt, mente grata potius, quam verbis recolam. Quos de re scholastica optime meritos quin alii sequuturi, suisque operis iuuentuti, auctores graecos pariter, ac romanos, sint reddituri, et explicaturi; non est quod dubitemus.

- (a) Inter causas huius exsilii, quas in praefatione, quacum *Χινοφόντος απομνημονεύματα βιβλίας*, Lips. 1738. recudi curauit, cl. *Ernesti*, doctissime exponit, iure meritoque refert, quod illa vetus consuetudo enarrandorum in Academicis Graecorum scriptorum paene interierit, in scholis autem nonnullis vnus et alter quidem explicetur, sed ita tarde, vt si quis vnum Hesiodum v. c. integrum explicari velit audire, ei deceui aut plures anni opus sint. *Accedit*, inquit, *illud incommodi, quod libri graeci aut tamuari sint, aut tam pretiosi, vt non possit facile in coetu vel mediocri, quem quis velit, Auctor graecus explicari. Itaque bene mereri de iuuentute, et graecis litteris, putandus est, si quis efficere studeas, vt parabiliores graeci libri fiant: quales olim fuisse constat, quum Basileae, multisque aliis locis aut sine interpretatione latina et notis, aut sine notis saltem prodirent, quod interpretatio notarum locum et vim tenere putaretur. Neque enim ignorant docti homines, illis temporibus, quum huiusmodi essent librorum graecorum editiones, graecas litteras egregie floruisse, quum hodie, dum nimis exornamus graecos auctores, in dies propius ad interitum venire videantur. Non est quidem improbanda doctorum hominum opera, qui interpretationibus latinis et notis instruunt auctores graecos, sed laudanda potius: sed quam in latinis auctoribus rationem semper tenuerunt docti viri, vt praeter eas editiones, quae doctorum gratia concinnantur, etiam aliae compararentur, quibus iuuentuti et paupertati consuleretur; eam etiam in graecis tenendam esse existimamus. Ears fiet, si libri graeci, qui quidem iuuentuti idonei videntur, sine interpretatione edentur, in notis autem is modus habebitur, vt nonnisi necessaria, h. e. quae ad lectionem constituendam, et reliquas difficultates tollendas pertinent, adferantur.*

Hoc

Hoc quoque loco commemorare iuvat causas neglecti graecae linguae studii, quas *Moyſes du Soul*, homo doctus in Anglia, in medium adfert, in praefatione vitarum parallelarum a *Plutarcho* conscriptarum, quarum nouam editionem, quam *Augustinus Bryannus* molitus fuerat, is ad finem perduxit. Primam culpam transfert in difficilem illam graecorum Lexicorum rationem, in quibus plerumque voces deriuatae ad radices suas sunt relatae, quarumne peritiores quidem linguae cultores semper sunt gnari. Alteram culpam in eo sitam esse contendit, quod graecae voces nec in Lexicis, nec in ipsis auctoribus lingua vernacula explicantur. Tertiam denique esse docet, quod auctoribus graecis versiones latinae e regione opponantur. Vid. *Noua Litteraria Lipsiensis*, a 1735. p. 496. Non minus conferri merentur, quae cel. *Clericus* in *Arte Critica*, p. 59, edit. Lipf. versionum censoribus respondit.

(b) Docente *Daniele Vechnero* in *Hellenolexia*.

(c) Commendauit graecae linguae studium *Alexander Politus*, graecarum litterarum in Pisano Lyceo Professor, in oratione, de litterarum graecarum necessitate, quam consultissimus *Ienichen* Lipf. 1737. recudi curauit: nec non iuris consultissimus *Trierius* in dissertat. de vsu graecae linguae, Lipf. 1706. habita.

§. 17.

Sunt, qui teneros iuuenum animos solidiori DEI cognitione imbuunt, et iam in scholis, quantum satis est, eos instruunt, ut certamini cum iis ineundo, qui, rationis licet expertes, ratione superbiunt, eamque libris, adflatu diuino conscriptis, superiorem esse iactant, pares existant. Quam ob causam Serenissimi Principis sui iussu theologiae naturalis compendium adornauit cel. *Reinhardus*. (a) Quid enim crebrius vñ venit, quam ut mens, veritatis cognitione non satis obfirmata, perturbetur, iisque cedat, qui veritati sine fronte obloquuntur? In primis, quum ii, qui Iuris prudentiae, Artique medendi, operam suam in Academiis consecrant, partium suarum esse, rarissime existiment, religionis suae capita altius perscrutari, et saluberrimae rerum caelestium doctrinae maiores in dies accessiones facere.

(a) Prodiit Ienae 1733. *Reinhardi* demonstratio certitudinis et imperfectionis religionis naturalis, in vñum Vinarientis Gymnasii Principis iussu conscripta.

§. 18.

Ad ipsos fontes sacros multi magistrorum discipulos suos deducunt, tanto studio, ut si non integras tabulas sacras, plu-

rimos tamen earumdem libros ante perlegant quam in Academiis conferunt. Ea quippe temporis nostri est felicitas, ut non tantum adminiculis, Codicis S. voces exponendi, resolvendi, et explicandi adfluat iuventus; sed ipsum quoque Codicem S., immo graecam V. T. translationem viliori pretio acquirere possit. In sinum nuper gauisi fuimus, legentes, maxime reuerendo *Haymanno* in Portensi schola demandatum esse, ut alumnis eius codicem S. interpreteretur. (a) Profanorum quoque scriptorum lectionem a doctissimo Gymnasii Lubecensis doctore, *C. H. Langio*, ea lege institui, ut, quae sanctiorum litterarum cultori aliquando prodesse possint, sedulo adnotentur, ex praefatione didici, qua observationes sacras, 1737. editas, lectoribus dedicauit. (b)

(a) Videatur eiusdem consultatio, de paraphrasi totius codicis sacri germanica et latina, qua recitationes suas, in historiam creationis Moisaicam extra ordinem habendas, indicit.

(b) *Prudentius*, inquit, *sapientiores tironum magistri agunt, qui, cum in linguarum cognitione, tum in lectione auctorum, quidquid vsui esse aliquando possit, et ostendunt statim iuuentuti, et in futuros vsus enotant. Item mihi stadium, ex quo iuuenum commodis inservire coepi, praescripsit tum recti conscientia, tum muneris religio: hinc factum est, ut partim inter docendum, partim inter legendum, tamquam spolia quaedam aegyptiaca auferrem, inque schedulas deinde conicerem, quae prodesse posse sanctiorum litterarum cultori, aliisque doctorum ordinibus inservire, videbantur x. r. l. Quorsum etiam cl. M. Henr. Scholtzium, Breitenaniani Ploenensis Rectorem, respicere, ex Iohanneis, quae ex Theocriti Idylliis collegit, et Hanib. 1735. vulgavit, conicio.*

§. 19.

Quid? quod nonnulli scholarum magistri iuventutem, sibi creditam, a teneris, quod aiunt, vnguiculis doceant, cum religionis nostrae ignaris praecepta illius communicare. Huc eorum magistrorum tendit opera, qui, referente cel. *Callenbergio*, linguam hebraeo-germanicam, ut vocant, qua Iudaei hodie in scriptis suis et colloquiis vtuntur, discipulis suis addiscendam proponunt, ut cum Iudaeis de religione sua sermones instituere queant. (a)

(a) Vid. *Callenbergii* relationem de tentata Iudaeorum conuersione, Continuat. XIII. et XV. Ein auswaertiger Schullehrer referirte, er habe kürzlich etliche Schüler auf die Vniuersität dimittiret, welche

che nebst der hebräischen Sprache auch die jüdisch-teutsche Sprache begriffen haben.

§. 20.

Ingenti numero Musarum domicilia aetate nostra adau-
cta videas. Haec enim in Silesia exstruendi, religioni, a di-
vino *Luthero* repurgatae, adscriptis, veniam imperrauerat im-
mortali belli, pacisque gloria inclurus, Rex Sueciae, *Carolus*
XII. Ludos quoque literarios plurima orphanotrophia, ma-
ioribus nostris prorsus incognita, continent. Potentissimum
Daniae Regem Altonaviae Gymnasium novum nuper constitu-
isse, ex relationibus publicis accepimus. Nec est, cur poli-
tiorum litterarum studio in Germania pulchrius in dies efflo-
rescente, magistros hisce praeficiendos tandem defuturos esse,
vereamur.

§. 21.

Huc accedit, quod primo loco commemorandum erat,
quod rem scholasticam emendandi consiliis gravissimum pon-
dus hodie addant Reges et Principes. Quis enim nescit ab au-
la litterarum fortunam pendere? Hi, quo in rem publicam lit-
terariam inusitato amore feruntur, saluberrimis mandatis rem
scholasticam muniunt: (a) ingeniorum delectum haberi iu-
bent: optimam litteras tradendi rationem praescribi curant:
an muneri suo satisfaciant praeceptores, sollertissime inquiri im-
perant: immo munificentissime prospiciunt, ut in Academiis
iuvenes nonnulli ad munera in scholis docendi rite obeunda,
digne praeparentur. Qua de causa in Academiam Halensem
celeberrimum *Cellarium* evocabat serenissimus Borussiae Rex
Fridericus, ut humanitatis litteras in eadocendo scholarum ma-
gistros formaret. (b) Hisce regiis auspiciis in Paedagogio,
quod ibidem floret, praeparantur, primaque huius artis tiroci-
nia ponunt, qui scholis posthac sunt praeficiendi. Cuius
ad exemplum in Academia Georgia Augusta Praeceptorum se-
minarium recentissime condidit Serenissimus Britanniae Rex,
Georgius II, ut de re scholastica optime meriti *Gesneri*, et qui-
cumque eundem in publico, eloquentiam docendi, munere se-
quentur, institutione et consiliis meliores litteras non minus
ipsimet celebrent, quam alios vicissim docere discant. (c)

(a) Prin-

V.

IO. MICHAELIS HEVSINGERI

ILLVSTR. GYMNASII ISENACENSIS DIRECTORIS

EMENDATIONES

ALIQVOT LOCORVM

IN

CORNELII NEPOTIS

VITIS

EXCELLENTIORVM IMPERATORVM.

I.

Miltiad. cap. III. n. 5. omnes fere nunc legimus: *aude-
ri aduersus se tam exiguis copiis dimicare*. Hoc an
satis Latine dicatur, etsi recte Io. Schefferus in lectio-
nibus Cornelianis p. 31. dubitat; nec ipse tamen, quod Latini-
us esset, inuenit, nec, eius monitu, quisquam alius quae-
siuit. Boeclerus quidem in suis membranis reperit *audere*, id-
que antea iam veteres libri, Parisienses an. C1515XIII. forma
prim. et Basileenses, ab Henr. Petri an. C1515LXIII. cum Hier.
Magii adnotationibus vulgati; et a me inspecti, habuerunt;
quae vero verbi *audere* hic esset vis, quum fortasse non satis
peruideret, veram scripturam posthabuit. Sed non erat repu-
diandum, quod ab ipso auctore profectum est. Pastium *au-
deri* ab iis inculcatum fuit, quibus intelligere non licuit, quid
sit *aduersus dimicare*. Quae vero aures, Latino sermoni adue-
tae, illud *aude-ri aduersus se dimicare* ferre possunt? Quare,
vt βαρβαρίζει desinat Nepos, reddendaei est vera lectio, *audere
aduersus se tam exiguis copiis dimicare*. Ordo verborum, ex
mente Nepotis, hic est: *hostes eadem re fore tardiores, si anim-
aduerterent, audere se* (i. e. Athenienses) *aduersus dimicare
tam exiguis copiis*. Ita *aduersus* non praepositionis, sed ad-
uerbii significationem habet. Est autem *aduersus dimicare*
idem, quod terga non vertere, sed obuiam ire hosti, et pugnan-
di copiam facere. Ne insolens videatur haec interpretatio,
audiamus ipsum Nepotem, ita plane alibi *aduersus* similibus
verbis iungentem. Nam Agef. III. 6. legimus, *qui aduersus
arma tulerant*; et Pelop. I. 3. *qui aduersus resistere audebant*.
An non hoc idem est, quod *aduersus dimicare*? Nec aliter ce-
teri scriptores probatissimi. Plaut. I. Amph. I. 143. *Clare
aduersum fabulabor: hic auscultet, quae loquar*. Simile est,
quod v. 132. dixit, *contra conloquar*. Idem III. Trin. II. 98.
Qui meo hero aduersus venerit. I. Merc. II. 5. *Simul autem
plenissime eos, qui aduersum eunt, aspellite*. Vide et III. Most.
I. 19. et 24. Liuius lib. XXXVII. c. 13. *Posteaquam nemo
aduersus ibat*. Catull. ep. XXXVIII. v. 3. *Qui sedens aduer-
sus,*

sus, idemtidem te spectat et audit. Adde Bosium ad Hamilc. cap. II. 2. Quod vero se pro ipsos positum dixi, id ab ipso Nepote didici, cui id familiare est. Sic Alcib. II. 6. *Nam quum intelligerent, se (ipsum) plurimum prodesse reipubl. ex ea eiecisse.* Milt. II. 1. *Quibus, se oppresso, nulla spes salutis relinqueretur.* Agel. II. 5. *Se autem, seruata religione, confirmare exercitum, quum animaduerneret, deorum numen facere secum,* i. e. cum ipso, Agefilao. Add. Them. VIII. 3. *propter se:* ibid. n. 8. *si se conseruasset.* Atque ita planus, ac satis etiam Latinus, erit hic locus.

II. Alcib. cap. II. n. 1. librariorum imperitia hanc, quam omnes fere sequuntur, peperit lectionem: *Socerum habuit Hipponicum, omnium Graecae linguae eloquentia disertissimum.* Pro *disertissimum* alii retinuerunt *ditissimum*, vel *diuitissimum*. Nam Hipponici diuitias Graeci scriptores vno ore omnes, eloquentiam nemo alius praedicat. Testimoniis illorum, quae Lambinus collegit, addo et hoc Luciani Timon. p. 105. Graeu. vbi Mercurius caecum Plutum ridet, indignis opes sine villo dilectu largientem, idque his verbis illi exprobrat: οὐ γὰρ Ἀριστείδην καταλιπὼν Ἱππωνίῳ καὶ Καλλιᾷ προσήεις, καὶ πολλοῖς ἄλλοις Ἀθηναίων, οὐδὲ ὀβολοῦ ἀξίοις. Non enim, (nisi caecus esses) Aristide praeterito, ad Hipponicum et Calliam accessisses, tum ad multos alios Athenienses, ne obolo quidem dignos. Non ita de Hipponico loquentem deum, eloquentiae praesidem, fecisset Lucianus, si *omnium Graecae linguae eloquentia disertissimus*, vel, vt in pluribus est exemplaribus, *ditissimus* ille fuisset: quod, Gebhardo explicante, est, si Hipponicus luculentas illas diuitias eloquentia et dicendi facultate parasset. Vidit hoc Lambinus, qui proinde rescripsit, *omnium Graecorum diuitissimum*, et reliqua verba a mala manu esse credidit. Sed quia ille vlcus non tam sanasse, quam ferro recidisse visus est; paucissimis hanc medendi rationem approbavit. Quod Lambino igitur parum feliciter cessit, alia via tentabimus. Iam vero illud certum, et optimorum codicum, Danielis, Schotti et Gifanii, estimonio comprobatum est, *ditissimum*, non *disertissimum* Hipponicum fuisse: vnde

Bosius

Bosius etiam in hac voce Lambino adensus est, nisi quod *ditissimum*, non *diuitissimum*, rescripsit, quum, parum sibi constans, alibi (Phoc. 1. 2.) Nepoti *diuitissimus* vindicaret. Deinde nec ignotum est Corneliani sermonis gnaris lectoribus, familiare prorsus nostro periphraseos hoc genus esse, ut Graecos dicat *Graeca lingua loquentes*. Ita Milt. cap. III. 2. *Sic enim putauit facillime se Graeca lingua loquentes, qui Asiam incole- rent, sub sua retenturum potestate.* Dion. c. 1. 5. *Hunc a Dionysio missum Carthaginenses suspexerunt, ut neminem um- quam, Graeca lingua loquentem, magis sint admirati.* Similia sunt haec Reg. III. 5. *Quos et animi magnitudine, et calli- ditate omnes, in Africa natos, (i. e. Afros) praestitisse constat.* Milt. c. III. 4. *Eos, qui Asiam incolerent Graeci genere.* Quis ergo non suspicetur, Hipponicum quoque ab eo dictum fuisse *omnium Graeca lingua loquentium ditissimum*, vel *diuitissimum*? Ex hac utique verissima Nepotis manu, quae id ipsum elegan- tissime expresfit, quod Graeci dixerunt, *πλεῖστα τῶν Ἑλλή- νων κεκτηῖσθαι Ἰππόνικον*, monstrum illud vulgatae scripturae natum est, *omnium Graecae linguae eloquentia ditissimum*, et hinc, ut fecundi sunt errores, *disertissimum*: quod nec vere, nec Latine dicere potuit homo Romanus, Graecarum littera- rum peritissimus. Tale aliquid Sallustio accidisse memini, qui, quum Catil. V. 4. scripsisset, *satis loquentiae, sapientiae pa- rum*, non intactus esse potuit a simili librariorum iniuria, qui iam olim *eloquentiae* substituerunt in locum *loquentiae*: ad quem locum legatur Cortius.

III. Conon. cap. V. n. 2. veri simillimum est, Nepo- tem scripsisse: *Nam quum magnam auctoritatem sibi pugna il- la nauali, quam apud Cnidum fecerat, constituisset, non solum inter barbaros, sed etiam inter omnes Graeciae CIVITATIS.* Quum vero grammaticus aliquis haec non caperet, et vocem *ciuitatis*, antiqua terminatione, *ciuitates*, quarto casu, signifi- care opinaretur; hinc factum est, ut, oblitterata vera scriptu- ra, omnia nunc exemplaria, praeseferant *ciuitates*, quasi omnes ciuitates Graeciae intelligantur, i. e. respublicae. Sed Latini ita loqui non solent, *Conon magnam auctoritatem sibi constituit*
inter

inter omnes Graeciae ciuitates: quia *inter* dicitur, vbi de rebus vel personis sermo est, quae sub eodem genere comprehenduntur, quaeque in eodem numero esse possunt. Conon vero non fuit numero Graeciae ciuitatum, sed Graecorum, vel ciuium Graeciae. Non *inter omnes ciuitates* ergo, sed *apud omnes ciuitates* auctoritatem sibi constituit, vt alibi scriptum reperio. Nam Milt. VIII. 4. *magna auctoritas apud omnes ciuitates*, (non *inter*) ipse nobis dedit. Quia tamen praepositio *inter* cum verbo *constituit* rectissime hic sociatur; non legendum est *inter omnes ciuitates*, sed *inter omnes Graeciae ciuitatis*. Nec satis accurate barbaris opponuntur omnes Graeciae ciuitates, sed omnes Graeci, vel, vt noster loqui solet, omnes Graeciae ciuitatis. Exempla huius circumloquutionis satis iam multa paullo ante attuli: supersunt et alia. Alcib. VII. 4. *Primus Graeciae ciuitatis in Thraciam introiit*. Quem locum post alios Bosius a corruptela vindicauit. Reg. I. 1. *Hæ fere fuerunt Graeciae gentis duces*. Imitatus hoc, si quisquam alius, saepissime est Gellius: quia ita et Graeci loqui amant, quibus *Ἑλλὰς* saepe adiectiui loco est, vnde *Ἑλλάδα γῆν* dicunt. Vide Theogn. v. 247. et Vechneri hellenolex. a me quartum editam, lib. I. part. II. c. VIII. p. 186.

III. Vnlca littera mutanda est Timoth. c. II. n. 1. quod vt omnibus pateat, totum locum adscribam. *Idem, classe praefectus, circumuehens Peloponnesum, Laconicam populatus, classem eorum fugauit: Corcyram sub imperium Atheniensium redegit, sociosque idem adiunxit Epirotas, Athamanas, Chaonas, omnesque eas gentes, quae mare illud adiacent*. Prima vox *idem* paullo post, sine vlla gratia, nullaue perspicuitatis ratione exigente, repetitur, vt satis adpareat, non *idem*, sed *item* primitus fuisse. Corcyram sub imperium Atheniensium redegerat Timotheus, quum, classi praefectus, circumueheretur Peloponnesum: eodemque imperio socios Atheniensibus adiunxerat omnes illas gentes, quae mare illud accolunt. Vt igitur significetur, hoc factum esse eodem imperio, particula *item* adiicitur, quae eorum verborum loco ponitur, quae repetenda sunt. Plena enim oratio esset: *classi praefectus cir-*

sumuebens Peloponnesum, socios Atheniensibus adiunxit Epirotas et reliquos. Hanc vim habet item Hannib. VII. 1. Ille nihilo secius exercitui postea praefuit, resque in Africa gessit; itemque Mago frater eius. Repete praefuit ac gessit. Adde ibid. n. 3. Reg. II. 2. Cort. ad Sallust. Cat. XXVII. 2. Atque ita excusatus, spero, item hic rescriberetur, quam Courtinus id fecit Epam. III. 2. vbi omnes idem praeferunt, nec, quare id resingatur, satis magna causa adparet.

V. Quid sibi velint Eum. c. VII. n. 3. verba illa, *quod et fecit*, a nemine adhuc explicatum video. Dixerat, Eumenem in principiis nomine Alexandri statuisse tabernaculum, in eoque sellam auream, cum sceptro ac diademate, iussisse poni, eoque omnes quotidie conuenire, ut ibi de summis rebus consilia caperentur. Credidisse eum, minore se inuidia fore, si specie imperii, nominisque simulatione Alexandri, bellum videretur administrare. Hinc sequitur: *Quod et fecit*. At quid fecit? Nihil aliud certe, quam quod factum esse, iam antea significauerat Nepos. Ergo superuacaneum est, id iterum factum dici. Vocula itaque aliqua excidisse videtur, iudicium Nepotis de hoc facto continens: quum praesertim particula *nam* subiiciatur. Solemne enim illi est, quoties consilium aliquod exposuit, quale illud sibi videatur, vel vno verbo declarare. Sic Dat. VI. 8. *Quo neque acutius vllius imperatoris cogitatum, neque celerius factum usquam reperimus*. Timol. III. 4. *Neque vero id imperite fecit*. Simile igitur aliquod aduerbium hic supplendum esse, iam pridem suspicatus sum. Si quis tamen omnino tuendam censet vulgatam lectionem, quo modo illa enodari possit, ipse viderit. Equidem eam ita defendi posse opinor, si dicas, *fecit* proximi verbi significationem referre, eiusque repetendi vicem implere, adeoque mentem auctoris esse: *quod bellum etiam Alexandri nomine administravit*. Vid. de hoc verbi usu Cort. ad Sallust. Cat. LV. 2. Nec errabis, si verbo *fecit* eam hic vim tribues, quam supra habet cap. II. 5. vbi *et fecisset* est, *perfecisset*. Ita *fecit* nihil aliud erit, quam *id perfecit, id consequutus est*. Sed prior interpretatio magis placet.

VI. Han-

VI. Hannib. cap. X. n. i. vulgatum est: *Apud quem eodem animo fuit erga Italiam, neque aliud quidquam egit, quam regem armauit et excitauit aduersus Romanos.* Si a Nepote profecta fuisset vox *egit*, non dubito, quin sequeretur, *quam ut regem armaret et excitaret.* Henrici Petri certe, et Parisienſia exemplaria habent: *Neque aliud quidquam egit, quam regem armarit et excitarit.* Neque aliter id verbi conſtruxit alibi. Them. V. i. *Id agi, ut pons, quem ille in Hellesponto fecerat, diſſolueretur.* Attic. XI. i. *Nihil aliud egit, quam ut plurimis, quibus rebus poſſet, eſſet auxilio.* Concinit et illud Lyſ. I. 4. *Nihil aliud molitus eſt, quam ut omnes ciuitates in ſua teneret poteſtate.* Vbi vero coniunctionem omittit, ibi verbum quoque ſupprimat. Lyſ. II. 4. *Contra ea Tiſſaphernes nihil aliud, quam bellum comparauit.* Pauſ. I. 4. *Neque aliud ſcripſerunt, quam nomina earum ciuitatum, quarum auxilio Perſae erant victi.* Quum itaque venuſta haec, ſed vulgo parum nota formula, Nepoti non fuerit inuſitata; venit mihi in mentem, hic etiam in primis exemplaribus fuiſſe, *nihil aliud quidquam, quam regem armauit.* Verbum *egit* adiectum eſt ab aliquo grammatico, cui haec loquendi ratio aut parum Latina, aut explicanda, videbatur. Sed *fecit* potius ſupplendum fuiſſet, quam *egit*, ex Ciceron. pro S. Roſcio Am. c. 37. *Nihil aliud fecerunt, niſi rem detulerunt.* Confirmat meam coniecturam Gronouius ad Quintil. declam. III. c. 9. vbi quum inueniſſet, *indignis vero vocibus contaminatus, nihil amplius aget, quam renuet?* pro inſiticio induxit *to aget.* Suffragatur et Burmannus, qui a pluribus membranis ſuſpectum illud verbum abeſſe docet. Et certe abeſſe debet, niſi, Aemilium Probum aliquem has vitas compoſuiſſe, veri ſimilius putamus. Nec enim aequales Nepotis ſcriptores illud admiferunt. Liu. I. II. c. 32. *Ventrem, in medio quietum, nihil aliud, quam datis voluptatibus frui.* Id lib. XXX. cap. 35. *Ac, ſi nihil aliud, vulneribus ſuis ferrum hoſtile hebetarent.* Sueton. Ner. c. 43. *Inermem ſe in conſpectum proditurum, nec quidquam aliud, quam ſleturum.* Flor. lib. IIII. c. II. 80. *Quum diu pari Marte acies nihil aliud, quam occiderent.* Vid. Parei lexic. crit. p. 787.

Burman. ad Petr. c. 86. extr. Cort. ad Plin. lib. l. ep. V. 5. et quae nuper ad Lactant. lib. III. c. XVI. 1. adnotauit S. R. Heumannus, cui de praeclara hac Lactantii editione plurimum debet inuentus.

Vll. Reliqua breuiter tantum attingam. Miltiad. c. VII. n. 5. orationis ordo postulat *expugnare potuisset*, pro *posset*. Lyland. c. 1. n. 5. pro *fide confirmarat*, rectius scribetur *confirmaret*: quod et Keuchenius expressit. Alcibiad. c. IIII. n. 4. Boecleriani codicis lectionem probo: *Hac Thurios in Italiam peruectus*, pro *ac Thurios*. Praecessit iam, *et in triremem*: nec periodo modus constabit, nisi hac emendatione interpunctio mutabitur. Conon. c. III. n. 1. lego: *Multis enim magnisque meritis apud regem et iam, quum in officio non maneret, valebat*. Vulgo, *apud regem, etiam quum*. Hannib. c. VII. n. 3. *et nunc factum videtur ex et iam nunc*. Omnes enim boni scriptores *et iam nunc* dicunt, pro *adhuc*. Vid. Horat. Turf. de partic. p. 293. Schwartz. post. et Cort. ad Sallust. lug. XXXI. 3. CVIII. 3. Tanto magis vero in Nepote id corrigendum est, quod raro ille *et*, pro *etiam*, adhibuit, Ciceronis, vel suae potius aetatis exemplo, de quo iterum ad Turfellinum Thomasius in *ET*, p. 285. Hinc fere numquam post *non solum* reperiens *sed et*, semper *sed etiam*, aut, omisso *etiam*, tantum *sed*. Vnum locum Thrasylb. l. 5. obseruavi, ubi *non solum, sed et* in vulgatis legitur: sed quam facile sit *et* atque *etiam* in scriptis manu libris permutari, satis norunt omnes, quibus illi non plane sunt inuisi. Atque hic finiendum est: cetera, quae his supersunt plura, alio tempore expromendi potestas dabitur.



VI

DISQUISITIO
DE
ORIGINE, NATURA
ET
VSV NUMERI ORATORII
INSTITUTA

A

M. IOH. CHRISTOPH. MYLIO

BVTSTADIO - THVR.

ADIVNCT. FAC. PHIL. IENENS. ET BIBLIOTH. ACADEM.
PRAEFECTO, MEMBRO SOC. LATIN. IENENS.
HONORARIO.

§. I.

Diu multumque disputatum fuit ab illis, qui in latinae linguae indolem altius penetrare solent, *an detur quidam numerus oratorius?* quam appellationem exinde ortam esse extra omne est dubium, quia oratores de numero vocum, syllabarum et etiam litterarum solliciti esse debent, si iustos et ad pertractandum argumentum accommodatos satis concinnare velint verborum ambitus. Absit autem, ut intelligamus tam puerilem, quam non nulli, de numeri oratorii indole non satis edocti, somniarunt, (a) superstitionem, ut ita vocem, oratoriam, qua obstrictos se crediderunt, omnes verborum ambitus certo et eodem vocum, quin etiam syllabarum et forsitan etiam litterarum numero absolvere, licet, vel ipsa ratione sana iubente; concedamus facile, verborum comprehensiones, siue periodos, nimium non extendi debere, ut vitiosae enascantur *ταύρας*, quae ultra 8. membra se extendere solent, suntque omnium periodorum diffusissimae, nimis extensae et dilatatae, quas vel robustissimus orator vno spiritu non eloqui possit; unde semper in vitio poni solet tam enormis circumductio, (b) et tales nimiae verborum et sensus extensiones a Graec-

(a) Quia enim datur *superstitio vel idololatria litteraria*, in eo consistens, si quis eruditus, vel eorum scriptis maiorem, quam par est, tribuit honorem, vel in verbis, ea ultra modum laudando, vel in factis, eruditos superstitione imitando, et tam illos quam haec superstitione veneratur; cuius superstitionis litterariae multa collegit exempla venerandus D. Ioh. Christoph. Koecher, Doct. Theol. et Gymnas. Osnabrügensis Rector celeberr. in libello *de superstitione erudita seu litteraria*, Colon. 1728. in 8. pl. 8. sub. nomine Gratiani *Afchpani* latens. Vid. *Bibliothecam meam Pseudonymorum*. n. 37. quem librum, priori editione longe auctiorem eruditissimus auctor addito nomine suo et sub tit. liber singularis *de Idololatria litteraria* 1738. Hanouerae in 8. denuo edidit. Priorem editionem verbose recenset venerandus noster Stollus in *der Nachricht von den Büchern seiner Bibliothec* part. 6. p. 549 - 554. Posteriorem celeberr. Reimannus in *catal. litterario* p. 748.

(b) Vid. Hermogenes *de inuentione* lib. 4. p. 194. et Sturm *de Periodis*. c. 10. Tales varias vitiosas *ταύρας* vel in ipso Cicerone nonnulli Oratorum obseruarunt e causâ in orat. pro *Roscio* c. 49. pro *lege Manilia* in ora-

Graecorum verbo *τεῖνω extendo*, *τάσεις* siue *extensiones* dictae sunt, quaeque a Periodicis ratione magnitudinis differunt. Periodica enim oratio minima plerumque 5. fere membra, maxima 8. habere solet, si autem membra parua sunt, etiam 10. adhiberi posse concedit Gerard. Ioh. Vossius *de arte oratoria* lib. 4. c. 3. sect. 6. p. 66. conf. celeberr. Berger. *de naturalipulchritudine orationis* p. 269. et Sturm *de Periodis* c. 9. §. 1. et c. 10.

§. II.

Relinquamus igitur tam superstitiosam vocum, syllabarum et litterarum numerationem sotosis Iudaeis et quibusdam sacri codicis interpretibus, qui ad conferuandam Scr. S. integritatem, non solum versus in V. (c) et N. T. (d) singulorum li-

M. 4

bro-

oratione Verrina vltima c. 72. quam vltimam tamen *τάσις* a vitio liberare omnibus viribus contendit Mechouius in *Tulliolis* lib. 3. c. 24. p. 281. et optima *τάσις* mihi illa atque a vitio aliena videtur, quam reperimus in orat. 4. Ciceronis *contra Catilinam* c. 11. In Tasiibus autem, praesertim antecedentis et consequentis, maxima ratio habenda est, ne scilicet propter nimiam antecedentis extensionem, consequens plane omittatur, quod haud raro in vitiosis Tasiibus fieri solet, et parum accuratum Logicum aequae ac minus sollicitum oratorem arguit.

- (c) Quod studium numerandi versus, voces et litteras, *Gematriam* vocare solent Iudaeorum et Christianorum Critici sacri, et ideo 1. Leuit. XI, 42. maius fecerunt Masorethae, quia inito litterarum Pentateuchi numero cognouerunt, 1. illud esse mediam totius Pentateuchi litteram. Simili ex causa 2. Ps. LXXX, 14. suspenderunt, quia illam litteram instituta litterarum recensio mediam in Psalmis esse reperiabant. Vid. pluribus Buxtorfius in *Tiberiade*, siue *commentario Masorethico* Basil. 1665. in 4. c. 14 - 17. Ioh. Terentius, Prof. Franecqueran. in *Triade 2 meditationum suarum* Philologiar. n. 2.

- (d) Quod Iudaei *Gematriam* vocare solent, illud Graeci appellant *σιγισμοσ*. Vid. pluribus Montsfaucin in *Palaeographia graeca* p. 30. Quidam enim veteris ecclesiae Patres, vel alii sacri codicis interpretes solliciti, Iudaeos imitati, etiam in N. T. versuum, vel vt alii volunt, litterarum quoque librorum singulorum noui federis iniierunt, et calci cuiuslibet libri illum numerum subiecerunt, vid. e. causa editionem N. T. Tigurinam 1559. sed saepe propter confusionem litterarum, praesertim in editione N. T. Argentina, vbi ex defectu typi τὸ ἡ. e. 90. repositum est λ siue 30. in clausula epistolae ad Titum, item in fine epistolae ad Galatas ελγ pro ελγ, 1. ad

Thess.

brorum numerarunt, eorumque numerum singulis libris subiecerunt, sed etiam litteras; nec plane improbamus istum Iudaeorum et veteris ecclesiae patrum morem; ortus enim est ex pia quadam sollicitudine de conseruanda sacri codicis integritate. Conf. Ioh. Frickii commentationem theologico - criticam *de cura veteris ecclesiae circa canonem Scr. S. et conseruandam codicum puritatem*. Vlmae 1728. in 4. 1. Alph. pl. 2. adde huius libri recensionem in *der Sammlung von alten und neuen Theologischen Sachen* 1729. p. 251. sqq. Numerus autem oratorius consistit in apto vorum selectu et coniunctione, quae ad indicandam et exprimendam materiam, quae pertractari debet, prae aliis sunt aptae, adeoque versatur potissimum numerus oratorius in exterioribus stili rite constituendis, vt aurium sanum iudicium inepta vorum collocatione et litterarum rei minus conuenientium ingratiſſimo sono non laedatur; et talis collocatio numerus vocatur, nam quicquid etiam est, quod sub aurium mensuram aliquam cadit, etiamsi abest a versu, (nam id quidem orationis est vitium) numerus vocatur, teste Cicerone *de oratore* c. 20. qui graece *εὐθμός* dicitur, et quid deceat, oratori videndum non in sententiis solum, sed etiam in verbis. vid. ibid. c. 21. quippe verborum delectum ipsius eloquentiae originem fuisse recte statuitur ab auctore *de claris oratoribus* c. 72. Exinde etiam fit, vt ab oratore prudente voces, interdum litterae et vocales tales praeferrī soleant aliis, quarum sonus ad rei pertractandae naturam propius quam aliae voces et litterae accedunt, quod infra (§. 8.) et variis exemplis cognoscemus, vt nimirum rebus asperioribus voces asperiores selignantur, rebus suauioribus, litterae et voces pronuntiatione faciliores et leniores. 2) Numerus oratorius si obtinere debeat, euitari debent crebriores earundem vocalium, vel litterarum concursus, *ὁμοιοπτώτα*, *ὁμοιοτέλευτα*, et similia, praesertim cum eiusmodi fere in pueris tantum laudem inueniant, non aequae in viris, quos virilis et grauis decet eloquentia. Vid. Weh-

ren-

Theſſ. ε. γ. λ. pro ε. γ. β. etc. vid. pluribus, Erasmus Schmidium in annotationibus ad 1 Cor. 16. post versum vltimum.

renfelsius de *Meteoris orationis* p. 297. Ferri quidem potest tale *ομοιοτελέτων* (e) et *ομοιοπτώτων* studium (f) in librorum Romanensium compilatoribus, qui vanis deliciis oblectare solent; non autem in illorum Oratorum scriptis, qui ad veram Eloquentiae laudem contendunt.

§. III.

3) Porro *ad numerum oratorium* requiritur, ut eadem voces non adeo saepe repetantur, ex qua repetitione auditoribus vel lectoribus oriri possit taedium. 4) In verborum ambitu recte et accurate dimetiendo atque claudendo (g) versatur

M 5

nume-

- (e) Interdum tamen ob aliam accedentem causam duriusculus et ingratus *ομοιοτελέτων* sonus mitigari et propter latens quoddam acumen commendari solet. Ideo figuram *Antianaclasin* vitiis sermonis annumerare haesito, licet enim in eiusmodi exemplis, quae vulgo ad figuram *Antianaclasin* referri solent, aures aliquo modo *ομοιοτελέτων* laedi videantur, animus tamen eo magis, re penitus considerata oblectatur, si cognoscit talia *ομοιοτελέτων* acumen quoddam continere et aptam quandam allusionem complecti. Ideo etiam gravissimi oratores, et alii auctores classici non spernendi, consulto talem figuram *Antianaclasin* nonnunquam adhibent, ut nimirum ex istis similiter cadentibus appareat, se indicare velle rerum, de quibus loquuntur, similitudinem, ut enim taceam notissimum illud Ciceronis in epist. XIV. lib. XIV. ad Attic. *Quid ergo: ista culpa Brutorum? minime illorum quidem, sed aliorum brutorum.* Idem quoque lib. 2. epist. 9. ad Quinct. Fratrem ita habet: *Tu vero, ut me et adpelles et interpelles, et obloquere et conloquere velim.* Plautus in *Menaechm.* II. 1. 24. dictum *faceffas doctum*, et in *Mercator.* II. 3. 20, 21. *igitur hocine est amare? arare mauelim, quam sic amare?* Cicero lib. 7. *epistolar.* ad diuersos epist. 23. *non solum mihi rata erant, sed etiam grata*, et lib. 3. de offic. c. 9. ad quem locum vide commentarium Manutii p. 364. et lib. 1. de offic. c. 23. *expectanda quidem magis est decernendi ratio, quam decertandi fortitudo.* Licet haec posteriora exempla non ad *Antianaclasin* commode satis referri queant, quia non consistunt ex *ομοιοτελέτων* vere talibus, sed est lusus tantum cum vocibus, per mutationem, abiectionem, additionem vnus alteriusue litterae institutus. De *Antianaclasi* autem vid. prae aliis *Rhetor. March.* p. 154. et Vossius in *institutionibus Oratoriis* lib. 5. c. 2. sect. 2. p. 328. *ομοιοτελέτων* nullo prorsus acumine stipata, sermonis omnino sunt vitia, et numerum oratorium quam maxime laedunt, e. causa: *non aliquo timore, sed partim dolore etc.*

- (f) e. causa Barclaius in *Argenide.* vid. Weisii tractatus de *Barclai Argenide et eius stilo.*

- (g) Sed multos etiam in consecrandis numeris periodorum insanire, erudite,

numerus oratorius, ut nec nimium longis verborum orbibus, nec nimium concisis et breuibus legentium, vel audientium aures taedium enascatur, hoc autem si euitare velit felicius Orator, probe teneat necesse est ex praeceptis logicis, quae ideae ad sensum perficiendum sint prorsus necessariae, et quae accessoriae, quae saluo sensu omitti queant, vel necessario addi debeant; hoc enim si probe calluerit, semper multa paucis dicere poterit, et medium tenere inter minus necessarias et odiosas verborum ambages, et inter nimiae breuitatis obscuritatem.

5) *Numerus oratorius* postulat, ut curiose commisceantur syllabae longae atque breues; si enim longa quadam serie voces se inuicem sequerentur, ex meris syllabis longis, vel breuibus tantum constantibus, vix aut omnino non talem verborum collocationem ferret aurium iudicium, quod teste Cicérone est superbissimum. (b) 6) *Numerus oratorius* etiam requirit, ut voces prae ceteris attendendae, vel ab aliis sedulo distinguendae peculiari quadam, et ut vocant *emphatica* pronuntiatione notentur. (*) In metrico sermone praecipuum *numeri oratorii* requisitum est, ut rebus laetis describendis accommodetur metrum,

dite, ut solet, obseruat Caussin^{us} *de Eloquentia sacra et profana* lib. 7. c. 10. p. 367. et quae b. Heineccius *in fundamentis stili latini cultioris* Part. 1. c. 2. §. 29. habet de Periodis apte claudendis per *Dichoreos, Antispastos, Paeonas*, breuibus tradi potuisse credimus, si auctor generatim praecepisset, Periodos claudendas esse vocibus longioribus et cum grauitate quadam coniunctis.

- (b) Vid. Cicero *de oratore* ad M. Brutum c. 44. quamuis enim suauis grauesque sententiae, tamen si inconditis verbis efferuntur, offendunt aures; unde et ipse Cicero aurium iudicio obtemperat, scribens et approbans magis *pulcher* quam *pulcer*, *inchoo*, quam *incoo*, quia prior scriptio gratior esse solet auribus. Vid. Cicero in *Oratore* c. 48. et add. de voce *pulcher*. Plautum ex editione Gronouii Tom. 2. p. 67. de posteriori voce Gellius in *noct. Atticis* lib. 2. c. 3.

- (*) Vid. hac de re verbose differentem celeberr. Heumannum in *conspectu reipubl. litterar.* c. 3. §. 12. p. 41. Veteres saltem in vocibus sola pronuntiatione distinguendis accuratiores erant, et apertum olim discrimen animaduertebatur in pronuntiatione vocis *mensa* in nominatiuo et ablatiuo, it. inter *fructus* in nominatiuo et accusatiuo. Quos casus hodie pronuntiatio minime distinguit. vid. M. Weisse *de stilo romano* lib. 2. p. 203. et Scaliger *de causis lingu. lat.* c. 8. p. 20.

trum, laetantis animi indolem imitans, quale est daëtylicum. (i) Ad tristitiam indicandam syllabas mere longas et vocalium atque litterarum sonos, tristitiae designandae aptos, (vid. §. 8.) vsurpare suaferim. Ad horrorem incutiendum crebriores facere poterunt elisiones etc. (k) Alius tamen omnino in metrico, alius in soluto sermone est *numerus*, et phrasés atque constructiones poeticae mutant numerum verborum, oratoribustantum alias consuetum. Numeri autem, metrum decentis, prae ceteris obseruantissimus est MARTIALIS, a quod quem teste Barthio in *aduersariis* lib. 5. c. II. p. 231v absurdum aliquem versum, nec vnum quidem reperiás, aut qui caesuram minus obseruarit.

§. III.

Negari autem nequit, dari omnino voces quasdam exprimendae cuidam rei longe aptiores, quam si illarum loco alias substituere velles. Idem dicendum de vocalibus et aliis litteris, quarum aliae ad laetitiam, aliae ad tristitiam, ad iram et odium designandum sunt aptiores. Quis enim in dubium vocabit? sonum A potissimum convenire tam horrori, quam terrori, E luctui, I rebus exilibus, tenuibus, gratis et amoenis; O subditis rebus, motibus animi indicandis, rerumque magnitudini; V occultis et obscuris rebus atque tristibus, moerore et eiulatu prosequendis. Ex consonantibus L blanditiis maxime conuenit. R irae, et asperitati indicandae. M auctoritati et dignitati personarum. N argutiis proferendis, et sic porro. Ita etiam nonnullae voces ad stilum sublimem,

quam

- (i) Quidium igitur. impudicum licet, coram quasi de aduentu Corinnae, ab ipso lasciuo amore dilectae, laetari animaduerto, considerans numerum poeticum et daëtylicum metrum versus illius:

Ecce Corinna venit tunica velata, recincta.

Et Virgilius egregie saltantis equi cursum imitatur, vt illum equum adhuc coram per campum decurrere et his ipsis oculis tuis conspiceré credas, si legeris versum Virgilio:

Quadrupedante putrem sonitu quatit ungula campum.

lib. 8. *Aeneid.* v. 492.

- (k) Quod apte obseruauit Virgilius, in describenda vasta Pastoris Polyphemi mole, crebras adhibens elisiones et ita versum concipiens lib. 3. *Aeneid.* v. 658.

Monstrum horrens, dum informe, ingens, cui lumen ademptum.

quam ad tenuem aptiores sunt, praesertim verba prolixiora maxime decomposita, dummodo non sint *poetica et dithyrambica*. Stilo enim sublimi aptior omnino erit vox *contumacissimus* quam *contumax, effeminatus* accommodatior, quam *muliebris, alleuamentum* vox magis idonea, quam *solatium*. vid. Wehrenfelsius *de Meteoris orationis* p. 278. Exemplis quibusdam haec in VIII. paragrapho comprobabimus, si modo nobis antea licuerit etiam quaedam monere de vocibus, vel sola pronuntiatione sua rerum, quas designant, naturam apprimè indicantibus, ut rem non innui animaduertas, sed coram quasi intueri credas. Quis enim vocem *vlulatus, ciulatus* etc. audiens? non reuocaret sibi in memoriam flentium, tristium atque moerentium mores atque voces, quae plerumque saepius repetito sono u refertae esse solent. Sonitum quoque, quem feruens olla edit, ipsum nomen talis feruentis ollae, eines brudelnden Topfs, qui sonitum *Ca, Ca*, frequentius protrudit, et ideo a veteribus sine dubio *Cacabus* vocatus est, innuit et memoriae nostrae commendat, ut alias longe plures eiusmodi indolis voces taceam. Attenti igitur scriptores, quibus *numerus oratorius* curae cordique est, vocum etiam sonos, quotiescunque opus est, rei pertractandae accommodant. Nonne nauem illam, de qua agit Petronius p. 527. et 529. adhuc ante oculos tuos in gyro sensim circumagi ab aquarum vortice, et deinde subito vnoque hiatu absorberi tibi videtur, si consideraueris voces, quas de hac naue vsurpauit Petronius, dicens, aqua nauem *circumegit et hausit*, ubi prior vox lentam nauis circumactum vel sola pronuntiatione sua indicat; posterior vero subitam absorptionem per apertas quasi profundi fauces, et post finitam absorptionem iterum conclusas; syllaba enim *hau* sine maxima oris et gutturis apertura, (quae vorticis fauces imitatur hoc loco,) pronuntiari nequit, et simul deinde magna vehementia os apertum iterum claudit, ut itaque haec descriptio respiciat quasi canem famelicum, frustum panis ipsi proiectum vno oris fectu excipientem et deglutientem (der ein Stücker Brod auf einmal wegschnappt). Optime etiam variae illae voces, quas Cicero vsurpat ad designandos varios fugae gradus,

Gradus, adhibentur, et vel naturali sua pronuntiatione varietatem fugae ostendunt. Verba autem, ad quae respicimus, sunt notissima illa: *Excessit, Euasit, Erupit*. Prima enim vox clandestinam subtractionem et fugam denotare videtur (et hat sich heimlich suspensis pedibus und ganz sachte, damit es niemand merken möchte, fortzuschleichen gesucht) et deinde qua potuit celeritate *euasit*, veloces ceruos imitatus, et quasi fumus in auram euasens ex omnium conspectu, quemadmodum Virgilius Ecloga III, v. de celeri furacis opilionis fuga apte et commode usurpat vocem celerrimae pronuntiationis, quae confusum simul furis in furto deprehensi animum indicat, sunt autem verba Virgilii haec: *Quo se nunc proripit ille?* (Wo läuft der Dieb nun über Hals und Kopff hin?) Accedit tandem apud Ciceronem tertius fugae gradus, per vocem *Erupit*, designatus, quae vox sistit fugientem quasi et omnia obstacula siue rerum, siue hominum superantem et perrumpentem, vt fossas, lapides, montes, muros etc. omnibus viribus transilire et post se relinquere conetur, quod turbam hominum ipsi fugienti sese obiciuntium omni nisu et vehementia perrumpat (daß er sich nichts aufhalten lasse, sondern sich allenthalben losreisse); nam vox *Erupit* vel sola pronuntiatione sua repetitum conatum et tentatam ex omnibus viribus perruptionem reuocat in memoriam. Apte quoque Cicero in Oratione pro Quinctio n. 13. indicaturus clandestinam fraudem et pecuniae iteratam abalienationem atque consumptionem, vitur verbo, quod de illis potissimum adhiberi solet, qui alios blandis verbis et arcanis consiliis in insidias pellicere et clam in pericula detrudere conantur, dicit igitur *seuocabat bona*, (er zog das Gut nach und nach heimlich an sich, practicirte es unvermerckt hinweg.) Vt igitur tales scriptores praestiterint, quod in stilo rite formando, requirit celeb. Buchnerus *de commutata ratione dicendi* p. 19. (1) Pertinent etiam huc, quae monuimus in disser-

(1) Vbi ita habet: Cum nulla Synonymata sint cognata inter se, ut non dissideant aliquid et inter se differant, ea deligere decebit posissimum, quae

differtatione nostra de *prudencia oratoris in conscribendis Satyris adbibenda*, §. V. VI. VII. et notae, his paragraphis subiectae, quibus in locis docuimus, characterem dicendi vbiuis, quo fieri potest studio, accommodandum esse ad pertractandam materiam.

§. V.

O mirabile caput! exclamabis forsitan, sagacissime lector, quod talia crepundia apud Latii scriptores quaerit, quis sibi persuaderet? tot cogitationes auctores classicos propter vnicam tantum vocem coaceruasse, et tantos meditationum ambitus oculis quibusdam inclusisse, quantos tu paullo ante ex voce *excessit*, *euasit* etc. eruere volebas; otiosi vel superstitione oratoria correpti talia cogitationum mysteria in collocandis et explicandis vocibus quaerunt, et nimiam quandam accuratorem praese ferentes, cum Paulo MANVTIO, (m) PETROMAF-
FEO (n) vel Iac. Augusto THVANO (o) vix paucas lineas quotidie absoluunt. Non inuideo tibi, carissime lector, meliores cogitationes, id mihi saltim concedas necesse est, Exempla illa, quae adduximus, non tam euidenter rerum describendarum naturam fore expressura, si aliae voces substituantur illarum loco, quam quas vsurpatae deprehendimus. Commuta cum voce *erupit* apud Ciceronem verbum *abiit*, et apud Petronium pro *circumegit*, pone *egit*, *agitauit*, *attraxit*, et vide tunc demum, an etiam verba haec rei significandae naturam tam aperte tibi reuocent in memoriam quam priora. Causam igitur habuerint, oportet, scriptores, cur has potissimum voces et non alias ele-

quae maxime exprimant rem, nitidioraque ceteris incundaque magis sint, tum compositioni orationis ac numero inseruiant.

(m) Quem in vnica saepe epistola conscribenda aliquot menses consumsisse dicunt. Vid. Maruille *Melanges* p. 214.

(n) Qui quotidie ex nimia accuratione non plures, quam 14. vel 15. lineas scripsisse dicitur.

(o) Quem ex nimia quoque in scribendo circumspectione plus temporis prioribus librorum suorum litteris impendisse tradunt, quam totis posterioribus libris, et tamen posteriores libri maiores aestimantur, quam priores, quos seruilis imitatio et superstitiosa, vt ita dicam, affectatio ingratos reddit.

elegerint, vel si etiam forte fortuna illis talia verba se obtulerunt, id tamen sine ingenio, naturae rerum accuratius exprimendae et describendae assuefacto, fieri non potuisse arbitramur, quod absque molesta et laboriosa inquisitione reperit voces proponendae materiae aptissimas, ut fiat quasi structura quaedam, nec tamen fiat operose, ut loquitur Cicero *de oratore* c. 44. Experta est, fatemur, latina etiam lingua ultra modum argutos Criticos et Patronos, qui aequae ac in lingua hebraica (p) atque

- (p) In lingua enim hebraica notissima est Casp. Neumannii, Vratislaviensis, sententia, quam proposuit in *Genesi et Exodo linguae sanctae*, Norimb. 1696. in 4. edit. sed laborem suum et Lexicon, ex hypothesis sua concinnatum, non ultra litteram produxit. Hic autem Neumannus non solum naturalem radicem cum rebus designatis significationem, sed et naturalem litterarum Alphabeti, (quas casu omnes ortas esse putat,) cum rebus figuram et convenientiam inuenisse videri voluit. Quod e. causa Adam ab occurrente sibi primum tauro occasionem sumisset, primam destinare Alphabeti litteram א, quae figura sua formam capitis tauri non solum referret, sed et a nomine bouis אֵלֶּיךָ apud Hebraeos dicti (a rad. אָלֵף *assuetus* est, quia armenti dux vel ductor esse solet bos, et iugum pati edoctus atque assuetus est,) nomen Aleph accepisset; secundam Alphabeti litteram a figura domus Adam, quae ab initio tecto tantum et pariete quodam a tergo constitisset, ianua adhuc carente, et figuram et nomen suum accepisset, quia post bouem, Adam oculis potissimum se obtulisset eius domus, quae secundae Alphaheti litterae inueniendae suppeditasset occasionem, et sic ceterarum quoque Alphabeti litterarum ludicra prosequitur natalia Neumannus alique cum ipso sentientes. Praeuiit autem Neumanno in hac sententia Hieronymus, qui magnos impendit labores in epistola 155. ad Paulam *Urbicam* de interpretatione alphabeti hebraici, ut monstraret, figuram litterarum hebraicarum vbique cum illarum significatione conuenire, cuius tamen opinionem ceu ineptam merito explodit Carpzov. in *introd. in libros V. T.* part. 2. c. 3. §. 6. p. 112. Henr. autem Mori conatus, susceptos in der philosophischen und moralischen Cabbala über die 3. ersten Capitel Geneseos laudat et commendat Franc. Mercurius ab Helmont in praefat. ad *Alphabetum suum naturae*, ubi ita habet: Es enthielten die wunderbaren Bücher, die in hebräischer Sprache geschrieben, unter den einfältigen historischen Buchstaben herrliche Geheimnisse der Natur und der Sitten, der geheimen Weissagungen zu geschweigen, wovon der gelehrte Engländer Morus l. c. so herrliche Proben gegeben, daß man solches nicht ohne Verwunderung lesen könne. Ideo etiam Helmont in hac praefatione optat, vt

atque graece (q) naturalem litterarum in figura vel sono cum rebus designatis conuenientiam vbique reperisse sibi visi sunt, sed etiam hic, *est modus in rebus, sunt certi denique fines, quos ultro citroque nequit consistere virtus.* in multis quidem vocibus

vt societas quaedam peculiaris constituitur, quae philosophicam et moralem Cabbalam potissimum in lingua hebraica ad modum Mori excolat. Neumanni etiam sententiam non solum valde laudat Reimannus in *Historia litteraria Germanorum noua* lib. 2. sect. 3. p. 915. sed etiam, quod non immerito miratur celeberr. Heumannus in *conspectu rei litterariae* c. 5. §. 7. not. u. p. 221. magnif. Loescherus lib. 2. cap. 2. tot. *de causis lingu. hebr.* pro valore litterarum hebraicarum hieroglyphica et Neumanni, Lobkovizii atque Helmontii sententia multa verba facit. Quibus eiusmodi oblectationes placent, illi tales longe plures reperire possunt apud Ioh. Keuchlinum de *arte Cabbalistica* lib. 3. p. 533. vbi litterarum hebraicarum etymologias explicat. Apud Petr. Martinium in *Technologia Grammatica Hebr.* p. 71. sq. Ceualerium in *rudimentis linguae sacrae* ab initio et Zieroldum in *introd. in hist. eccles.* c. 2. p. 89. contra quem tamen conf. Bergeri *Cabbalismum Iudaico-Christian.* c. 2. §. 10. p. 35. sqq. et add. Thom. Bangii *coelum orientale* p. 218. atque Steph. Morinum de *lingua primaeva* exercitat. 2. c. 10. p. 317. vbi litterarum nomina apud Hebraeos explicat.

- (q) Linguae graecae naturalem cum rebus designatis conuenientiam, tam respectu figurae et soni litterarum, quam significationis vocum demonstrare tentauit Hermannus von der Hardt in variis scriptis, coniunctim deinde editis sub tit. *Duodecim beneficia Helmstadensis* etc. 1726. et 1727. et in programme super Aben Esram 1712. p. 69. in quibus scriptis contra celeb. Christian. Benedict. Michaelis probare conatus est, linguam graecam esse omnium linguarum et ipsius linguae hebraicae matrem, et maximam habere cum rebus indicandis naturalem conuenientiam. vid. pluribus *Acta Eruditor. Lips. latina et germanica* 1726. et 1727. Quam sententiam iam ante Hardtium fouerat Ioh. Petr. Ericus. Hardtii autem sententia meris innititur coniecturis, ideo etiam illam nemo post Hardtii tempora defendere conatus est praeter Anton. Iulium Hardtium, Hermannii von der Hardt cognatum, in variis conuentionibus. vid. b. Wolfii *biblioth. hebraic.* part. 4. p. 317. Et fateor etiam in aliis Hardtii rationes et meditationes iusto subtiliores, vel, vt verius dicam, futiles mihi videri, e. c. cum dicit apud Graecos ideo vocatiuum secundae declinationis in e desinere, « nominatiui primae declinationis mutari in α, » vero nominatiui tertiae declinationis in vocatino mutari in ι, quia sonus vocantis fere a vel e esse solet, et cum Ioh. Petro Erico de palma foecundi et mira somniantis ingenii contendere voluisse videtur, quippe qui non minus absurda

bus M. Chriff. Henr. Weife *de ftilo romano* lib. 2. p. 171. naturalem quaerit fignificationem, e. cauffa voces Oculus, Orbis; Ouum, Os, Ordo, ideo cum O, fiue rotunda figura incipere, quia et hae res fua natura rotunditatem quandam, adeoque naturalem cum nominibus fuis cognationem haberent. Ita et Adytum, Aedes, Ala, Aperire, Apex etc. cum figura aperta incipere putat, quia etiam in adytis, aedibus dari deberet, vt ita dicam, apertio. Idem quoque p. 491. verbo *currere* naturalem cum re designata afferere tentat conuenientiam; dicit enim, illud verbum feftinare pronuntiatione fua et nihil morari, vt currentis velocitatem quafi imitetur; Verba *flare, conflare, morari*, firmitatem habere et moram; Vocem (r) *ambiguus* nutare et vacillare; Vocem *certus* in neutram inclinare partem; *Viam altam et arduam* ipfa pronuntiatione afcenfus difficultatem repraeftentare; *Decliuitatem* praecipitare et facilem in defcenfu celeritatem indicare; *anhelandi* vocabulum refpirationem impeditam imitari, *refpirandi* verbum non item, et quae funt alia fimilia. Sed licet non plane negemus, in quibusdam vocibus cum re designanda quandam conuenientiam animaduerti; in figuris tamen litterarum, et vocum natura-

abfurdum quam Hardtius plerumque propugnare folitus erat, e. cauffa, Adamo nullam linguam innatam fuiſſe, ſed caſu et ſucceſſiue ab illo linguam graecam inuentam et perfectam eſſe, et ab ipſo primam omnium litteram *α* pronuntiatam eſſe, cum enim primus conſpexiſſet immenſam huius vniuerſi ſtructuram, maxima cum admiratione exclamaſſet *α, α, α*, (was iſt das nemlich vor eine vortreffliche Einrichtung, vor ein herrliches Werk, darüber ich mich nicht genug wundern kan) cum Eva ad illum fuiſſet producta, quam ex carne ſua formatam ſtatim oluiſſet, primum litteram *υ*, partim admirantis, partim olfacientis notam, ab eo auditam eſſe. Vid. Reimannus in *hiſt. litterar. germanor. noua* p. 299. Ecce igitur, ſuauiſſime lector, etiam ſcriptores vigilantes ſomniare poſſe.

- (r) Quibuscum fere meditationes quorundam Rabbiorum conueniunt, qui dicere conſueuerunt: אמר ש לו דלים *veritas pedes habet*, i. e. *confiſtit*, quia ſcilicet litterae vocis אמר omnes firmam habent baſin, ſed ש לו דלים *mendacium non habet pedes*, i. e. *non confiſtit*, quia ſcil. litterae vocis ש לו non firmam habent baſin.

turalem eiusmodi nexum quaerere, neque in lingua hebraica, neque graeca id tentantibus satis feliciter et ex voto ubique successit, ideo etiam in lingua latina feliciores progressus hac in re sperandi non sunt, cum lingua hebraica sine dubio praeter lingua latina et aliis maiorem sapientiam, et aptiorem cum rebus indicandis conuenientiam naturalemque significationem prodat, omnium quippe linguarum fons et origo, atque ab homine, qui in perfectissimo hominum statu aptissimum naturae rerum designandae nomen inuenire poterat, usurpata. vid. Gen. II, 20. et tamen NEUMANNI tentamina neque in plerisque, neque multo minus in omnibus lectorum iusto desiderio satisfacere, et fidem, ab auctore datam, liberare potuerunt; sed saepius veluti in syrtribus et vadis haeserunt, et naturalis litterarum et vocum cum rebus conuenientia ubique non satis probari potuit; dubito igitur, aliquem in lingua latina id felicius fore praestiturum, quod Neumannus in lingua hebraica praestare vel omnibus conatibus suis et ingeniosa diligentia, licet parum solida, praestare non poterat.

§. VI.

Si quis autem contendere velit, linguarum naturalem cum rebus designandis conuenientiam, in plerisque nobis adhuc ignotam non oriri ab istarum linguarum imperfectione, sed ab hominum ignorantia, qui neque satis diligenter, neque satis accurate vocum et litterarum figuram, pronuntiationem et significationem cum rebus suis inuestigare nossent, licet reuera talem naturalem conuenientiam haberent, illi sententiam suam non inuideo; attamen etiam forsitan non sine ratione arbitror, quod talia cogitans, vanis somniis se oblectet. Nam quis me argumentis, omni exceptione maioribus, convincere poterit? necessario ad Aedes, Adytum et similia designanda, apertam in ima parte litteram, qualis A est, requisitam fuisse, si naturalis consistere debuisset conuenientia. Nonne etiam E et V habet aperturam, et forsitan plures rationes reddi possent, cur E potius,

rius, quam A ad designandas Aedes ab initio adhiberi debuisset, si minutiae ad veritatem stabiliendam quicquam haberent ponderis, quid respondebitur ad voces Domus, Vestibulum? quorum illud nullam plane in prima vocis littera habet aperturam, ergo et domus aperturam vel ianuas habere non deberent, si et in hac voce valeret naturalis nominis cum re indicanda conuenientia, et Vestibulum potius significaret einen *Hinterhof*, quam einen *Vorhof*, quia non a parte anteriori, sed posteriori littera V aperturam habet. Taceo alias difficultates, de veris siue hebraicarum, siue graecarum, vel latinarum litterarum figuris, antiquissimis et genuinis, quae nimium sollicitos naturalis litterarum et vocum cum rebus conuenientiae scrutatores praesertim premunt. Figuras enim singularum litterarum et linguarum non solum in accidentali sua forma, sed etiam in essentiali interdum per omnia secula variasse, ignotum illis esse nequit, qui litterarum latinarum historiam (1) vel summis labris attigerunt. Certo igitur ante omnia constare deberet de natua litterarum, antiquissima et primigenia figura, deque antiquissimis et principalibus cuiuslibet linguae vocibus, nam nec voces esse eiusdem aetatis, sed alias aliis recentiores extra omnem dubitationis aleam positum est. Lingua enim quaelibet sub rerum initia paucis vocabulis contenta esse poterat, sed rebus pluribus inuentis, etiam plures voces circumspiciendae et inueniendae erant, quemadmodum adhuc hodie nobis urgente necessitate noua quaedam vocabula in lingua latina excogitare licet,

N 2

(1) Quam prae ceteris accurate persequuntur Ge. Hickefius in *thesauro grammatico critico et archaeologico linguarum veterum septentrionalium*. Oxonii 1705. in fol. Dan. Papebrochius in *Actis Sanctorum*. Propylaco ad Tom. 2. Aprilis. Eduardus Bernhard in *litteratura charta magna patente*, Oxonii 1689. Claudius Molinetus in *historia litterarum romanarum, e variis monumentis antiquis descripta*, Paris. 1684. gallice, et Mabilonius lib. 5. *de re diplomatica*, 1686. nec non b. Bure. Gotthelf. Struv in *Actis suis litterariis* passim, praesertim in Tom. 1. *de criteriis MSorum*.

licet, (t) ad res, quae nostro aevo inuentae, apte indicandas, si eiusmodi res veteribus ignotae prorsus fuerunt, adeoque nullo commodo nomine ab iis insigniri potuerunt. Prae ceteris igitur ab illis, qui vbique naturalem litterarum et vocum cum rebus conuenientiam crepant, inuestigari et probari deberet, quae voces aliis sint antiquiores et cum ipsa lingua natae; in his enim sine dubio, si qua esset, citius et facilius animaduerti posset naturalis, cum rebus figura, pronuntiatio, et significatio, quam in recentioribus vocibus, quarum inuentores vix vel omnino non talem sapientiam habuerunt, quam Adami posterius, multo minus quam ipse Adam, ideoque etiam rebus non tam commoda nomina, quam illi tribuere potuerunt. Sed satis de his difficultatibus, quae se generalis cuiusdam litterarum et vocum cum rebus conuenientiae obiciunt inquisitoribus, quas vel maximis laboribus, nec ingeniosissimis suis meditationibus superare poterunt. Pauca etiam hac de quaestione diximus in dissertatione nostra *de elegantia compositionis apud Graecos et Latinos*, Ienae 1736. §. XIII. *an scilicet nomina rebus inhaereant* *ἑσες*, i. e. arbitrario, vel *φύσες*, i. e. *ex earum natura*, et praeter auctores, ibi allegatos, consulendos esse suademus Borrichium *de causis diuersitatis linguarum* p. 4. ex edit. b. Iochii, Elingium in *hist. linguae graecae* §. 2. qui etiam corrigit Iamblichum, non satis accurate hac in re differ-

ren-

- (t) Vid. celeb. Heumannii Diatriben *de iure locupletandi linguam latinam nouis vocabulis*; sed merito priusquam nouas excogitemus voces, dispiciendum est 1) an non sit apud Latinos vocabulum, quod proxime accedat rei, a nobis exprimendae, 2) si tale vocabulum non reperiatur, videndum, an res commode et perspicue circumscribi non possit; si nec hoc fieri queat, 3) vocem graecam cum re exprimenda conuenientem adhibere licet, quod si autem nec vox graeca apta reperiatur, tunc res noua nouo nomine ad flexionem latinam conformato exprimat, obscuritas autem vbique vitetur, et vt recentior vocis origo statim cognoscatur, formulam adhibere suaserim in eiusmodi vocabulis addendis, *vt nouo vocabulo utar*, vel alio modo.

rentem, add. etiam Iul. Caesar Scaliger *de caussis linguae latinae*, lib. 3. c. 68.

§. VII.

In vnaquaque autem lingua singulis rebus describendis reperiri potest aptus *numerus oratorius*, nec est, vt cum Rabbinis putes, linguam *hebraicam* potissimum ad conscribendas historias; *Syriacam* ad preces; *graecam* ad Musicam et Poesin; *latinam* ad describenda bella prae ceteris aptam esse. Vid. Marville *Melanges d' Histoire et Litterature* p. 256. Bella etiam apto numero oratorio in Hebraica, Syriaca et aliis linguis describi possunt, quemadmodum Historiarum consignatio etiam a Latinis et Graecis commode praestari poterit, et sic in ceteris. Ex quibus antea dictis simul apparet, *numerus oratorium* non solis oratoribus, sed toti linguae esse proprium, et etiam ab Historicis, Poetis etc. numerum vel characterem verborum, Historicos et Poetas maxime decentem, adhiberi debere, a potiori autem fieri denominationem, quia Oratores prae ceteris solliciti esse debent, vt orationes suas omnibus exornent linguae perfectionibus, et ornamentis, quae donare solet naturalis pulchritudo orationis; crebriorem igitur mentionem factam esse videmus *numeri oratorii*, quam poetici, historici etc. Numerus enim in singulis sermonis speciebus tot et tantas orationi conciliare solet perfectiones, quot et quantas in aptarum vocum selectu, collocatione etc. reperire potest, vt oratio hoc modo naturalem induat pulchritudinem. Hoc si quis considerauerit, facile eundem concessurum mihi esse spero, *numerus oratorium* cum ipsa lingua sua eandem et aequae antiquam habere originem, et neutrum sine altero existere potuisse. Qualis enim suauitas ab oratione quadam expectari posset, ex qua omnis exfularet *numeri oratorii* lepos. Ast, inquis forsitan, lector suauissime, nihil certi de numero oratorio statui potest, alia enim huic, altera illi placere solet verborum collocatio, et aequae temerarium esse cen-

iam idem Virgilius imbrem tenuiter cadentem aptissime et summa arte sic describit:

Accipiunt inimicum imbrem rimisque fatiscunt,

Vbi lenitatem imbris, lenis et crebrior vocalis *i* sonus aptissimo numero poetico, vel sermonis, memoriae commendat. Sed luctum et tristitiam repetitus vocalis *τῆ u* sonus, (quam tristibus rebus describendis prae ceteris aptam esse monuimus supra §. IV.) nostrae menti vel sola pronuntiatione sua obiiicit ille versus Virgilio, lib. IV. *Aeneid.* v. 667.

Lamentis, gemituque et femineo ululatu.

Confidera quaeso istum Claudiani versum:

Et raucum bibulis inserpere murmur arenis.

Et de raptu Proserpinae Claudianus eundem versum repetit, nisi quod pro voce *raucus* adhibeat *tremulus*, cognosces autem, per voces *raucum murmur* aptissime indicari das *Rauchen des Wassers über die Steine hin*, das keinen vernehmlichen Laut, sondern nur ein dunkles Murmeln von sich giebt. Per voces *bibulis inserpere arenis* autem, wie das Wasser nach und nach unvermerkt sich in den Sand sachte hinein zieht, und in denselben einsickert. Ovidius quoque somnum sensim et inopinato obrepentem illis, qui iuxta flumen requiem quaerere solent, aptissima ratione hoc versu expressit: *Inuitat somnos crepitantibus vnda lapillis.* Vbi non solum duae priores voces tarda pronuntiatione sua indicant, aliquem vel inuitum vndarum murmure ad somnum allici; voces autem *crepitantibus lapillis* non possunt non lectoribus reuocare in memoriam, quomodo lapilli vndarum cursu allidantur et sonum quendam edere soleant (daß sie ein Geflappere machen). Ita Poetae saepius naturam artificio fingendi vel imitantur, vel superant. Alia longe plura cumulare possemus exempla ex aliis etiam auctoribus, si quis allegata ad rem illustrandam sufficere non putaret. Quaedam collegit etiam Barthius in *aduersariis* lib. 49. c. 13.

§. IX.

Addere nunc etiam vellem reliqua, quae ad reg. 2. 3. 4. 5. et 6. de numero oratorio illustrandam facere possent, nec non varias aliorum auctorum de numero oratorio sententias proferre in medium, examinare et conciliare. Agendum quoque adhuc esset de auctoribus quibusdam graecis et latinis, qui numeri oratorii vel prae ceteris studiosi, vel illius nimium negligentes fuerint, et quae alia sunt huc spectantia; sed video tractationem sub manu creuisse, vrceum a me institutum esse, amphoram autem exiisse, et vereor, ne aliorum ex societate nostra laboribus, huic fasciculo inferendis, locum praeripiam, si vel solus quisquiliis meis aliquot plagulas in vno fasciculo occupare vellem. Perducam igitur hoc, si arriserit, argumentum ad finem in vno alteroue subsequentium fasciculorum, rogans modo obseruantissime lectores, ne mihi vitio vertant, si interdum ad linguam latinam illustrandam ex hebraica, graeca, vel aliis linguis quaedam vocauero in subsidium; vt enim lingua lucem afferat linguae in variis, vel ipsa ratio sana suadet, vel necessitas propter linguarum cognationem postulat.



VII.

M. IO. GASP. EVERARD. WINEKENII

ILL. GYMNASII QVEDLINBURGENSIS RECTORIS ET SOC.

LAT. IENENS. SODAL. HONOR.

DIATRIBE

DE

ANTIQUITATIBVS
CATHEDRARVM.

DIATRIBE

DE

ANTIQUITATE CATHEDRARVM

§. I.

Antiquitatum permagnam esse cum vtilitate iucunditatem et omnes vltro ingenueque consentunt, et ii praesertim experiuntur, quorum in explicandis veterum scriptorum monumentis haud infeliciter versatur industria. Quare non debet, neque mirari quisquam, neque reprehendere, si quam plurimi huic pulcerrimae elegantioris litteraturae parti non solum tribuunt multum, sed eius etiam enodandae atque edisserendae sibi certamen sumunt. Nos autem, quibus in cathedra quotidie versandum et prope est habitandum, quis iure vituperet, si hac scriptione paullo diligentius *cathedrarum antiquitates* exquiramus? Quin hoc argumentum hac nostra disputatione eo dignius iudicamus, quo magis officii religione iubemur, omnes litterarum amatores ad nouum cathedrae Quedlinburgensis ornamentum oculis auribusque vsurpandum conuocare.

§. 2.

A graecis, a quibus haud pauca, *cathedrae* etiam nomen romani acceperunt. In graeca vtpote lingua haec vox nata veluti et educata. Ab ἔζομαι, *sedeo*, ἔδος, (a) et ἔδρα, ab ἐφέζομαι autem ἐφέδρα, et a καθέζομαι eiusque futuro καθέδομαι manauit καθέδρα (b). Characteri autem temporis, ex quo haec nomina facta, alia quaedam littera ρ adfuta. Atqui illud in aliis quoque fit ἐνηματικοῖς, vt in θνέμα et αἰμα, *pro-*

(a) Hinc latinum vocabulum *sedes* repetit SCALIGER de causis linguae lat. cap. 28.

(b) Vid. GVIL. BVDAEVS in commentar. linguae gr. fol. 1044. edit. Basil. episcop. 1556. HESYCHIVS in lex. V. καθέδοιται et BECMAN. Origin. linguae lat. p. 771.

procella, turbo, quorum alterum ad *θύω cum impetu feror*, alterum ad *ἄω flo, spiro*, originem suam refert. (c) Haec de notatione vocis: sequitur, ut eius significatum paullo curatius propiusque inspiciamus.

§. 3.

Quemadmodum vero *καθέζομαι* proprie idem significat, quod simplex verbum *ἕζομαι, sedeo*: sic ea etiam nativa vocis *καθέδρα* significatio statuenda videtur, qua, *sedem, sellam*, ipsamque *sessionem* denotat. PAVSANIAS in laconicis (d): τοῦ θρόνου δὲ, inquit, ἡ καθίζοιτο αὖν ὁ θεός, οὐ διαπαντός κατὰ τοῦτο συνεχοῦς ὄντος, ἀλλὰ καθέδρας παρεχομένου πλείονας κ. τ. λ. HERODIANVS (e) ὁ γὰρ ἐν τῇ καθέδρᾳ ἡ προεδρία. Nemo tam est a litterarum graecarum cognitione alienus atque auersus, quin in hisce locis *sedem* significari intelligat. *Sella* hac eadem voce designatur apud scriptores sacros MATTHAEVN (f) atque MARCVN (g). *Sessionem* denique ipsam ita adpellat ARISTOTÉLES (h): Διὰ τὴν, inquit ille, ἡ καθέδρα τέξ μεν παχύνει τῶν ἀνθρώπων. κ. τ. λ.

§. 4.

Hinc, quod protritum fatis atque peruulgatum, *πρωτοκαθεδρία*, quae etiam *πρωτοκλισία, sedes dignior, honor sedis, primus in coena adcubitus*, et, ut CICERO (i) loquitur, *locus primarius*. Haec autem *πρωτοκλισία* siue *πρωτοκαθεδρία* apud graecos quidem eius, qui ad dextram alterius adsidebat, locus fuisse videtur. Qua de caussa elegantissimus ille hymnorum scriptor CALLIMACHVS (k) summum Apollini honorem a Ioue habitum significaturus, illum *ad dextram Iouis* sedere dicit:

- ἐπεὶ Διὶ δεξιὸς ἦσται.

Quem

(c) Vid. LAMBERT. BOS dissertat. de etymol. graeca. p. 27.

(d) Cap. 19. p. 257. edit. Lipsf. 1696.

(e) L. II. cap. 3. §. 17. edit. Argentoratens. 1644.

(f) XXI. 12. XXIII. 2.

(g) XI. 15.

(h) problem. sect. VI. f. 410. h. opp. T. II. edit. Lugdunens. 1590.

(i) de fin. L. III. cap. 16. p. 248. edit. Dauis.

(k) Hymno in Apollin. v. 30.

Quem locum ita exponit vir summus harumque rerum peritissimus EZECHIEL SPANHEMIVS (l), vt multis simul diuiniorum oraculorum locis vberrimam affundat lucem. Apud Romanos autem medius lecti in triclinio medii locus *πρωτοκλισία* habebatur. Potest idem intelligi ex VIRGILIO (m) et PLVTARCHO (n). Copiose etiam argumentisque non ad tenue climatis illud confirmauit IVSTVS LIPSIVS in antiquarum lectionum commentario (o) multae lectionis et elegantiae refertissimo. Consul autem non medio, sed vltimo medii lecti loco adcumbebat; cuius causas PLVTARCHVS (p), ex eoque PAVLLVS MANVTIVS (q), commemorat. Plura hac de re, quam leuiter tantum atque cursim attigimus, habet, quem modo laudauimus, IVSTVS LIPSIVS (r).

§. 5.

Quod vero aliis fere vocabulis, id huic etiam *καθεδρα* accidit, vt ab innata veluti significatione ad alias detorqueatur, isti quidem similes, sed nonnihil tamen ab eadem distantes. Libet in praesenti insititias istas inductasque huius vocis significationes carptim breuiterque perstringere; ne forte, cum in istud vocus euiscerandi officium inciderimus, aliquid, quod huc facere possit, omittere velle videamur. *Obsidionem* nimirum haec vox denotat apud PLVTARCHVM (s); *αργύραν* τῆς

(l) obseruat. in Callimachum, p. 62.

(m) Aen. L. I. v. 702. conf. TAVBMANN. et RVAEVVS ad h. l.

(n) *συμπος. πρωτοκλ.* L. I. quaest. 3. fol. 619. T. II. opp. edit. Francofurt. 1620.

(o) L. III. cap. 1. T. I. opp. p. 145. seqq. edit. Plantin. Antuerp. 1614.

(p) l. c.

(q) in commentar. ad CICERON. epistol. ad familiar. T. II. p. 44. Quin immo medius inter duo locus apud Romanos vbique dignissimus fuit; quod vel ex Hadriani imperatoris pater facto. Ille enim, auctore AELIO SPARTIANO in vita Hadriani, seruo inter duos senatores ambulanti colaphum iussit impingi. conf. ALEX. ab ALEXANDRO genial. dier. L. V. cap. 21. p. 299. b.

(r) l. c.

(s) in Camillo f. 143. T. I. opp. conf. IOSEPH. antiquit. L. V. 2. DIONYS. HALICARNASS. antiquit. L. III. ap. WASS. in not. ad THVCYD. L. II. segm. 19. fol. 110. edit. Amstel. 1731. SVIDAS in lex v. *καθεδρα*.

τῆς πολιορκίας, hoc est *moram obsidionis*, apud THVCYDIDEM (t). Praeterea haec est huius vocabuli vis, auctore HESYCHIO (v), ut *dies* quoque *luctus* eodem designentur. Veteres enim in luctu *sedere* adsolebant; vnde *sedendi* verbum in luctu olim vfitatum fuisse dicit LAEVINVS TORRENTIVS (x). Tandem, HESYCHIO (y) teste, quaedam quoque Adonidis sacra, quae in luctu atque squallore peragere solebant veteres (z), καθεδρα vocabantur.

§. 6.

Diutius, quam quorundam forsitan cum ratione delicatorem fert stomachus, vocularum apicibus immorati, nunc ad rem ipsam accedimus. Eandem vero altius et a prima reperemus origine, ut singulae eius partes melius pleniusque perspiciantur. Sessione (a) an discubitus antiquior sit, iam non dispiciemus: id tantum esse putamus indubitatum, Romanos antiquissimis temporibus in coena epulisque *sedere* fuisse solitos. Vnde SERVIVS (b): *maiores nostri, inquit, sedentes epulabantur, quem morem habuerunt a Laconibus et Creten-sibus:*

(t) L. II. segm. 19. f. III. edit. cit. conf. schol. ad. h. l.

(v) in lex. v. Καθεδρα. Vbi Καθεδρα, inquit, πένθους ἡμέρα.

(x) in SVETON. caesar. c. 4. conf. IOANN. KIRCHMANN de funer. Romanor. L. IV. cap. 1. p. 549. 550.

(y) in lex. Καθεδρα. Vbi: Καθεδρα, inquit: θυσία ἀδώνιδος.

(z) Primo enim *Adoniorum* die graeci simulacra mortuis similia cum planctu et lugubribus cantilenis passim per urbem circumferebant, hoc ritu memoriam Adonidis ab apro occisi recolentes. vid. LAKE-MACHER antiquit. graecor. sac. P. IV. cap. 2. §. 5. p. 589. 590.

(a) Antiquissimam esse *sessionem*, vel ex eo patet, quod heroicis adeo temporibus non adcumbebant in lectis, sed sellis *insidebant*, quae θρόνοι, κλισμοί, δίφροι vocabantur. Vid. ATHEN. L. XI. p. 459. quem etiam laudat SPANHEM. ad CALLIMACH. p. 230. Immo *sessio* olim deorum habebatur. vid. BARTH. ad PAPIN. STAT. Thebaid. L. I. v. 321. T. II. p. 98. Sic BYRMANNVS in libro, quem ζεύς Καταβάτης inscripsit, cap. 14. *sessionem* regalem vereque proprium Iouis tonantis habitum fuisse ostendit. *Sedere* quoque magistratum erat. vid. TAVBMANN. ad L. I. Aeneid. p. 324.

(b) Ad L. VII. Aeneid. v. 176. f. 221. edit. Paris. 1500.

sibus: Postquam autem, Asia deuicta et ipsa Graecia subiugata, diuitiae auaritiam atque luxuriam Romam inuexerant: et peregrinarum voluptatum contagio ad Romanos pertinuit, et antiquae frugalitatis *sessio* fuit in *accubitum* mutata (c). Faeminae tamen, discumbentibus iam viris, *sellarum* et *sessionis* morem continuabant (d); verecundiae forte illud (mirum est, collapsa iam tum seueriori disciplina) quodammodo tribuentes. Tamen si vero sequentibus temporibus, cum iam abundantes voluptates Romanis desiderium per luxuriam atque libidinem pereundi perdendique omnia persuaderent (e), faeminae quoque, omnis matronalis atque virginalis pudoris claustra perfringentes, pariter atque viri *accumberent* (f): *sessio* tamen atque *sella* faeminis propria mansit. Postea, ut mutabile esse solet luxuriae et mollitiae ingenium, viri etiam *sellae* usum resumserunt (g). Nihilo vero sequius tunc etiam virorum a *faeminarum sellis* distinguebantur (h). Et faeminarum quidem *sellae* vocabantur *cathedrae* a *lecticis* eo potissimum diuersae, quod ad *sedendum* aptae *cathedrae*, ad *iacendum* essent *lecticae*, *cathedrae* cervical tantum haberent, in *lecticis* etiam lectus esset (i). Forma autem *sellarum muliebrum* siue *cathedrarum*

(d) VALERIUS MAXIMUS L. II. cap. 1. §. 2. edit. Lips. Lud. duni Bataur. 1640. *faeminae*, inquit, *cum viris cubantibus sedentes coenitabant*. Exemplum habet DEMOSTERUS in Paralipom. ad L. V. cap. 26. antiquitat. Romanar. ROSINI p. 807. seq.

(e) Verba fere sunt LIVII in proem.

(f) Vid. DEMPSTER l. c. Et hinc illud apud CICERONEM orat. II. Catilinar. cap. 5. *qui mihi accubantes in connitiis, complexi mulieres impudicas, vino languidi, conferti cibo, fertis redimitti, unguentis oblitiscuntur*. *Complexi mulieres impudicas* dicuntur, quia mulieres simul adcubantes, ex more veterum, caput ad vumbilicum viri proxime adcumbentis reclinabant, et huius ideo veluti in amplexu haerebant. vid. LIPSIVS antiquar. lection. L. III. cap. 1. T. I. opp. p. 145. Ex quibus intelligitur, quid sit ἀναπίντες ἐν τῷ δεσπνῳ ἐπὶ τὸ σῆθος τινός, IOANN. XXI. 20.

(g) Claudio nimirum imperatore viri etiam *sellis* uti coeperunt. LIPSIVS elector. L. I. cap. 19. p. 412. T. I. opp.

(h) LIPSIVS l. c.

(i) Colligit illud LIPSIVS l. c. ex istis IUVENALIS versiculis:

drarum ab ista *virilis sellae* discrepabat. *Virorum enim sellae* parentes, *cathedrae* faeminarum magis erant testae. Ostendit illud ex SENECA IVSTVS LIPSIVS (k). Porro *cathedrae* mundo etiam atque suppellestili muliebri adseruando inseruiebant. Speculum enim in iis fuisse, vel ex illo PHAEDRI constare potest (l):

*Hi speculum, in cathedra matris ut positum fuit
Pueriliter ludentes, forte inspexerant.*

Posterioribus autem temporibus Καθέδρα ἀμφικέφαλος facta. SYNESIVS certe, qui sub ARCADIO et THEODOSIO II. imperatoribus floruit, (n) eiusmodi meminit Καθέδρας ἀμφικεφάλης. Καθεζομένη γούν, inquit, ἐπ' ἀμφικεφάλου καθέδρας. κ. τ. λ. (o) Sed quid καθέδρα ἀμφικέφαλος? Nihil enim hac de re, neque NICEPHORVS scholiastes SYNESII, neque DIONYSIVS PETAVIVS, nec alii quos consulere licuit. Dicemus sine fastu tamen et fascino, quid nobis placeat. Habebant veteres ἀμφικεφάλους κλῖνας ἐκατέρωθεν ἀνάκλιση καὶ προσκεφάλαιον εχούσας, lectos utrimque accubitus et cervical habentes (p). Iam *cathedrae* quoque habebant puluinaria: quid igitur obstat, quo minus adseuerare audeamus, Καθέδρας etiam ἀμφικεφάλους eas fuisse, quae utrimque cervicali munitae fuerint? Neque praetereundum esse censemus, mulieres virosque effaeminatos *cathedris* olim vebi solitos. Inde enim et multa alia veterum dicta, et illud praecipue IVVENALIS (q) lucem accipit:

- cum

*ut spectet ludos, conducit ogubnia vestem
conducit comites, sellam, cervical; amicas.*

Sed IVVENALIS forte non ideo coniunxit cum *sella* siue *cathedra* cervicali, quia cervicalis usus in cathedra erat: quin potius cervicali etiam in ludis spectandis utebantur.

(k) l. c. p. 416.

(l) L. III. fab. 8. 4.

(n) POPE-BLOUNT censura celebrior. auctor. p. m. 285. 286. FABRICIVS biblioth. gr. L. V. cap. 22. §. 11. volum. IIX. p. 221. 222.

(o) ep. 3. f. 160. opp. edit. Parisin. 1612.

(p) PFEIFFER antiquit. gr. sacr. L. IV. cap. 31. p. 681.

(q) Satyr. 1. v. 64.

- cum iam sexta ceruice feratur
 binc atque inde patens, ac nuda paene cathedra
 et multum referens de maccenate supino
 signator falso -

Sexta ceruice ferri nihil est aliud, quam in *cathedra* a sex seruis vehi. Non enim iumentis veteres Romani, sed seruis utebantur quoties *LECTICA* *vehebantur* aut *cathedra* (r). *MARTIALIS* genus hoc cathedrarum *hexaphoron* adpellat, quod a sex hominibus gestaretur (s). Et hisce *cathedris* quoque *insidebant* in ludis atque *theatris* faeminae (t). Quemadmodum autem *sellae mulierum*, proprie *cathedrae* dicebantur differabantque ab istis *virorum sellis*: ita eadem cathedrae aliae erant *domesticae*, aliae *gestatoriae*. Docuit illud diligentissime *SCHAEFFERUS* (v), cuius eruditissimas commentationes huic pagellae illinere nec vacat nec lubet. Cathedras mulierum domesticas significant *MARTIALIS* et *HORATIVS*. Hic enim (x)

- - teque tigelli

discipularum inter iubeo plorare cathedras;

Ille autem (y):

inter faemineas tota qui leue cathedras

desidet, atque aliqua semper in aure susurrat.

Nihil iam addimus de ornamentis cathedrarum, neque de *cathedriseboratis*, *argentatis*, *braſſeatis*, *aureisque*, multa disputamus. Hoc enim labore superfedere iussit vir quondam doctissimus

(r) *SCHAEFFERUS* de re vehiculari L. III. cap. 4. 5.

(s) Epigramm. in Caecilian. L. I. epigramm.

(t) *LIPSIUS* elector. L. I. cap. 19. p. 416. T. I. opp. edit. iam memoratae.

(v) de re vehiculari L. II. cap. 4. p. 65.

(x) *Satyrar.* L. I. satyr. 10. v. 91. 92. Legunt alii *discipulorum*: sed perperam. Non enim discipulorum sunt cathedrae, si cathedrae *litterariae* intelligantur, sed magistrorum. Ista vero *discipularum cathedrae*, de quibus *HORATIVS*, erant sellae puellarum, siue histionum potius atque mimarum, quas *DEMETRIUS* atque *TIGELLIVS* carmina sua edocebant. vid. *RAPPOLT.* commentar. in Horat. cap. 28. p. 230. *LVBINI* paraphraf. scholiast. Horat. p. 325

(y) in Cotilum epigramm. L. V.

tiffimus IOANNES SCHEFFERVVS (z): et satis iam, nisi forte nimium, de cathedris.

§. 7.

A leſticis *leſticarii* et *leſticariolae*, a cathedris mulierum *cathedrarii* et *cathedralicii* dicti. PETRONIVS (a): *insecutus est leſticarius, argentumque inter reliqua purgamenta scopis coepit verrere.* MARTIALIS (b):

*ancillariolum tua te vocat vxor, et ipsa
leſticariolaeſt; eſtis, alauda, pares.*

Idem MARTIALIS (c):

cum cathedralicios portet tibi rheda ministros.

SIDONIVS (e) autem *cathedrarios seruos* dixit. *Leſticarii* quidem erant, qui *leſticam* succollabant (f), iique non serui tantum, sed liberi etiam homines, licet plebei, fuisse videntur. Hoc quidem inde claret, quod saepe numero *leſticarii conducti* (g) in veterum libris legantur, et *leſticariorum* adeo *collegium* Romae fuerit. Huius enim *leſticariorum collegii* mentio fit, cum alibi, tum in veteri ista *inſcriptione*, quam commemorant LIPSIVS (b) et SCHEFFERVVS (i):

TL.

(z) de re vehiculari p. 74.

(a) in ſatyr. cap. 98.

(b) L. XXII. epigramm. 58.

(c) L. X. epigramm. 13. Conf. viri ſumme venerabil. PETRI ADOLPHI BOYSENII, quem honoris cauſa nominamus, diſſ. de ſenſu vocis cathedralicius, Halberſtad. 1720.

(e) L. I. ep. II.

(f) LIPSIVS elector. l. c.

(g) LIPSIVS et SCHEFFERVVS ll. cc.

(b) l. c. p. 414.

(i) l. c. p. 102.

TI. CLAUDIO.

AVG. LIBERTO.

TIGRANO.

EX. CORPORE.

LECTICARIORVM.

CAESARIS.

Leſticariolae autem erant, quae cum leſticariis solebant, mulieres impudicae (k). Sed haec de *leſticariis* et *leſticariolis* obiter et veluti aliud agendo: magis ad institutum nostrum adtinere videtur, quoniam *cathedrarii* et *cathedralicii* fuerint, quaerere. Censuit iam olim de hisce vocabulis vir summe reuerendus et omnis elegantioris doctrinae plenissimus PETRVS ADOLPHVS BOYSENIVS in elegantissima, qua semicrudi cuiusdam versileguli arrogantiam et παρόργα perstringit, disputatione (l): sed relicta tamen nobis post hanc messem spicilegii copia. Et primo quidem firmissime nobis sedet, istos ad *cathedram* homines, qui cathedram succollarent, nunquam fuisse *cathedralicios* adpellatos, sed huius nominis vituperium vel lenonibus, vel formosulis et delicatulis procis adulterisque fuisse impaetum. *Cathedrarii* vero a veteribus Romanis soli eruditi viri, a SIDONIO serui, qui cathedram vehēbant, dicebantur. Qua de causa nos quoque facile in RAPPOLTI (m) et BOYSENI (n) pedibus ambulamus sententiam, qui eos valde errare existimant (o), quibus *cathedralicii* videntur fuisse serui, quorum in

(k) LIPSIVS L. I. elector. cap. 19.

(l) de sensu vocis *cathedralicius*.

(m) commentar. in Horat. p. 231.

(n) l. c.

(o) De quorum numero est BVCHNERVS, qui in thesauro FABRI ita hanc vocem explicat. Miramur hunc errorem in editione thesauri Fabro-Cellariani cura excellentissimi GESNERI anno MDCCXXVI. emulgata nondum sublatum.

in collo, vt CATVLLVS loquitur, cathedra collocabatur (p). Neque enim apud vllum alium, quod quidem constet, quam MARTIALEM haec vox legitur. Ille vero hisce in TVCCAM inuehitur versibus (q):

cum cathedralicios portet tibi rheda ministros.

Serui, qui succollandae cathedrae erant destinati, esse nequeunt *cathedralicii isti ministri*. Illi enim, qui poterant *rheda vehi*? Porro molles isti amasiunculi, qui vestitu adfluentes vnguentisque madentes singularum faeminarum cathedras gressu delicato atque languido diligentissime sequebantur, heic intelligi nequeunt (r). Quid enim illis cum TVCCA? Hinc igitur colligit, quem saepius iam laudauimus, BOYSENIUS l. c. *cathedralicios ministros* a MARTIALI dici infames illos pueros, qui nefanda patientia dominorum saeuae atque inhumanae inferuebant lasciuiae, cinaedos, scorta mascula. Sed quas praetexit vir doctissimus, rationibus nondum commouemur, vt ipsius sententiae accedamus. *Ministri* enim non semper sunt serui et mancipia, sed liberi quoque homines sic nonnunquam adpellantur. Popae scilicet, homines certe liberi, dicuntur ministri (s); et cui antiquitatum paullo studiosiori *sacrorum ministri* possunt esse ignoti? Hos autem non solum liberos, sed ingenuos adeo esse oportebat. Quin immo imperatores romani *voluptatum* habeant *ministros*, homines non liberos

O 2

tan-

(p) Hi enim dicebantur *lecticarii*, *sellarii*, διφροφόροι, et a SIDONIO *cathedralarii*, SCHEPPER. l. c. p. 75.

(q) l. c.

(r) Haec est sententia CHIMENTELLII de honore Bisellii. cap. 24. aliorumque, quos vide ap. BOYSEN. l. c. Eadem quoque sunt in haeresi HADRIANVS TVRNEBVS aduersar. L. XXX. cap. 30. f. 1122. edit. Argentin. 1599. et CAELIVS RHODIGINVS lection. antiquar. L. XV. cap. 8.

(s) vid. BRISSON. de formul. L. I. cap. 19. f. II. ex edit. excellentiss. CONRADI, praeceptoris quondam nostri non sine voluptate nobis memorandi.

tantum et ingenuos, sed ex equestri quoque ordine. Sic PETRONIVS fuisse NERONI a voluptatum ministro creditur (†). Quinam igitur tandem sunt isti *cathedralicii ministri*, quos MARTIALIS pungit? Nobis quidem isti fuisse videntur homines liberi quidem, sed perditissimi, quos TVCCA conduxerat, ut omnes faeminarum *cathedras* ambirent, earumque amorem ipsi TVCCAE conciliarent. Fuerunt igitur stuprorum foedissimi sequestri et adulterorum internuntii. Vnde hic est versiculorum MARTIALIS sensus: *licet tibi multi lenones sint, quos eo loco babes, ut rheda tua vehantur, quorumque interuentu adulterarum amorem comparare posses* (*) - *licet Thetis amica tua vnguentis delibuta domi tuae sit* - - : *ad nocturna tamen fastosae moechae iaces limina*. Vero tamen non est dissimile, illum etiam, qui, ut ad CANDIDVM epigrammate MARTIALIS L. 13.

- - *faemineis noctesque diesque cathedris
incedit, tota notus in urbe nimis.*

*Crine nitens, niger vnguento, perlucidus ostro,
ore tener, latus pectore, crure glaber.*

fuisse *cathedralicium* dictum. Sed eiusmodi homines formosuli isto MARTIALIS epigrammate non intelliguntur.

§. 8.

(†) vid. Mr. de ST. EVREMOND dans le iugement sur Seneque Plutarque et Petrone T. II. des oeuvres mêlées p. 149. MR. DES MAIZEAUX dans la vie de MR. de ST. EVREMOND. Apud Ludouicum XIV. Galliarum regem simili officio functus est FRANÇOIS de PORCHERES d' ARBAVD, poeta haud ignobilis, quem magistrum atque arbitrum voluptatum nocturnarum (*maître des plaisirs nocturnes*) fuisse legimus. vid. MAIZEAUX dans ses notes sur la comedie de Mr. de St. Euremond nommée les Academiciens.

(*) In hoc MARTIALIS epigrammate non *eques* sed *equus* legendum censemus.

§. 8.

Differebant ab hisce faeminarum *cathedris* illae in amphitheatris cathedrae, quarum meminit TERTVLLIANVS (v). Sed de his dicere non multum adtinet. Pergimus itaque ad *cathedras* episcoporum, quarum apud scriptores ecclesiasticos frequens est mentio. Quo potissimum tempore episcopi *cathedris* uti coeperint, id quidem obscurum est atque incertum. Qui romanensis principatus tyrannidem defendunt, illi PETRVM iam *cathedra* vsum contendunt acerrime, ipsamque eius *cathedram* ligneam superstitem esse pugnant (x). Sed confutavit eorum lepidissimas hac de cathedra fabellas THOMAS ITTIGIVS (y). Videntur autem hae *cathedrae* prima ab origine simplices et ideo potissimum inuentae, ut vox docentis episcopi, non fracta nec intercepta opposita multitudine, eo liberior ad omnes dimanaret auditores, postea splendiores et altiores factae. Testis est SVLPICVS SEVERVS (z), qui ita de heroe suo MARTINO: *illud non praeteribo, inquit, quod in secretario sedens, nunquam cathedra usus est. Nam in ecclesia nemo vnquam illum sedere conspexit: sicut quemdam nuper (testor Deum) non sine meo pudore vidi, sublimi folio quasi regio tribunali, celsa sede residentem. Ut autem posterioribus temporibus, christianis a pristina simplicitatis formula discedentibus, episcoporum in immensam creuit imperii similitudinem dignitas: ita istae quoque ecclesiae, in quibus episcopus sedem suam fixerat, ut nominis dignitate*

O 3

ab

(v) Apud BOYSENIUM l. c. Vocat ita ipsum in amphitheatris ad confessum situm.

(x) Veluti BELLARMINVS de romano pontifice L. I. cap. 17. conf. TENZELII exercitat. IX. §. 14. p. 372.

(y) in selectis capitibus historiae ecclesiast. primi a Christo nato saeculi cap. 4. §. 2. 3.

(z) Dial. II. cap. 1. p. 430. opp. edit. Vorst. 1703.

ab aliis distinguerentur, *cathedrales* fuerunt adpellatae. Hinc etiam *cathedrae* atque *incathedrationis* sacri festique dies, hinc *domini cathedratici* (a), et quae sunt aliae huiusmodi compellationes, quas quidem singulas alio forte loco persequemur diligentius.

§. 9.

Reliquum est, ut de illis quaedam subiungamus *catbedris*, quas musis ipsis auctoribus suavoribusque in iucundis scholarum umbraculis posuerunt ingenia. Dicemus autem de iisdem, quoniam prope ab umbilico abest noster libellus, per saturam atque summam. Iam apud Hebraeos usu inualuerat, ut magistri in scholis sederent stantibus coram ipsis discipulis (b). Vnde a vero parum absunt, qui istos Hebraeorum magistros *cathedras* quoque habuisse statuunt. (c) Sed apud Graecos praesertim atque Romanos rhetores atque philosophi, omnesque illi, qui scientias atque liberales, profitebantur artes, *cathedris* insidebant. AVSONIUS in professoribus:

et te quem cathedram tenere usurpasse loquuntur.

Hasce

(a) Vide de hisce horridulis sane barbarisque nominibus, quos citat BÖYSEN. l. c. Adde TENZELII exercitat. sel. exercitat. IX.

(b) In templo enim Hierosolymitano nemini, ne regi quidem, nisi ex familia Davidis oriundus esset, sedere licebat. SALOMONDEYLING. obseruat. sac. P. III. cap. 30. Cum igitur CHRISTVS apud LVCAM cap. II. 46. ἐν τῷ ἱερῷ καθεζόμενος ἐν μέσῳ τῶν διδασκάλων dicitur, non in ipso templo hierosolymitano, sed in synagoga templo contigua sedisse credendus est.

(c) Colligunt illud ex MATTH. XXIII. 2. vbi generis humani hospitator: ἐπὶ τῆς Μωσέως καθέδρας, inquit, ἐκάθισαν οἱ γραμματεῖς. Quatenam vero fuerit illa Moysis cathedra, pluribus disputant BRAVNIVS in selectis sacris L. I. cap. 8. §. 128. p. 116. seqq. CONRADVS

Hasce SIDONIUS vocat *litterarum cathedras* (d): *Vxor illi de Palladiorum stirpe, qui aut litterarum aut altarium cathedras tenuerunt.* Declamantes quoque solebant cathedris uti, quod ex quadam PLINII iunioris epistola (e) patet. Primi quidem rhetores atque declamatores, quorum auctor AESCHINES (f), *cathedris* vsi videntur (g). Ab iis haec consuetudo etiam ad philosophos manauit. Quinam vero philosophorum primus ex cathedra docuerit, id quidem certo definiri non potest. Sed, cum iam veterum philosophorum haud pauci omnia ad vanam gloriolam et lucellum; parum aut nihil ad conscientiam referentes, non veritatem sed nugamenta docere coepissent (h): factum est, ut *cathedra vana* atque *sterilis* diceretur, ipsique vani isti philosophi *cathedrarii* adpellarentur. IUVENALIS (i):

poenituit multos vanae sterilisque cathedrae.

SENECA (k): *solebat dicere Fabianus non ex his cathedrariis philosophis, sed ex veris et antiquis caet.* Sed quantumuis libeat plura de *litterariis* istis *cathedris*, de earumque forma et

O 4

orna-

DVS MEL in antiquario sacro p. 68. Quibus addenda sunt ea, quae fufius hac de re dixit CAMPEGIVS VITRINGA de fynagoga vetere p. 164. 165. 166.

(d) vid. LIPS. ad SENECAE de breuitate vitae librum c. 10. edit Paris. 1627.

(e) ep. 21. L. IIX.

(f) VOSSIVS de rhetor. natura et constitutione c. XVI. p. 110. sqq.

(g) VOSSIVS l. c. CRESOLL. in theatro sophistarum et rhet.

(h) Elegantissimam vanorum philosophorum descriptionem habes apud LVCIANVM pluribus locis, praesertim in illo dialogo, quem inscripsit *ἀλυσὺς* p. 414. T. I. opp. edit. Graeu. Amstel. 1687.

(i) Satyr. VII. v. 11. p. m. 48.

(k) de breuitate vitae cap. 10.

ornamentis differere: id tamen quo minus faciamus officit modus huic disputationi definitus. Sunt autem in scholis tam superioribus, *academias* et vulgo *uniuersitates* (1) vocant, quam inferioribus *cathedrae* ingeniorum theatra et bonae mentis omnisque doctrinae atque humanitatis praesidia. Vnde quoque ista *cathedrarum litterariorum* differentia enata, qua in *scholasticas* et *academicas* distribuuntur. Sed cui non dictus hylas? *Scholasticae* quidem *academicis* multo sunt antiquiores, cum ipsae *scholae* originis antiquitate *academias* vincant longissime, et *academiae* ex *scholis* sint enatae. Addimus, non inutilem fore quamdam de *iuribus cathedrarum* adcuratorem disputationem, de eaque ut cogitare velint, quibus cathedrarum ornamenta curae sunt atque cordi, summopere optamus.

- (1) Nuper non nemo, qui philosophus, criticus, poeta, theologus, historicus, et quid non? esse et sibi et aliis videtur, in dedicatione libri cuiusdam dixit, illo aeuo, quo balbutiebas eloquentia *academias* dictas fuisse *uniuersitates*, cum *scholae* dicendae essent *uniuersales*. Nemo non agnoscit, virum et in *barbaris* numerare *uniuersitatis* nomen, et *academiis* illud impositum, quod *scholae* sint *uniuersales*, arbitrari. Sed rectiora ipsum edocere potuisset vel solus *thesaurus Fabro-Cellarianus*. *Uniuerſitas* olim quodlibet dicebatur collegium. vid. tit. D. quod cuiusque *uniuerſitatis* nomine. conf. Ill. HEINECIVS ad hunc tit.



VIII.

DISSERTATIO CRITICA

DE

HORATII OD. I. LIBR. I. V. I-12.

A

MARTINO BORCK

PHILOS. ET ART. MAG. SOCIETAT. LAT. IENENS.
COLLEGA HONOR. SCHOLAEQVE FRANCO-
HVSANAE RECTORE

CONSCRIPTA.

I.

Philosophus verum demonstraturo, vel exercitatissimo cuique, praecipit, ut ad demonstrationis regulas animum numquam non acriter intendat. Hoc enim, quod puerile videatur exercitatis atque taediosum, spreto aut neglecto, fieri saepe non potest, ut ad liquidum exploretur veritas. Si idem sibi faciendum censerent, qui interpretando aliorum sermoni dant operam, ut genuinae interpretationis regula, qua possent cura nihil non metirentur; summi ceteroquin in hoc genere viri non alucinati toties fuissent, et in errores inducti nec opinantes. Id quod iis in primis euenisse saepe videas, qui explicandis Romanorum libris, laudabili licet consilio, infudarunt. Quoties viri isti boni bonis litteris earumque cultoribus, quibus cupiebant, obfuisse magis, quam profuisse deprehenduntur? Aerumnabili labore suo saepe nihilo plus egerunt, quam ut aliorum, * quae dudum eruditos pondere suo lassant, et bibliothecas rumpunt, volumina bonam partem maiora euoluantur, atque adeo vel laboriosissimi vita quantacumque vix sufficiat, ** tribus vel quatuor antiquis scriptoribus ita excutiendis, ut nihil praeteriisse iure dici possit.

* Vide sis eos in IO. MATTH. GESNERI, qui Goettingam nuper Lipsia euocatus dubium erudito orbi reliquit, plus ne sibi ex honore, an honoribus ex se dignitatis accesserit, praefationem ad T. L. I. VIVM Lipsiae Cl. MDCCXXXIII. editum.

** Consente PETR. BYRMANNO in praefatione ad VAL. FLACCI argonauticon libros, Leidae Cl. MDCCXXIII. edi abs securatos.

II. Cuius rei testis est, si quisquam locuples, Q. HORATIVUS F. Carmina eius cum quadraginta * Grammaticorum commentariis et notis saeculo iam decimo sexto Basileae prodierunt; eodem tempore a PETR. GVALT. CHABOTIO ita ornata dicam an onerata, ** ut, (quem ad modum in fronte editionis eius postumae a I. IAC. GRASSERO Colon. Munatiana curatae, legitur) nihil commentarii amplius a quoquam desiderari possit. Plures tamen postea fuerunt, quibus sua, quam iis quoque certatim nauarunt, opera indigere visa sunt; quos tantum non omnes recensitos legeris in IO. ALB. FABRICII bibliotheca Latina. Hos qui perlustrare non grauatur, quum

quum in eos, quod in omni vita est verissimum: *bona mixta malis*; valere haud inficiabitur; tum oleum se perdidisse et operam cum interpretibus, subinde non nisi nodum in scirpo facientibus, intelliget, commentis eorum genuinae interpretationis regula, tamquam Lydio lapide, diligentius examinatis.

* Quamquam non tot commentarii intotum HORATIVM exhibiti sunt, sed plerique eorum quaedam eius loca tantum sparsim illustrata dediderunt. Vid. FABRICII biblioth. Lat. vol. alt. p. m. 330.

** RICH. BENTLEIVS virum eruditum vocare CHABOTIVM non dubitat, in comm. ad HORATIVM p. m. 19. at acerrimus ille eruditorum pariter atque eruditionis aestimator PETR. BYRMANNVS in epistola ad CAPPERONNERIVM p. 33. *Chabotius*, ait, *theologicis, dialecticis, grammaticis, rhetoricis, ethicis, et nescio, quibus sordibus divinam Horatii poësin conspurcavit, et eo nullus caelestis ingenii poëtam ineptiori commentario oneravit, et pedantismi perfecti notis insigniuit.* Tantum igitur abest, ut hic commentarius egregius, quod vult GYNDLINGII Historia lit. p. 1162. videri possit, ut potius iure meritoque *insanus* esse censatur in misc. obseruat. in auctores veteres et recentiores, ab eruditis Britannis inchoatis, et nunc a doctis viris in Belgio et aliis regionibus continuatis vol. VI. tom. I. p. 233.

III. Nec iniurium, quod absit, in viros optime de elegantioribus litteris meritos, me esse, argumento sit vel ipsius odarum libri primi primae odes initium: locus vexatissimus et eruditorum disputationibus nobilis ille quidem, sed cuius difficultas omnis non nisi ab neglecta interpretationis regula orta videtur, qua diligenter servata, explicatu est perquam facilis. Vero haec maiora non esse, ut pateat, subtexam primum explicationes doctorum virorum, * facilem deinde secundum genuinae interpretationis regulas explicationem additurus. Ante tamen, quam utrumque fiat, operae pretium erit, verba poëtae, uti in MSS. et editionibus plurimis leguntur, omisissis distinctionum signis, quippe recentioribus, ** quae pro sua quisque explicatione aliter aliterque collocant, exscripta oculis subiicere. Quae haec sunt:

Sunt quos curriculo pulverem Olympicum

Collegisse iuvat metaque feruidis

Euitata rotis palmaque nobilis

Terrarum dominos euehit ad deos

Hunc

Hunc si mobiliū turba Quiritium
 Certat tergemini tollere honoribus
 Illum si proprio condidit horreo
 Quidquid de Lybicis verritur arcis
 Gaudentem patrios findere sarculo
 Agros Attalicis conditionibus
 Numquam dimoveas ut trabe Cypria
 Myrtoum pavidus nauta secet mare.

* Rationem leges in cel. *Christoph. Aug. Heumannii* Poeciles tom. III. libr. I. p. 124. §. 2.

** Vid. CLERICVM in art. crit. vol. II. sect. I. c. I. §. II. p. m. 7. et vol. III. p. 123. ed. Amstelæd. MDCCXII. et Illustr. STRVVIVM in actis lit. fasc. I. §. 15. p. 17. ed. secundæ.

III. Accipe nunc et summorum in republica litteraria virorum enodationes, siue potius quem in scirpo fecerunt nodum, suo quæque quo scripta sunt ordine. Pronuncianda igitur est prima sententia DION. LAMBINI, ea neque in prior neque posteriore eius editione Horatiana exstat, sed in commentariis ad LVCRETIVM, * his concepta verbis: *Illum numquam demoveas, si sit dives arator, et magnam vim frumenti ex agris suis percepti, et collocati in horreis suis condiderit: illum, inquam, gaudentem agros patrios sarculo findere, cet. numquam igitur his persuadeas, ut nauigare inducant animum. Sed hæc explicatio quadrare non potest, neque hanc probant docti viri. Quam ob rem autem non sit probanda, hæc causa est. Quid enim mirum sit, hominem, cui sit conditio et spes explorata obtinendorum summorum magistratuum, et eum qui habeat in horreis suis conditum maximum frumenti numerum, nauigandi periculum adire nolle? Sic igitur potius hic locus explicandus et distinguendus est. Sunt, quos victoria certaminum Olymp. euehit ad deos, i. e. diis proximos et beatissimos efficit; adscribe ad vocem, deos, comma, h. m. Hunc, nempe ambitiosum quendam euehit ad deos, si eum populus Romanus certat adficere summis honoribus, ut hoc totum, si mobiliū turba Quiritium certat hunc tergemini tollere honoribus, sit loco suppositi, ut grammatici loquuntur, perinde*

de quasi ita dicat Horatius, alium facit sibi beatissimum videri, studium et voluntas populi Rom. in eum conferendorum summorum honorum, aura popularis denique. Sequitur deinde: Illum si proprio cet. quae similiter explicanda sunt repetitio ἀπὸ κοινῆ, verbo, euehit, h. m. Illum euehit ad deos horreum frumenti plenum, quantum est in Africa, et intellige hunc non esse aratorem, sed hominem alioqui locupletem. Imo post vocem, areis, scribe punctum. Nam quae sequuntur diuidenda ac separanda sunt a superioribus h. m. Gaudentem patrios cet. i. e. alium autem, qui delectatur agris suis, sibi que a patre relictis, eosque sua manu libenter arat, numquam vel amplissimis conditionibus a suo instituto demoueat, et adducas, ut nauiget.

* Libr. III. vers. 1162. p. m. 396. ed. Paris. 1570. et p. 556. ed. Francofurt. 1583.

V. Secunda sententia est IANI RUTGERSII in Venusinis lectionibus * cap. 1. ita pronuntiata. Ponunt vulgo comma post areis, ut eiusdem viri sit, et patrios agros sarculo findere, et tantum possidere, quantum producit Africa. Atqui discrimen nimis manifestum est. Altero enim agricola designatur sedulus, beatus paruo, et talis plane, qualem venustissime describit in Epodis. Altero diues qualem alibi opponit Thrasio, h. e. quod de Mario Plutarchus dicit, πλῆτον ἀρχοῦντα βασιλείας ὁμῶς πολλαῖς κεκτημένος. Idenim per Africae messes, ob singularem eius prouinciae foecunditatem, Poetae volunt. Vnde libr. III. Ode XVI.

Fulgentem imperio fertilis Africae pro opulentissimo dixit. Et paucis interiectis. Quid tantopere mirandum est, si quis immensas opes quiete possidere malit, quam exigui lucelli caussa infido mari se committere? Viderat huius loci ἀνυσασίαν doctissimus Glareanus, et Glareanum secuti alii. Sed qua ratione scribendus foret, id eos fugit. Deinde positus ex suo sensu distinctionum signis, haec addit. Post palmaeque nobilis τελεία στυγή ponenda est. Repetendum autem ἀπὸ κοινῆ iuuat: Sunt, quos collegisse et meta iuuat. Et post pauca. Hic se diis immortalibus parem

rem putat, si ad quam maximos honores perueniat; ille, si amplissimas opes consecutus sit. Agricola autem, qui immoritur studio agellos patrios excolendi, adducere numquam possis, quin quiete rusticari malit, quam cum periculo mercaturam aggredi. Vt iam planissimus locus sit, qui tantopere ingenia criticorum exercuerat.

* p. m. 321. ed. BURMANNI, qui Venusianus Rutgersii lectiones primus integras curauit, cum Horatii operibus Traiecti Bat. 1699. 12. et Amstelæd. 1713. 12. (quam editionem fere nullis mendis contaminatam esse, liquido adfirmare se posse, ait, in praefatione ad Phaedri fabulas, 1719. Hagae Com. luci publicae expositas) nam quas SCHREVELIUS in commentariis variorum ad Horatium exhibet lectiones RUTGERSII, mutilae sunt, monente BURMANNO in praef. ad Horat. et FABRICIO in biblioth. Lat. vol. II. p. m. 243.

VI. Tertia sententia est RICHARDI BENTLEII, magni magnae Britanniae luminis illius: * ea in postuma eius editione HORATII ** his verbis legitur. *Omnes iam a litteris renatis de impedita hic et salebrosa oratione questi sunt. Quaeritur Hunc et Illum unde pendeant, et cuinam verbo connectantur. Aut enim haec structura est, Iuuat hunc, illum; aut ista est, Euehit hunc, illum; aut illa denique, Dimoueat hunc, illum; nihil est quartum: et tamen nulla ex his tribus constructionibus recte procedit. Esto enim; postrema prae aliis tibi arriserit: inquis, dimoueat HUNC amplissimis honoribus auctum, ILLUM totius Africae praedia possidentem, ut mutato vitae instituto Mercatores esse velint. Ain vero? Profecto haud stulte sapiunt, si nolunt se tot et tantis periculis sine causa exponere; neque dubio mari opes quaerere, quas domi iam assatim habent. Quid, quaeso, hic tam mirum? Metuendum, credo, erat, ne Pompeio quis vel Caesari vel Crasso persuaserit, ut relictis rebus omnibus mercaturam exerceret. Illud quidem, quod mox sequitur, accipio proboque; ubi Rusticum paterni agri cultorem vel luculentissimis conditionibus negat dimoueri posse, ut pristino vitae genere relicto Mercator esse incipiat; quippe qui paruo contentus, proculque a negotiis et Neptuno vitam agens, securam suam paupertatem opere-*

rosis incertisque opibus anteposit. Hoc quidem verum et est, et memoratone dignum: illud alterum de imperatoribus et praediuitibus, qui nolint fieri mercatores, est ineptum prorsus et inficetum: vti iam pridem Iul. Scaliger lanusque Rutgerfius recte animaduerterunt. Deinde, reiectis et ceteris construendi modis, ita infit. *Quid igitur fiet? Enim vero correctione locus iuuandus est, priusquam ullam inde sani coloris sententiam extuderis.*

* Vide sis epist. criticam de notis BENTLEII in Phaedrum p. 4. quae addita est BVRMANNI Phaedro Leidae Clō ICCC XXVII edito in 4to.

** Tertia scil. Amst. Clō ICCC XXVIII. in 4. curata, addito non TRETERI, quod vult GVNDLINGIVS l. c. sed AVEMANNI indice, a VERBVRGIO emendato.

VII. Restat quarta sententia ALEX. CVNINGAMII, quae in eius animaduersionibus in BENTLEII notas et emendationes ad HORATIVM legitur. * *Quaeritur, inquis, ait, hunc et illum unde pendeant et cuiam verbo connectantur. Aut enim haec structura est, iuuat hunc, illum; aut ista est, Euehit hunc, illum; aut illa denique, Dimoueat hunc, illum: nihil est quartum: imo quartum est, unde hunc et illum pendent, utrumque enim pronomen et a iuuat et ab euehit pendere dici posset. Et post aliquot paginas. ** Omnino cum Lambino hunc, illum ad euehit, non ad iuuat referri putamus, et pronomen quos intelligendum. Cetera, quae hoc de impedito maxime, vti cum vocat, loco laudatus CVNINGAMIVS habet, quod compluscula sunt, addere hic breuitatis studio nolim.*

* p. 277. prodierunt eae Hagae Com. Clō ICCC XXII. 8.

** p. 285. seqq.

VIII. Habes itaque, B. L. sententias praecipuorum, qui hic, tamquam in Olympio stadio, non citra pulueris tactum defudarunt interpretes, quos equidem adhuc legerim; obseruationum, emendationum, variarum lectionum molem illam nec manu versari, nec infinitam criticorum et philologorum turbam, fateor, perlegere potui: tamen quantum per negotia licuit, non indiligenter excussi CVPERI, PETITI, SCHOTTI, REINESII, GRONOVII nūperas Anglorum et Batauorum variorumque viro-
rum doctorum obseruationes, nec non commentarios BVR-

MANNI, in primis, qui post CVNINGAMII labores prodire, in Ouidium, Phaedrum et poëtas minores; BROVCKHVSII, nec non elegantis ingenii DRAKENBORGII *; doleo autem BAXTERI posteriorem Horatii editionem, quam multas observationes cum in BENTLEIVM, tum in CVNINGAMIYM habere relatum legimus, ** diu frustra quaesitam inspicere mihi non licuisse. Laudari quidem hunc Horatii locum non vni auctori vidi ***: sed quod ad rem nostram faciat, nihil quidquam ibi reperi. Enarratas vero has sententias et nodos curiosius lustrare, examinare et soluere, neque instituti nostri fert ratio, neque operae pretium foret; praesertim quum CVNINGAMIVS laudatis ad Horatium BENTLEII animaduersionibus ferias nobis fecerit: et in BENTLEIVM quidem, qui nodum hunc, quasi nihil interesset, quo modo solvatur, vt Gordium olim Alexander illè M. gladio rumpere, quam soluere maluit, animaduenterint LAMB. BOS **** et RICH. JOHNSON. Potius, quod propositum est, iam exsequemur, atque demonstratum ibimus, locum hunc, si quidem singula ad interpretationis regulas dirigantur, adeo non difficilem esse, vt potius explicatu sit facillimus.

* Vti vocatur PETRO BVRMANNO ad Petronii Satyricon c. XXVII. p. m. 93.

** In nouis litterariis Krausianis A. CIƆ ICƆCCXXV. p. 282.

*** BVRMANNO ad Ouid. tom. III. p. 484. n. 1. MVRETO ad Catulli epigr. IIII. p. m. 17. lit. D. edit. Parisiensis cum notis variorum in fol. CIƆ ICƆCIII. VOSSIO in Inst. Orat. libr. IIII. c. X. p. m. 148. IO. CLERICO in biblioth. selecta tom. XVII. p. 415. seqq. FERD. RETESIO ad tit. D. de interd. et releg. p. 1229. tom V. thesauri Rom. ed. poster. et ALEX. GOTTL. BAUMGARTE- NIO in meditat. philosoph. p. II. §. 20.

**** Ille in animaduersionibus ad Horatium p. 27. sq. hic in Aristarcho Anti-Bentleiano. Vid. Aët. Erud. CIƆ ICƆCCXVII. m. Nou. Conf. quoque miscell. obseruat. in auctores vet. et recent. ab eruditiss. Britannis edi coeptas vol. IIII. t. 1. p. 113. seq. et vol. V. t. 2. p. 260. sq. En tibi acumen etiam argutum arguti iudicis, FALSTERI puta. *Hic Horatius profecto Bentleii est; nam hic illum pro lubitu et auctoritate castigauit: hic Bentleius Horatii est; nam hic illius ingenium nimium quantum exercuit et excruciauit.* Amoenit. Philolog. vol. III. p. 13. sq.

VIII. Nimirum aliorum sententias interpretari, quum nihil sit aliud; quam verum verborum quorundam sensum eruere

ere; verus vero verborum sensus opinio fit et cogitata, quae communicare cum aliis voluerunt loquentes aut scribentes: aliorum verba recte interpretaturus omni cura ac diligentia accurata ante omnia perquirat sententiae alicuius scopum, propositum siue exitum, ad quem omnes verborum tendunt veniuntque significationes, nec non res loquentium scribentiumue circumstantes, cum intentione eorundem cohaerentes. Hic autem scopus est vel totius scriptionis, vel partis eius, vel ambitus, vel membri, vel verbi denique aut alius cuiusdam rei; et priores quidem posteriores patefaciunt. *

* Accurate, si quis alius philosophorum, hanc rem exsecutus est Cel. Ien. Prof. IO. IAC. LEHMANNVS, praeceptor olim meus atque Maecenas patria pietate numquam non colendus, in instit. philos. et quidem philos. rat. p. 172.

X. Primum igitur solliciti erimus de totius, cuius pars interpretanda nunc est, odes scopo. Eum, si verborum spectes significatus, hunc esse, vt *alios aliis rebus duci, se Lyricorum versuum studio teneri*, Poeta ostendat, cum res ipsa loquitur, tum vero vno ore fatentur interpretes, quibus pollicem quoque premit eleganter doctus medicus PETR. PETITVS, libro, quem supra laudauimus: nisi quod WILH. BAXTERO, viro reconditae eruditionis, Horatius semi Stoicus, quo nouum et leue carminis genus apud seueriores excuset, se cum ceteris mortalibus insanire, fateri videtur. * Ad occasionem vero praefixi huius scopi quod adinet, sunt, qui censeant, carmen hoc prooemii siue prologi locum obtinere, ceterisque huius libri absolutis, nouissimum accessisse; ipsi viderint, definire id, quum nihil, quod iuuat indagacionem, intota hac ode esse videatur, nec rei chronologicae haud vulgariter peritus IO. MASSON ausus est. ** Equidem, si coniecturae locus, et quid sentiam dicere licet, putem HORATIVM, non inep- tum morum censorem, adeoque Maecenati atque inde ipsi Augusto mire probatum, *** non nullos sui temporis more suo, i. e. satirico, et hoc carmine, quamuis aliud agendo, pupugisse; atque hinc oden hanc post illam, quam ad Maecenatem scriptam legimus, quum se eum ad bellum Acciacum iturum comitari velle, demonstratum dedit, compositam videri.

* Ed. Horatii Londinensi c1515CCI.

** Histor. Litter. specimen primo, vitam Horatii complectente.

*** Conf. HEINSIUS de Satyr. Horat. MORHOF. Polyh. 1. 3. 6. 31. nec non HENR. IO. MARTIVS, Prof. poef. Witt. in proluſione de poetis morum doctōribus, nuper edita.

XI. Singularum verborum, comprehensionum ac ſententiarum ſcopus patebit, ſi, qua ratione et via ad illum ſcopum totius odes, non vnas eſſe hominum voluntates, poeta peruenire contendat, diligentius attendamus; induſtione ſcilicet. Dicit enim eſſe, quos iuuet palma Olympia hunc ſe gaudere honores conſequi ſuffragiis populi Romani; illum ſe habere diuitias; alium ſe agri, quantum ad ſe ſuosque tuendos ſit ſatis, colere: non nullos mercatura duci: quosdam indulgere genio: multos caſtra ſequi libenter: alios venatum ire: ſe denique id cupere, vt poetae Lyrici nomen conſequatur famamque. Hoc totius orationis eſt filum, haec carminis mens, de PINDARO, vti notum, adumbrata, cuius haec leges apud SEXT. EMPYRICVM citata: *

Ἀελλοπόδων μὲν τιν' εὐφραίνουσιν Ἰππων τιμαὶ καὶ ἐφέφανοι,
Τοὺς δ' ἐν πολυχρέσοις θαλάμοις βιωτά·

Τέρπεται δὲ καὶ τις ἐπ' οἶδμα ἄλιον ναὶ θοᾶ-σων διατείβων.

Quosdam (non ſunt - quos, vti BENTLEIUS data opera vertiſſe videtur) iuuant velocium equorum honores et coronae, hos in auratis ſtallis vita: quidam et delectatur, ſi celeri naue ſaluus per mare currit. Haec tantum ex PINDARO citat EMPYRICVS: ſi totum adhuc exſtaret carmen, cetera quoque PINDARI Horatianis tam forent ſimilia, vt ouum ouo. Eadem ratione TYRIVS ille MAXIMVS idem argumentum, Horatium imitatus, explicauit. ** Ὁ μὲν Κροτωνιάτις ἐρεῖ κοτί-
νου Ὀλυμπικῆς, ὁ δὲ Ἀθηναῖος νίκης τριηρικῆς, ὁ δὲ Σπαρτιά-
τις ὀπλιτικῆς, ὁ Κρητικὸς θήρας, ὁ Συβαρίτης χλιδῆς, ὁ Θη-
βαῖος αὐλῶν, ὁ Ἴων χορῶν. Crotoniata oleaſtrum amat Olym-
piam, nauali victoria Athenienſis delectatur, Spartiata pede-
ſtri, venatione Cres, Sybarita luxu, Thebanus tibiis adſcitur,
Ionicus choris.

* In primo Pyrrhon. hypotheſeon ad 2. modum ἱεροῦ p. 24. ed.
FABRICII: inter fragmenta enim PINDARI, cum ab HENR.
STE-

STEPHANO, tum ERASM. SCHMIDIO diligentius collecta, gratis ea quaefueris.

** Init. differt. XVIII. p. 191. ed. DAVISII Cantabr. 1703. Saepius TYRIVS HORATIVVM imitatus esse videtur: conf. in primis huius Serm. I. i. initium cum illius differt. V. principio.

XII. Et ad eos quidem versus, quos interpretandos nobis nunc summus, quod adtinet, commodissime primam periodum, siue circumscriptam verbis sententiam, esse dicemus hos HORATII versus:

Sunt, quos curriculo pulverem Olympium
Collegisse iuvat, metaque feruidis
Euitata rotis, palmaque nobilis
Terrarum dominos euehit ad deos.

Quae verborum interpunctio, quod cum linguae Lat. ingenio, praesertim Horatii stilo, consentanea est, tum criticis probatur acutissimis, BURMANNO, aliis: non potest non reliquis, quae possent esse, praeferrī omnibus. Hoc enim pacto in sequentibus versiculis *hunc* et *illum* verbo suo *dimoueat* praemittuntur, ordine, quem recte scribendi ratio praecipit, et in re simili, praeter scriptores alios, ipse obseruauit HORATIVS. * Oratione igitur ita interpuncta, sensus periodi prioris hicerit. *Sunt quidam, qui certaminibus Olympicis delectantur, seque gaudent conspergi pulvere, quem decurrentes excitarunt: quique, si in huiusmodi certamine alios vehementi cursu anteuertunt, primique euaserunt, nec metam tetigerunt offendentes, sed singulari solertia declinarunt, atque adeo victoriam reportarunt illustrem; omnium se putent felicissimos, ac deorum vitam adeptos.* Quumque de hoc horum verborum sensu facile inter eruditos conueniat: breuioribus in iis explicandis esse in praesenti nobis licebit, et non nisi vnum monendum erit. *Palma nobilis* tantum abest vt ieiunum sit, aridum atque omni Venere spoliatum, quod censet BENTLEIVS, ** vt commodius nihil, nihil venustius, significantius nihil fingi dicique potuisset. Quandoquidem poeta per *palmam nobilem* non quamcunque victoriam, vix tandem reportatam, intellexisse videtur: sed praereptam feliciter multis dubiam eam facientibus singulari prorsus solertia cursuque admirabili. *** Quae quidem signifi-

catio vocis *nobilis* cum quod propria est, tum quia ea admissa, Bentleio facile occurri potest, vulgari metonymicae, quin praeferatur, quaeso, quid obstat?

- * Serm. I. l. 28. sqq. Carm. III. l. 10. sqq. VLRG. Georg. H. 505. sqq. Aen. VI. 320. PHAEDR. III. 3. 7. PETR. c. CXV. p. m. 534. ed. BVRM. PLIN. Paneg. III. 5. Aliam ita interpungendi rationem vide sis apud DACERIVM ad h. l. p. m. 9. ed. V. quae X. tomis Hamburgi nuper admodum nitida prodiit.
- ** Et cum eo Auctores diarii litterarii Part. II. tom. XXIII. qui vbique epitheta otiosa in Odis Hor. quaerunt.
- ** Epitheta optimo cuique Latinorum adhibita, quae nomini nil quidquam addere videntur, sed tamen otiosa plane non sunt, plura leges collecta apud BVRMANNVM ad OVID. t. II. p. 98. et ad PHAEDR. p. 2. et 229. ed. in 4to, nec non DAVISIVM ad CIC. de N. D. c. II.

XIII. Expediendus denique est nodus ipse, quem docti fecerunt (§. III. VII.) in his verbis:

Hunc, si mobilium turba Quiritium
Certat tergeminis tollere honoribus;
Illum, si proprio condidit horreo
Quidquid de Lybicus verritur arcis;
Gaudentem patrios findere sarculo
Agros: vel Attalicis conditionibus
Numquam dimoueat, ut trabe Cypria
Myrtoum pauidus nauta secet mare.

Quibus verbis interpretationis regula iudicatis, facile liquet, hanc illigatam esse sententiam. Hunc, qui suffragiis inconstantium Rom. ad maximos honores euebitur; illum, qui in suum granarium quidquid ex agro fertili colligitur, condere potest; ut et colentem paterna rura alium: numquam, vel Attali regno promisso, de hoc suo proposito auersum iri atque allectum, ut rem quaesiturus, gloriamue nominis, praelia obeat naualia. Et priora quidem verba parum vel nihil difficultatis habent: in posterioribus vero soluendus est nodus, ab eruditis adhuc magis magisque connexus.

XIII. Primum scilicet, quamuis leuius, peccant, qui tergeminis honores, cum MURETO, sextuplices, Quaesturam puta, Tribunatum plebis, Aedilitatem, Praeturam, Consulatum et Censuram, hic anxii interpretantur. Cum interpreta-

tionis

tionis regula, ea praesertim significatio adhibenda est, quam non verbi etymon indicat, sed usus loquendi. * Tergeminus vero, non quasi bis geminatum ter, i. e. sex, quod recte iam animaduertit BERN. CYLLAENIVS; ** sed maximus, amplissimus, Gallice *tres grand*, teste MATTH. RADERO, *** dicitur, uti Graecorum *τρεῖς*, * et nostrum *dreydoppelt*, v. gr. ein *dreydoppelter* etc. nec non Plautium *trifur*, ein *Erstdieb*. ** Hinc *tergeminis honoribus* hic idem esse ac *maximis, amplissimis*, posito numero finito pro infinito, interpretes alii dudum monuerunt, cum veteres, tum recentiores, quibus et pollicem premit GERARD. IO. VOSSIVS loco ante iam laudato. Sed haec leuiora: grauiora restant.

* Vid. LEHMANNVS l. c. p. 179. c. II.

** Ad ea TIBULLI, *tergeminum caput*, p. m. 520. ed. Paris. 1604. f.

*** Ad MARTIALIS libr. III. epigr. XXXV. verba, *tergeminum mugiet*, p. 274. ed. secundae in f. Ingolst.

* Ita et vocem hybridam, *Triscamerarius*, ex Graecorum *τρεῖς* compositam, idem significare ac *Oberkammerrichter*, non *drey Kammeter*, uti KOEHLERVS vertit, demonstratum legimus a HENR. GOTTL. FRANCKE in de *Triscamerario* R. S. I. e diplomatus restituto. Lips. 1736. 4.

** PLAUT. Aul. III. 4. 6. *triuenefica*, eine *Erstheze*, ib. I. 2. 8. *trifurcifer*, ein *rechter Galsendieb*, ib. II. 4. 47.

XV. Grauiori deinde errore lapsi sunt, verba illa, ut *trabe Cypria pauidus nauta secet mare*, mercaturam exerceat, interpretantes, securi de interpretationis genuinae regula, variaque vocum significatione. Ne igitur eodem errore decipiamur: varia vocis praesertim *nautae* significatio, quod inueterata, sed aliena, omnem hic creauit errorem, paullo diligentius, quam et in praestantissimis *Lexicis*, ROB. STEPHANI, CVRIONIS, NIZOLII, FABRI factum, inuestiganda prius erit, quam interpretationis regula haec verba metiri poterimus. Quare haec habe.

Nauta est 1) is, qui se in naui agenda exercet, et quicunque in naui est naui ducendae gratia, ein *Schiffmann*; id quod in vulgus notum est. 2) Is, qui nauem conscendit, ac naui vehitur quacunque de causa, ein *Passagier*. Et hunc significatum probat cum etymologia, tum usus huius vocis. Est enim, teste VOSSIO et DACIERIO ad FESTVM, a Graecorum *ναύτης*, pro quo poetae, tragici in primis, etiam *ναυάτης* di-

cunt, quem ad modum per similem Epenthesein Latini quoque pro *nauta* dicunt *navita*, ut docet SERVIVS ad VIRG. Georg. I. 137. et Aen. VI. 385. *Ναῦτης* vero, teste SVIDA, quod STEPHANVS et Etymologici Magni A. ignorant) est et ille, qui *ναυί* vehitur. Eodem sensu et Latinos suum *Nauta* vsurpasse, docent cum ACRON ad HORAT. Carm. III. 4. 30. tum infinita alia probatissimae Latinitatis scriptorum loca. PLAVT. Men. II. 1. init. PHAEDR. III. 16. 3) *Nautae* vocantur, qui militiam colunt naualem VIRG. Ecl. VI. 43. et 77. VAL. MAX. Argonaut. sexcenties OVID. Heroi. XIII. idque itidem imitatione Graecorum, V. C. A. PINDARO *ναύται* vocantur commilitones Iasonis, Pyth. od. III. *αὐτίς*. a. 7. 4) Mercatorem.

XVI. Si igitur illi tantum significationi locus est, eaque reliquis praeferenda, quam postulat, vel admittit subiectum: * dubium non est, quin *nauta* h. l. militiam colentem naualem significet. Nam ut nemo, iudice BENTLEIO, (6. VI.) vel Pompeio, vel Caesari, vel Crasso, hisque similibus umquam persuaserit, ut relictis rebus omnibus mercaturam exercerent: ita summos hos viros praelia moliri atque obire naualia persona sua non indignum ratos esse molestumue sibi, traditum accepimus. Nec ipsum Augustum, huncque sequutos Imperatores Rom. at quantos viros! ad paria tuenda, praelia detrectasse naualia, nemo ignorat, nisi rerum omnium ignarus. Quid? quod iis quidem temporibus plerosque res bellicas maiores esse, quam urbanas arbitratos fuisse, ne illos quidem fugit, qui seuera adhuc lege proficiunt. **

* Demonstrante LEHMANNO l. I. p. 179. c. I.

** CIC. de Off. I. 21 ubi omnino legi meretur PAVLVS MANVTIVS vberius hac de re dicens p. m. 47. ed. GRAEVII Amst. 1688.

XVII. Quumque praeterea ille demum sensus est verus, ad quem tendunt adfectus loquentium aut scribentium, horumque et auditorum vel legentium ceterae *περιστάσεις*: * eo magis dicta vocis *nautae* notio praeferenda reliquis erit, quo vero est similis, HORATIVUM, cui suis temporibus difficile fuit saryram non scribere, his verbis sale saryrico perficere voluisse eos, qui cum Augusto ad bella naualia ire noluerunt. Quorum e censu fuerunt OVIDIVS, ** TIBVLLVS, PROPERTIVS, alii.

aliique Rom. adeo multi, ut tandem edicto publico ad obeunda militiae munia ab Augusto fuerint compulsi. Quod itaque poeta cum saepe alias, tum Carm. III. 16. 5. ad sua tempora respexit, idem et nunc fecisse videtur. Accedit illud, quod PINDARO pariter ac TYRIO de classe atque victoria nauali ll. cc. sit sermo. Quoties vero et acutissimi interpretes HORATIVUM ex Graecis scriptoribus explicuerant! V. C. LUCIANO DACERIVS. ***

* LEHMANNVS l. c. p. 182. c. III.

** Vid. vitam eius auctore MASSONIO, p. 45. seqq. operibus eius curante BURMANNO additam tom. III. hinc animi falsum fuisse GYNDLINGIVM, adfirmantem in hist. litt. p. 1162. militem cum fuisse, immo ducem, certe centurionem, pluribus demonstratum leges in misc. observat. Vol. VI. t. I. p. 252. seq. De TIBULLO vero et PROPERTIO testantur in primis, illius eleg. I. Libr. I. et huius libr. III. eleg. X. ed. BROVHVSI.

*** Tom. VII. p. 236. n. 3.

XVIII. Atque haec quidem de ambitiosis recte dici, censet Vir Clarissimus, qui hanc commentationunculam cum doctis communicare in Actis Academicis, * dignatus est, quam ob rem non possumus non gratum ipsi significare animum. *An vero de rustico, patrios agros colente, idem dicatur commode,* videndum. Nimirum agricolam, non capite censum ac proletarium quemcunque, sed patrios agros colentem, qui sua adeo ope censerique queat, poetam intelligere, verba ipsa loquuntur. Qualis in multis aliis, Tibullus ille omnino fuit, qui l. c. restat vult omnibus, se modico illo, quod ex patrimonii vinctiusculi naufragio reliquum erat, inertia sua abuturum, neque esse, quod ad refarciendas rei familiaris ruinas, quarum reparatrix militia maxime esse posset, vel Messala vel alius quisquam se sollicitaret, quod neque agrorum iugera, quae militibus re bene gesta obuenirent, desideret, neque auro ex praeda atque vrbi-um direptione reportando quidquam moueatur, securus praeterea famae, si vel maxime iners audiat atque *οἰδεαυῆς*. En tibi ipsius verba, carptim exscripta.

Diuitias alius fuluo sibi congerat auro,

Et teneat culti iugera multa soli.

Me mea paupertas vitae traducat inerti.

*Hoc mihi contingat. Sit diues iure, furorem
 Qui maris, et tristes ferre potest Hyadas.
 Quem labor assiduus vicino terreat hoste:
 Martia cui somnos classica pulsa fugent.
 O quantum est auri potius, pereatque Zmaragdi,
 Quam fiat ob nostras vlla puella vias.
 Te bellare decet terra, Messala, marique,
 Vt domus hostiles praeferat exuvias.
 Me retinent vinctum formosae vincla puellae:
 Et sedeo duras ianitor ante fores.
 Ipse boues, modo siui tecum mea Delia, possim
 Iungere, et in solo pascere monte pecus.
 Hic ego dux milesque bonus, Vos signa, tubaque
 Ite procul: cupidis vulnera ferte viris.

Numquid Albus ille, et quisquis eius loci atque ordinis, inertia nescio qua captus, agros suos quam militiam colere tunc temporis maluit, odio cum istac sua defidia digni videntur? Immo vero, qui sibi, et quod magis indignum equite Romano, ipsi patriae atque patri eius Augusto, cui terra adhuc marique decertandum cum hostibus erat, deesse nulli vererentur, eos poetam hic castigare commode, intellectu difficile esse poterit nemini, qui Horatii ingenium bene norit.

* Anni MDCCXXXVIII. Seâ. V. p. 120.

XVIII. Tum dixerit quis cum BAXTERO, neque ab aeneis clavis, neque a nautica materia, *trabem Cypriam* nominavit poeta; sed a Cypriis mercibus: ex quo conficitur, per *naviam* h. l. non nisi mercatorem intelligi posse. Cui quidem cum LUDOV. DESPREZ responsum volumus, aequè rectè per *trabem Cypriam* intelligi posse, navem fabricatam ex optimis lignis, qualia aedificandis navibus aptissima reperiuntur in Cypro, maris mediterranei insula, quae, Romanis olim, quod Istria peninsula nunc Venetis, * fuit. Hinc *κίπρου* navem praegrandem Cyprii inuenerunt, narrante PLINIO: ** classesque aedificandas curarunt, auctore STRABONE. *** Quanto melius interpretes nonnulli, * vt et paraphrastes EILH. LUBINVS, ** Scholiastas veteres secuti, generatim haec intelligentes, *nauigationem exercent*, reddiderunt. Sed satis iam disputatum est de loco HORATII impedito maxime. Vtrum nodus iam sit expeditus, an non Eruditus Lector sentiet; cuius esto iudicium, et vnus Dei gloria.

* Vid. HVEBNERI Geogr. t. I. p. 679.

** Hist. nat. VII. 56.

*** Geogr. libr. XIII. p. m. 684. ed. Paris. 1620. f.

* v. c. Batauis Interpres, I. v. VONDEL ed. Amst. 1654. 12. vertit Belgice, *dat by, beangst voor Schiprenk, zich ter Zee begeve.*

** Cuius haec est paraphrasis, vt ad nauigationem animum applicet, et vt nauigare sustineat.

VIII.

PAVLLI SCHAFFSHAVSII

PHILOS. ET AA. LL. MAG.

DISSERTATIO EPISTOLICA

DE

INSIGNIBVS

IOANNIS TAYLORII

IN

LYSIAM ORATOREM

M E R I T I S

EX

PRAESTANTISSIMA

ORATIONVM LYSIANARVM

EDITIONE A. V. C. ADORNATA

COMPARATIS.

AD

VIRVM CLARISSIMVM

GEORG. CHRISTIANVM
TRAVSOLDVM

I. V. CANDIDATVM DIGNISSIMVM

QVVM

SVMMOS IN PHILOSOPHIA HONORES
LIPSIAE CAPESSERET.

VIR CLARISSIME ATQVE DOCTISSIME,
FAVOR ATQVE AMICE LONGE MIHI
AESTVMATISSIME

Saepius, quum Lipsiae ambo haereremus, de variis ad literas, in primis elegantiores, spectantibus rebus differere confueuimus. Ex quibus familiaribus, TE cum institutis, sermonibus, aequae ac ex honestissimo illo desiderio, quo ductus, meam qualemcunque operam, TIBI, in excolenda amplius Graecorum lingua, adiumento quodam esse volebas, cognoui, quanta TE ceperit linguae huius, et vtilitate et suauitate sua se commendantis, oblectatio. Ego sane non sine insigni animi voluptate recordor illius temporis, quo TE cum et cum FABRO atque KLEFEKERO, quorum charissima mihi sunt semperque erunt nomina, et N. F. tabulas et *Theophrasti*, elegantissimi Scriptoris, *characteres morum* perlustrandi, vobis Auctoribus, mihi data fuit occasio. Eo maiorem vero mihi obtingere laetandi causam video, quo pauciores hodie dantur, ex iis praesertim, qui iuris studio se dicarunt, in Academia iuuenes, qui graecis litteris rite addiscendis atque intelligendis operam dicant suam. Eo enim deprauatis hisce nostris temporibus ventum est, vt, quae non apertam lucri spem faciunt, scientiae, alto contemnantur supercilio. Oratores et ICTI graeci, *Demosthenes*, *Isocrates*, *Lysias*, *Aristides*, *Constitutiones Imperatorum*, *Iustiniani*, *Tiberii Thracis*, *Fl. Heraclii*, *Leonis sapientis*, et quae sunt reliqua huius generis scripta, alta possunt frui quiete. Vin' TV, TRAVSOLDE DOCTISSIME, causam neglectus horum scriptorum nosse? En vltro se offert! Graeco sermone vsi sunt hi scriptores. Quis vero tantum sibi ipse imposeret iugum, vt, ob hos scriptores eo melius intelligendos, graecam linguam familiarem sibi reddere susciperet? Obuertere quidem TV mihi videris, accidere tamen quandoque, vt scripta ICTorum graecorum consulenda euoluendaque sint. Sed esto! accidat fidere infornato, quod tamen per
inte-

integra lustra vix aliquando accidere gaudent, iure an iniuria iam non disquiram, graecarum litterarum oſores, tunc, verſiones praesto ſunt, ex quibus via multo breuiori, cuius cauſſa euoluendi ſunt illi ſcriptores, intelligi poteſt. Quo tenuior igitur rebus ſic comparatis, noſtris temporibus eorum eſt numerus, qui dulciſſimis Graecorum litteris addiſcendis nauant operam, eo maioribus generoſior eorum indoles eſt laudibus extollenda, qui, quum vltra vulgus eruditorum ſapere volunt, etiam hanc vtiliſſimam linguam, ſine qua nemo veri eruditi nomen tueri poteſt, dignam iudicant, cui addiſcendae operam ſuam conſecrent. Quorum numero quum et TV, TRAVSOLDE SVAVISSIME, cui de meliori luto finxit praecordia Numen, accenſendus ſis, quantum de TE certiſſime ſperare poſſint, et Patria dulciſſima, et eruditorum Reſpublica, ſatis patet. Quem TVVM in meliores litteras animum erectum, atque a vanis de eruditione opinionibus liberum, quum cognoſſet Ampliſſimus in Celeberrima mihiſque chariſſima Philyræa, quæ tot tantique per ſexennium, quo dulciſſimo ſinu ſuo me complexa eſt, beneficiis me ornauit, vt nulla vnquam obliuio gratiſſimam eius deletura ſit memoriam, Philoſophorum ordo, hinc factum, vt TIBI ſummos in philoſophia honores lubens decerneret. Quo beneficio quum acceſſio honoribus TVIS haud exigua ſit facta, pro ea, quam TIBI debeo, amicitia non poſſum non, vt de inſigni hac honoris acceſſione, qua ab Inclyto Sapientum ordine es ornatus, TIBI ex animo gratuler, quodue ex hoc, quo maſtus compares, virtutis atque induſtriae praemio, perceperim gaudium, ſcriptione TIBI hacce, celeberrimi Angli in graecas litteras merita exponente, declararem.

Prodiit Anno MDCCXXXVIII. Londini in forma quadripartita maiori, cura Io. Taylorii, V. C. limatiſſima Orationum a *Lyſia* compoſitarum editio, tanta induſtria conſecta, tantoque eruditionis apparatu inſtructa, vt, ſi hoc vnicum tantummodo exſtaret, eruditionis atque doctriinae Taylorianae documentum, vel hoc vnicum ſpecimen, ad nomen Cel. Editoris ab obliuionis iniuria vindicandum, ſufficeret. Quum vero,
qui

qui in Anglia euulgantur libri, raro apud nos compareant, neque nisi magnis sumptibus comparari possint, ego, rem neque lectoribus ingratam, neque a TVIS studiis alienam, suscepturum me esse arbitratus sum, si praestantissimam hanc *Lyfianarum* orationum editionem, et quae in eam sint *Cel. Taylorii* merita insignia, serisque posteris praedicanda, breuiter enarrem. Instructa est editio haec 1) praefatione lectu dignissima, 2) vita *Lyfiae* ab ipso Taylorio magna cum cura elaborata, 3) annotationibus doctissimis magnamque iudicii critici vim spirantibus, 4) *Ier. Marklandi* coniecturis, 5) lectionibus *Lyfiae*, in quibus quaedam retractat, quaedam addit, *Taylorius*, 6) indice Attico elegantissimo. Quae omnia ita sunt egregie comparata, ut si pro merito ea excutere, TIBI que, quae in hisce praestitit, excellens *Taylorii* eruditio atque industria, exponere digne vellem, vereor, ne angustos epistolae limites transilirem. Quare, pace TVA, generatim tantummodo, quibus praefidiis instructus, ad hanc adornandam *Lyfiae* editionem, accefferit, qualemue se cum in emendando, tum in commentando praebuerit *Taylorius*, explicabo. Qua vero in componenda *Lyfiae* vita vsus sit diligentia singulari *Taylorius*, quaeue ex *coniecturis Ier. Marklandi* eluceat acris ingenii atque iudicii vis, et excellens doctrinae copia, alia occasione enarrare constitui.

Quod igitur ad praestantissimam, de qua verba facere proposui, *Orationum Lyfiae* editionem attinet, ea sequenti indice ornata comparet: ΑΤΣΙΟΥ ΤΑ ΠΕΡΙΕΝΟΜΕΝΑ. *Lyfiae orationes et fragmenta, graece et latine. Ad fidem Codicum Manuscriptorum recensuit, notis criticis, interpretatione noua, ceteroque apparatu necessario donauit Ioannes Taylor, A. M. Coll. D. Ioannis Cantabr. Socius. Acad. olim a Bibliothecis, hodie a Commentariis. Accedunt Cl. Ier. Marklandi, Coll. D. Pet. Soc. coniecturae. Londini 1739.* Dicatus est *Lyfias* ornatissimo praestantissimoque viro IO. TEMPEST, armigero, qui olim in Academia Cantabrigiensis sub ductu et moderamine *Io. Taylorii* litteris operam dedit. Sub praefationis initium *Taylorius* veniam a lectoribus petit, quod, quum promissis prius non steterit, haec editio, quam infra angustiores limi-

limites conclusisse fortasse potuerint aut fortunatiores, aut certe minus exercitati, per sexennium et amplius producta sit. Simul istud quoque sibi a lectoribus tribui vult humanitatis officium, ut, ei temeritatem suam haud exprobrent, quod in alienissimo reipublicae litterariae tempore, infructuosissima omnium studia atque artes plane deciduas excoluerit. Tantum enim hodie elegantioribus litteris statuitur pretium, ut verendum sit, ne publice hebescat acies litterarum, et praestantissimorum hominum studium tardetur, quum ex his litteris ne minimus ille capiatur fructus laudis et expectationis, quem semper summum, hodie fere solum eruditi expectare potuerint. Quae quum sit publica artis nostrae fortuna, atque interea domi habeat, quod impendio esse possit, non sine causa miratur Taylorius, unde optima quaeque ingenia ad haec studia accendi maxime soleant, et in communi bonarum artium naufragio serio restinguantur. Quod vero in hoc ipso litterarum flexu Academia Cantabrigensis maximos viros et omni praeconio dignos, BENTLEIVM vtrumque, HARAEVM, MANGEIVM, THIRLBAEVN, WASAEVM, PEARCAEVN, WALKERVN, MARKLANDVM, IORTINVN, aliosque, maximis meritis conspicuos, informare et excolere non destiterit, id sane maximae gloriae cedere huic Academiae, merito gloriatur *Taylorius*.

Verum enim vero id merito simul Doctissimus *Taylorius* dolendum esse iudicat, quod neque hoc, neque superioribus saeculis ullus in iurisprudentia attica atque oratoribus graecis operam suam locauerit; in quibus tamen, si eruditionem spectes, maxime locari poterat. Imo eousque hos scriptores ignoratos fuisse affirmat, ut, quum ad *Lysiam* recudendum accessit, statim, quam arduum in se suscepit opus, senserit. Causam, cur tanta incuria hanc litterarum partem, insigni utilitate conspicuam, occupauerit, inter plurimas hanc esse arbitratur; quod harum orationum, quae circumferuntur exemplaria, neque ea tamen facile obuia, latina interpretatione fere destituantur. Eam enim esse conditionem graecarum litterarum maximopere dolendam, cum *Taylorio* omnes perhibent, qui

qui recte de rebus iudicare valent, quod, quum nude prodierint, vix vnum aut alterum inueniant emtorem; quum vicissim nihil quidpiam fere magis ad earum interitum contulerit, quam popularis illa et puerilis versiones latinas attexendi consuetudo. Haec posteaquam, quum de horum studiorum infortuniis, tum de sua in iis excolendis opera praemonuisset elegantissimi ingenii Vir, *Taylorius*, nonnulla cum de *Lyfiae* orationibus, quali scilicet fortuna in vtraque aetate vsi sint, tum in ea, quae extinctas litteras praeiuit, tum in hac altera, quae typographiae ope nouam librorum edendorum rationem introduxit; tum quantum ipse in hac editione adornanda praestitit, et quibus subsidiis adiutus, id operis in se suscepit, adiungit.

In scriptoribus recensendis eo melior, obseruante *Taylorio*, fuit antiquorum Criticorum fortuna, quod saepenumero vetustissima exemplaria nacti sint, et quae aetate praecederent infinitam istam varietatem lectionis, quam ex describentium, vel dolo malo, vel incuria, subinde oriri necesse fuit. Ita *Athenaeus* memorat *Sophoclis* codicem ab ipso auctore scriptum: et *Pausanias* in *Boeoticis* se vidisse affirmat *Hesiodi* poema ab accolis montis Heliconis sibi monstratum, antiquissimis plumbeis laminis, procul dubio auctoritate publica, in honorem tanti ciuis exaratum. Scriptores emaculare eisque ex appposito chirographo auctoritatem conciliare eorum fuisse monet *Taylorius*, qui vel primaevae membranas vel eis proximas vsurparunt. Ita *Aristotelem Tyrannio* emendauit, ab *Aristotelis* aetate non longe diffitus.

Felicitati iam commemoratae non minorem accessisse obseruat *Taylorius*, eam scilicet, quae antiquioribus Criticis Auctores integros, adeoque a se ipsis felicius expoliendos recognoscendosque, obtulit. Magnum enim id erat ingenii administriculum, scriptorem ex ore ipsius fingere, et colores ducere, quos ipse repraesentauerat. Nos vicissim hariolationibus ex aequalium scriptorum vsu ductis, ex dialecti, in qua scripsit, genio ac indole, ex scholae denique aut disciplinae auctoritate, aetatem conterimus. Multa vero genuinae antiquitatis monumenta idco aetatem non tulisse, probe monet *Taylorius*, quod

cen-

centoriam obeli notam sustinere nequiverint, Circumferebantur olim orationes *Lysiae* CCCC, et quod excurrit, iuxta *Plutarchum* et *Photium*. Iamdudum autem est, quod conquerratur *Photius*, *Biblioth. Cod. CCLX. Paullum Mysium* multas et praeclarissimas suas crisi extinxisse.

Hac occasione *Taylorius*, ad eos, qui in illustrando atque enodando *Lysiae* occupati fuerunt, peruenit. *Paullus* ille ex *Muſſas*, quis fuerit, quali lingua, qua conditione et aetate usus sit, scire se iuxta cum inscientibus fatetur. Praeter *Photium* enim nemo veterum, si *Suidam* et *Eudociam* Imperatricem excipias, mentionem eius iniicit.

Paullum aetate antequam et *Dionysus* Halicarnass. et *Caecilius*, qui ex orationibus *Lysiae* CDXXV. germanas esse volunt, non nisi CCXXX. iuxta *Plutarchum*; aut cum *Photio* CCXXXIII. *Dionysio* multum debere *Lysiam*, docet *Taylorius*. Nam praeter crisin de *Lysia*, quam longe emaculatus, quam in vulgatis editionibus repraesentari solebat, editioni suae praeponi curavit Praestantissimus *Taylorius*, commentarium scripsit de dignoscendis *Lysiae* orationibus germanis et adulterinis, hodie magno rei litterariae detrimento non exstantem.

Dionysus aetate et studiis aemulum habuit *Caecilium* Rhetorem, natione *Siculum*, patria *Calactinum*, qui praeter multa alia, quae *Suidas* enarrat, libellum composuit de characteribus oratorum.

Lysimachides librum *Caeciliano* oppositum adornavit de oratoribus atticis.

Curiam atticam *Hero* Atheniensis, incertae aetatis, illustravit.

Diodorus Valerii Pollionis Alexandrini F. sub Adriano clarus, enarrationem locorum difficiliorum, quae in X. oratoribus inveniuntur, conscripsit.

Zosimus Gazaeus, vel Ascalonites, qui sub Anastasio vixit, praeter *Lexicon Rhetoricum* scripsit commentarios in *Demosthenem* et *Lysiam*. Quae in *Lysiam* scripsit, perierunt; scholia vero *Zosimi* Ascalonitae in *Demosthenem*, diuersa ab *Vlpiani* scholiis, hodie inedita vna cum *Demosthenis* orationibus

in

in Bibliotheca Vaticana seruari, ex *Ryckii* Catalogo MS. se didicisse, *Taylorius* faterur.

In eosdem, *Lyfiam* scil. et *Demosthenem*, scripsit *Zeno* Citienfis, Zenone Philosopho, stoicae disciplinae auctore, multis annis iunior.

De *Antiphontis* figuris, de *Lyfiae* et *Hyperidis* Orationibus scripsit Caius *Harpocratio* Sophista. De illis, quae oratores ignorasse videntur, de formis orationum, ementitam esse *Herodoti* historiam, ceteraque, *Aelius Harpocratio*.

Callimachus aliique ex schola Pergamena, tabulis, quae *πίνακες* et *ἀναγραφαί* vocabantur, et in quas auctorum aetas, genus et scripta; scriptorum argumentum, initium et numerus referebantur, conficiendis operam adhibebant. Huiusmodi *πίνακα παντοδαπῶν συγγραμμάτων* *Callimachus* instruxit; ex quo opere fuerunt, quae *Dionysius Halicarnass.* de *Callimachi* laboribus in antiquos auctores praestitis, laudat. Verum quum munus illud negligenter administrauerit, s. rei mole et magnitudine oppressus, s. *δυσότης* vere critica, quae falsa a veris discernit, destitutus, istos commentarios interceptos minus aegre ferendum esse pronuntiat *Taylorius*.

Nouo iam saeculo nato, et litteris feliciter instauratis, *Aldus Manutius* primus, Anno MDXIII. *Lyfiae*, quod supererat, typis euulgauit graece, Folio, vna cum *Aeschine*, *Antiphonte*, rel. quos *Francisco Fasciolo*, I. C. ac Senatus Veneti a Secretis Magnò nuncupauit. Quam suam editionem expressisse, credit *Taylorius*, *Manutium*, non ex vnico exemplari, sed ex pluribus inter se collatis, quae adhuc seruat instructissima illa Bibliotheca Laurentiana. Eorum notitiam hic subiungit Vir Eruditissimus, vt nimirum aliorum industriae aliquid subministret, qui *Lyfiam* olim emaculaturi sunt.

Anno MDLXXV. *H. Stephanus* eosdem Oratores emisit Lutetiae, luculentissime impressos in fol. Gr. adiecta latina versione omnium *Aeschinis*, et quarundam *Lyfiae* orationum. Hac occasione magnificis *Stephanum*, praestantissimum virum, iure meritoque extollit laudibus *Taylorius*. Magna, inquit, erat in eo homine, *Stephanum* puta, cura, moderatio non minor.

Scrip-

Scriptorum codicum varietatem diligenter et fideliter ad oram paginae suae annotabat: rarissime in locum receptae lecti- nis bariolationes suas reposuit, nisi ubi tam crassus fuerit prioris editionis error, ut multo etiam crassior futura esset de emenda- tione dubitatio. Hanc se etiam, Stephani laudis et diligentiae quam maxime aemulum, in hac editione operam nauasse, fi- demque obseruasse, eo magis asserere potest Humanissimus *Taylorius*, quo lubentius, quotquot recti iustique harum sci- entiarum sunt iudices, finem hunc a *Taylorio* assequutum esse, fatebuntur.

Anno MDCXV. *Iodocus van der Heidius*, Brabantus, *Lysiae* orationes XXXIV. latine a se redditas, et politicis notis illustratas edidit, typis Wecheliani in forma octopartita. Grae- cum huius editionis textum recensuit, notasque ad calcem li- bri adiecit *Andreas Schottus*. Qui vero, quum libris calamo exaratis esset destitutus, id effecit, ut huic editioni parum tri- buatur a viris doctis.

Ipse idem liber recudebatur Anno MDCLXXXIII. Mar- purgi Cattorum, cura *Ioannis Burchardi Maii*. Quanquam vero haec editio testimoniis veterum, *Dionysii* scil. *Plutarchi*, reliq. sit instructa, attamen, quum praeter haec testimonia ni- hil noui ei a *Mai* sit adiectum, quin potius ita ad prioris ima- ginem sit expressa, ut singula pagina in vtraque ex aequo re- spondeat, neque huic prae priori praerogatiuam concedendam esse, sapienter *Taylorius* iudicat.

Eos, qui integras *Lysiae*, quotquot temporum iniuria nobis reliquit, orationes ediderunt, animaduersionibusque ad- iectis illustrarunt, ii excipiunt, qui singulas orationes aut lati- ne expresserunt, aut notis et commentariis illustrarunt. Ora- tiones duas priores, quae inscribuntur: ὑπὲρ τῆς Ἐπαροδένους Φόνης Απολογία; et Ἐπιτάφιον τοῖς ΚΑΡΙΝΘΙΟΝ ΒΟΗΘΟΙΣ cum latina versione, a se adornata, edidit *Ianus Vitalis*, Pa- normitanus, Romae apud Iacobum Mazochium. MDXV. 4to. Editionem hanc rarissimam, semelque tantum a se visam hoc Epigrammate, quod ut hic exhibeam, permittas, claudi docet *Taylorius*.

OCT. SYLVIVS. LAVRELIVS.

Praecipuum decus est iterum natum esse Lyco,

Quinque pater fuerat matrem habuisse Iouem.

Sic LYSIAE scriptis geminum decus additur, et quem
Graecia protulerat, nunc polit Italia.

Anno MDXXII. eadem binae orationes Gr. Lat. incerto interprete, vna cum *Libanii* et *Isocratis* orationibus aliquot ab *Erasmo* latine versis, Basileae ex officina Frobeniana prodierunt. Orationum Lyfianarum, quae hic comparent, interpretem fuisse *Franciscum Philelphum*, Tolentinatē, virum elegantioribus litteris vindicandis natum, ex Codice MSCripto, qui Oxonii in Biblioth. Col. Baliol. asseruatur, didicisse se docet *Taylorius*: simulque obseruat, viriusque interpretationem *Pallanti Strozae* nuncupatam esse. Quas epistolas nuncupatorias, dignas quae non perirent, ex eodem codice descriptas, inferi hic curauit, quo flagrat de re litteraria bene merendi studio, *Taylorius*.

Eadem denique orationes prodire Colon. Iac. Soteris MDLIV, in forma octopartita, interprete *Francisco Fabricio Marcodurano*.

Seorsim quoque *Lysiae* orationes de caede *Eratosthenis adulteri*; contra *Eratosthenem* XXX-virum; contra *Alcibiadem*; contra *Dardanarios*; oratio funebris; euulgatae, et in latinum sermonem versae sunt; quas, si omnes enumerare vellem, TVA patientia ne abuterer, vereor.

Quam *Lysias*, et antiquioribus, et recentioribus temporibus, expertus sit fortunam, ex *Taylorio* intellexisti, VIR CLARISSIME. Iam quoque, quae emaculando atque expoliendo Oratorem hunc venustissimum et politissimum, merita sibi comparauerit *Taylorius*, Vir Κετικώτατ, accipe. Textum ad exemplar Stephanicum vt summa, qua fieri potuit, et fide, et modestia exprimeretur, curauit. Cuius rei hoc est argumentum, quod, quum decurso spatio typographico, atque editionis Stephanianae collatione sedulo instituta, paucissima, tantummodo operarum menda inuenerit, quae in punctis vt plurimum versantia, tam leuia lectori videbuntur, vt,

vix

vix ullam aliam aliquam graeci scriptoris editionem per hosce annos in hac laudis parte cum sua conferendam esse, iure meritoque iudicet rarae diligentiae Vir, *Taylorius*. Quod ad moderationem, quam Editoris laudem semper esse duxit primae proximam, spectat, vetustam et diutius receptam lectionem rarissime sollicitavit, atque ad oram libri relegavit. Quamquam vero neque tanti codicum suorum auctoritatem; aut suam diuinandi sollertiam tam magnificam esse iudicavit modestissimus *Taylorius*, vt, vbi momenta saltem viderentur esse aequalis, textus aliqua diuturnitate comprobatus, nouarum rerum studio et libidini cedere deberet; attamen, quum simul vicissim reputaret, quod foedissimas hallucinationes et crassissimos librariorum errores retinere, vbi vel dormitauerint, aut plus aequo se inuitauerint, esset otio inclementer abuti; aliquando suas coniecturas, etiam scriptorum Codicum auctoritate destitutas, (quarum quidem in subiectis textui notis rationem reddit, testimoniis aliorum scriptorum firmatarum) in textum admisit. Quo vero melius cognoscere possis, AMICISSIME TRAVSOLDE, quam prudentem atque moderatum se gesserit Humanissimus *Taylorius*, specimen vnum et alterum, factarum ab eo emendationum, tecum communicare volui. In Oratione pro caede Eratosthenis pag. 18. haec leguntur verba: *Ακέετε ἄνδρες, ὅτι κεύει, εἰάν τις ἀνδραπὼν ἐλεύθερον ἢ παῖδα αἰσχύνῃ βία, διπλὴν τὴν βλάβην ὀφείλειν.* Hic semper pro διπλὴν legerunt διπλῶν viri eruditi. Hanc vero lectionem retineri non posse, in subiecta nota testimoniis aliorum Graeciae scriptorum comprobatur. *Gellius* quidem N. A. XI. 18. dixit: *Is in fures non mortis, sed dupli poena vindicandum existimauit.* Verum hoc rem non attingere ait. Ceteri enim vno ore. *Οἱ νόμοι περὶ τῶν ἀγῶν. ἀδικημάτων τῶν εἰς ἀργυρεῖς λόγων ἀνηκόντων ΔΙΠΛΗΝ τὴν ΒΛΑΒΗΝ ΟΦΕΙΛΕΙΝ* κεύουσιν. *Dinarch. contra Demosthenem.* *Ἡ ΔΙΚΗΝ εἰς τὴν ἀξίαν τῆ τελευτήσαντος ὑποσχέτω ΔΙΠΛΗΝ.* *Plato de LL. L. 9. ΔΙΠΛΑΣΙΑΣ ζημίας ἀξιοῖ.* *Thucyd. I. 86.* In Oratione de vulnere ex industria illato, pag. 90. ita *Lysias* inquit: *Καὶ τὴν μὲν ἀντίδοσιν δι' ἐκείνην, Φανερός ἐστι ποιησαμε-*

16. In editionibus vulgatis loco τῷ Φανερός comparet Φανε-
 ρῶς. Hoc vero tam aperte falsum esse affirmat *Taylorius*, ut
 protinus exclamare cogaris, vindicte aliquis ætutum haec in
 Barbariem, quam decet, καὶ εἰς ἄλλα λύματα βάλλε. Sed haec
 leui opera emendari posse, nosque, quo pacto, hoc fieri pos-
 sit, ex sequentibus admoneri monet. Ita vero in seqq. *Lysias*
 loquitur: Ἰν' ὅμῳ ΦΑΝΕΡΟΣ ἐγένετο ἐμοὶ ΔΙΗΛΛΑΓΜΕΝΟΣ.
 Et in *Simonem*: Διότι ΦΑΝΕΡΟΣ ἐστὶν ΕΓΚΑΛΕΣΑΣ ἑδέ-
 ποτε ἀργύριον, Et insigniter omnium maxime consentire docet
Demosthenem c. Mid. Οὐ μόνον δὴ πρὸς τῷ μὴ μετ' ὀργῆς ἀπέ-
 χει, ἀλλὰ καὶ ΒΕΒΟΤΑΕΤΜΕΝΟΣ ὁ τοιαύτος ΤΒΡΙΖΟΝ ἐστὶν
 ἡδὴ ΦΑΝΕΡΟΣ. In *Oratione de Aristophanis bonis ad aera-*
rium pag. 346. haec leguntur: Αἰσιοφάνης τοίνυν γῆν μὲν καὶ
 οἰκίαν ἐκτήσατο πλέον ἢ πέντε ταλάντων. Vulgatae editiones
 loco οἰκίαν habent ἑσίαν. Sed neminem vnquam tam genera-
 liter aut inaccurate scripsisse *Taylorius* iudicat. *Fundos et ἑσίαν*
mercatus est circiter quinque talentis. Hos enim fundos, et
 ea ipsissima quinque talenta fuisse ἑσίαν. *Vniuersas* enim fa-
 cultates eo nomine conclusisse Atticos iuris peritos; et Lati-
 fundia quidem, aedes, ceteraque huiuscemodi fuisse ἑσίαν Φα-
 νεράν: Mancipia autem, Vasa, Vestimenta, *Argentum* ἑσίαν
 ἀφανῆ. Quae, quum sint ipsa luce clariora, probatione haud
 indigere ipsi videntur. Scripsisse igitur existimat *Lysiam*, γῆν
 μὲν καὶ ΟΙΚΙΑΝ ἐκτήσατο πλέον ἢ πέντε ταλάντων. Inquit
 enim, *Aristophanes* ἐχορήγεσε drachmis 100, in *Trierarchia*
 ἀνήλωσε minas LXXX, in vestigalibus LX, in expeditione fi-
 cula C, in classe Cypria adornanda drachmas XXX, agrum ad-
 haec atque aedes mercatus est V talentis, et quod excurrit.
Aedium autem in hoc computo habendam esse rationem; quae
 superius leguntur, huius loco germana, docere monet *Taylor-*
ius. Ita vero ea se habent; Χαλεπόν, ὡς ἄνδρες δικασαί, τρα-
 γωδοῖς τε ΔΙΑΧΟΡΗΓΗΣΑΙ, ὑπὲρ αὐτῶ τε καὶ τῷ Πατρὸς καὶ
 τῶν ἑτῶ συνεχῶς ΤΡΙΗΡΑΡΧΗΣΑΙ, εἰσφορᾶς τε πολλὰς ΕΙ-
 ΣΕΝΗΝΟΧΕΝΑΙ, ΟΙΚΙΑΝ τε πενήκοντα μῶν πρᾶτα,
 ΓΗΣ τε πλέον ἢ τριακόσια πλέθρα κτήσασθαι.

Habes igitur, VIR CLARISSIME, quaedam emendationum, a *Taylorio* susceptarum, specimina. Ex quibus intelligere TE puto, quanta animi moderatione, quantove iudicio critico adhibito, ad eas accesserit Criticus hicce modestissimus. Qui critica pietate ductus, nonnullos paucos, quos lex edendi potius quam vlla dubitatio de emendationis fide adhuc in textu retinere iussit, quorum indicem in praefatione exhibet, retinere, quam temeraria audacia, qui Hypercriticorum mos est, suas emendationes substituere maluit. In interpretatione latina, quae integra *Taylorii* industriae debetur, de vulgata interpretatione parum fuit sollicitus, ideoque saepissime eam lectionem sequutus fuit, quae ex sola coniectura nasceretur. Ne vero hac ratione fraus quaedam lectori subesset, quaecunque ita vertit, ea ut litteris, quas cursivas vocant, discernerentur, sedulo curavit. Et quo ad orationes ipsas facilius pateret aditus, singulis orationibus argumentum breue quidem, attamen sufficiens, praemisit. Tandem utriusque editionis, quae suam praecessit, Aldinae puta et Stephanae, paginas orae suae editionis apponi curavit.

In notis, quas ad textum recensendum adhibuit atque imae paginae subiecit *Taylorius*, hunc observavit morem, ut neque lectiones solummodo variantes exhiberet, neque eas tantum lectionum discrepantias exciperet, quae ipsi notabiliores esse viderentur. Conspicies igitur in notis *Taylorianis* miram suavemque, et variarum lectionum, et rerum optimarum, egregie discussarum, varietatem. Mox criticum, iam historicum, nunc philosophum, rursus philologum differere videbis. Vbi vero scripti codices nihil quicquam suppetiarum tulere, resque diuinando agenda erat, eum modum seruandum sibi duxit *Taylorius*, quem a modestissimo humanissimoque Critico seruari fas est. Quare, quum aliquando diuinando textus fuit emendandus, coniecturas suas optimorum atque probatissimorum Scriptorum testimoniis firmare laboravit. Notis simul inseruit inedita quaedam, quae dudum ad oram exemplarium suorum alleuere *Iosephus Scaliger* et *Claudius Salmassius*. Exemplar, quo *Scaliger* usus est, olim ad *Edw. Bern-*

ardum, Professore apud Oxonienses celeberrimum, pertinuit, hodie vero in Bibliotheca *Bodleiana* asseruatur. *Salmasianae* vero notae, quas paucissimas esse lectorem merito conquestrum esse affirmat *Taylorius*, ex editione *Stephani*, quam Bibliotheca Academica *Lugduni Batauorum* hodie seruat, sunt desumptae. Denique ea, quae vel *Guil. Canterus*, in versione latina *Rhetorum quorundam*, *Basileae* 1566. fol. excusa, vel *Iacobus Palmerius* in *exercitationibus ad optimos fere auctores graecos*, *Lugduni Batauorum* 1668. in forma quadripartita euulgatis, vel denique *Muretus* in *variarum lectionum libris*, obseruarunt, consuluit, earumque rationem habuit.

Praeter lectiones varias, quas ex Codice manuscripto *H. Stephanus* depromsit, textum *Lyfiae* cum codice manuscripto olim *Segueriano*, postea *Cosliniano*, hodie vero *Sangermanensi*, conferri curauit *Taylorius*. Quod ille beneficium debet gratiae atque interuentui Viri praestantissimi atque humanissimi *D. Bernhardi Montefalconii*, quo, teste *Taylorio*, consentientibus omnibus verae eruditionis laude conspicuis viris, nemo has litteras felicius aut humanius adiuuit. Codex ille est membranaceus, in folio saeculo XVto exaratus; cuius quidem plenior descriptionem, a *Taylorio* suppeditatam, quum harum rerum notitia oblectari TE sciam, HVMANISSIME TRAVSOLDE, quin TEcum communicem, intermittere non possum. Amanuensis, *Taylorii* vtor verbis, qui hunc codicem descripsit, Graecae linguae imperitus, multa in lectione nouauit, et nonnullas voces barbaras admisit. Vocales ι , υ , η , $\epsilon\alpha$, $\omicron\iota$, $\omicron\varsigma$, item ϵ et $\alpha\iota$ saepissime immiscuit: quod fortasse non ex sua inscitia admisit, verum ex suo exemplari, quod descripsit, deriuare potuit. Iam pridem enim earum vocalium tam inter scribendum, quam inter legendum promiscuus erat vsus. In eo perpetuo fere exarantur $\epsilon\delta\upsilon\lambda\alpha\tau\omicron$, $\gamma\iota\gamma\nu\omega\sigma\kappa\epsilon\upsilon\iota$, $\epsilon\upsilon\epsilon\kappa\alpha$, $\gamma\iota\gamma\nu\omicron\iota\tau\alpha\iota$, $\epsilon\phi\theta\alpha\rho\mu\epsilon\upsilon\iota$, $\tau\epsilon\chi\iota\zeta\omicron\upsilon\tau\omega\iota$, $\upsilon\pi\epsilon\rho\beta\alpha\lambda\omicron\upsilon\tau\omega\iota$ etc. quae in aliis codicibus leguntur $\eta\delta\upsilon\lambda\alpha\tau\omicron$, $\gamma\iota\gamma\nu\omega\sigma\kappa\epsilon\upsilon\iota$, $\epsilon\upsilon\epsilon\kappa\epsilon\upsilon$, $\gamma\eta\gamma\nu\omicron\iota\tau\alpha\iota$, $\delta\iota\epsilon\phi\theta\alpha\rho\mu\epsilon\upsilon\iota$, $\delta\iota\alpha\tau\epsilon\chi\iota\zeta\omicron\upsilon\tau\omega\iota$, $\upsilon\pi\epsilon\rho\beta\alpha\lambda\omicron\upsilon\tau\omega\iota$ etc. Et similiter vbique fere desunt notae illae ΜΑΡΤΥΡΕΣ. ΨΗΦΙΣΜΑ.

ΦΙΣΜΑ. ΝΟΜΟΣ. ceteraque huiusmodi. Quanquam vero codex hic infra aetatem allegatam positus, et incuriosius aliquando descriptus sit, nihilo tamen minus optimae lectionis vestigium! expressum saepenumero eum seruare, ex iis, quae repraesentat *Taylorius*, patet.

Eiusdem praestantissimi *Montefalconii*, 'cui' placidam atque quietam senectutem TE mecum apprecaturum esse spero, adiutu id assequutus est *Taylorius*, ut oratio secunda, quae funebris est, collata appareat cum codice manuscripto membraceo, in eadem Bibliotheca asseruato, num. CCXLVIII. qui ad decimum saeculum facile assurgit. Hunc bonae frugis plenum, atque auctoritate summum, *Aeschini* praeterea orationes et epistolas, et *Syneſii* nonnulla complecti, *Eruditissimus Taylorius* docet. Eiusdem orationis exemplar MSC. asseruat instructissima Bibliotheca *Barocciana*, eadem fere et aetate et fide exaratum, quod cum editis quam accuratissime contuit *Taylorius*. Porro eiusdem orationis lectiones ex codicibus manuscriptis defumtas, et ad oram editionis *Aldinae* diligenter annotatas, *Taylorio* suppeditarunt Bibliothecae Cantabrigienses. Tandem in exterorum bibliothecis codices alia *Lyſiae* MSS. exstare docet *Taylorius*; quorum vero copiam, tametsi id sedulo operam dederit, se multum licet et prece et gratia enixum, tamen comparare non potuisse, merito conqueritur. Eam enim esse Germanorum nostrorum indolem comperi, ut, vix ac ne vix quidem aliis, si quos possident libos rariores eosque haud facile obuio, eorum concedant vsu. Quem morem non in priuatis tantummodo bibliothecis, sed in iis etiam, quae publicis sumtibus sustinentur, seruari, experientia docet. Quasi vero eum tantummod in finem erigantur bibliothecae publicae, ut gaudere ciuitatem hanc, publicis sumtibus exstructa bibliotheca, sciant homines.

Quae temporum iniuria reliquit *Lyſiae* fragmenta, haud minori cura, minorique studio collegit *Taylorius*. Haec

ad finem libri adiecta, aequae ac ipsas orationes, interpretatione latina notisque doctissimis instruxit: iisque indicem copiosum orationum deperditarum praefixit. Ipsum librum duplici indice ornauit diligentissimus *Taylorius*; altero auctorum antiquorum, qui in hac *Lysiae* editione emendantur; altero vocum, flexionum et constructionum. Caueas vero, DOCTISSIME TRAVSOLDE, ne indicem hunc consueti more, quo phrasae ordine alphabetico, nulla habita constructionis et flexionis ratione, coaceruantur; esse confarcinitum putes. Asseuerare TIBI potius possum, indicem hunc eo modo esse compositum, quo Scriptorum veterum, et in his Graecorum, indices confici volunt Musarum illae Deliciae, *Gesnerus* ὁ τάνυ, et *Ernesti*, Eruditissimus Vir, cuius in me fauorem et patrocinium maximi me facere, eidemque me commendatum amplius velle, scito, AMICE SVAVISSIME. Ne vero frustra saluam TIBI mouisse videar, unico atque altero specimine, quam praeclare hoc quoque indice non le *Lysia* tantum, sed de omnibus elegantiorum litterarum anatoribus, meritis sit *Doctissimus Taylorius*, declarabo. Vbi id a me antea monendum esse video, quod, duplicis generis heic exhibeatur index, vocum alter, alter regiminum. Neque omnes et singulae promiscue voces et constructiones in indicem coniectae sunt, sed eae tantummodo, quae Atticismum sapere vulgo perhibentur. Iam, pace TVA, VIR CLARISSIME, suppeditare specimen vnum et alterum mihi licet. Prodeat primum verbum *Ἀποκτείνω*, cuius haec exhibentur flexiones. Ἀπέκτενα. ἀπέκτενευ. ἀπόκτεινει. ἀποκτείναντα. ἀπεκτόνασι, pro quo vulgo in *Lysia*, sed male legi ἀπεκτείνανσι obseruatur. Ἀπεκτονέναι. ἀπεκτονώς. ἀποκτενῶντες. Vsurpant autem Technici in *perfecto* et *aoristo priori*, in *secundum* item, quod verum esse arbitratur *Taylorius*. ἀπέκτεινον vbi autem ἀπέκτειναν legendum videri monetur. Succedat constructionis exemplum, verbo *κινδυνεύω* demonstratum. Κινδυνεύειν περὶ τὸ σῶμα⊕ χρημάτων πατρὶδ⊕ καὶ πίας. ἀλλοτρῶν ἀμαρτημάτων. ὑπὲρ ἐλευθερίας· ἐτέρων δλείας. ἐν τοῖς σώμασι τοῖς ἑαυτῶν κινδυνεύσαντες. κινδυνεύω ἐπιγαγέσθαι.

Ut vero ex eo quoque, qui regimen sistit, indice vnum alterumque TE cum communicem iudustriae atque iudicii *Tayloriani* specimen, en vnum, in quo genitiui, quatenus pretii vel valoris casus est, regimen ostenditur. ἔπιπλα πλείων ἢ χιλίων δραχμῶν. πεντήκοις μὲν πρῶτα τιμήσασθαι δεσμῶ, ἀργυρεῖς ἱερὰ αὐτῷ τριῶν ταλάντων. Participii vice aduerbii positi exemplum alterum accipe: ἀσμένη μὲ ἐωρακυῖα. ἀσμενοὶ τὰς συμφορὰς ὀρῶσιν.

Ex his igitur, quae adhuc a me disputata sunt, intellecturum TE puto, TRAVSOLDE CLARISSIME, quam praeclare atque egregie de *Lysia* meritis sit *Taylorius*. Qui antea raro comparari poterat, atque cum ob ea, quae in textu obuia erant menda, tum ob typorum chartaeque immunditiam, cum taedio quasi quodam legebatur *Lysias*, cura, studio, doctrinaque *Taylorii* ita iam perpolitus est, ut ad eum evolendum atque perlustrandum non solum alliciaris, sed suavi quodam quasi tractu abripiaris. Quae quum ita sint, TE mecum Doctissimo *Taylorio* incolumitatem otiumque apprecaturum esse confido, quo, quem promisit *Demosthenem*, tanti Viri cura atque doctrina exornatum, legendi nobis, quam primum fieri potest, concedatur fortuna.

Ast non *Taylorio* solum, sed TIBI quoque, AMICE AESTVMATISSIME, illud solenne bene precantium FELICITER! aelamandum esse intelligo. In eorum hodie cooptaris ab Amplissimo Philosophorum Ordine societatem, quibus alios docendi atque erudiendi concessa est facultas. FELICITER igitur et TIBI, et Reipublicae litterariae hoc euenire iubeat Numen Supremum. Nosti, DOCTISSIME VIR, quanto contemptui litterae elegantiores hodie fere sint expositae. Intelligis, quod quantumue litteris minetur hic contemptus exitium. Virum igitur TE praesta, atque cura, labore, consiliis, litteras hasce humanissimas, quae mores emolliunt, ab interitu et contemptu osorum atque semidoctorum, quibus praeter nomen nihil cum Eruditis commune est,

vindicare strenue labora. **FELICITER**, quibus hodie ornatus es, honores Patriae eueniant dulcissimae, eoque contende, vt talem **TE** inueniant **PATRIAE PATRES**, qualem **TE** adhuc cognitum iudicarunt. **FELICITER** denique Amicis Tuis accidat noua haec honorum, quibus iam conspicuus es, accessio. Id age, eoque annitere, vt, quod in **TE** adhuc habuerunt, virtutis, quod sectentur, exemplum, porro sectari, amplisimis, quae virtutem comitari praemiis, quibusue **TE** a virtute ornari videbunt, excitentur. Ita vale, **VIR CLARISSIME, AMICE SVAVISSIME**, resque **TVAS** ex voto perage; me vero, **TVI** studiosissimum, amare, memoriamque mei Patronis atque Amicis Lipsiensibus, inprimis Magnifico **KAPPIO**, Viro de Academia Lipsiensi immortaliter merenti, Patrono nostro certissimo, commendare haud desine. Scribebam Hamburgi, XIII. Calend. Martii
A. I. G. MDCCXXXI,



III.

EPISTOLAE.

10 2 95



I.

INCLVTAE SOCIETATIS LATINAE
DIRECTORI SVMME REVERENDO
ATQVE EXCELLENTISSIMO
EPHORO CONSVLTISSIMO GRAVISSIMOQVE
SOCIIS SVA QVISQVE DIGNITATE
COLENDIS

S. D. P.

AVGVSTVS. WILHELMVS, COMES AB HOHENLOE
ET GLEICHEN.

Si meo res ageretur arbitrio, haberentque vota, quo caderent iam VOBISCUM essem, VIRI, SVMME REVERENDE CONSVLTISSIME, CLARISSIMI, SVAVISSIMIQUE, VESTRAM illam praeclaram facundiam, quae se iam veluti in publico quodam theatro profert, coram mirarer, et mixtus adplaudentium turbae fructum auribus oculisque caperem multo vberimum. Sane iam constitutus erat meus in Almam Ienensem reditus, gestiebatque animus, et SODALITIVM VESTRVM SPLENDIDISSIMVM coram salutare, et ipsam illustrem hanc Musarum sedem, in qua ante aliquot annos prima honestioris doctrinae veluti rudimenta posueram, cum incredibili voluptate, quam iam animo praecipere mihi videbar, aliquando reuifere. Sed ita se habent res mortalium, vt illis inconstan-

tia

tia nihil constantius esse soleat, et quam felicitatem pressis ve-
 luti manibus tenere putemus, ea momento elabatur, et quan-
 to maiore antea spe animum impleuerat, tanto tristius atque
 acerbius sui desiderium relinquat. Id equidem mihi iam acci-
 dit. Dum enim proxime instare videbatur Imperatoris futuri
 electio, Hala discedere me iusserunt Parentes Illustrissimi, tem-
 porisque spatium meo ad vos reditui antea consecratum itineri
 Francofurtum suscipiendo destinari voluerunt. Accedebant
 aduersae valetudinis, quacum mihi conficiendum fuit, ratio,
 et aquarum acidularum Deinacensium vsus, aliaeque satis ius-
 tae ac idoneae causae, quae hanc mihi voluptatem intercepe-
 runt. Quod itaque vnum restat spe illa deiecto solatium, vt
 litteris meis qualibuscunque vos absens compellarem, illud
 mihi diutius praetermittendum haud putavi. Vnde vero initium
 capiam, VIRI OPTIMI, et quae verba satis idonea reperiam, ad
 praeclarissima VESTRA in me merita non dicam exornanda, sed
 quodam saltim modo recensenda? Tanta enim est VESTRORVM
 in me promeritorum gloria, quanta praedicando satis exae-
 quari minime potest. Quid mirum ergo, quod tam incredi-
 bilis, tam inusitatus LAUDATISSIMAE CONSORTIONIS
 VESTRAE amor animo meo infideat, vt saepius ibi cogitatio-
 ne praesens sim, quo me corpore venire prohibet vis illa
 fatorum; qua rerum humanarum ordo feritur. Quemadmo-
 dum vero nulla re magis laetari soleo, quam VESTRORVM in
 me officiorum conscientia, singularisque VESTER in me ani-
 mus magno semper in numero ac pretio mihi fuit; ita pro-
 fecto non potui non eo vehementiore perfundi laetitiae sensu,
 dum insignes PRAESIDII honores huc vsque a VOBIS huma-
 niter mihi relictos cognoui, quo luculentiora VESTRAE in me
 voluntatis prolixissimae vestigia inde perspexi. Quum autem
 praeter spem omnem et expectationem euenerit, vt a MVNIS
 VESTRIS me plane diuulsum videam, adeoque Spartam haec-
 tenus mihi demandatam tueri amplius nequeam, officii mei omni-
 no exigit postulatque ratio, vt splendidum hoc munus mani-
 bus VESTRIS, vnde illud accepi, mente gratissima reddam;
 simul vero pro tot tantisque, quibus me haecenus vere prouo-
 castis,

castis, beneficiorum cumulis obstrictissimum me VOBIS lubentissime profitear. Accipite itaque amica fronte quaecunque hoc grati animi pignus, ac intimioris, quae VOBIS cum mihi intercedit, amicitiae monimentum. DEVM immortalem, bonorum omnium largitorem demissis precibus implorabo, ut conatibus VESTRIS honestissimis gratia sua constanter adspirer, VESTRAEQUE felicitati perpetuitatem addat; ita fiet, ut per vos. O! saeculi nostra decora, orbis litteratus diutius colustretur, atque humanior disciplina ex operis Vestris maiora in dies capiat incrementa. Quod reliquum est, de me sic existimetis, VOBISQUE persuadeatis vehementer velim, nil VOBIS tam promptum aut tam paratum fore, quam in omnibus rebus, quae quidem ad veram SOCIETATIS gloriam pertinere arbitror, operam, curam, diligentiam meam. Vivite fospites, O! MEI, sitis florentes, atque reipublicae litterariae commodo valere quam diutissime. Valete. Dabam

Ingelſingae a. d. x. Kal. Octobr. A. Sor.

clp lccc xxxl.



II.

ILLVSTRISIME
SOCIETATIS LATINAE PRAESES,
SVMME REVERENDE DIRECTOR,
CONSVLTISIME EPHORE,
SODALES OMNIUM ORDINUM ERVDITISSIMI.

Perquam honorificum mihi est iudicium de me VESTRUM, quo me dignum censuistis, quem in Societatem VESTRAM, latini sermonis, et elegantiorum litterarum vindicem, cum aliis viris longe doctissimis cooptaretis. Quam vellem, ut ego aequae, atque illi, ornato, splendido atque efficaci, non exili atque inculto hoc dicendi genere debitas gratias VOBIS possem persolvere, ne haberetis, cur opinionis de me conceptae vos poeniteret. Fateor equidem, me, ex quo instituendae iuuentutis muneri sum admotus, in animis eorum, qui fidei meae sunt concrediti, huius linguae, quam nemo solidioris doctrinae cupidus ignorare aut negligere potest, studium omni animi contentione excitare conatum esse; sed adeo mihi ipse numquam placui, ut me aliquid scribere posse crederem, quod ad veterum elegantiam propius accedat. Ornor itaque non magis, quam oneror iudicio illo de me VESTRO, quoniam necessitatem mihi imponitis annitendi, ut illud etiam constans efficiatur. Quod dum omni cura facere adlaborabo, rogo vos, ut conatus meos consiliis atque exemplis VESTRIS regere atque adiuuare ne dedignemini. Indulgeat diuina benignitas Societati VESTRAE, litterisque, quarum cultura ei cordi est, fautores, statoresque beneuolos ac potentes, qui labores VESTROS foueant, ut honore, et gloria, sine quibus bonarum artium studia iacent, perfruentes, ad rem litterariam amplificandam, ornandamque, alacriores semper accedatis. Valete.

ILLVSTRISIMO, SVMME REVERENDO. CONSVLTISIMO,
CLARISSIMIS NOMINIBVS VESTRIS

Hamburgi, Non. Octobr.
A. C. 1700. CCCCXXX.

deuinctissimus
IOHANNES SAMVEL MVLLER.
III.

III.

ILLVSTRISIME S. R. I. COMES,
 VIRI, SVMME REVERENDE, PRAENOBILISSIMI,
 EXCELLENTISSIMI, AMPLISSIMI,
 DOCTISSIMIQUE,
 GRATIOSISSIMI, OMNIQUE HONORIS CVLTV
 DEVENERANDI DOMINI AC FAVTORES,

Nec aliam mihi vmquam rem magis praeter spem atque expectationem accidisse, nec quidquam animum meum vberiore laetitia adfecisse, memini, quam quum nuper ex litteris SPAETHII nostri, adiunctoque Diplomate, Illustrissimo, Praenobilissimisque Nominibus VESTRIS condecorato, intelligerem, Inclutam Societatem Latinam, quae sub VESTRIS auspiciis, VIRI ac DOMINI, Illustrissime, Summe Reuerende, Praenobilissimi, Excellentissimique, Athenis propter Salam floret, me, nihil minus, quam ex tenuitate ingenii, tacitoque litterarum amore, aliquid fructus, vel amplitudinis sperantem, sibi Socium honorarium adscriptum voluisse. Quamquam enim cum ab ineunte aetate, tum prouectioribus annis omnia, quae ad humanitatem ducunt, studia magnopere in deliciis habuerim, huncque sensum maxime illi otio litterario acceptum referam, quo inter Musas Afranas, quae Misena ad Albim habitant, per sexennium fere commorari mihi licuit; rerum tamen mearum necessitate, et fati beneuolentia dicam, an inuidia? a cursu, quem mihi in Academia Lipsiensi, tenendum putaram, ex improviso abductus, et ex patria non tam in alium orbem, quam ad alia Iuris publici aequae, ac priuati negotia euocatus, ob hanc mihi impositam vitae et officii rationem, maximam illius felicitatis partem abesse dolui, quae ex familiari doctorum ingeniorum consuetudine, et elegantiorum litterarum commercio oritur, animosque incredibili dulcedine permulcet. Quem enim fugit, quantum nostro, quod viuimus,

R

mus,

mus, aeuo, toga pariter, atque sagum, omnisque rerum ciuili-um ac publicarum tractatio, ab illa Romanorum aetate discedat, qua viris in re publica principibus, et cum summo imperio, multum gloriae atque laudis deesse videbatur, nisi iustitiam, virtutem bellicam, aliasque excelsi animi dotes cum cultura ingenii, bonarum artium et Philosophiae studio, dicendique facultate coniungerent: quaque Ciceroni, Viro immortalis, cuius iuxta Nomina VESTRA expressam pro sigillo imaginem exosculatus sum, non tantum in Tusculano, quum se sibi vindicaret, totumque in litteras abderet, sed et maxime grauissimas res pro patria, pro clientibus agenti, in curia, in foro, pro rostris, pro tribunali, in exercitu, decentissime licuit esse erudito, ingenioso, disertissimo. Haec vero studia, quae ad indolem Reipublicae accommodata, Romanorum moribus adprime conueniebant, et nostris foris, magnarumque rerum administratione nisi penitus exulare iubentur; certe a quamplurimis nec adeo necessaria, nec tam publici saporis esse reputantur, vt relictis scholarum umbris adhuc cum iis familiariter consuescere, eorumque amorem profiteri, viro, vel natalibus, vel dignitate munerum illustri, integrum honestumque sit. Quis enim non ita genium aulae comparatum esse intelligit, vt, qui in ea versantur, contempta latini sermonis elegantia, omnem gratiam, omnemque morum vrbanitatem ex Gallica, Italicaque lingua aucupari, et, quasi repudiata matre, filias nec castiores illa, nec venustiores, deperire satagant? Quotusquisque eorum, qui forum sectantur; et causis, vel orandis, si quidem in ea, quae apud nos viget, litium tractandarum ratione huic vocabulo locus esse potest, vel iisdem decidendis, animum operamque addicunt, non satis doctrinae sibi adquisiuisse censet, si nomina actionum, et tritiores formulas iudiciarias memoria comprehendit, de tot Romanarum antiquitatum vestigiis, aliisque intermeratae Iurisprudentiae fontibus, parum, aut nihil, sollicitus? Quemadmodum autem huius rei causa in eo maxime posita esse deprehenditur, quod iuuenes, ingenuas artes, studiumque linguarum et eloquentiae, in scholis tantummodo habitare falsissime persuasi, ex iisque in Academiam proruentes hanc ingenii

ingenii culturam eo liberius negligendam, immo eiurandam duxerint, quo pauciores ante aliquot annos magistros inuenirent, qui bonas litteras ab isto exilio in Academiis reducere, et illas ad cuiuscumque aetatis et conditionis studia aptare, doctrina et exemplo conarentur; ita, dum, quae nostri saeculi felicitas est, litterae rursus caput extollere, et ex institutis in celeberrimis Academiis Societatibus litterariis, maiora in dies incrementa, maioremque dignitatem sperare coeperunt, hac ipsa re, qua singulae bonarum artium partes, et interiores recessus, collatis in commune consiliis, exemplisque praestantissimorum virorum, penitus excutuntur, nihilque vel intactum, vel impolitum relinquitur, non tantum iuuenili aetati, quod ad perpetuam exercitationem attinet, sed et omnibus aliis, in omni vitae genere, siue vtilitatem siue iucunditatem spectemus, egregie consultum esse, nemo facile infitias ibit, qui saltem leuiter perspectum habet, quantum humanitatis, splendoris atque auxilii litterae iuuentuti inspirent, quantaque animi voluptate viros etiam, grauioribus curis occupatos, inter medios eulae, fori, immo et armorum strepitus, ipsamque morosam alioqui senectutem, perfundere soleant.

Quam primum igitur de laudabili hoc instituto VESTRO certior factus sum; temperare mihi non potui, quo mihi et tacite vota mea cum publica laetitia consociarem, et Athenis Salanis de tantis, quae ex hac Illustri Societate in eas non possunt non redundare, commodis, omnibusque nobilissimo illo consortio dignis de tanta gloria impense gratularer: ne somno quidem monitus, fore aliquando, ut mihi, cum absenti, et a studiis Academicis ad alias plane res agendas euocato, tum nullis in rem litterariam meritis claro, aditus ad tot magnorum virorum Collegium vltro concederetur, qui fama eruditionis, et latini sermonis castitate conspicui, vel orbem litterarium scriptis suis illustrarunt, vel ex munerum ratione prouentum de litteris bene merendi occasionem nacti sunt.

Nunc vero, VIRI, Illustrissime, Praenobilissimi, Excellentissimique, quum ipse VESTRO nutu, VESTRA que benignissima voluntate, ad hanc militiam voluntariorum numero

conscriptus, me multum ex ea re cum existimationis, tum emolumentum caputurum sentiam; nec eximiam animi mei laetitiam verbis testificari, nec dignas VOBIS pro tanto favore gratias possum referre, quas quidem, dum spiritus hos artus reget, habeo maximas. Hac enim ipsa singulari humanitate, qua me immeritum comprehendistis, ad studia humanitatis, et ad illas litterarum delicias ita denuo reuocatus, excitatusque sum, ut, quamuis cum ob alia impedimenta, tum maxime ob ingenii imbecillitatem, huic honori debita officia referre, ceterorumque Sociorum, qui scribendo et meditando communi vtilitati student, vestigiis insistere nequeam, quaecumque tamen otium ex iniunctis laboribus lucrari, et quasi excipere, mihi licuerit, illud omne eo conferre constituerim, quo gratissima memoria huius in me collatae dignitatis, et insitus bonarum artium amor, iam sponte animum ingeniumque meum intendere iuber.

Ceterum nihil magis opto, quam ut mihi creberrima occasio contingat, Illustri VESTRO Collegio promississimam meam inseruiendi voluntatem ea alacritate adprobandi, qua certe omnia, quae ad illud pertinere arbitrabor, mea sponte ut primam officii partem implebo, et, si quid ignorem, de eo admonitus omnium studia vincam.

Adsit, precor, summum Numen consiliis et conatibus VESTRIS, ut eo semper successu gaudeant, qui cum vniuerso orbi litterario, tum singulis ex nobilissima hac Societate insignem fructum et incrementa sperantibus, incundissimus, felicissimusque sit, utque ex ea re in VOS ipsos, VIRI, Illustrissime, Summe Reuerende, Praenobilissimi, Excellentissimi, que, maiorem in dies gloriam, et amplitudinem, redundare videamus. Quod reliquum est, si me eo loco habere dignamini, quo Illustris Collegii VESTRI, et singulorum VESTRORVM Nominum studiosissimos habere soletis, nihil certe facietis, quod magis cum ea animi mei voluntate conueniat, qua dignitatem, eruditionem et merita VESTRA perpetuo veneraturus sum,

VOBIS

ILLVSTRISIME S. R. I. COMES, VIRI, SVMME REVERENDE, PRAENOBILISSIMI, EXCELLENTISSIMI, AMPLISSIMI, DOCTISSIMIQUE,

Scrib. Pappenheimii ad Almonum
d. VIII. Kal. Febr. A. O. R.
cl. MCCXXX.

demisso obsequio
omnique debita obseruantia
addictissimus

Wolffg. Georgius Welckius.

III. So-

III.

SOCIETATIS
IN INCLITA ACADEMIA IENENSI
LATINAE CELEBERRIMAE
PRAESES ILLVSTRISSE,
DIRECTOR MAGNIFICE, SVMMEQVE
REVERENDE,
EPHORE EXCELLENTISSE,
TVQVE EIVSDEM SOCIETATIS
AMANVENSIS NOBILISSE.

Mirarer sane, admiratio in hominem si caderet sapientem, VIRI EMINENTISSIMI, GRAVISSIMI, SPECTATISSIMIQUE, quod in splendidissimam VESTRAM SOCIETATEM et me, hominem nec nominis fama, nec ullis meritis VOBIS cognitum, Collegam honorarium adscribere dignati fuistis; nisi in orbe litterario constaret plerisque omnibus, id vnum vos agere, atque meditari, ut quae singularis et propria VESTRA humanitas est, et dexteritas, gratia, fauore et beneficiis neminem non mirifice condecoratis, et demereamini, praesertim quos communia VOBIS cum adamare et colere studia, eademque, qua par est, sollertia tueri et amplificare noueritis.

Et id TE, ILLVSTRISSE S. R. I. COMES, in primis studere et agere, haud perperam sane iudico, qui in summa et immortali gloria, quam non Martis modo, verum etiam Palladis studiis diuini Maiores TVI consequuti sunt, propriaque excelsae mentis indole in primo tenerae aetatis flore innumeris Illustriissimae sortis TVAE excellis aliis, et ALTAE instar FLAMMAE non nisi ad alta quaeuis, aut summa potius, contendis. Quamuis enim splendidissimae GENTIS TVAE in Latio, quod nonnulli volunt, Conditores, QVINCTIOS FLAMMINEOS, vrbis saepe numero Consules, Regumque victores, et quos in recentiori prosapia TVA in Italia admiramur, Ro-

mandiolae Marchiones, Caesarum Adfines, SIGEFREDOS, OTTONES, THEOBALDOS, alios, de ALTA FLAMMA omnes : in Germanis vero Ordinis Teutonici quondam Magistrum, EBERHARDVM, Praefulem GODOFREDVM, illudque belli, per XXX. et quod excurrit, annos in Germania, aliisque regionibus, acerrime gesti, fulmen, WOLFG. IVLIVM, Germanorum item Alcibiadem, GEORG. FRIDERICVM, omnes, quod dixi, GENTIS TVAE Heroas, quam felicissime aemuleris, eosque summo fauente numine, aequare, vel potius superare, contendas; ea tamen bonis ominibus foves ac prosequeris studia, quae sola et solidissima rerum magnarum fundamenta non tam habentur, quam re vera sunt.

Et nec alia quidem TVA mens est, MAGNIFICE HALBAVERE, SOCIETATIS DIRECTOR EXCELLENTISSIME, Fautor summe! Non est, quod hoc loco dicam, *Athenaci TVI florentissimi decus et ornamentum incomparabile*, de quam plurimis, quae et nostros ornant qualiscumque Bibliothecae forulos, ingenii TVI diuini monimentis, meritisque in vniuersam, sacram pariter, et ciuilem eloquentiam, immortalibus, quibus satis celebrandis nec ipse quidem sufficiat. Tullius. De summa TVA humanitate, qua cunctos, qui vel salutandi, vel discendi gratia, TE accedunt, mirifice complecteris, et demulces, cum ipso meo Ascanio loquuntur omnes, testantur omnes.

Denique et TVAM, EXCELLENTISSIME SOCIETATIS EPHORE, ECKHARDE, celeberrimi in eodem studiorum genere Parentis Fili, in ipso, quo gaudes, aetatis flore insigni honore longe dignissime, deueneror, exosculorque humanitatem, qua motus non consortio modo TVO, auro contra non caro, sed etiam amicitia TVA desideratissima, me dignatus ea.

Nec est, de TE aliter quod sentiam, NOBILISSIME MICHAELIS! ipsum certe clarissimum nomen TVVM non nisi eximia quacuis de TE sperare me iubent.

His et pluribus virtutibus VESTRIS, VIRI SUMMI, non mihi certe, tribuendum arbitror, quod Illustri Collegio VESTRO me adscriptum, et inclitis Nominibus VESTRIS confirmatum

matum videam, vna fortassis re, sed mediocri, VESTRA Societate non plane indignum, et ea quidem, quod a teneris, vt aiunt, vnguiculis, nihil adamaui, quod sciam, ardentius, quam linguarum, Graecae pariter, ac Latinae studium, inque scholis meis, quibus quadraginta amplius annos praesum, discentibus studiosius nihil, quam vtramque, quam dixi, linguam commendauit, et etiamnum, quoad eius fieri potest, quam diligentissime commendo: id quod vel vnus politissimus SPAETHIVS noster, Vir Iuuenis doctissimus, suo non minus testimonio, quam exemplo confirmabit. Hac etiam mente et animo in scholis meis posthac victurus sum, et emoriar.

Quod vero singulari humanitati VESTRAE, et beneuolentiae, qua maxime adducti in Illustrem ordinem VESTRVM me cooperastis, referam, haud sane suppetit. Pignoris loco sint, et piaae mentis testes, paucae, quae de latinis domi mihi supersunt, schedae: quas, meliora dum mittam, aequi bonique consulatis, rogo.

De cetero, ILLVSTRISIME S. R. I. COMES, PRAESES SOCIETATIS SPLENDIDISIME, TVQVE MAGNIFICE DIRECTOR, EXCELLENTISIME EPHORE, NOBILISSIMIQUE MICHAELIS, valete, et vt dignum me iudicastis gratia, fauore, humanitate et amore VESTRO, ita et benigne, beneuole, humaniter et amanter fauere pergite

ILLVSTRISIMI,
MAGNIFICI, EXCELLENTISIMI, CLARISSIMIQUE
NOM. VESTR.

Weissenburgi Noricorum,
ad d. IIII. Id. Iun. A. R. S.
CICCCCXXXVIII.

cultori deuotissimo, obsequiosissimo,
addictissimo, studiosissimoque,
M. IO. ALEX. DOEDERLINO,
Lycei Rectori.

V.

INCLITAE QVAE PROPTER SALAM FLORET
 SOCIETATIS LATINAE
 PRAESIDI ILLVSTRISSIMO,
 DIRECTORI EXCELLENTISSIMO,
 EPHORO AMPLISSIMO,
 NEC NON RELIQUIS EIVS SOCIIS
 OMNIUM ORDINVM AC DIGNITATVM HONORATISSIMIS
 S. P. D.
 IOHANNES ERHARDVS KAPPIVS,
 ELOQVENTIAE IN ACAD. LIPS. PROFESSOR.

Quo laetiora nobis esse solent illa, quae minus expectantur; eo iucundius mihi fuit VESTRVM de mea qualicumque Latine scribendi facultrate iudicium, FAVTORES OPTIMI. Adscripsistis me haud ita pridem numero Sociorum Honorariorum INCLITAE, quae apud vos floret, SOCIETATIS LATINAE. Quod quemadmodum mihi est honorificum; ita non possum non pro hoc eximio insignis VESTRAE in me benevolentiae documento gratias VOBIS agere atque habere summas. Quamquam autem ego omnibus, quae de incremento eruditionis augendo sollicitae sunt, Societatibus iustum pretium statuere solco: tamen, quo propius VESTRA SOCIETAS me, meumque attingit munus; eo maiora ei incrementa in dies a Praepotente Numine exopto. Si quid etiam in me erit, quo incrementa Societatis nostrae, quo emolumenta VESTRA, COLLEGAE HONORATI, amplificare poterō; de me persuasi estore, me illud semper libentissime esse suscepturum. Quod reliquum est, VIRI CLARISSIMI, res Societatis nostrae feliciter agite, barbariei, quam quidam minitantur, forti animo obuiam ite, laudesque, et praemia cum a nostra aetate, tum a grata posteritate certo expectate. Ita valete ex animi sententia, meque, quod faciris, amare pergitte Scribebam Lipsiae d. v. Id. April. A. R. S. cldcccxxx.

VI. VIRIS

VI.

VIRIS

MAGNIFICO EXCELLENTISSIMOQVE, GENEROSIS-
 SIMIS, CLARISSE. NOBILISS. AC DOCTISSIMIS
 SOCIETATIS LATINAE,
 QVAE SALANAM ACADEMIAM ILLUSTRAT,
 DIRECTORI,
 SOCIISQVE ORDINARIIS
 S. D. P.
 IOH. MICHAEL HEVSINGER,
 ILLUSTRIS GYMNASII GOTHANI PROFESSOR.

Et si primis ab annis constitutae praeclare SOCIETATIS
 VESTRAE, VIRI, MAGNIFICE, GENEROSISSIMI,
 CLARISSIMI AC NOBILISSIMI, animo et mente VO-
 BIS cum fui coniunctissimus, magnamque cum VESTRO labo-
 ris mei partem communi quodam Latinarum litterarum amo-
 re iam pridem sociatam habui; tamen, quum nulla adhuc te-
 standi in vos, et saluberrimum institutum illud VESTRUM,
 studii mei facultas oblata fuerit, vix nomen meum satis VO-
 BIS omnibus notum esse credidi. Hunc vero errorem facile de-
 pulerunt litterae, communi SOCIETATIS nomine superioribus
 Calendis ad me datae, humanitatis, mirificaeque in me bene-
 uolentiae plenissimae, quibus, nec prorsus VO-
 BIS me esse ig-
 notum, nec plane improbatum, prolixè significastis, dum
 communibus suffragiis VESTRI Collegii honore me dignati,
 idque misso SOCIETATIS decreto testati estis. Equidem, nul-
 lis in vos officiis, aut ingenii, doctrinaeque monumentis, tam
 honorificum de me iudicium VESTRUM adhuc me fuisse me-
 ritum, video, nec, parum admodum Latinis litteris praesidii,
 exiguamque pro SOCIETATIS VESTRAE dignitate eas adse-
 rendi, ornandi atque illustrandi facultatem in me esse, ignoro.
 Quia vero qualescumque in hoc studiorum genere conatus
 meos VO-
 BIS non prorsus displicere intelligo: etsi VESTRAE
 eloquentiae ne minimam quidem partem adsequor; honestum

R 5

tamen

tamen mihi non duco, VESTRAE in me voluntati, quam ostendistis propensissimam, refragari, et tam honorificum mihi consensum VESTRUM adspernari. Quare gratissimus, ac laetus etiam, quod datis, accipio, libenterque arctiori hoc necessitudinis vinculo VOBIS cum, quos iam pridem, tamquam praeclaros barbarici vindices, veneror, colo, amo, obstringi me patior, quam mihi et maximo decori atque ornamento, et ad alacrius, constantiusque agendam communium litterarum causam haud mediocri incitamento ac praesidio fore, spero et confido. Non dubito, quin opera, cura, industria, collatoque ad SOCIETATIS VESTRAE dignitatem studio et labore, in singulos officii atque obseruantia, id adsequuturus sim, ne VESTRI vos de me iudicii umquam poeniteat. Nec minus in edendo proxime specimine aliquo VESTRIS institutis, ac legibus, parebo, idque VESTRO iudicio eo libentius subiiciam, quod, si fortassis non satis fauerit Minerua mea, VESTRA lima id dignum effici posse scio, quod cum politissimis operibus VESTRIS legatur. Interea et litterarium aliquod munusculum parari a me poterit, quod de meo in vos animo restetur, et bibliothecae VESTRAE, quam instrui audio, possit adscribi. Quod superest, Deum precor, vt vos omnes, ac singulos, rei publicae, et litteris elegantioribus, barbarorum hominum conspiratione paene oppressis, diutissime seruet incolumes, ac florentes, et VESTRAM hanc coniunctionem et concordiam, futuris etiam saeculis profuturam, ita confirmet, vt plurima inde in rem publicam, eiusque seminaria, Academias ac scholas, commoda in vos vero ipsos fructus redundent vberissimi. Ego VESTRAE me laudis perpetuum fore praedictorem, consiliorum ministrum, laborum socium, profiteor. Hoc nomine VOBIS, PATRONI AC FAVTORES SVMMI, Academiae Ienensis decora ac deliciae, commendatum me habebitis. Valete. Dab.

Gothae Id. Octob. Clō Lccc xxxvii.

III.
INSCRIPTIONES.





I.

M. IO. ALEXANDRI DOEDERLINI
INSCRIPTIO

IN

AVGVSTISSIMVM INVICTISSIMVMQVE
PRINCIPEM AC DOMINVM
C A R O L V M V I I
ROMANORVM IMPERATOREM
AVGVSTISSIMVM.

L. B. S.

Effe rerum, earumque huius orbis omnium, Periodum
aliquam aeternamque nascendi et denascendi legem
coelitus datam,
quisquis oculos, et cum oculis mentem, per haec vniuersi
circumfert incerta,
videt et animaduertit luculentissime, clarissime.

Alia,

quae volubili orbe et ordine circumagi omnia et fati necessitas
et naturae voluit infirmitas,
omittas licet:

Summorum huius orbis Imperiorum mutationes, vicissitudinesq;
contemplare, meditare;
et Imperatores, et Reges, et Principes quoslibet potentissimos,
Heroes inuictissimos,
quorum augustum et venerandum terris nomen est,
ac potestas coelo cognata,
eundem cum quibusvis aliis Fortunae Fatique ictum subire,
mortalitatis, interitusque leges explere, perire, extingui,
cognosces, indignaberis, stomachaberis.

Pal-

quod planctu piissimum, quem habuimus, quem coluimus,
quem et in cineribus veneramur et aeternum venerabimur,
Imperatorem olim nostrum Augustissimum,
nunc desideratissimum,

largissimo lacrymarum imbrey dignissimum non existimemus;
sed, quod summus rerum Arbiter et Diribitor, qui regna
et imperia distribuit,
et cui vult dat, dicat, donat,
iustissimis, sanctissimis, ipsique soli,
quia solus Reges constituit,
notissimis de causis,

sic quidem in salutem orbis Christiani Fata disposuit.

Reddidit ille,

(vt de iactura amissi boni non nisi is queratur, lamenteturque,
quam, qui, quod ille reddiderit, cum ignarissimis ignorat,)

reddidit, quod amissimus,

thylaco, ceu aiunt, ditissimo, plenissimo, exuberantissimo.

CAROLVM amissimus Imperatorem,

CAROLVM bonis omnibus benignissimum Numen nobis
reddidit.

ALBERTVM addidit,

vt summam CAROLORVM virtutem ALBERTORVM auctam
orbi terrarum ostentaret.

Primam Alphabeti litteram non locum modo primum, sed et
principis nomen sortiri, adeoque ceterarum agmen ducere,
patres docent recutiti.

Omen in re pulcherrima est.

Abstrusorem illam rerum arcanarum scientiam, Cabbalam,
quam dicunt,

qua ex litterarum positu et numero nasutiores Iudaeorum

Futura produnt, nostram quidem non facimus:

Est tamen non spernendum oraculi, nescio, cuius effatum,
quod percunctanti olim:

ECQVIS CAESAR ERIT? REGNI QVIS SCEPTRA
TENEbit

ORBIS ROMANI? DISCERE RITE VELIM!

scite

scite regeslit :

ECCE ALPHABETI VEL PRIMA ELEMENTA DOCE-
BUNT,

IMPERII REGIMEN QVIS SVBITVRVS ERIT.

Quibus clauem addo:

Priorum Alphabeti Litterarum quinque,

Littera C media est, medio tutissima, quae TE

Exhibet et nobis CAROLE Boie! notat.

Prima Elementorum ALBERTVM notat omine Fausto,

ALBERTI Tritaui, qui TIBI Regna dedit.

Altera B signat Maiorum Boica sceptrā;

Quinta ELECTORIS; D docet arma DVCIS.

Quid?

quod et ipsum Augustissimi nostri auspiciatissimum Nomen,
CAROLVS ALBERTVS DVX BAVARIAE,
REX ET IMPERATOR.

Annum Epochae solennissimae Electionis pariter
et Inaugurationis auspicato docet.

Genus Austriorum qui ex Primaevus arcessunt,
per Feminas Principes ad Carolum illum Magnum, qui primus
Imperii Romani Maiestatem ad Germanos transtulit,
ducunt.

Laudamus virorum doctissimorum in stemmate Gentis Austriae
gloriam ex materna Profapia illustrantium pios conatus.

Qui Bauarorum genus ex ipsius Virtutis Stirpe fuisse generatum
contendunt, falli et fallere sane crediderim.

At qui Bauariae Principum ortum per viros Heroasque Principes
gloriosissimos ad illam Profapiam Carolinam splendidissimam
cum optimae notae fideique Historicis, referunt,
operam haud sane perdunt.

Maior Maiorum per Mares propagati stemmatis splendor
et gloria.

Amisimus vero, aiunt, in D. CAROLO VI. Principem, qui in
Augustissima Gente sua XVII. Imperii Romani Caesares,
Virtutum et rerum gestarum gloria immortales,
enumeravit.

Magna

Magna res et mira!

Nullus quippe, quotquot Romani orbis sceptrā gesserunt,
Imperatorum, Principumque,
eundem Posterorum, qui pariter omnes Maiestatis Caesaræ
purpuram condecorarunt, implevit numerum,
totidem commemorando Gentis suæ decora.
Boii soli sunt, qui non impari Heroum summorum
exsplendescunt numero.

Reges, quæso, connumera ex AGILVLPHT, aut, si mauis,
GARIBALDI I. sæculi VI. Bauariæ Ducis,
Gente illustrissima,
Italiae, quam dicunt, Longobardicæ.

Adde et Reges Baiuariæ ex stirpe Agilofingica in Germania
Trans-danubiana.

Adde, sis, præterea Reges Hungariæ, Daniæ, nunc et Bohemiæ,
(antiquissima Boiorum ab iisdem nomen sortitæ, sedē,) 21
ex eadem Gente splendidissima prognatos.

Adde denique ex felicissima ista Prosapia recentiore creatos
IMPERATORES in æternum celeberrimos,
LVDOVICVM IV. Quintum vulgo dictum;
quique sæculi XIV. Caesarum agmen feliciter clausit,
RVPERTVM Palatinum, natione etiam Bauarum;
Et, qui tandem instar Regum in Germanis sunt,
summos Germaniæ Proceres ex Gente Bauara,
Electores

Bauaricos, Palatinos, Brandenburgicos.

Numerum certe colliges Heroum Bauarorum
Austriacis non inferiorem, antiquitate longe superiorem.
Nec, si summos Ecclesiæ Præsules, ex Bauaris, commemoraueris,
Clariores minus et pauciores, quam Austrii habent,
collegeris, laudaueris.

Virtutes et Merita
aureæ Gentis Austriæ

si, quod par est, æternæ memoriæ tradideris,
in Gente etiam Bauarica totidem tibi non deerunt, sæculis,
S si qua

si qua futura sunt,
aeternis tradenda et adamantinis insculpenda tabulis.

Pietate et Iustitia fieri Deos,
hoc est:

Summum inter homines conscendere homines fastigium,
Deique vice in terris fungi,
Oraculi vox est.

Pietatis Exempla ad rem pulcerrimam probandam, firmandam,
plura, quam opus est, in Principibus Bauarorum, suppe-
runt luculentissima.

Vinculum Societatis humanae, Iustitia,
quae unicuique suum, et id quidem in tempore, tribuit,
si quo loco regnat et floret, in Foro Bauarico regnat floretque.

Fortitudo togata aequae ac sagata;

Prudentia, qua sine omnis claudicat virtus;

Rebus in arduis Constantia;

In exequendis Consiliis maturitas, sollersque Grauitas,
et quae huius generis Virtutes magnos decent Principes aliae,
vbi, quaeso, conspiciuntur, quam in Bauaris,
clarius, illustrius?

Nil datur auribus: Exempla loquuntur.

Iam quid de Magnificencia summorum Principum,
quid de regio Aulae splendore, Maiestate Imperatoria
dignissimo, commemorem?

quid de victoriis, a Turcis in primis, felici Marte reportatis?

quid de Foederibus cum maximis Principibus initis,
et religiosissime cultis, seruatisque;

deque Meritis Caesaribus et Imperio praestitis, minus digne vt
 plurimum remuneratis, loco tamen suo et tempore remunerandis,
 dicam amplius?

Quid denique de Monumentorum, Palatiorum, Aedificiorum
publicorum, Hortorum, Fontium, Statuarum, earumque
antiquissimarum, Marmorum, veterumque et recentium

Imaginum exquisitissimarum, pretiosissimarum,

non admirando, sed stupendo,
splendore, fulgore, nitore?

Tem-

Tempus deerit et scribendi locus, ne dicam dicturo omnia,
dicturo de multis paucissima.

Summatim dixisse sufficiat:

Augustissimum notum Imperatorem nostrum,
Caesarem nostrum,

CAROLVM VII

ortum et prognatum Gente

Antiquitate, dignitate, rerum gestarum gloria,
splendore, et quod maximum est et palmarium;
Virtutibus, Meritisque,

in vniuersa Germania antiqua, media, moderna,
secunda alii nulla, plerisque omnibus superiore;
et Ipsum adeo summum nunc Principem nostrum,

CAROLVM nostrum Bauarum,

Pium, Iustum, Felicem,

omnis priscae Maiorum Gloriam non Heredem modo,
sed compendium, complementumque,

non ad fastigium duntaxat rerum omnium summum,
sed ad ipsa tolli sidera,
omnino fuisse dignissimum.

Quem

Rerum supremus Arbiter, DEVS ter Optimus, ter Maximus,
cum summo summi Herois Ascanio,

Iuuentutis Principe Regio,

CAROLO MAXIMILIANO,

in salutem Reipublicae Germaniae nato,

fatum, rectum, aeternum vt seruet, sospitet, tueaturque,
votorum nostrorum omnium summa est.

P. P. ad d. VI. Id Febr. A. R. S. M DCC XXXXII.



II.
ILLVSTRISSIMI PRAESIDIS
AVGVSTI WILHELMI COMITIS AB HOHENLOE
ET GLEICHEN
INSCRIPTIO
SEMPITERNAE MEMORIAE
E V G E N I I
CONSECRATA.

Adeste
Quotquot virtuti ac prudentiae iustum statuitis pretium
Adeste

Pios manes qua decet veneratione prosequimini

Principis

Qui dum in viuis esset

Summis ornamentis

Honoris

Fortunae

Virtutis

Ingenii

Praeditus fuit.

Fuit eheu

fuit

Dum in viuis esse desiit

Absens tamen adest

Mortuus viuuit

Viuuit fama et meritis

E V G E N I V S

Dux Sabaudiae ac Pedemontium

Sacratissimi Imperatoris Romani

a Consiliis sanctioribus

Summus copiarum Imperatoris atque Imperii Praefectus

Heros toga sagoque inclitus.

Is enim exstitit Princeps
Qui non modo eorum qui nunc sunt gloriam
Sed etiam antiquitatis memoriam
Omnium virtutum laude longissime superavit.
Bellandi fortitudinem qua excellebat incredibilem

Ornabant et commendabant

Aliae virtutes mansuetiores

Magna innocentia

Inusitata omnibus in rebus continentia

Rara fides

Mira comitas

Insignis humanitas.

Difficile dictu est

Vtrum hostes magis virtutem eius pugnantes timuerint

An mansuetudinem victi dilexerint.

Non eum auaritia ab instituto cursu

Ad praedam aliquam auocauit

Non libido ad voluptatem

Non amoenitas ad delectationem

Non denique labor ipse ad quietem.

Probe ille fuit memor

Fortiorem esse qui se vincat

Quam qui validissima moenia diruat

Nec eum posse exercitum continere

Qui se ipsum continere

Animum vincere

Iracundiam cohibere

Victoriam temperare

Non didicerit.

In eo fuit

Incredibilis rei militaris scientia

Singularis virtus

Maxima auctoritas

Egregia fortuna

Virtutes belli duce dignissimae

Labor in negotio

Fortitudo in periculis
Industria in agendo
Celeritas in conficiendo
Consilium in prouidendo
Istae fuerunt in hoc vno omnes

Quae

Si in reliquis sui ordinis hominibus essent singulae
Iisdem admirationem conciliarent
et venerationem.

Quamuis ancipiti subinde contentione esse districtus
Magno tamen animo semper fuit et excelso
Non in illo temeritas cum sapientia mixta
Nec ad consilium eius casus fuit admissus.
Ex singulis proeliis victor ac triumphator abiit
Vinci vero plane nesciuit

Quum tristes belli euentus numquam fuerit expertus.

Ad bella conficienda

Diuina quadam sorte natus

Et hominum generi concessus videbatur.

Eius semper voluntati

Non modo Imperator ordinesque Imperii adfenserunt

Socii obtemperarunt

Hostes obedierunt

Sed etiam fortuna ipsa obsecundauit

Quoties in maximo et crudelissimo bello

In quo omnis fortuna reipublicae disceptabat

Auspiciis eius faustissimis

Felicissimo omine

Fuit dimicatum.

Testes sunt gloriae eius

Tot nationes terrore ac metu vel sola praesentia eius percussae

Tot funera urbium magnis copiis oppressarum

Tot quae sepulta iacent oppidorum cadauera

Tot prouinciae debellatae

Tot pugnae innumerabiles

Tot incredibiles victoriae

Tot

Tot tropaea
Tot monumenta.
Satis sibimet ipsi
Satis naturae vixit
Satis gloriae
Et patriae quod debebat soluit
Et naturam ipsam satietate viuendi expleuit.
At quassata respublica nostra
Morte eius acerbissima
Multa perdidit
Et ornamenta dignitatis
Et praesidia stabilitatis suae.
Gloria tamen eius est illustris et immortalis
Peruagata multorum et magnorum
Vel in rem militarem
Vel in patriam
Fama meritorum
Posteritatis memoriam exaequabit
Quae Principem summis atque infimis carum
Belli ducem omnibus numeris absolutum
Imperatorem et commilitonem
EVGENII nomine est definitura.



III.

PIETATIS OFFICIUM
DIE NATALI
ILLVSTRISSIMI COMITIS AC DOMINI
AVGVSTI WILHELMI
S. R. IMPERII COMITIS AC DOMINI
AB **HOHENLOE ET GLEICHEN**
ET RELIQA

FAVSTIS AVSPICIIS
D. IIII. ID. MAII A. CDO MDCC XXXVIII
REDEVNTE
TENVI HAC INSCRIPTIONE
PRAESTITVM

^A
M. IOHANNE VALENTINO BRIEGLEB.

Salue

AVGVSTE WILHELME

Atque iterum salve
Domine Benignissime
COMES

Summo Natalium splendore
Et virtutis gloria hereditate quasi TIBI relictæ
ILLVSTRISSE.

Iucunda TIBI est atque illustris
Quæ diuina adspirante gratia
Fortunaque meliore benigne comitante
Omnibus prosperitatis generibus.

Reuertit lux natalitia
ATE saluo et sospite celebranda
Iucundior atque illustrior eo ipso die
Quo propitium rebus humanis Numen
TE primum indulxit terris.

Non enim viuere sed valere vita est
Et salutis certa lætitia

Nascen-

Nascendi incerta conditio
 Sine sensu nascimur
 Cum voluptate prosequimur
 Diem

Qui feliciter reuertitur natalem.
 Laetitia voluptate addiuntur Musae
 Et quotquot haud fucata
 Qua sanctissimum Numen colis
 Pietatem

Et quae perpetuis exercitationibus altissimas radices egit
 religiose agendi consuetudinem admirantur

Quotquot virtutum TVARVM
 Quibus reliquis mortalibus antecellis
 Praestantiam conspiciunt

Quae sane maiores sunt
 Quam ut eas vilius ingenii vires praedicando possint exaequare
 Plaudunt et congratulari certant

Ac tantae laetitiae auctorem Deum concelebrant.
 TVORVM enim Natalium splendore qui illustratus fuit dies

Quibus gaudiis quibus votis
 Quibus pro salute TVA precibus
 Eum non par est celebrari?

TV enim fulgentissimum saeculi nostri sidus
 Immortale nostrarum Athenarum decus

ILLVSTRISSIMI PATRIS
 Amor ac delictum

In optimum aevi nostri omen
 In Musarum castris per decora certamina

DECORA PATRIA aemularis
 Et indefesso studio virtute summa
 Ad virtutis insignia contendis.

Taceo bona corporis
 Quae licet benignitate diuina
 Et natura faultrice

TIBI obtigerint praestantissima
 Tamen ut stellae in radio solis

Sic ea in virtutum TVARVM splendore

Ne cernuntur quidem.

Atque adeo gloriae TVAE

Quae ob illustrissimam nascendi conditionem est amplissima
Accessiones in dies facis cumulatissimas

et

GENTIS TVAE ILLVSTRISSIMAE

expectationem

Non solum sustines

Verum etiam superas

Felicissimoque augurio locum facis

Futurum

Vt radiis TVIS aliquando illustretur orbis

Ac per TE floreat et ornentur

Aulae Principum Europae

Publica denique salus

Per TE validissime suffulciatur et conseruetur.

Quisquis nostro aevo

In utramque partem miro adplausu disputata

Pertinax negat miracula

Desinet negare

Si TVAS intueatur virtutes

Exempli raritate miraculo pares.

Macte his virtutibus

ILLVSTRISSIME COMES

Ad omnem grassare gloriam

Nullis vmquam saeculorum finibus terminandam.

Viuas

ILLVSTRISSIME COMES

et valeas

Deus Optimus Maximus

Fata fatis laetissimis addat laetiora

Viuas Deo

Viuas reipublicae

Viuas felix

Viuas diu.

III. SVM-

III.

S V M M O S
IN PHILOSOPHIA HONORES
VIRO
CLARISSIMO
ELIAE FRIDERICO
SCHMERSAHL
DANNEBERG. LVNEBURG.
NOMINE SOCIETATIS
QVAE HIC FLORET
L A T I N A E

FAVSTOS AC PROSPEROS ESSE IVBET
IOH. MARCVS SPAETHIVS
PAPPENHEIMENSIS
EIDEM SOCIETATI ADSRIPTVS.
IENAE AD D. III. CAL. IANVAR. A. O. R. cld lccc xxxx.

Quisquis es
Qui litterarum studia celebras
Infesta arma procul abiice
Et lituo permixtum tubae sonitum
Auerfare.

Quic-

Quietae sunt Musae
 Oriumque Amatoribus suis commendant
 Negotio omni felicius.

Se ipse laedit
 Qui alios laedit
 Aut gladium
 Non rei militaris

Sed litteratae nobilitatis infige
 Ita gerit

Vt elingues lapides loqui cogantur.
 Multo ferociores adfunt hostes

Quos vincere et profligare
 Maximum quidem requirit laborem
 Sed maiorem opera fructum.

Certo pollicetur.

Oppugnandae sunt segnitie inscientia et *Philautiae*

Refrenandae voluptatum illecebrae

Et graues illae cordationum hominum aduersariae

Inuidia atque obtreectatio

Forti animo superandae.

Nam tum demum

Externos hostes frangere et domare

Poterimus

Si prius de nobis ipsi triumphauerimus.

Te certissimum testem profero

CLARISSIME SCHMERSAHLI

Qui in celebratissima hac virtutis et sapientiae palaestra

Post peracta eruditae militiae certamina

Iam praemia reportas

tanta victoria haud indigna.

Vecordi illi ardelionum socordiae

Qui aut semisomni in diem vivere

Aut multum agendo nihil agere consuevere

Laudatissima TVA virtus

Eo magis restitit

Quo minor in disciplinarum studiis

Cunctatorum est existimatio.

Bar-

Barbariem et incitiam

Incredibili partim ingenii magnitudine
Partim vero indefesso in litteris viuendi ardore
Ita debellasti

Vt cum exquisita eruditione bonam mentem
Et cum singulari doctrina insignem quamdam facundiam
Arctissimo vinculo coniungeres.

Quum porro illi

Qui stultis eruditi videri volunt
Stulti eruditus videantur
Omissis rebus proletariis

Quae popularem tantum habent admirationem
Ad recondita et sublimia quaeuis
Haud inuita Minerua adspirasti.

Et vt nimium illum sui ipsius amorem
Vel idcirco ex mente TVAE extorsisti

Quod omnibus aliis displicent
Qui sibi ipsi nimium placent

Sic perniciosus quoque cupiditatum lenociniis
Aures TVAE numquam patuere

Quum recte semper existimaris

Nisi qui virtutem in animo et oculis ferat
Sapientem esse neminem.

Hac ratione

Ad virtutis insignia maxima virtute contendens
Maleuolorum oculis spectatior euasisti

Et incorruptis

Sapientissimorum Prytanei nostri doctorum
Suffragiis

Summi in Philosophia honoris

Nomen non magis quam ipsum honorem adeptus es,
Felicem TE

VIR CLARISSIME

Qui hac tempestate

Qua abundantes doctoribus doctos desideramus
Honores ex merito TIBI decretos

Magis condecoras
 Quam ab ipsis condecoraris.
 Felicem

SOCIETATEM LATINAM

Cuius famam et gloriam
 In dies magis magisque exsplendescentem
 Eximia TVA politiorum litterarum scientia
 Postero quoque tempore
 Amplificare non desistes.

Quapropter nemo non bonus bene TIBI ominatur
 Et posthac futura laudum TV ARVM incrementa
 Laeto mentis augurio
 Praecipere sibi viderur.

Macte ergo virtute esto
 ELEGANTISSIME SODALIS
 Et curae TIBI semper habe
 SOCIETATEM LATINAM

Quae vna eaque solemni omnium voce
 Priscum illud TIBI adclamat
 FELICITER.



V.

C A R M I N A.

1

2

3

4

5

6

7



I.
PIETAS
IMMORTALI MEMORIAE
INVICTISSIMI
IMPERATORIS
CAROLI VI.

ROMANI IMPERII SEMPER AVGVSTI, GERMANIAE, HISPANIAE,
HVNGARIAE, BOHEMIAE REGIS, ARCHIDVCIS AVSTRIAE,
DVCIS BVRGVNDIAE ET SILESIAE, RELIQA,

IN
IOHANNI HAMBVRGENSIS
AVDITORIO MAIORI
PRAESTITA

A
IOANNE SAMVELE MVLLERO
RECTORE.



I
nuicti CAROLI, quo non praestantior alter
Romani Imperii praeses servator honesti
Iustitiaeque fuit, quem nuper regia coeli
Perpetuo clarum virtutis honore recepit,
Res memorare iubet pietas. Qui nostra voluptas
Maxima vivus erat, dubiis nunc rebus acerbo
Ereptus fato, fit maxima causa doloris,
Maxima fit gemitus. Humiles ne spernite lau-
des,

AVGVSTI Manes! Decora immortalia fas fit
Tangere, et e multis aliquot depromere facta.

T

Quam-

Sollicitat pretiis animos et munere palpat,
 Fraudibus inuentis alias superaddere fraudes
 Haud cessat, donec tandem fabricantur iniquae
 Hae testamenti tabulae, quibus hostis Iberi
 Nominis in CAROLI titulos et iura vocatur.

Exarsere faces belli. Vt iuuenilibus annis,
 Viribus exsuperans nec non virtute feroci
 Bellatrix aquila, et rostro aequae ac vngue volantum
 Iam metuenda gregi, celeri super aethera lapsu
 Attollit sese, atque indignans fertur in hostem,
 Qui praedam eripuit, nidosue inuasit auitos;
 Sic CAROLVS, patrios fines atque arua relinquens,
 Difficili terras et lata per aequora cursu
 Tendit in Hesperiam, belloque et fortibus armis
 Hostem persequitur, promtusque ad munus vtrumque
 Militis atque ducis, populos vrbesque reposcit.
 Hispani iustae causae patriaeque fauentes
 Plausibus excipiunt venientem, legibus vltro
 Subiiciunt sese, et regem laeto ore salutant.
 His vt consuleret, quos non haurire labores
 Ille est aggressus! quam seruantissimus aequi
 Iura dabat populis! His sese credidit vnus
 Natum, non soli sibi, nec feruentior aetas,
 Flexilis in vitium, praeclaris obstitit ausis.

Qualis saepe noua nimium dulcedine captus
 Aurigae munus sedemque inuadere tentat,
 Et sibi concessum iuuenis moderamen equorum
 Incautus gaudet, pronusque effundit habenas,
 Nec stimulis parcens nec voci, incendat vt acres,
 Et iam sponte sua nimium properare volentes
 Quadrupedes. Manifesta rotae vestigia linqunt
 Hi tritamque viam, et rapido enituntur anhelu
 In montes cursu. Tunc per praerupta ruentes
 Aurigam excutiunt curru, lorisque retentum

Corpus, mox foede laceratum spargitur aruis.
 Talis et haud raro regnorum fraena capeffens
 Non feruare modum nouit finesque tenere,
 Non sibi, non aliis rector praeesse; sed omnes
 In partes trahitur, coecae quocunque libido
 Mentis cum stimulis ingensque potentia raptat,
 Quam propria tandem luit imperiique ruina.
 Fortunate animi Carole, haud te blanda voluptas,
 Haud te laeta malis alienis inuidia, haud te
 Vicinos fines vastandi dira cupido,
 Haud bellatoris ventosi gloria inanis
 Abstulit in praeceps; populis impendere vitam
 Officiumque sequi, tua vita et secta fuere,
 Conscia nec lenes turbarunt pectora somnos.
 Vnica tam rara merces virtute reperta est
 Digna, pari coniux virtute insignis ELISA,
 Clarae Guelphorum stirpis generosa propago,
 Laetitia socia, et curarum dulce leuamen,
 Austriacae genti Natas diademate cinctas,
 E regnatos mox suffectura Nepotes.

Vrbs antiqua iacet duplici firmissima muro,
 Celsisque aggeribus, cunctis et rebus abundans,
 Barcino, romanis iam concelebrata vetustis,
 Haec belli placuit sedes, hinc mittere partes
 Auxilia in varias, quo res tempusque requirat.
 Hostis ut hanc totam, qua terra cingitur, urbem
 Claudat, ab extremis perducit brachia castris
 Ad pelagum, atque mari illam claudit gallica classis.
 Concutit excelsos urbis iam bellica muros
 Machina, sulphureos quae faucibus euomit ignes,
 Infestasque faces, piceaeque volumina flammae,
 Terribilesque globos ingenti pondere saxi.
 Hi veluti rupes, quam summo monte reuulsam
 Proiicit impulsus ventorum, cuncta ruentes

Mole sua frangunt, solido et fundamine quassas
 Euertunt aedes, vt terra fragore tremiscat.
 Horrifico, et strepitu turbata remugiat aura.
 Tum vero volitantum hinc illinc ingruere imbrem
 Telorum, ardentesque vident vbi stridere glandes,
 Et laceros vstosque artus, auulsaeque saxa,
 Disiectas moles, et recta cadentia, mille
 Vulnera, mille neces et mortis mille figuras;
 Tunc procures adeunt CAROLVM, bellicque Senatus,
 Iam satis exhaustum est, inquit, rex magne, laborum,
 Sat laudis partum est, animae sat prodigus eius,
 A qua tot pendet populorum vita, fuisti.
 Hic nihil est tutum, planctu miseroque tumultu
 Omnia miscentur; coecos penetrare recessus
 Nil prodest, secreta loca occultaeque cauernae
 Mortem non arcant; crebro repetita sed illas
 Fulmina perrumpunt latebras, et terra dehiscens
 Obruit inclusos, avidoque absorbet hiatus.
 His decede locis! Fatis quis quaeso superstes
 Esse tuis poterit? Tam sacuo a Marte remotum.
 Si te nouerimus, tunc demum haec moenia nobis
 Intrepida prorsus defendere mente licebit.
 Is vero regerit: Sic virtus nostra fidesque
 Vobis perspecta est? Numquid mihi tutius vnquam
 Vos, quam militibus, quam ciuibus esse putatis?
 Stat mihi, fulminibus tantis tantaeque ruinae
 Non absens potius praestare caput volo, Vestra
 Non satis est tutum absentemque audisse pericla,
 Aspiciam praesens discrimina, et ipse subibo.

Haec fatus vallum ingreditur, quod scandere tentat
 Hostis, et impavidus per flammam fertur et enses
 Oppositos CAROLVS. Monitu ruit actus in omne
 Intrepidus ciuis fatum. Ceu surgit in iras
 Irreritus aper vastaque indagine cinctus,
 Igné micant oculi, spumans et saeuit aduaco

Dente, equites et equos et multa strage molossos
Disiicit, et casses, positarum et lina plagarum
Vi magna rumpit; Sumtis sic acer in armis
Et clausus ciuis fremit, ac diuendere vitam
Hostili minimum vult sanguine, spemque salutis
Vna re quaerit, nullam quaerendo salutem.
Nil gladios globulosque timet, vi saepius vsus,
Quondam etiam tacitae per amica silentia noctis
Se promens latebris, oppugnantoribus ingens
Damnum infert. Magnus furor additur hisce, nec vllum
Telorum interea cessat genus, integra pubes
Succedit fessis, et inundant sanguine fossae,
Gallorumque rates flammis ad moenia iactant.
Denique subsidio pressis venit anglica classis,
Aufugiunt hostes, et ab obsidione recedunt.
Laetitia illius quis tandem fando diei
Audeat exprimere? aut aequare ea gaudia dictis?
Pandere nunc portas iuuat, atque excedere claustris,
Littus desertum atque hostilia cernere castra.

Inter apes veluti quum vere ineunte duobus
Regibus aduersis ingens discordia surgit,
Quaeque suum sequitur ductorem, omnisque relictis
Turba fluit castris, hostem stridore laceffens,
Nec prius abstant animis concurrere et armis,
Quam patriis fufum victoria pellat ab oris;
Sed quae pars aliam victrix dare terga coegit,
Laetitia exultans in cerea moenia regem
Ducit, et ingenti sonitu quasi iubila tollit:
Sic postquam longo soluit se Barcino luctu,
E campis ciues iterum ingrediuntur ouantes
Moenia. Nulla dies vrbi celebratior orta est.
Non sibi turpe putat vino indulgere iocisque
Hispani grauitas, nec soli carmina cantant
Germani certantque scyphis! plausuque fauentum
Et strepitant aedes, et regia consonat omnis.

Nec

Nec belli interea curas deponit, et hostem
 Victor persequitur fugientem et cursibus vrget.
 Et quamquam egregia haud semper successibus aequis
 Gaudent consilia, et communi Marte geruntur
 Bella atque ancipiti, redimitus tempora lauro
 Hic plerumque tamen redit, et sua iusta laborum,
 Tot captas vrbes, regni sedemque Madritum,
 Praemia habet CAROLVS. Quam tunc procliue fuisset,
 Post fractas Galli vires, Lodoicis et altos
 Depressos animos veniam pacemque precantis,
 Finibus Hesperiae detrudere speque Philippum
 Regni! Ast opponit sese, mediosque triumphos
 Inuidia abrumpens, conatus reddit inanes.

Praepropera Caesar decedit morte IOSEPHVS,
 Regna eius fratri tunc sanguinis, atque fauoris
 Suffragatorum debentur iure. Verentur
 Propterea gentes, ne tot regionibus auctus
 Europae nimium sit formidabilis omni.
 Foedere decedunt, et Iberica sceptru Philippo
 Burbonio tradunt, in quem prius arma mouebant.
 Tunc Germanorum post multos redditus annos
 Finibus optatis, hic tantae pondera molis
 Immota ceruice tulit, tot sceptru lacertis
 Gestauit validis, fraternis moribus orbem
 Et patriis moderans, vtriusque in nomen iturus.
 Maiestas erat in vultu, sed gratia in ore
 Non minor, in dictis sincerus candor, in actis
 Fallere nescia mens, prudentia nescia falli,
 Intemerata fides constansque in foedere pacto.
 Hunc metuere hostes, hunc dilexere sodales,
 Summa fuit semper cura huic, auertere bellum,
 Consiliis placidis patriam pacemque tueri.
 Ast quum ferro alii rupissent pacta nefando,
 Ambitione leui ducti: capit arma, furoresque
 Iniustos cohibet. Venetis noua bella parabat

Consiliis pravis et spe commotus inani,
 Non fidei memor ac iurati Numinis olim,
 Turca ferox. Peloponnesi grassatur in agris,
 Undique et infestos intentat moenibus enses;
 Haud secus atque aestate auidi facto agmine cerui,
 Sopito agrorum custode, per arua ruentes,
 Triticeas segetes, et luxuriantia campo
 Conculcant passim pedibus frumenta proteruis,
 Diuitias Cereris, speratamque ore voraci
 Praecerpunt messem, fleturi vota coloni.
 Auxilio afflictae genti, qui foederis icti
 Lege tenebatur, Caesar venit, iniicit hosti
 Terrorem, immittitque fugam, flamma oppida cingit,
 Et te Belgradum, te Temesuaria, multaque
 Expugnat castella manu, atque incendia Martis
 Exstinguit, Turci ut praeferrerent verba precantum.
 Dum procul Hungariae parat hos auertere ab oris,
 Plane improvisis foedisque inuaditur armis
 Sardorum insula ab Hispanis, annoque sequenti
 Trinacria. At Caesar collecto milite terras
 Ereptas Anglorum adiutus classe recepit,
 Et pro Sardinia Siculorum ditior eius
 Insula subiicitur sceptris. Huc usque benigno
 Vultu illum semper fortuna aspexerat, annis
 Extremis autem vitae malefida recessit.
 Dum res Sarmaticas, Augusto rege peremto,
 Distractis animis studia in diuersa, reducit
 Ad pacem, insurgunt Hispanus, et Allobrogum dux,
 Et Gallus, magnasque acies in praelia mittunt,
 Et multas vrbes ferro sub iura redactas
 Assertasque sibi dura ditione coercent.

Sic leo victtricem multis obuertere palmam,
 Assolitus, fulvaeque iubas ceruice comantes
 Effundens, ungues atque horrida dentibus ora
 Spernit securus; sed quum socialia iungunt

Plures

Plures arma hostes, nec quidquam tale timentem
 Aggrediuntur eum, quamquam huc obuersus et illuc,
 Vulnerat hunc pellitque alium, tamen impete fertur
 Tertius in fauces frustra victoris, et haeret,
 Et reliqui redeunt, nunc, nunc impune leoni
 Insultare feras credentes posse minores;
 Ter mugit quassatque iubas, ter tetra rudente
 Montes, siluae atque antratremunt, terque aura remugit.
 Quum Gallus posthac promittit reddere pacem,
 Vanam gloriolam reliquis moderatior ille
 Communi patriae non vult praeferre saluti.

Idem quum Turcis, fociae qui foedera genti
 Russis fregissent, occurrit fortiter armis,
 Belgradum oppugnant, quod iis, (quo, nescio, fato,
 Aut praestat reticere) infausta pace relictum est.
 Has duras leges animo fert Caesar iniquo;
 Sed ne vel minimam speciem praeberet auari
 Fallacisue animi, non tentat rumpere pactum
 Foedus; damna pati mauult, hoc clarior ipso,
 Quod res aduersas aequae, quam ferre secundas
 Nouerit; ut longe maiorem nauta meretur
 Laudem, qui pulsu vndarum vnda, tonitribus aether
 Quum strepit, et puppim dubius ferit vndique pontus,
 Impavidus pelagique minas ventosque furentes
 Aspicit, et modo frangit aquam, modo cedit eidem,
 Nauem iam laceram sic seruans. Hei mihi quantum
 Praesidium, hei! quantum decus, o Germania, perdis!
 O quam planxerunt, et fletibus ora rigarunt
 Rhenus cum Viadro, Moenusque, Visurgis et Ister!
 Ipse suis lacrimis increuit turgidus Albis.

O ter sancte Deus, cuius moderamine constant
 Imperia ac gentes, afflictis suffice rebus
 Tu mox rectorem, qui rursus fulciat illas.
 Namque iterum bello tellus nunc horret et armis,

Nuna iterum humano foedantur sanguine campi,
Et, nisi succurris, longe grauiora parantur.
Saltem illi gemitus miserorum, illi vndique fletus
Infantum, prauo qui non discernere rectum
Norunt, te moueant! Tandem miserere tuorum!
Iungant concordēs aeterna in foedera dextas
Europae populi, Strygiis quos orta cauernis
Diuidit, atque odiis armat discordia tetrīs.
Innumera HAMBVRGVM stabilem per secula sedem
Esse iube, nostris nec desint moenibus vnquam
Praestantes virtute viri, qui publica curis
Commoda confirment, ac fas tueantur et aequum.
Suffice praecones, iura intemerata salutis
Qui tradant, coetusque hominum tua verba sequentes.
Has etiam Musas, atque hocce tuere Lyceum,
Ingenui pariter iuuenes fidiq̃ue magistri
Vt doctas possint audire et reddere voces,
Vtque illis studiis, quibus hic operamur, honestis
Illustris fiat tua laus et gloria.

D I X I.



II.

LVCTVS

MVSARVM PANNONIDVM

IN

AVGVSTVM FVNVS

DIVI

CAROLI VI

ROMANORVM IMPERATORIS SEMPER AVGVSTI
 GERMANIAE HISPANIARVM HVNGARIAE BOHEMIAE
 REGIS ARCHIDVCIS AVSTRIAE etc. etc. etc.

PATRIS PATRIAE

REI LITTERARIAE STATORIS ET CONSERVATORIS

ANNO CHRISTIANO M DCC XXXX.

D. XIII. KAL. NOV.

MELIORE SVI PARTE COELO RECEPTI

PVBLICE INSTITVTVS

A

DANIELE HAYNOCZI

SEMPRON. SCHOLAE AVG. CONF. CON-RECTORE.

APOLLO MVSARVM PRAESES

*In pectore, hinc fascias quatuor in campo rubro, hinc crucem bis
 immissam, ex vna rupium coronata prodeuntem, gerens, no-
 mine Regni HVNGARIAE, suas IX Musas, exemplo alio-
 rum IX Regnorum, ad Sacram HVNGARIAE Coronam
 antiquitus pertinentium, REGEMque suum complorantium,
 ad religionem, societatemque luctus hortatur, suaque pensa
 laudationum singulis attribuit.*

PLangite, Pannonides, lacrymosos pangite lessus,
 Noster Amor moritur, CAROLVS, orbis Amor.
 MELPOMENE, memora, quid in Hercule Musagete
 Praesidii nobis, deliciae fuit.
 Doctiloquo mea tu celebra sermone, THALIA,
 Quam Pia mens fuerit, quam studiosa DEI.

Fune-

Funera, TERPSICHORE, *sapientis* plange Catonis,
Talem Phoenicem rarius astra ferunt.

CALLIOPE, hic *Heros* heroica carmina poscit,
Vix vnum parient secula multa parem.

Gesta refer, CLIO, quae Rhenus vidit, et Ister,
Quot Tagus, aut Padus laurea ferta tulit.

EUTERPE, *Themidos* iustas cane carmine laudes,
Desiit en alter viuere Fabricius!

Munificum pleëtro desse, POLYHIMNIA, Patrem,
Par, simili superis, nullus in orbe fuit.

Tu *thalami* castos, ERATO, lugebis amores,
Penelope viduum quo rigat imbre torum!

CAROLVS, vt poscit meritorum gloria, *coelo*
Redditur, VRANIE, concine, *Victor* onat.

MELPOMENE

*tria leopardorum capita coronata, eademque aurea, in campo
caeruleo, in triquetra constituta, nomine Regni DALMA-
TIAE, praedicat in CAROLO amorem ac studium erga
Musas.*

Defertis ergo tuas iam nos, AVGVSTE, clientes,
Maecenas atavis edite CAESARIBVS?

Te Numen doctae, sibi Tutelare, Camenae,
In terris vnum te coluere Patrem.

Tu Gaditano bene gestis Hercule maior,
Tu Musagetes verior vnus eras.

Tu Stator is, profugas nostro qui solus ab orbe,
Iussisti Musas stare, referre pedem.

Lugēt amalthea tua te, tot praedita gazis,
Quot neque fama vetus, nec nouus orbis habet.

Deplorant Grecium, Wratslauia, Praga, Vienna,
Florentesque aliae, te moderante, scholae.

Nunc omnis luget, studiis gens dedita nostris,
Nil praeter lacrymas angulus omnis habet.

Ars inter festos plorat typographica plausus,
 AVSTRIA, praesidio tam bene nata tuo.
 Tu patriam repetis, nos orbas patre relinquis,
 CAROLE, praesidium dulce decusque mecum!

THALIA

scuto, tessellas argenteas, rubris mixtas exhibente, armata, nomine Regni CROATIAE, laudat Pietatem.

Laus Antonini frustra celebratur in orbe,
 Cui *Pietas* nomen relligiosa dedit.
 Ille quidem ciuem servari maluit vnum,
 Hostica quam tradi corpora mille neci.
 Ast homines tantum coluit pietate caducos,
 Vix vlla coluit relligione deos.
 Aut, si quos habuit, fuerant nisi numina ficta;
 CHRISTI non potuit nomen in orbe pati.
 CAROLVS Eusebies melius meruisset honores,
 Nam pius in Christum, seque, suosque, fuit.
 Quam non ille DEI coluit venerabile Numen!
 Quam non vox IESV dulcis in ore fuit!
 Auspiciis IESV, capiebat hic Hercules arma,
 Auspiciis IESV, laurea ferta tulit.
 Vna mihi, CRUX ESTO SALVS: * bellicque togaeque.
 Haec vitae, haec mortis, lex, cynosura fuit.
 O dilecte DEO! tu coelo dignus haberis;
 Digna tuo non est numine terra frui.

* *Anagramma ex CAROLVS SEXTVS.*

TERPSICHORE

tres canes albos venaticos, in campo viridi, decurrentes, praefrens, nomine Regni SLAVONIAE, admiratur Sapientiam.

Quid septem iactas *Sapientes*, Graecia, quorum
 Vix vnus tali nomine dignus erat.

In

In Latio fuit hoc cognomine dignior orbe
 Forſitan Atilius, Laelius, atque Cato.
 Laude tuos tamen hac vicit quoque, Roma, Catones
 CAROLVS, AVSTRIACIS editus ille Sophis.
 Haec eſt illa viro digniſſima Principe virtus,
 Qua ſine non poſſunt regia ſceptra geri.
 Haec eſt illa, Iouis ſoboles de vertice nata,
 Ingenii cultrix, armipotensque dea.
 Haec niſi conſilio Regum moderetur habenas,
 Nulla foris viſ eſt, nulla domique ſalus.
 Huic natiua velut ſemper fuit AVSTRIA ſedes,
 Cui tot templa dicat, ſacraque rite facit.
 Hic vtinam reparet ſua ſe per funera Phoenix!
 Nec dubitate, nouum Nata MARIA dabit.
 Non deerit numeris perfectio, SEXTVS ad aſtra,
 SEPTIMVS imperio CAROLVS inde venit.

CALLIOPE

ferrato brachio, frameam argenteam vibrante, armata, nomine Regni BOSNIAE, veneratur Virtutem Heroicam.

CAROLUS *Heroum* veteri de ſanguine cretus,
 Laude *Heros* atavis non minor ipſe fuit.
 Protulit hunc, praestans meritis, ANICIA gens, qua
 Romulidum fuerat clarius vrbe nihil.
 Nec pauidas aquilae generant aliquando columbas,
 Nec ceruum fortis fert aliquando leo.
 CAROLVS hoc fuerat genitus de ſtemmate, nomen
 Cui MAGNI quondam gloria ſumma dedit.
 Auſtria gens ſtetit hac ſata tot iam ſecula ſtirpe,
 Incluta tot meritis, tot veneranda viris.
 Haec orbi genuit RVDOLPHOS, haec FREDERICOS,
 Haec FERDINANDOS, haec CAROLOSque dedit.
 Haec eſt, quae ALBERTOS, LEOPOLDOS, MAXIMILIANOS,
 IOSEPHOS, MATTHIAS, Numina quanta! tulit.

Numi-

Numina Christiadum toti data coelitus orbi,
 Quae sua post Virtus reddidit alma polo.
 Nullus at *Herói*, proh, *FILIVS* est! *FVIT* cheu!
 Ostensus terris, non datus ille fuit.

CLIO

caput apri, inserto ori spiculo, in campo rubro, ostendens, nomine Regni SERVIAE, commendat rerum gestarum Gloriam.

Obruor innumeris, *fortissime* CAROLE, rebus
 Quas tua tam vasto gessit in orbe manus.
 In quamcunque trahunt auidam me lumina partem,
 Enitet hic virtus, hic tua fama sonat.
 Siue *Tagum* specto, iuuenem te Gaditano
Hercule maiorem, Gloria vera docet.
 Siue *Padum* intueor, terraque marique potentum,
Scipiadam factis laus tua maior erat.
 Seu *Rhenum*, multis insignem specto triumphis,
 Par tibi *SEXTVS* hic est, CAROLE Prime, nepos.
 Seu patrium adspicio, victis cum Thracibus, *Istrum*,
 Hunyadiadum cedit gloria magna tuae.
 Te nisi Mors hominem nunc vna fuisse doceret,
 Assereret te Mars ipse fuisse Deum.
 Nec potuit vinci tua Virtus casibus vllis,
 Nec tua fama potest, CAROLE SEXTE, mori.

EVTERPE

monedula, transuerso desuper ramusculo insidente, tribusque infra coronis aureis ornata, nomine Regni HALICIAE, attingit Iustitiae studium.

Sancta *Themis*, repetit coelum, terrasque relinquit:
 Vac nobis! quis enim postea iura dabit?
 Quam timeo, vomer ne conuertatur in enses,
 Ne fiat *ius vis*, fasque sit omne nefas.

Nunc

Nunc sine nauarcho mediis iactamur in vndis.

Grege custode carens, et duce turba sumus.

CAROLVS AVSTRIACVS Themidem comitatur ad astra,

Qui ius tot populis vnus in orbe dabat.

Dicite, quis melior fuit hoc, vel amantior aequi?

Non omnis tellus fert modo Fabricios.

Sol prius a cursu potuisset forte moueri,

Quam non per rectam CAROLVS ire viam.

Legifer huic *codex* * rectissima regula sceptri,

Impositus tripodi, semper *apertus* erat.

Has si nil timuit violare licentia leges,

In promptu *gladius* fontibus ultor erat.

Iudice vos tali viduos, lugete, clientes:

Quis tuus, Integritas, postea tutor erit?

* Symbolum AVSTRIAE, Gladius libro aperto innixus, cum inscriptione: *Liber regit, gladius defendit.*

POLYHIMNIA

inter tres campos caeruleos, fasciam geminam tessellatam, rubris et albis tessellis distinctam, habens, nomine Regni VLODOMIRIAE, celebrat magnifica Munificentiae opera.

Excedit nostras, tua *Munificentia*, laudes,

CAROLE, te superis fecerat illa parem.

Carmine si digno hanc vultis laudare, Marones,

Diuinis opus est dotibus ingenii.

Cui labor iste placet, stellas prius ille nitentes,

Aut numeret guttas, quas vagus Ister habet.

Postea magnificas adeat, quas condidit, aedes,

Templa, scholas, vrbes, moenia, claustra, vias.

Speftet amaltheae palatia Vindobonensis,

Aut Boromae tuas, Carole, basilicas.

Per Noricas Adriae petat Alpes littora, qua nunc,

Inuia quae fuerant, peruia cuncta patent.

Inualidumque domos Pesthana lustret in vrbe,
 Aut quae stant larga, ptochodochea, manu.
 Computet exsulibus congiaria praebita Iberis,
 In quos ista manus largior imbre fuit.
 Vidisses inopes venisse, redire beatos,
 Munificus tamen hic iam petit astra Pater.

ERATO

campo caeruleo, leone rubro, superne stella, infra vero luna, illustris, nomine Regni CVMANIAE, cum AVGVSTA ELISABETA, laudibus effert Castitatem.

Eheu! sub Cetio gemitus quos audio monte?
 Quales, amisso coniuge, turtur agit.
 Quales edebat flens Artemisia quondam,
 Mausoli Regis fata suprema dolens.
 Fallor, an AVGVSTO luges viduata Marito?
 Et thalami casus, ELISABETA, gemis?
 Nil fallor. Tua vox haec est, quae sidera pulsar,
 Quae nostras aures tam gemebunda ferit.
 Nec miror. Tua lux tibi CAROLVS occidit, eheu!
 CAROLVS ille decus, delictumque tuum.
 O dolor! o fera crux! o immedicabile vulnus!
 O nox, qua tuus hic dulcis obiuit Amor!
 Quam tu de multis placuisti millibus vna,
 Vnus et ille tibi, Barcino testis erat.
 Per mare, per terras, per tot discrimina, Magnes
 Hesperias dum te traxit ad vsque plagas.
 Pone modum lacrymis. DEVS haec tibi gaudia reddet.
 Rursus in Elysiis, ELISABETA, rosis.

VRANIE

scuto, quaternis fasciis auratis oblique scisso, insignita, lupumque album, currenti similem, in campo rubro, reliquis caeruleis,

Nunc sine nauarcho mediis iactantur in vndis.

Grege custode carens, et duce turba sumus.

CAROLVS AVSTRIACVS Themidem comitatur ad astra,

Qui ius tot populis vnus in orbe dabat.

Dicite, quis melior fuit hoc, vel amantior aequi?

Non omnis tellus fert modo Fabricios.

Sol prius a cursu potuisset forte moueri,

Quam non per rectam CAROLVS ire viam.

Legifer huic *codex* * rectissima regula sceptri,

Impositus tripodi, semper *apertus* erat.

Has si nil timuit violare licentia leges,

In promptu *gladius* fontibus vltor erat.

Iudice vos tali viduos, lugete, clientes:

Quis tuus, Integritas, postea tutor erit?

* Symbolum AVSTRIAE, Gladius libro aperto innixus, cum inscriptione: *Liber regit, gladius defendit.*

POLYHIMNIA

inter tres campos caeruleos, fasciam geminam tessellatam, rubris et albis tessellis distinctam, habens, nomine Regni VLODOMIRIAE, celebrat magnifica Munificentiae opera.

Excedit nostras, tua *Munificentia*, laudes,

CAROLE, te superis fecerat illa parem.

Carmine si digno hanc vultis laudare, Marones,

Diuinis opus est dotibus ingenii.

Cui labor iste placet, stellas prius ille nitentes,

Aut numeret guttas, quas vagus Ister habet.

Postea magnificas adeat, quas condidit, aedes,

Templa, scholas, vrbes, moenia, claustra, vias.

Speftet amaltheae palatia Vindobonensis,

Aut Boromae tuas, Carole, basilicas.

Per Noricas Adriae petat Alpes littora, qua nunc,

Inuia quae fuerant, peruia cuncta patent.

Inualidumque domos Pesthana lufret in vrbe,
 Aut quae ftant larga, prochodochea, manu.
 Computet exfulibus congiaria praebita Iberis,
 In quos ifta manus largior imbre fuit.
 Vidiffes inopes veniffe, redire beatos,
 Munificus tamen hic iam petit aftra Pater.

ERATO

campo caeruleo, leone rubro, fuperne ftella, infra vero luna, illuftris, nomine Regni CVMANIAE, cum AVGVSTA ELISABETA, laudibus effert Caftitatem.

Eheu! fub Cetio gemitus quos audio monte?
 Quales, amiffio coniuge, turtur agit.
 Quales edebat flens Artemifia quondam,
 Maufoli Regis fata fuprema dolens.
 Fallor, an AVGVSTO lugens viduata Marito?
 Et thalami cafus, ELISABETA, gemis?
 Nil fallor. Tua vox haec eft, quae fidera pulfat,
 Quae noftras aures tam gemebunda ferit.
 Nec miror. Tua lux tibi CAROLVS occidit, ehcu!
 CAROLVS ille decus, delictumque tuum.
 O dolor! o fera crux! o immedicabile vulnus!
 O nox, qua tuus hic dulcis obiuit Amor!
 Quam tu de multis placuifti millibus vna,
 Vnus et ille tibi, Barcino testis erat.
 Per mare, per terras, per tot discrimina, Magnes
 Hefperias dum te traxit ad vsque plagas.
 Pone modum lacrymis. DEVS haec tibi gaudia reddet.
 Rurfus in Elyfiis, ELISABETA, rofis.

VRANIE

fcuto, quaternis fasciis auratis oblique fciffo, infignita, lupumque album, currenti fimilem, in campo rubro, reliquis caeruleis,

ruleis, ostentans, nomine Regni BVLGARIAE, coelestem describit Triumphum.

Vos mihi nunc veniam reliquae date, quaeso, Sorores,
Cui laetum coeli nomen Apollo dedit.

CAROLVS astra petit, redimitus tempora lauro,

Huc niueis post tot proelia fertur equis.

Praeuolat, aduetis aquilae, Victoria pennis,

Nuncia coelicolis gaudia magna parit.

Voce triumphali totus circumsonat aether,

Hospite laetantur coelica templa nouo.

Sic inuietus adit Capitolia nobilis Heros,

Sic luctus abeunt, naenia moesta filer.

Qui toties fregit radiantis cornua lunae,

Qui toties victor laeta tropea rulit.

Auspice iam Christo, prostrata morte, *triumphat,*

A stygioque sibi iam nihil hoste timet.

Nil opus hic aquila, veterum quae more, beatam,

Succensis, animam ducat in astra, rogis.

CAROLVS, vnde fuit natus, super aethera fertur:

Iam cohibe lacrymas, AVSTRIA! *Victor onat.*



III.

D. LAVRENTII REINHARDI

SOC. LAT. IEN. MEMBRI HONORARII

CARMEN GRATVLATORIVM

IN

AVSPICATISSIMAM NATIVITATEM

SERENISSIMI IVVENTVTIS PRINCIPIS

ERNESTI ADOLPHI FELICIS,

QVO SIMVL

ORATIONEM PANEGYRICAM

A SE IPSO HABENDAM INDIXIT.

Ad iustus virtute tuae, DEVS optime, dextrae
Gaudet iam PRINCEPS, animo canit et tua facta.
Ipsius implesti vota omnia, quaeque petebat

Cuncta tulit felix regio te distribuyente.

PRINCIPIS aeternos illustras nomen in annos;

EIVS gaudebit nunc vultus laetus amore.

CONIVX AVGVSTI peperit, quem vota petebant.

Magnus laetitiae cumulus iam pectora complet,

Quae tener atque fouet clementis PRINCIPIS aula.

Personat, ecce, sonus dulcis penetralia celsa

Magnorum Procerum: laetantur limina templi.

Qui sanctos inter pars est nunc sedula Mystas,

Gaudia quisque gerit, complentia corda serena.

Omnes, qui laetae colitis loca peruia terrae,

Tollite iamque DEO viuenti iubila clara:

Laetantes seruite DEO, post omnia grates

Dicite, laudantes excelsum nomen vbique.

Simplicis ingenio vitae candore probatus

Iam canit elato clamore perennia vota,

Ac hilarius tangit MAGNI nunc NUMINIS aures,


Clamans: o rector mundi, qui cuncta gubernas,

Fortunet tua lux stirpem, quam conspicit Ilmus

SAXONIS in terris atque in folio residentem.
 Gaudeat AVGVSTVS, quem postera saecula laudant,
 Et vigeat CAROLINA diu, quae semina prolis
 Viuida saepe dedit, concedet gaudia saepe.
 CONSTANTINVS adest, hic viuat Nestoris annos,
 Adferat et nobis ridentibus aurea saecula.
 Floreat, excreseat fulgens ERNESTVS ADOLPHVS,
 Quem fert FELICEM sancti baptismatis vsus.
 O ciues, ciues! pateant nunc pectora laeta.
 Huc agite, huc adferre DEO decora omnia laudum,
 Qui NVMEN colitis cum pura simplicitate:
 Saluat enim seruatque DVCEM, nec deserit vnquam,
 Laetitiae sitis testes, attollite mentes.
 Percipiant PROCERES, FAVTORES, vota sacrata,
 Quae SCHOLA NOSTRA fouet, quae signant ora diserta.
 Concinit alta cohors, dicenti iamque fauebit.

P. P. ipsis Calendis Februarii

A. R. S. MDCCXLI.



III.

MAGNIFICO ET AMPLISSIMO
CONSULI

CORNELIO POPPE

INCLITO REIPUBLICAE HAMBURGENSIS
MERCATORI

PATRONO SVO MAXIME VENERANDO

NOVI CONSULIS HONORES

DEMISSI ANIMI PIETATE GRATVLATVR

SVBMISSVS CIVIS ET CVLTOR

NICOLAVS IOANNES LAVTZ,

HAMBURGENS.

S. S. THEOL. ET. PHILOS. CVLTOR ET SOC. LAT. IENENS.
ADSCRIPTVS.

Te, mea Musa! rogo, vires animumque ministros,
Vt lustrare queam patriae decus atque stupere
Intuitu maiestatis; qua patria fulget.
Nescio, qua natale solum dulcedine cunctos
Attrahit, atque sui immemores non protulit vnquam.
Temporis ast ratio posuit durissima legem
Hanc mihi, per quosdam annos vt disiunctus ab ora
Natali, tantum intuear demirer honores,
Queis patriae Patres splendetis et omnia nostro
Hamburgo per vos solamina, commoda perstant.
Quid Genuam petitis, Venetos, Heluetia Tempe?
Vt sub consulibus regimen florere senatus
Crescere et acceptos terrae videatis honores.
Rectores quatuor vobis amplumque senatum
Hamburgum ostentat, quorum sapientia praebet
Exemplum, quantam possit donare salutem
Lecta senatorum, meritis ornata corona.
Consulis imperio bini tu Roma vigebas;
Gloria, fama tui splendebat vbique senatus;
Crescebant vires et summa potentia stabat.

Denuo consulibus quatuor Tua credita fama est
 Hamburgum, patriae Patrum Te cura fouebit
 Multorum, cunctos sapientia Nestoris ornat,
 Omnibus et fausti, voueo, sint Nestoris anni.
 Patria cara! cui non sit tua maxima cordi
 Prosperitas, cui quae gaudia tanta remoto
 Multiplicat, spondet cunctis et dona salutis,
 Facta Tui viuent operosaeque fama senatus,
 Hamburgum! poteris rabidos contemnere dentes
 Temporis, illorum nam Te prudentia seruat.
 Gratulor ex animo patriae tot fulcra saluti,
 Gratulor atque mihi, qui tot noui esse Patronos
 Et Maecenates, studiis prodesse paratos.
 Gratulor et VOBIS tantorum sanguine cretis,
 Qui meritis patrum fulgent per saecula futura;
 A patribus norunt qui praemia parta tueri;
 Laudibus acceptis proprias adiungere laudes.

Nunc mea Musa noui cantes celebresque creati
 Consulis egregios, meritos, quæ splendet honores,
 Quique viri supplet subsellia, cuius amare
 Deslet adhuc mortem, mea patria, turba clientum;
 TE LVIS, illustrem, nunc nomine reque beatum
 Magnificus sequitur, factorum luce coruscans
 POPPE, suam laudem meritis qui seruat et auget.
 Traditur ecce TVAE consul res publica curae:
 Traduntur ciues, TVA quos regat alma voluntas;
 Gaudia quæis dones, cures quorumque salutem.
 TE lustrant oculis, TE Consul voce salutant
 Communi, clauum iusta qui mente tenere
 Nosti, atque acceptas prudenter flectis habenas,
 Legibus inuigilas, maiorum more statutis,
 Atque TIBI ipse es lex, exemplum, regula iusti;
 Vtilibus rectum pietas praeponere suadet,
 Communesque sequi leges iniustaque nunquam
 Largiri, sub TE iuris reuerentia floret.

Acce-

Accedunt ad TE ciues sua iura petentes,
Omnibus Astraeae tibi credita munera tradis:
Sueuisti varias patiens mulcere querelas,
Blanda tibi vultu grauitas et mite serena
Fronte supercilium, sed pectus mitius ore est.
Vir bonus et sapiens, iam pridem nostra beatum
Vrbs TE iactauit, dignum qui summa gubernet,
Qui consulta patrum confirmet, iuraque leges.
Traditur ergo TIBI nunc ampla potentia, virtus
Quam TVA promeruit, cuncti optauere clientes.
Accepta fulges excelsus sede curuli,
Consulis officium praestas, Spartamque rueris
Nactam, delicias cunctis, solatia praebes.
Auges, quas tribuunt Consul TIBI splendide laudes,
Tanta, Patrone, TIBI est iusti reuerentia et aequi,
Quanta Numae fuerat, celebrat quem cana vetustas.
Nemo potest animis tractandis aptior esse,
Nec melius dirimet lites, vel iurgia Codri,
Quam mercaturam cunctas qui exercet in oras
Ecce vocauit apes humanae gentis Huberus
Hos mercatores, qui arcessunt commoda vitae.
Illi animos hominum discunt cognoscere multos;
Occurrunt ipsis virtutes, crimina, naeui
Inter mortales; constans virtutis imago
Obuersatur eis, vitii vitare colores
Adfuescunt varios, ex moribus optima seruant.
Hunc migrare fidem, ast alium promissa tenere
Cognoscunt, lucri cupidos et sponte dolosos,
Fallaces et periuros, vehementer avaros,
Diuitias, magnas qui perdunt tempore paruo.
Haecce videt mercator et omnia vertit in vsus,
Vt vitet prauam vitam, sectetur honestam;
Qui varias igitur mentes cognouit, et illas
Arte potest summa, facili et tractare labore,
Et scit Marte suo iusto secernere iniquum.
Occurrit vitiis, iugulans ea tempore iusto.

Auertit scelerum prudenti mente pericla,
 Et nouit cunctos, virtus quos poscit honores,
 Virtutem colit; amplificat, fouet, ornat honestos,
 Optimus hic iudex, Patronus, Consul habetur.
 Recte igitur tali voluit committere curam
 Hamburgum magnae, qua splendet vbique, salutis.
 POPPE tuum seruat splendorem, semper et addet,
 Quae TE magnificam reddant faustamque potentem.
 Vota igitur mecum, ciues, faciatis, vt illum,
 Qui vos felices praestat, conseruet in annos
 Cura Dei seros, et prosperitate coronet.
 Viue diu felix, prudens et splendide Consul,
 Multiplicesque TVIS, vrbi, patriaeque adamatae
 Gaudia, quae fasces, tua quae moderamina donant.
 Consiliis ciues tueare, fauore clientes;
 Tunc, Patrone, TVVM per saecula futura manebit
 Nomen, et obsequio veneror TE POPPE, remotus.



V.

V I R O

PERILLVSTRI ATQVE EXCELLENTISSIMO

D O M I N O

ERNESTO FRIDERICO

LIB. BAR. DE SECKENDORFF

DYNASTAE STARCKENBERGAE

SERENISSIMI DVCIS SAXO-GOTHANI ET ALTENBURGICI

A CONSILIIS INTIMIS ET LEGATIONE AD IMPERATOREM ROMANVM

CAMBVRGENSISQVE PRAEFECTVRAE PRAEFECTO

PRIMARIO

SPLENDIDISSIMVM

PRAESIDIS SACRI CONSISTORII

IN PRINCIPATV ALTENBURGICO

MVNVS

D. VII. KAL. IVLIAS ClO IdCC XXXIIX.

LAETIS AVSPICIIS CAPESENTI

PIETATEM SVAM GRATVLAVNDI DEVOTIQUE

EXHIBET

NOMINE ILLVSTRIS GYMNASII FRIDRICIANI

M. IOH. GODOFREDVS MOERLINVS

GYMNAS. DIRECTOR.

PRAETOREM veneranda quem SACRORVM

Optas Eusebie tibi? Sorores

Cuius praesidio tegi nouenae

Votis expetitis? Sacrata iura,

Incorrupta Themis, tibi sacerdos

Quis dicat precibus tuis vocatus?

Vos omnes, quibus aedium sacrarum,

Vos omnes, quibus est amor scholarum,

Vos, legum quibus est tenore stricto,

Vos, iusta quibus aequitate gratum

Carae res patriae geri videre,

V 5

Nobis

Nobis dicite, quem SACRI SENATVS
ARBITRV M fieri virum velitis?

Non est Delius hic opus natator
Aut Ostane sagacior latentis
Coniecto tacito sub ore voti,
Scimus, quem cupide petatis omnes:
Insignem pietate Numinisque
Cultorem sine mentiente fuco,
Qui vita doceat sequenda vitae;
Quem non praetereant, superna, sensus,
Quos oracula continent, salubres
Formandis fideique moribusque:
Qui nulli violanda iura noscat,
Et qui cognita fidus administret,
Nulli se faciens nimis benignum,
Nulli se nimium gerens seuerum:
Qui doctas sciat et velit tueri
Artes, praesidio beatiores
Nullius, nisi quem sereniorum
Ipsae sollicito dedere cultu:
Ad cuius trepident, repressa, nomen,
Error, flagitium, dolus malignus,
Torpor, barbaries tumensque fastus
Et vecors animus sequi recusans,
Et quidquid statui pie regendo
Sacrae Christiadam rei, repugnat,
Et quidquid studiis probe colendis
Probrosam grauiter moram minatur:
Hunc, qui continet beatitatum
Vsuram, patriae quibus fruuntur
Terraе, non aliis beatitate
Cedentes, aliis beatiores:
Qui, quo continet diu salutem,
Quae custode SACRO viget SENATV
SACRI PRAESIDIVM TENENS SENATVS

Nostrae

Nostrae praesideat diu saluti;
Hunc, scimus, cupide rogatis omnes.

Sed iam dicite, quem putetis esse
In quem conueniant tot atque tanta
Ornamenta virum? quis ille tandem,
Qui spem sustineat precesque vestras,
Et cuius validi satis lacerti
Tanto sic oneri pares ferendo,
Qualem stelliferum ferunt Atlantem
Ferratis humeris polum tulisse?

Verum, dicitis: haec benignitati,
Haec summae sapientiae supernae
Prorsus libera prouidentiaeque,
Non sunt arbitrio relicta nostro,
Sed sunt arbitrio relicta NOSTRI
FRIDRICI PATRIAE PATRIS salubri,
QVEM patrem facit ipsa vis amoris,
QVEM curae faciunt laboriosae,
QVEM prudentia perspicax triumphis
Aeternis celebrat, quod ministros
Vsu, consiliis, fide, labore,
Vita, dexteritate, disciplina
Summos admoueat rei gerendae.
HIC, quem CONCILII SACRATORIS
ARBITRVM petimus, dabit, PATREMque
Nobis, iamque dedit, volens, deinde
Suspendos mora longa ne teneret.

SECKENDORFIVS est, decus virorum
Signis, sanguine, purpuraque per tot
Retro secula nobilissimorum,
QVEM prudentia litteris et usu
Limatissima, QVEM fides et actu
Rerum dexteritas probata, terras

Intra

Intra Saxoniae FRIDRICIANAS,
 Extra Saxoniae feracis oras,
 QVEM iusti studium tenaxque recti
 Mens, PATRIS PATRIAE probis amicis
 Adscripsit merito suo, PARENTEM,
 QVI magnum referens, referre VITVM
 Sacris Eusebiae negotiis et
 Culto Pieridum choro studebit.

Ergo Castalides, ciete plausus,
 Vester PRAESES adest, APOLLO vester;
 QVI vos praesidio suo fouebit
 Gentilisque memor subinde signi,
 Vt ramus tiliae virens opacae
 Defessis gelida frui dat vmbra,
 Sic daphnosa teget FRIDRICIANVM
 Doctrinis monitisque percolentes.
 O! crescat, vireatque ramus ille
 Annosamque ferat vicens senectam.
 Quanta gaudia nostra, nostra tantum?
 Cunctorum, pietate proferuntur:
 Tanta sint etiam perennitate.



VI.
ILLVSTRISSIMI
DVCIS SECKENDORFII
FATA ET ELOGIA
IN EVENTVM SVI REDITVS
ELABORATA
A
M. IOH. LVDOVICO HOCKERO.

Inclutus in paucis dux Seckendorffius heros
Arte et Marte potens; quem lauru diuus Apollo
Et clypeo Bellona suo decoravit vterque,
Cuius tam pacis quam belli tempore gesta
Postera non minus ac praesens mirabitur aetas:
Cuius virtuti nec Rheni Danubiique
Ipsa nec Oceani, qua terram interfluit, vnda:
Nec Sicalae Syrtes obicem, Scythicaeque pruinae, aut
Sarmaticae sylvae, aut tangentes sidera montes
Italiae Herculeis poterant obtendere monstis:
Cui quoque vinifera ad curuae montana Mosellae
Nuper *seruatae patriae* meruisse coronam
Contigit, expulso patriis e finibus hoste;
Huius praelustri tandem fortuna nouerca
Atram tentauit nubem praetendere famae,
Et cleris *ipsum* non inconsueta subire
Fata *viris*, quanquam vano conamine, adegit.

Scilicet eximiis nunquam non aemula factis
Turba obtrectauit. Quois non imitabilis ampla
Praemia designat Virtus vel gratia regum
Horum vel meritis tenebras obfundere densas
Liuor, vel rabidis illustrem arrodere famam
Dentibus aut vitae insidiari denique gessit.

Non tibi Romanos heroes, non tibi Graios
Est opus, vt referam; Quos nescio propria virtus?
An mage laudandos aliena calumnia fecit?

Haec

Haec eadem nostro fatalis luditur aevo
 Fabula. Quos? quantos? habuit Germania belli
 Nostra duces? quorum rebus feliciter actis
 Non tandem haec: *Laudatur ab his, culpatur ab illis,*
 Censura obtigerit? Quid? si fortuna sinistros
 Miscuerit casus? censere gregarius audet
 Acta ducis miles: Qui nuper coepit honorem
 Signiferi, queritur, se iusto incautius hosti
 Expositum: causantur idem, qui tutius hostem
 Eminus adspexisse putant, peccasse ducemque,
 Quod non percussis, ceu Moses, fuderit vndas
 Rupibus et populum coelesti pascere Manna, et
 Nectare voluerit sitientia castra madere:
 Quod non vel stiterit cursum, ceu Iosua, solis,
 Coelica vel subito turmis immiserit hostis
 Fulmina, sic parcendo suis velut alter Elias.

Migrat in obscuras e castris nigra tabernas
 Censura, et quicquid peccatum credit, in vnum
 Innocuumque ducem, plebs rerum nescia, transfert.
 Sic scabie turpis textor, figulusque lutosus,
 Sic piceus sutor: furtiua veste superbus
 Sartor: cuncta sciens urbis mendacia tonsor:
 Sic redolens tetricum coriorum pellio odorem:
 Sic in Museo qui belligerare Nouellis
 Electis didicit: Monachus sic credulus: ipse et
 Rusticus in madidam delatus forte popinam:
 Non tandem nemo de belli iudicat actis.

Interea insanis rumoribus vndique sparsis
 Plebis, ad interitum ducis ignea tela ministrat
 Liur, et infanti quicquid vel sorte sinistra
 Accidit aduersi, vel praemeditata malignis
 Consiliiis fausti impediit fallacia cursus,
 Culpaque cunctorum studiosa imponitur vni.
 Quid mirum? has furias si SECKENDORFIVS heros
 Infestas sensit? cuius virtute fideque
 Augustus Caesar spectata e pluribus vnura

Finibus

Finibus Hungariae flammas gladiosque minanti
Opposuit Turcae (cui se subducere moli
Deuota in *Dominum* ductus pietate nequiuit)

Si tantum humanis rebus fortuna faueret
Intemerata fides, rerum experientia quantum
Inuictusque animi vigor in duce rebus agendis
Prospicit, atque ducis virtuti *occafio* seruit
Hoc duce, quod factum est, non tantum tuta fuisset
Hungaria horrificis truculenti insultibus hostis;
Sed quos non ultra licuisset ferre triumphos?

Iam vero cum nec pluuiosas sistere nubes,
Cogere nec fluuios intra sua littora grandes,
Non etiam licuit coniunctis viribus vi,
Mittere suppetias diuersa ex parte coactis;
Quam tibi, Liur edax! quam bella occasio nata?
Qua fictis propria culpa praetextibus acta,
Et non acta duci infanti transcribere falso,
Iratique Iouis vanas spargendo querelas
In caput innocuum posses arcescere fulmen.
At veluti rapidis rupes circumdata perstat
Fluctibus immota, et tumidas vanescere spumas
Et videt et ridet; sic mens sibi conscia recti
Fortunae insultus, liuoris spicula temnit
Et vexata diu *Tandem bona causa triumphat.*

Scilicet haec restabat adhuc Victoria, post tot
Egregios per lustra nouem bellicque labores
Et pacis summa fidei cum laude peractos,
Vt maiora TIBI COMES ILLUSTRISIME! de se
Deuicta inuidia praeberent monstra tropaea.
Augustusque Tuis meritis sua lumina *Caesar*
Iustitiae sanctus cultor, constare iuberet
Integra, et e tenebris iam splendidiora redire.

Interea quantum pietas coniuncta fidesque
Virtuti valeat? quantas fiducia spesque
Fisa Deo vires ad tristes quosque ferendos
Fortunae casus addat, *Dux inclyte!* pulchra

Exempli illustris nobis documenta dedisti,
 Qui TVA ne navis tantis agitata procellis
 Huic tempestati succumberet, ignibus arae
 Impositis nostrae pro TE pia thura dabamus.

Quam laeti iam TE sedatis fluctibus istis
 Cernimus intrantem *Illustri* cum coniuge portum.
 Vtere iam meritis! iuvenesce senilibus annis!
 TE TIBI restitue! et partis satiare tropaeis!
 Viue TVIS! et nunc ingrato! Marte relicto,
 Quod reliquum est senii dulci permitte quieti.
 Iamiam marmoreas statuit TIBI fama columnas,
 Quis SECKENDORFI nunquam delebile nomen
 Heroes inter nostri celebrabitur aevi.

* * *

RESPONSVM
 ILLVSTRISSIMI COMITIS A SECKENDORFF
 D. XXIX. IAN. MDCCCXXXIX.

PRAECLARO ET DOCTISSIMO
 DN. IO. LUDOV. HOCKERO
 SALVTEM ET OFFICIA DICIT
 FRIDER. HENR. COMES A SECKENDORFF. mpp.

Pergratum mihi fuit, meum ex sorore nepotem litteras ad me
 exarandi gratissimas Tibi prae buisse ansam, et sicuti ex
 lectura poematis nuperrime mihi exhibiti veterum poetarum
 imitatore cognoui, de auctore illius iam certiore me red-
 ditum gratulor laetorque venam Tuam poeticam nihil minus
 quam aridam adhuc esse. Grata proinde Tuam in meis af-
 flictionibus exhibitam curam agnosco mente, nil magis in vo-
 tis habens, quam ut Deus T. O. M. pro sua, qua nos fouet
 gratia, me saluum aliquando ac incolumem patrias oras attin-
 gere sinat, indeque mihi enasceatur occasio, meum ad prae-
 standam quaevis officiorum genera paratum animum pluribus re-
 statum faciendi. Vale. Dab. Graecii d. 4. Ian.

MDCCCXXXIX.

VI. VI.

VI.
VITAE
MORTISQVE RATIONES
COLLEGARVM
QVOS SOCIETAS HABVIT.

11200.

L

VITAE CVRRICVLVM
IOANNIS SALOMONIS
BRVNNQVELLII

ICTI

IN ACADEMICO PROGRAMMATE
DESCRIPTVM

A

IO. MATTH. GESNERO

ELOQ. ET POES. P. P. O.



REGIAE ACADEMIAE GOTTINGENSIS
COMMISSARIVS
GOTTLIEB SAMVEL TREVERVS D.
 CVM SENATV CIVIBVS
 S.



heu triste officium! heu delusae spes! heu lacrumabilis pietas! Vicit, vicit ac triumphat invidia. Habent tandem homines, quod vere in Gottingam dicere possint, quo superioribus commentis et absurdissimis mendaciis si non fidem apud prudentes, at apud alios speciem concilient. Priuata est Gottinga vnico suo, maximo suo decore. Caput amisit, rectorem amisit, Palladium suum perdidit. Fuit, heu fuit! *CIVES*, BRVNNQVELLVS vester, immo noster, dulce paullo ante et amabile ac laetum nobis omnibus nomen. Vixit BRVNNQVELLVS, vitam cum paterna illa, quam pro nobis omnibus susceperat, cura et amore deposuit. Clausi sunt illi vegeti et captatores animorum nostrorum oculi, obmutuit os, e quo tanquam e perenni fonte tum doctrinae salutare, tum consilia fidelissima emanabant, obriguit dextra illa
 tum

tum fide praestans, tum infinitis numero mortalibus scribendo vtilissima. Iacent tot praeclara instituta, tot honestissimae destinationes: intercepta in cursu felicissimo tot Illustrissimorum, Generosissimorum, Nobilissimorum iuuenum, ad summa quaeuis sub tam praestanti duce contententium studia. Quam dolet nobis, *CARISSIMI CIVES*, cum videmus deiectos vultus vestros, et nimium quantum ab illa alacritate mutatos, qua confluere ad BRVNNQVELLVM nostrum vel honorandum, vel audiendum paullo ante solebatis. Poteratne maior plaga aut insanabilior rebus nostris inferri? Poteratne infortunium minus expectatum obiici? In tanta caeli salubritate, in vrbe, vbi aegrotum non habebant, quem nominarent medici, illud caput peti, quod vnum in maxima reliquorum strage saluum esse omnes optaturi erant? BRVNNQVELLVM mori, qui saepissime laetus ipse atque alacris, gratulabundis nobis commemorabat, sentire se eas res vnde viuitur inter nos ita salubres, ita suo in primis convenientes corpori, vt nouam sibi vitam viuere, nouas sumere vires videretur. Et sumserat, et ita vigebat, vt qui illum intuerentur vel agentem aliquid negotii, vel inambulantem, quod studiose mouendi corporis causa facitabat, vel inter amicos iucunde versantem, facile robustam viri valetudinem putarent. Sed quam subita, quam tristis, quam calamitosa nobis omnibus facta est rerum conuersio? Heu pater! heu decus nostrum! Sed modum ponamus querelis, nihil iam nisi ad augendum dolorem profuturis. Respiciamus fontem ipsum, vnde manat, quidquid amarum nobis atque miserum videtur. Diuinam veneremur prouidentiam, quae munus suum ostendit nobis, indulgit magna cum vtilitate nostra, tempore licet breuissimo, et modo cum ipsi maturum visum est, ad se recepit. Caecutimus mortales ad cognoscendas, quam diu ipsae se nondum explicuerunt diuinae et gubernatricis rerum humanarum sapientiae rationes: sed nouimus tamen in illa ipsa, quae nobis interdum videtur rerum sursum deorsum euntium colluie atque perturbatione, ita sapienter omnia temperari, ita his quae auersamur aptas et innexas esse commoditates; ita dulces ex amaris radicibus

fructus, ut paullo post, qui vestigia quasi diuina persequuntur diligentius, cum admiratione proclamant, quae mala aliquam diu videbantur fuisse, ea et ipsa esse, si totum opus Dei atque consilium spectes, optima, vel talia certe, sine quibus quod optimum est obtineri non potuerit. Iniurii profecto fuerimus in caelestem providentiam, si bonorum, quibus per illum nos affecit, ad id modo reminiscamur, ut lugendi inde et querelarum captemus materiam. Quin grati agnoscamus, recte collocemus, quae in BRVNNQVELLO habuimus: quae supersunt ab eadem providentia, tranquilla mente et obsequi diuinis nutibus parata, expectemus. Quod si enim decreuit Deus, quod quidem factum non dubiis signis nobis videmur colligere, esse Gottingam litterarum optimarum sedem, et bonae mentis publicam officinam; quam quaelo facile illi est et damnum quod fecimus sarcire, et ita gubernare quae supersunt, ita secundare Regis et amicorum ipsius consilia, ut ringentibus etiam, qui nobis inuident, et frustra machinas omnes contra nos intendentibus, stet consilium Dei, floreat Gottinga, rumpatur inuidia, ament, et colant hanc litterariam vniuersitatem, qui nunc strenue sibi quauis arte oppugnandam putant. Absit, ergo, *CIVES CARISSIMI*; ut animum despondeamus, ut diuinae obloquamur providentiae. Constantius amemus BRVNNQVELLVM nostrum etiam cum inter nos versari desiit, et funus illius non inanibus lacrimis et molli eiulatione: sed virtutis ipsius atque meritorum commemoratione condecoremus. Agite, dum maius monumentum atque solidius illustri atque immortali Viro paretur, summas modo vitae ipsius rationes hic cognoscite.

Vir, dum viueret, Illustris et Magnificus

D. IOANNES SALOMO BRVNNQVELL

Potentissimi M. Britanniae Regis atque Electoris Brunsvicensis a Consiliis Aulæ, Iuris Canonici in hac Academia Professor, et Facultatis Iuridicae Ordinarius, itemque Academiae Pro-Rectoris auctoritate regendae Commissarius,

vitam

vitam hanc ingressus est Quedlinburgi a. d. xxii. Maii cło Iccxcii, patre IO. HENRICO, qui cum in Gymnasio illius vrbis bonas litteras diu, fideliter, et cum fructu docuisset, decimo huius saeculi anno diem suum quatuor supra quinquaginta annos natus obiit: matre autem BARBARA DOROTHEA, gente MICHAELIORVM honesta et nobili in ea vrbe, quae anno demum cło Icccxxix sexagenaria maior e vita discessit. Educatus cum cura et litteris humanioribus imbutus, tum a patre, tum praesertim a TOBIA ECKHARDO Rectore ludi illius, viro docto sane, et ingeniorum formatore felicissimo. Harum litterarum amorem atque usum cum in Ienensem Academiam attulisset, quod factum est cło Icccxi, tanto faciliorem felicioremque seueriorum studiorum cursum habuit. Contigerunt illi doctores haud vulgares, qui praeclarant indolem, et ad summa quaeuis iam per se nitentem incitarent subleuantque. In his primum ipse laudabat Virum excellentis doctrinae atque famae IO. IACOBVM SYRBIVM, qui felicissimo connubio vetera cum novis coniungens, solidam et notionum et doctrinarum philosophicarum cognitionem illi propinavit. Hanc auxit deinde EPHRAIMVS GERHARDVS, subtilis et ingeniosus doctor tum naturalis iuris cum philosophia reliqua, tum civilis etiam, paullo post Altdorffium, et deinde ad alteram vitam euocatus. Historias enarrantem audiuit Illustrem dignitate et meritis virum, B. G. STRVVIVM, itemque BARTHOL. REICHARDVM, Bibliothecae tum praefectum, amoenissimo ingenio et excellenti historiarum et iuris publici notitia virum. Dedit etiam operam non perfunctoriam placidissimi ingenii et vere philosophici, doctrinae autem summae, viro GOTTL. STOLLIO, per litterariae historiae, in qua regnat, campos et amoena vireta auditores suos iam tum ducenti, et Excell. SCHMEIZELIO, terrarum descriptionem et insignium artem tradenti. Quae ab his acceperat magistris BRVNNQVELLVVS, ea ad princeps institutum suum, hoc est, ad vniuersi iuris disciplinam tum percipiendam melius, tum elegantius exornandam, retulit omnia. Huic enim,

felici et salutari Germaniae fato, se totum tradiderat, et praeter GERHARDVM modo laudatum, celeberrimos tum antecessores SLEVOGTIOS, WILDVOGELIOS, FRISIOS, SCHROETEROS, vita functos omnes, audiebat; praeter caeteros autem grauem annis, honoribus, meritis, atque illustrem virum, WILHELMVM HIERONYMVMBRVCKNERVM, quem testem primo diligentiae suae atque doctrinae, mox dignitatis auctorem, et focerum denique habuit. Ab his cum percepisset iuris disciplinam BRVNNQVELLVS, satiari tamen sitis ipsius non potuit, sed triennio integro Ienae exacto Lipsiam se contulit, non mercium magis aliarum, quam humanitatis, elegantiarum, doctrinae omnis emporium, ibique LVDERI MENCKENII, FRID. PHILIPPI, Excellentissimorum hominum, quorum floret diuque florebit memoria, itemque CAR. OTTON. RECHENBERGII, qui nunc, praeter reliqua maxima decora sua atque nomina, primus Antecessor et Ordinarius facultatis Iuridicae Praeses est; horum igitur ingeniis et doctrinis facultatem, quam sibi Ienae comparauerat, ita auxit, vt in patriam reuersus explicare illam et ad opem periclitantibus ferendam magno cum successu adhibere inciperet. Scilicet hoc sibi theatrum futurum putabat BRVNNQVELLVS, hoc stadium, in quo decurreret. Sed visum erat Deo in illustriori longe statione collocare virum rebus maximis parem, eiusque consilii sui expediendi hanc quasi viam tenuit. HENRICVS CASPAR ab VSLAR, iuuenis tum et genere et ingenio florentissimus, in Academiam Ienensem mittebatur anno seculi XVII. Illi cum quaereretur comes idoneus, inueniri non potuit nostro praestantior. Hanc igitur occasionem nactus non recoluit tantum iuris studia, sed ipse quoque docendis priuatim aliis vires suas expertus est et auxit egregie. Quo facto consilium cepit dignitatis Academicæ petendae atque consequendae. Neque ea in re difficultatis quidquam fuit, cum is esset BRVNNQVELLVS, quem cupidissime ornaret illustris ICtorum ordo, et magnum inde sibi ornamentum conciliatum iri praesagiret. Cursoriam quam vocant lectionem in

L. XVII. C. de PACTIS habuit a. d. xix. Sept. clō lōcc xviii. publice autem renunciatus Doctor est a. d. vi. Febr. clō lōcc xx. a quo inde tempore coetus priuatos iuuenum doctrinae ipsius cupidorum, disputationes item publicas *, eo successu habuit,

X 5

vt

* De criminum abolitione Praefide D. Ephraimo Gerharo Ien. 1714.

Inaugural. Disp. de Codice Theodosiano eiusque in Codice Iustiniano usu, sub praesidio D. Wilh. Hieronymi Bruckneri Ien. 1719.

De conditione: *Si non nuperis*, ultimis voluntatibus adiecta 1722.

De Processu Arresti ad effectum sistendi 1725.

De Processu inhibitorio in foris Saxonici 1726.

De acquisitione domini ex lege, quae sit ipso iure 1729.

De diuerso Patroni ecclesiastici et Laici iure 1730.

De variis iuris Patronatus acquirendi modis 1731.

Diff. inaugural. de ratione dicti testium 1732.

Diff. inaug. de usu fructu mariti in rebus uxoris, moto super illius bonis concursu creditorum cessante 1732.

Diff. inaug. de iure Patronum honorifico primario, nimirum iure repraesentandi 1733.

Diff. inaug. de pictura famosa, et de specie Iuris Germanici, pacto nimirum, quo maiores nostri sub pictura famosa, *bey Straffe Schandgemälden* sese obligarunt, occasione recessus Imperii de anno 1577. tit. 35. §. 7. Ienae 1733. et recusa 1734.

Diff. inaug. de Feudo Keminatae vulgo *Kemnad*. 1734.

Diff. inaug. de vtilibus Patronorum iuribus ex corrupto Ecclesiae significatu natis, parum vel plane non vtilibus 1734.

Programmata: Prolusio *von dem allgemeinen Staats-Rechte und dessen höchsten nützlichen* Excolirung Ien. 1721.

Prolusio Academica de diligenti comparatione omnium eiusdem inscriptionis in Digestis capitum capienda, deque huius artificii inuentoribus et promotoribus Ien. 1724.

De sectis et controuersiis Iuris Iustiniani interpretum, quos Glossatores appellamus 1725.

De retractationibus veterum Ictorum, quorum fragmenta in Digestis supersunt 1726.

De Ictis Ericundis siue Miscellionibus, quorum fragmenta in Digestis supersunt 1728.

De praecipuis solidioris prudentiae impedimentis Ienae 1728.

De variis veterum legibus suis sanctitatem auctoritatemque conciliandi modis 1729.

De solemnibus in executione sententiarum capitalium a Romanis adhibitis 1733.

De pictura honesta et vtili 1733.

Programmata, quo priuilegium Saxonicum *de no. stando* etiam querelam

ut tribus interiectis annis tam spectata virtus praemio insigni digna iudicaretur et ipse Curiae Prouincialis Saxonicae Aduocatus Ordinarius, tum post aliquanto Professor iuris Extraordinarius a Serenissimis Ienensis Academiae nutritoribus esse iuberetur. Hic vero campum nactus amplissimum, dotes ingenii ac doctrinae thesauros hinc auxit praeclare, cum rebus in foro gerendis quotidie operam daret, hinc cum aliis feliciter communicauit. Itaque anno saeculi XXVIII. Scabinorum quos vocant collegio, rebus litibus iudicandis, adscriptus, et biennio post ordinaria iuris professione et loco inter Curiae Prouincialis Saxonicae Assessores auctus est, quibus ornamentis accessit anno XXXIII. illud, ut a Serenissimis Saxoniae Ducibus Gothano atque Isenacensi Consiliarii Aulici dignitas ipsi conferretur. Quo plausu ipsum inter haec non iuuentus tantum academica exceperit, qua in re error non nunquam aliquis intercedere potest; sed quam probatus etiam sapientibus viris et longo usu rerum prudentibus fuerit *BRUNNOVELLVS*, tum alia plurima documenta exstant, tum vnum maximum atque certissimum, quod cum *POTENTISSIMVS REX* noster, huic Academiae dari velleret virum et docendi iuris et dicendi peritissimum, qui auctoritatem conciliare nouae scholae, et allicere cupidam legum iuuentutem posset; hunc ipsi commendarunt Proceres Illustrissimi sapientissimique, quae res Augusto mense

relam nullitatis, supplicationem, similiaque remedia ad summa imperii tribunalia excludere ostenditur 1734.

De usu linguae Germanicae veteris in studio iuris feudalis Longobardici 1734.

De iuribus Patronorum vtilibus spuriis 1734.

De Digestis secundum indicem legum Iacobi Labitti aliorumque κατά πλάτος et verbotenus excudendis. Gottingae 1735.

Prolusio, qua in pugna iuris Germanici et Romani illud huic, in primis in causarum illustrium decisionibus praeferendum esse, nisi huic receptio probetur, ostenditur. Gottingae 1735.

Libri: Historia Iuris Romano-Germanici, a primis Reip. Romanae atque Germanicae initiis ad nostra usque tempora ex suis fontibus deducta. Ienae 1727. et Amstelodami 1730. recus.

Isagoge in vniuersam Iurisprudentiam, typis mandari coepta. Optandum existere alium aliquem Apellem, qui capiti pulchro membra reliqua subiiciat.

se superioris anni perfecta ita feliciter nobis cesserat, ut veniret ad nos Kalendis Martii, quo die quanta alacritate vestra, *CIVES*, exceptus, quantum modestia vestra delectatus fuerit, recordamini; ut gubernacula etiam Academiae novae a. d. IX. Aprilis fusciperet; ut humanitate sua et sapientia omnes sibi, tum collegas, tum ciues Academiae mirifice deuinciret: ut luculentum numerum eorum nobis iuuenum alliceret, qui vel a generis dignitate, vel ab ingeniorum praestantia flos Germaniae suo iure appellari possunt; ut nihil non felici successus in posterum a spectata Viri prudentia, doctrina, gratia, omnes merito expectarent. Heu? recrudescit dolor! Sed constanter, quae supersunt peragamus: quamquam difficile est sine lacrumis nominare emendatissimi moris, et piam ad exemplum matronam *SIBYLLAM CATHARINAM*, Viri quem ante iam laudauimus *Illustri WILH. HIERONYMI BRVCKNERI*, Antecessoris primarii Ienensis et Consiliarii Serenissimorum Saxoniae Ducum, filiam. Hanc enim sibi *BRVNNQVELLVVS*, virgo quae esset parentum suorum et sua virtute commendatissima, expetiuerat coniugem, est obtinuit a. d. xxv. Aug. clō lcccxx. Hanc fidissimam vitae sociam ab eo tempore habuit, in eius commoditate, et placidissimis moribus, post labores molestiasque suauiter acquieuit; ex hac liberos suscepit patriarum auitarumque virtutum, quod auguramur, heredes, *IOHANNEM HIERONYMV M SALOMONEM*, *CHRISTINAM DOROTHEAM*, *WILHELMVM SALOMONEM*, et *IO. ADOLPHVM*. Hanc afflictissimam nunc turbam, et fauore omnium dignissimam, tanto minus vel hominum beneuolentia, vel diuino adeo auxilio carituram speramus, quo enixius elaborauit, dum potuit, quem lugent Maritus atque Pater, ut plurimae vel viduae mulieres, vel orbi parentibus liberi, in ipso paratum haberent praesidium, et ipso tutore vel curatore incolumitatem suam retinerent; quo studiosius integerrime atque sapientissime respondendo, iustissimisque ferendis sententiis, opem oppressis quam plurimis tulit, atque afflictos subleuauit. Qua quidem in re, hoc est in iure caste atque sapienter dicendo, et reliquis publicorum privato-

uatorumque munerum laboribus adeo sibi non pepercit, ut iam a satis longo tempore succumbere interdum laboribus nimis grauitur incumben- tibus machina corporis videretur, et solennibus fere morbis quotannis laboraret. Itaque sunt inter nos, qui commemorantem audierunt, hanc sibi inter praecipuas causas fuisse migrationis in hanc Academiam suscipiendae, ut per hanc occasionem laboris aliqua parte leuatus respirare aliquantum, et nouam quasi vitam paullo minus laboriosam posset ingredi. Affectum sane corpus Iena ipsum extulisse, et illa gratulatio indicat, qua auditus est laetari, quod egredi domo posset, non supinus exportaretur; et bona medicamentorum copia, quam huc secum attulit, quaque primo tempore usus est. Sed, quod modo dicebamus, plane sibi aliisque restitutus videbatur, et vigorem omnem pristinum recepisse, ipsa etiam afflictissima nunc coniuge admirante subitam in melius mutationem. Verum enim vero sub finem mensis superioris febre correptus est tertiana cum bilioso vomitu et doloribus colicis. Ea porro febris post paroxysmos aliquot in continuam transiit, vehementem, cum purpura rubra pariter et alba, euanescentibus subinde, nulla, de qua constet, occasione data, exanthematibus. Inter haec anxietates summae exagitabant praecordia, non sine metu suffocationis; ultimis diebus spasmi accedebant; sensuum hinc retusa acies, hinc conuulsiones, et vndecimo morbi die mors placidissima, cui frustra intercedere praestantium Medicorum cura conata est. Senferat ipse nihil sibi humanae opis, temporis autem parum superesse. Itaque ad spem alterius vitae erigi se caelesti epulo, domi per summe Reuerendum Sacrorum apud nos Antistitem PRAETORIVM administrato, voluit, atque aliis de rebus, quae post mortem suam vellet fieri, constituit; animamque immortalitatis semper appetentem Parenti animarum atque Seruatori vnico reddidit, vno ante impletum annum secundum atque quadragesimum die, hoc est a. d. XXI Maii, hora III pomeridiana. Haec sanctissima anima, et a magnis in breui licet vita peractis laboribus, suauiter adquiesce! Mortales exuuias a. d. XXIII Maii in templi Academici cryptam sunt illatae. Funeris honorem cras illi, hora II Regio iussu, quo apparatu, quem dignitas viri in Academico Magistratu defuncti postulat, habebimus, quem vos, CIVES CARISSIMI, summo studio adiuturos esse, tum vester in BRVNNQVELLVM amor, tum ea, quam in plerisque vestrum amamus, modestia nobis persuadet: quo minus illud vobis pro auctoritate iniungendum putamus.

P. P. a. d. XII Iun. Cl. MCCXXXV.

II.

MONIMENTVM PIETATIS
MEMORIAE
OPTIMI PARENTIS SACRVM

HOC EST

V I T A

M. TOBIAE ECKHARDI

ILLVSTRIS GYMNASII QVEDLINBVRGENSIS REC-
TORIS, SOCIETATIS LATINAE COLLEGAE HONORARII

CONSCRIPTA

A

FILIO

CHRISTIANO HENRICO ECKHARDO

L. V. D. SOCIETATIS LAT. EPHORO.

VITA

M. TOBIAE ECKHARDI

RECTORIS ILLVSTRIS GYMNASII
QVEDLINBURGENSIS.

Illaetabile et perquam luctuosum est, quod suscepi, officium, eiusque praestandi necessitatem ipsa mihi natura videtur remisisse. Qui enim a me exigí potest, quod non sine horrore cogitare possum? quod dum praesto, non potest non refricari grauissimum, quod accepi, vulnus, et augeri mirum in modum ingens, qui animum angit et lacerat, dolor. Nemo est tam ferreus, quin vehementer adficiatur et commoueatur commemoratione iacturae, quam fecit, grauissimae. Cui non rigeant manus, dum ossa hominis sibi coniunctissimi legit? pauore membra occupantur, paternos colligendo cineres, eosque in urnam sanctissime referendo, et horret animus meminisse fatalis necessitatis, quam venerandus in vita PARENS subiit. At potior sanctiorque est pietatis lex, qua patri filius addictus est, quaeque huic potissimum iniungit, ut iusta et suprema PIIS MANIBVS soluat. Probe hoc intellexit PLATO, ingenii doctrinaeque princeps, qui inter sanctissima filiorum officia primum hoc esse vult, ut monimenta defunctis parentibus dedicerent, eorumque memoriam recolant et sacram habeant. (a) Veteres, sapientissimi cordatissimique mortales, suprema officia morientibus debita, proximis cognatis demandari fas esse iudicarunt. Spiritus et ossa morientium legere, oscula illis dare, eorum erat officium, qui proxima cum illis cognatione coniuncti erant. (b) Sancte mos hic Romae diu cultus est, quin lege ibi statutum erat, ut filius semper, si pubes esset, defunctum parentem funebri oratione pro rostris condecoraret. Testis eius rei locupletissimus est POLYBIUS, gra-

(a) PLATO de Legibus L. IV.

(b) quod erudite docuit IOANNES KIRCHMANNVS in elegantí libello de funeribus Romanor. L. I. c. V. L. III. c. VII.

grauissimus diligentissimusque rerum romanarum scriptor, qui laudatissimam hanc Rom. consuetudinem egregie expositam memoriae prodidit (c): *Circumsusa, inquit, populi corona filius in rostra adscendit, si pubes relictus forte adsit, qui de mortui parentis virtutibus rebusque praeclare gestis dicit.* Sylla quidem a filio Fausto, quem reliquit, funebri oratione non ornatus est, vt APPIANVS scribit; (d) sed nondum pubes is erat, id quod vel maxime secundum leges requirebatur: ideoque alius vir eius aetatis eloquentissimus hoc officio functus est. Tiberius Imp. vero, nouem natus annos, defunctum patrem pro rostris laudauit, quod SVETONIUS testatur. (e) Tam sanctum, tamque carum supremum hoc officium Romanorum filiis fuit, vt nihil illo antiquius, nullum magis pium haberent, nec quisquam, quo studiosius pietatis virtutisque studium colebat, ab vlllo sibi illud praeripi patiebatur. Luculenter hoc patet ex Appii filii exemplo, qui vltro magistratum rogauit, vt sibi more maiorum et ex populi Rom. consuetudine patrem oratione funebri prosequi liceret. (f) Sapienter Romani rationes subdlexerunt, quod filios ad supremum hoc officium vocarent, rati, hae pietatis professione ad virtutis studium et ad aemulandas patrias laudes suos maxime incitari, memoriamque meritorum, quae a parentibus in filios profecta sunt, perpetuo conseruari. Praeterea, quum nihil magis valeat ad consolationem et mitigandum dolorem, quam repraesentatio et cogitatio parentis in nos meritorum, et vitae bene beateque ab eo transactae memoria; iure quodam summo vitam parentis commentandi prouinciam mihi vindico. Cedat igitur pietati dolor, nec me auertat lugendi materies, quam praebere posset haec commentatio; praeestabo lacrimarum vecigal, memoriamque optimi parentis, in diuino animarum concilio

(c) POLYBIUS L. VI. Histor. c. LI.

(d) APPIANVS de bellis ciu. L. I. p. 694. 695.

(e) SVETONIUS in Tiberio cap. VI.

(f) DIONYSIUS HALICARNASSENSIS L. IX. Antiquit. rom. p. 611. edit. Sylburg. KIRCHMANNVS in libro citato L. II. c. XVIII.

cilio iam agentis, posteritati pie commendabo, ut hoc sempiternum et numquam intermoriturum pietatis, cuius laudem si consequutus fuero, satis habeo, monumentum exstet. Perhonorificum et magis gloriosum foret, ab alio et laudato viro eum laudari: immo tanto aequius est, eius virtutis testimonium ab aliquo perhiberi, quanto magis et praeclarius is de aliis in commemoranda posteris eorum memoria meruit.

In lucem anno a Sotere nato cLo DC LXII. ipsis Calendis Nouembribus desideratissimum PARENTEM editum excepit Iutrobocum, antiquitate et excellentissimorum ingeniorum prouentu, quo cum celeberrimis quibusque ciuitatibus contendere potest, nobilissimum Saxoniae oppidum. Vitam post Deum accepit a patre IACOBO ECKHARD, honestissimae existimationis et spectatae inter ciues vitae morumque integritatis viro, et longo militiae equestris usu rerum peritia prudentiaque haud vulgari praedito, qui honores militares et ciuiles fugit magis, quam expetit, et oblatos accepit. Mater EIVS fuit BLISABETHA SCHVLZIA, auo fidissimo sollertissimoque oraculorum diuinorum interprete prognata. Ambo parentes inter ineuntis aetatis primordia parentibus suis pestilenti lue orbari, inter fatales belli, per XXX. annos gesti, quae Germaniam affligerunt, calamitates adoleuerunt. Perspecta cognitaque est singularis parentum in filium pietas ex mira eum educandi sollertia, quum nihil negligerent eorum, in quibus natorum consistit felicitas. Prima igitur eorum cura erat, ut diuini foederis, quo Deus nos sibi filios adoptat, particeps fieret, et fidei atque litterarum primis elementis imbueretur. Quae, priuata institutione tradita, quum sine vlla opera arripuisset, patrio ludo a parentibus traditus est, ut in eo publice ingenii dotes ostenderet, quibus statim ipsam praeceptorum spem anteuertit, dum cito quatuor patriae scholae ordines superiores transiret. Videbant fidelissimi felicissimique ingeniorum formatores excitatae indolis praestantiam, quam luculentissimis ingenii documentis editis comprobabat, et ex arripiendi ea, quae tradebantur, cupiditate et celeritate collegerant, ut certatim suasores auctoresque parenti essent, ut filium optimae spei littera-

terarum et publicae rei vsui consecraret. Natura enim maximo amore ad liberalium artium culturam ducebatur, quam maxime alienus ab omni illiberali arte et domesticis negotiis. Praeclarissimum hoc in futuram aetatem omen videbatur, quo in illo formando poliendoque publicae rei se profuturos certissime sperabant. Solet enim summum, quod cuncta nutu suo gubernat, Numen signis ante diuinae voluntatis declarare, quibus vsibus homines destinauerit. Compluribus hoc exemplis comprobari potest, quibus praesentissimum Numinis auxilium sensit B. Parens in vitae periculis, in quibus adhuc infans semel iterumque versatus est. Quum initiandus esset sacri foederis ritibus, eamque ob rem in templum gestaretur, parum aberat, quin per limina in templum, dum incautius descendit oblatura sacro fonti matrona, manibus eum excussisset, nisi socia auxilio fuisset. Singulari quoque Dei O. M. prouidentia seruatus est in summo vitae discrimine, in quo fuit, quum vix quatuordecim dies lucem adspexisset. Incendio vicinae aedes correptae, dum cereuisia coquitur, paene conflagrabant, et paternis iam ardentibus, et vix ac ne vix quidem ab interitu liberatis, alio transportatus Parens meus vitae periculum effugit. Aliud et plane admirabile diuinae curae et prouisionis documentum expertus est ineunte aetate, quum non multo ante alterum aetatis annum egressus esset. In summum vitae discrimen venerat ascendens in alteram aedium paternarum contignationem, vt poma peteret, sed descendens scalas non recte ingreditur, et aberrantibus vestigiis grauisimo perisset lapsu, nisi indusium, quo indutus erat, ferreo clauo correptum fuisset, et sic medius pependerit, donec ad clamorem auxilio alii succurrerent. Quae aliaque similia diuini auxilii in tot periculis luculentissima argumenta gratissimae deuotaeque mentis adfectu idemtidem B. Parens praedicauit, et fecerunt, vt fretus sapientissima Numinis prouidentia, numquam rebus diffideret suis. Traditus vero probatissimorum, qui bonas artes docebant, hominum disciplinae, sedulo fideliterque iis litterarum studiis, quibus prima aetas impertiri solet, imbutus est, eorumque cura et studium permultum ipsi ad egregiarum artium

cultum profuit, quorum in erudiendo fidem, operam, diligentiamque gratissima semper memoria magnopere coluit. Praeparatam sic et praemunitam probe primis litterarum fundamentis indolem maiori cura expoliendam effingendamque susceperunt sublimioris scientiae doctores, qui ad formandam illam omnem operam adhibuerunt. Multum in primis debet M. DELITZIO, ludipatrii conrectori sedulo, et M. CHRISTOPHORO GRAVELIO, eiusdem scholae rectori praeclare merito, post proximis a doctore in arte salutari honoribus ornato, et ciuitatis Physico experientissimo, itemque consuli grauissimo, in quorum scholis optimarum scientiarum doctrinis rite innutritus est. Nec minus M. CHRISTIANO SCHARNOVIO, qui in prouinciam, qua GRAVELIVS laudatus se abdicauerat, successerat, praeceptore vsus est admodum industrio, et post in TEVPITZII, quem fata vix ostenderant, et eius in munere conrectoris successoris KRUGHII, virorum clarissimorum, disciplinam venit. Ibat recuperatae salutis annus cło lcc LXXIX, quum Numburgum beatus parens concedere cogitaret, vt doctissimorum hominum, quos bonae mentis officina ibi florentissima fouebat, doctrinas in vsus referret suos, domestica viri cuiusdam clarissimi, cui commendatus erat, institutione magis adiuuandus subleuandus que. Sed interceptit eius consilium morbus, qui tum eum adflixerat. Febri enim inter ipsa dispensati sacri epuli sacra corripiebatur ante nundinas, quae Lipsiae verno tempore celebrantur, ad quas parens ipse adire, et post eum inde Numburgum adducere constituerat. Quae mox in ardentissimam degenerans, et maiori vi et impetu semel atque iterum recurrens in mensem vsque Iulium eum domi retinuit. Postquam paullo morbo lenatus, et satis confirmata valetudo esset, circa festos dies Cereales ad bonarum artium mercaturam, Halam, contendit, vbi in Gymnasio celeberrimo a viris eruditissimis, formandaeque iuuentuti maxime idoneis, M. IOANNE PRAETORIO, qui tum summa cum laude rectoris munere fungebatur, et M. CONR. SOLBACHIO, a quo postea cum lacrimis dimissus est, ad manfuctiorum litterarum cultum adprime institutus est. A M. ALBERTO ROTHIO, tertij ordinis alumnorum praeceptore sol-

ler-

lertissimo, hebraeae linguae praecepta hausit, tum, quum funestum cometae sidus, in caelo fulgens, Germaniae cladem portenderet anno cLo Ioc LXXXI. Huc delatus nihil sibi prius faciendum existimavit, quam ut, editis doctrinae speciminibus, publice ingenii vires experiretur, et maiori cupiditate animique alacritate ad bonarum litterarum cultum contenderet. Quibus rebus facile impetravit, ut inter aequales prae ceteris ingenio et doctrina exsplenderet, et praeceptorum spem de se conceptam expectationemque egregie sustineret. Viderat hoc laudatissimus PRAETORIVS, quam primum eum adspexerat, et augurium felicissimum, quod de eius diligentia ex editis documentis et bonae frugis expectandae indiciis ceperat, non fallebatur, quoties eius rei faceret periculum. Accidit hoc paullo post, quam accesserat, et vix mensem ibi degerat, quum PRAETORIVS exercitationem ex tempore graece excipiendam dictitasset, vno alteroue frustra euocato, spe optima plenus tandem parentem, qui tamen tum ultimum in superiori ordine locum tenebat, his compellavit verbis: *Eckharde TV habebis*, qui etiam sine mora specimen doctrinae, subito natum et pro ingenii viribus graece elucubratum, recitavit. A primis aetatis annis singulari graeci sermonis studio tenebatur, et prae ceteris ad accuratorem eius intelligentiam maiori nisus ope atque industria, hoc consequutus erat, ut eruditionis, quam in his litteris sibi comparauerat, non semel daret documenta, et graecis versibus more solemni diem natalem eius, qui ludum moderabatur, saepius concelebraret. Huius laudabilis instituti, quod illi ipsi multum profuit, hunc etiam fructum tulit, ut tum praeceptorum amore et favore insigni frueretur, tum honorationum et nobiliorum commilitonum studiis floreret, iisque ob diligentiam et ingenii felicitatem carissimus esset. Iam infecta erat ciuitas lue funesta, eiusque vis acrius grassabatur, qua plures iam homines necati erant, vastatae fere et exinanitae funeribus plures domus, et eo paene ventum erat, ut aditu redituque publico vrbs intercluderetur. Quare diutius hic commorari tutum non erat: sed singulari Numinis providentia commodam discedendi occasionem nactus, clausis iam

triginta amplius domibus, adulta hieme d. xv. Ianuarii anno cdo lbc lxxxii. rheda Serenissimae Ducis Augusti viduae, quae salutis suae custodem et comitem Halam remiserat, scriptis sibi ipsi litteris, liberum commeatum praestantibus, vectus, in tactus contagione incolumisque patriam repetiit. Sed otium, quod hic secessus in patria fecit, et quod a suavisimo cum Musis commercio paullo alienum erat, ferre diutius non potuit. Praeter ea non consultum rebus suis fore iudicabat, aliam adire scholam, et iis, quae in illa traduntur, disciplinis, diutius operari. Constitutis itaque rite studiorum rationibus, et iactis ante earum litterarum, sine quibus nemo ad doctrinae quemdam habitum peruenire potest, fundamentis, Vitebergam non multo post abiit, ad celeberrimum sanctissimumque omnis sapientiae eruditionisque domicilium. Huic quum redditus esset, iis potissimum litteris artibusque, a quibus praesidium et ornamentum sanctioris disciplinae studium, cui sese addixerat, caperet, animum primum excolendum statuit. Hinc per omnem interiorum litterarum ambitum et humanae sapientiae studia ad solidam rerum diuinarum cognitionem grassatus est, praestantissimos cuiusque scientiae doctores eligens, qui viam ipsi ad doctrinam consultissimam praemunirent. In scholis doctissimi REMLINGII, philosophorum ordini tum adscripti, post publico docendi munere apud Gryphiswaldenses fungentis, praeceptiones philosophiae rationalis, et eius, quae in cognoscendis et eruendis rerum principiis versatur, quam Metaphysicam adpellamus, imbibit. Ex eiusdem recitationibus aeterni et immutabilis iuris, quod nobiscum natum est, cuius praecepta singulis hebdomadibus ad disputandum proponebantur, insignes se doctrinae et philosophiae accessiones fecisse, idemtidem grata mente professus est. Multum laudatus REMLINGIUS parenti probabatur, utpote qui non in scholasticorum tricis haerebat, nec vanas, abstrusas, et infelici macritudine collabescentes doctrinas amabat, sed cultas et selectas complectebatur. In indagandis rerum naturalium rationibus praeiuerunt ipsi CHRISTOPHORVS REVCHLINVS, ad sanctiores litteras publice docendas post Tubingam vocatus, qui eos sectabatur, qui in principiis corporum naturalium quae-

quaerendis definiendisque Mosaicam amant doctrinam, et vir percelebris nominis, doctrinaque praestantissimus, D. CHRISTIANVS VATERVS, cuius publice prostat Physica experimentalis. Ex CHRISTIANI DONATI ore philosophiae dialecticae, sublimioris, et eius, quae circa corporum magnitudines dimetiendas versatur, doctrinas sedulo cupideque arripuit, et quum hic principia regulasque Metaphysicorum publici iuris facere vellet, parentis mei vsus est exemplo, manu exarato Confectis sic in philosophorum academia spatiis, in philologiae ambitum penetrauit, et primum ad linguarum, quae in oriente floruerunt, cognitionem acquirendam omni opera ac studio incubuit. Duces in hoc studiorum genere sectatus est FLORIANVM ET KLEPPERBEINVM, praeclare tum has litteras docentes, et ab hoc, qui leuerano in Frisia orientali Gymnasio moderando post praefectus, et dein sacrorum Antistes constitutus est, duosque filios parentis, rectoris Quedlinburgi munere fungentis, disciplinae fideique tradidit, ad litterarum ebraicarum, chaldaicarum et samaritanarum cognitionem perductus est. Audiuit quoque THEODORVM DASSOVIVM, linguas orientis summa cum nominis celebritate publice docentem, et antiquitates Ebraeorum de decimis primis atque secundis, de votis, de primitiis egregie interpretantem. Ex BALTHASARIS STOLBERGII, viri graecarum litterarum scientia illustris, commentationibus in Demosthenis orationem de pace, et in diuini Pauli posteriorem ad Timotheum epistolam, eiusdemque antiquitatum graecarum praelectionibus, et elegantissimis interpretandi artis doctrinis, egregia graecarum litterarum praesidia cepit. Quam ob rem aegre admodum praematurum STOLBERGII ex rebus humanis excessum tulit, praesertim, quum is in eo esset, vt criticae artis praecepta tradere vellet, suamque de stilo, quo sacri scriptores in noui foederis libris vsi sunt, sententiam publice ad disputandum proponere et tueri institueret. Incomparabilis et summi nominis Polyhistoris, CONRADI SAMVELIS SCHWYZFLEISCHII, cui se in primis addixerat, scholas tam publice, quam priuatim habitas per sex annos obiit, vt, quanto maiori litterarum inter-

reriorum scientiae laudē prae aliis excellebat SCHVVRZPLEI-SCHIVS, tanto cultiorem et exquisitiorem eruditionis adparatum ex eius doctrinis sibi colligeret. Idcirco, quoties memoriam rerum, aut in sanctiori coetu, aut in rebus publicis gestarum, duce immortalī PVFENDORFIO, in introductione in historiam, ex annalium vetustate praeclare erueret, vel noui foederis libros obseruationibus elegantissimis erudite illustraret, vel antiquitates et ritus veteris puriorisque ciuitatis sacrae accurate exponeret, toties non nisi summa cum voluptate ex eius docentis ore pependit. Nec minus diligenter sectatus est elegantissimum doctissimumque virum GEORGIUM CASPARVM KIRCHMAIERVM, memoriam optimi seruatoris, vitam pro humani generis salute profundentis, ex historiarum vetustate replicantem. Instructus ita philosophiae et elegantioris litteraturae praesidiis, sanctioris disciplinae studium suscepit, et praeceptore per aliquot annos vsus est venerabili sanctioris disciplinae doctore, IO. DEVTSCHMANNO, quum sacrarum litterarum doctrinas exponeret, aut examinando et disputando discipulos exerceret. In primis vero doctrina et meritis florentissimo D. MICHAELI WALTHERO adhaesit, operamque diligentissimam dedit, quum Theologiam positiuam, a Calouio editam, interpretaretur, et potissima controuersiarum, quas Calouius in synopsi exhibuit, argumenta exponeret. Huius diuinæ doctissimaeque scholae mirifice ad non proletariam sanctioris disciplinae scientiam parenti profuerunt, et insignes fructus ex disputandi, quod WALTHERVS instituerat, exercitio cepit. Neque vero adeo WALTHERO addictus fuit, vt huius tantum lare se tueretur, nec CALOVIOS, ad cuius scholas ingens concursus eo tempore fiebat, QVNSTADIOS, MAYEROS in praelectionibus Antipapaeis, homileticis, litterariisque sacris, veneranda Academiae Vitebergensis lumina, et eximia sanctioris disciplinae decora adirer, et ex eorum recitationibus partas doctrinae opes confirmaret. Nec eam Theologiae partem, quae homiletica dicitur, omisit, quam tum primum Vitebergae docere coeperat THEODORVS DASSOVIVS, qui dicendi praecepta tradidit, et CHRISTI, vitam ponentis, historiam pro
con-

concione tractandam illustravit. Socius collegii interfuit sexaginta et aliquot concionibus sacris, quae D A S S O V I O praesente a sanctioris disciplinae cultoribus recitabantur, et censoriis audiebantur auribus. Qua in re quum ingenii felicitatem, doctrinaeque praestantiam, saepe declararet, aliorum, qui litteris operam dabant, studia fauoremque sibi conciliauit. Indefessa itaque industria tantas doctrinae accessiones fecerat, et id adsequutus erat, ut ad mercedem laboris studiique praemium iure quodam adspirare se posse existimaret; ideoque philosophiae magistri honores a CLO LXXVI. praemiorum dispensatore, et ordinis Philosophorum Decurione, viro longe celeberrimo, MICHAEL WALTHERO, tum Mathematicum Professore publico, capessuit. Nec solo se ostentavit nomine, sed insignia illa eam ob causam ceperat, ut partae doctrinae suppellectilem explicaret, legendo confirmaret, et docendo amplificaret. Quare statim anno post in publicum eruditorum conspectum prodiit, et in litterato certamine prius de voce *αἰὼς* Praeside CONRADO SAM. SCHVZFLEISCHIO disputavit. Nec domi solum, et intra priuatos parietes tum industria eius eluxit, quum discipulis se dare coepisset, et scholas aperuisset, litterasque graecas et ebraicas alios doceret; sed foris eam quoque nobilitauit, cum elucubratis ingenii monumentis, quorum septem post id tempus in cathedra, curuli eruditorum sella, praeses disputavit, et a dissentientium oppugnationibus vindicauit, tum publice in Alumneo aliorum doctrinas laceffendo, et in dubium vocando. Sequutum igitur est alterum virtutis praemium, quo a Philosophorum ordine cohonestatus est, quum eum sibi adscriberent: quem locum, perbenigne concessum, sibi adseruit habita mox dissertatione anno CLO LXXXIX. de *funesto Iudae exitu*, quod argumentum ipsi a venerandorum diuinae sapientiae interpretum Decurione, D. IO. DEUTSCHMANNO, suppeditatum erat, ut b. CALOVIJ sententiam ab ANDREAE AVSTENII, Rintelen- sis Professoris, oppugnationibus vindicaret. Nouus iam et amplissimus parenti campus patebat, in quo ad doctrinae egregiae decus nitentis studium n. is exsplendesceret, et partas

cruditionis opes amplificaret, tum contra ea, quae ab aliis disputata erant, publice dicendo, tum diuinioris scientiae doctrinis alios erudiendo, quam potestatem, diuina oracula interpretandi, precibus sine vlllo negotio obtinuit, et dissertatione, auspiciis D. IO. DEUTSCHMANNI *de Iustificationis in veteri nouoque testamento ratione vna et eadem ad Ps. XXXII. 1. 2. et Rom. IV. 7. 8.* anno c1o lccxci. habita, sibi propriam reddidit et confirmauit. Ita nunc iuuentutis, litterarum studiis consecratae, commodis inseruiebat recitationibus, quibus Koenigii Theologiam positiuam illustrabat, item sacrae eloquentiae praeceptis alios imbuebat, et adolescentium ingenia examinando acuebat magisque perpoliebat; ipse vero hunc insignem fructum cepit, vt docendo doctrinae eius copiae crescerent. Hae erant studiorum rationes, quas optimus parens tenebat, sic iucundissimum otium academicum ab eo ponebatur, et in his occupationibus euigilabant eius curae cogitationesque. Quum sic in studiorum cursu versaretur, anno c1o lccxci. ipso Michaelis die litteris, ab amplissimo Stadenfis ciuitatis senatu missis, Con-Rectoris in Gymnasio, quod ibidem florebat, munus, ipsi, ciuium Stadenfis, in Academia degentium, studiis commendato, oblatum est, quod suscepit, quum clarissimos ibi viros docendi munere functos esse intelligeret. Semel iterumque antea ipsi Rectoris, speciatim Corbacensis, provincia commendata erat, cum ab aliis, tum potissimum a SCHVRFLEISCHIO, qui ipse olim eam sustinuerat, eiusque obtinendae sponsores itemtidem se obtulerat. Sed tunc eam deprecatus erat, vtpote qui non statuerat scholastico pulueri vitam curasque suas consecrare. Verum, quod ipse crebro dicere consuevit, traxit tandem illum fatum, quum ducere volens sequi primum renueret. Concessit verò Stadam, et habita pro concione litterata sollemni oratione, munere decreto felicibus auspiciis initiatus est. Quo facto Vitebergam rediit, et vasa sua conclamauit Stadamque transferenda curauit. Sed non ante ab hac celeberrima litterarum sede et benignissima studiorum suorum nutrice plane auelli potuit, quin procinctus et paludatus adhuc in eo sapientiae delubro doctrinae in illo adqui-

adquisitae monumentum, quum signum daret receptui, dedicaret. Disputauit igitur de *fonte haeresium* ad Coloss. II, 8. d. XII. Decembris anno MDCCXCI et paullo post Praefide D. MICHAELE WALTHERO de *disputationibus academicis*, ut verus discipulus sub veteri praeceptore, quae verba erant WALTHERI in publico congressu, nouissimum in Academia specimen ederet. Singulari fauore hoc WALTHERVS parenti meo dederat, ut is initium faceret collegii, quod instituerat cum nonnullis, disputatorii theologici, reiecta in aliud tempus alia dissertatione de *Legislatore Christo*, formis maximam fere partem descripta. Persequi tamen incepta non potuit Waltherus, et paullo post mors nobilissimas eius curas intercepit, vltimaque fuit haec disputatio ab eo habita. Qua finita mox eodem die Stadam profectus est, et muneris partes capessuit, quas ita tuitus est, ut explerentur vota patronorum, sic, ut anno post AVGVSTO VARENIO, rectore ad aulica ministeria obeunda Suerinum euocato, sponte rectoris munus ipsi demandaretur, quod nulli antea Con-Rectori inter frequentissimas etiam mutationes contigit, nec post illum, etsi ter nouus sit Rector constitutus. Quo in munere ad annum MDCCCV. omni fide, dexteritate, et industria versatus est, cuius rei illi testes sunt qui disciplinae eius fuerunt alumni. Subcessuas horas, et, quod a munere vacuum dabatur otium, aliis studiis donauit, nec vquam minus otiosus fuit, quam quum otiosus esset. Sic Iudaeorum magistro, qui ad puriora religionis nostrae sacra transierat, ut Rabbinicas litteras ex eo cognosceret, operam dedit, Gallicae etiam, et nouissime Italicae linguae magistros domi audiuit, eo consilio, ut harum linguarum scriptores legere posset. Adfluebat Stada viris eruditissimis D. IOANNE DIECMANNO, nominis et doctrinae celebritate insigni, IO DOCO HACKMANNO, consule et regio consiliario, doctissimo ICRO, qui animi et pietatis in Deum studii causa noui foederis libros, Syriaco sermone conscriptos, legebat. Praeter haec eximia decora et ornamenta haec ciuitas colebat et ostentabat IO. FAES, DIETERICVM VOR STADE, aliosque complures, doctrinae laude satis conspicuos, quorum amicitia et fauore ita fruebatur, ut

ex eorum consuetudine dulces et summos ceperit fructus. Praelectiones in nobilissimo illo Lyceo receptae sic erant comparatae, ut haud oscitantem doctorem requirerent, et anniuersariae Iustrationes docentium maxime causa fiebant, ut, quae docendi ratio esset, quaeque traderentur iuuentuti, intelligeretur. Summo iure Stadenſi magistratui hanc gloriam deberi parens agnouit, non vulgarem, sed praecipuam illi bonarum mentium officinae curam fuisse, quae eo amplior et excelsior est, quo certius est ob hanc providentiam spem summae felicitatis in omne aeuum laetissimam transmitti. Quod opinione iam inde ab antiquissimis ducta temporibus, et sapientissimorum hominum consensu firmata comprobatum est, augeri doctrinam doctissimorum virorum consuetudine ac sermonibus, et Vlyseam sapientiam non in vnius Ithacae finibus conquiri; illud probe intelligens parens, in rem suam vertit. Hinc non domi semper haesit, sed in viciniam subinde excursions fecit, ut clarissimorum virorum amicitia illigaretur. Salutauit viros, quos Hamburgum fouit, doctos, utpote Petrum Schulzium, seniore[m] venerandi sacrorum antistitem collegii, IO. FRIDER. MAYERVM eloquentiae iuxta, et eruditionis laude excellentissimum, cuius consuetudine iucundissima et conuictu aliquoties vsus est, Vincentium Placcium, Gerhardum Meierum, Balthasarem Menzerum, et IO. ALBERTVM FABRICIVM, Polyhistorem summum. Conciliatis sibi studiis doctissimorum hominum, qui Vismariam ornabant, AVGVSTVM PFEIFFERVM, aliosque Lubecae, et IO. FECHTIVM, IO. NICOL. QVISTORPIVM, KLEINIVM, Ictum, SCHAPERVM, Medicum, et alios Rostochii conuenit. Kilonii adiit CHRISTIANVM KORTHOLTIVM, grauiter tum morbo decumbentem, et non diu post congressum e viuis discedentem, HENR. OPITIVM, IO. BURCKARDVM MAIVM, GEORG. PASCHIVM, aliosque plures. Reuertens domum Suerinum transiit, et apud Augustum Varenium, suum ante collegam et hospitem diuertit, qui tum SERENISSIMI DVCIS a litteris secretioribus erat, et aulae rationes, eo auctore, penitus perspexit ac cognouit. Inuisit etiam sacrorum eius loci antistitem SCHÜTZIVM,

qui

qui instar magni pretii thesaurum praedicabat ingens volumen thematum genethliacorum, quae Henricus Voigius, germanicae in Stadenſi Lyceo classi praefectus, et Regis Sueciae Mathematicus, quem honorem fastis editis meruit, suo ingenio inuestigata conscripserat. Bremae salutavit Eggelingium, antiquitatis reiſque numariae peritisſimum, Gaſſitium, Lipſtorffium, Pohlemannum, moderatores regii Athenaei doctisſimos. Ibi quoque in interiorem amicitiam GERHARDI VON MASTRICH, eruditisſimi reipublicae Syndici venit, qui litteris humanisſimis parenti auctor ſuaſorque fuit, ut Lexicon ecclesiasticum, quale poſtea a IO. ANDREA SCHMIDIO accepimus, conficeret, ſubſidia quoque huic inſtituto inſeruentia liberaliter perofficioſeque pollicitus; quam tamen operam, utpote viribus ſois tum maiorem parens eſt deprecatus. Glückſtadium delatus Marquardi Gudii ſplendidisſimam bibliothecam luſtrauit. Sic omni fide et induſtria, quam illi loquuntur, qui eius inſtitutione excitati et compoſiti reipublicae munis admoti, rei communis ſaluti egregie conſulunt, Stadae muneri praefuit vsque ad annum redintegratae ſalutis huius ſaeculi quartum. Hoc enim tempore factum eſt, ut cum doctrinae commendatione, tum nominis exiſtimatione foris amplificata ad munus Quedlinburgenſe Lyceum regendi ſuſcipiendum vocaretur. Strenue remagebat et urgebat celeberrimus, et in rerum diuinarum ſcientia verſatiſſimus D. GERHARDVS MEIERVS, ſacrorum apud Bremenſes antiſtes, fautor et amicus vetus ex academia parentis, cuius hortatu et interceſſione delatum ſibi munus accepit. Vix hoc capesſiuerat, quum *Sereniſſima atque Reuerendiſſima Saxoniae Dux et Antiſtes ANNA DOROTHEA*, cuius ſingularis in ſe gratiae praecleara documenta viderat, ſummo parentis dolore fatiſ concederet. Nec hic officio ſuo defuit, ſed eius partes omnes ita confecit, ut nihil praetermitteret eorum, quibus et ad doctrinae habitum cultumque, et ad morum humanitatem ingenia fidei eius commiſſa inſtituerentur, inprimis autem vera et non fucata in Deum pietate imbuerentur. Ipſe ſane vberrimum laboris ſui fructum ad conſcientiam ſuam retulit, quamvis diuerſam ſcholaeſtici muneris

nēris rationem, et non eamdem vbique curam bonarum mentium officinarum geri experimento addisceret et obseruaret. Cognouit enim Quedlinburgi, quantum interfit inter scholam humanissimis legibus optimisque institutis temperatam, et eam, quae tremenda magistri auctoritate et illiberali disciplina gubernanda est. Sane, quod Diogenes Cynicus de Euclidis schola dixit, eius σχολήν esse χολήν, *bilem*, et Platonis διατριβήν esse κατατριβήν, *institutionem esse consumptionem*, * illud optime in Quedlinburgensem conueniebat. Bilem saepe ei mouebat neglecta discendi ratio, et molestias, quibus per se plenissimum est tale officium, augebat varia et paene sordida, litteratoque homine indigna curandi et administrandi officium, et constitutus ibi cumularum praelectionum modus vires deiciebat consumebatque. Nec abhorruit a consilio ducendae vxoris, sed diu, vt ipse ait in vitae suae commentariis, fato, nescius, an singularibus de causis distulit matrimonium, ad quod tandem animum adiecit, et cum virgine honestissima lectissimaeque virtutis MARIA MARGARETHA BROKIA, *virī summe Reuerendi atque Magnifici HENRICI MATTHIAE de BROKE*, sanctioris disciplinae doctoris, et per Ducatum Altenburgensem supremi sacrorum antistitis, et consiliarii ecclesiastici relicta filia natu minima in connubii foedus d. vii. Ianuarii an. mdcviii coiuit. Ex quo coniugio, per duodeuiginti annos cum coniunctissima suauissimaque vitae societate transacto, quatuor suscepit liberos, duo filios totidemque filias, quarum prior DOROTHEA FRIDERICA septimo aetatis anno acerba morte extincta, mortalitate naturae parentem antecessit anno c1o lcccxvii. et magnum ob praeclaram indolem parentibus optimis dolorem reliquit. Superstitēs adhuc parentem optimum lugent duo filii CHRISTIANVS HENRICVS et IOANNEꝰ FRIDERICVS, inter quos media filia est SOPHIA DOROTHEA, nupta haud pridem viro praeclarissimo atque amplissimo M. IO. CASPAR. EBERHARDO WIENEKENIO, qui moderando Gymnasio Quedlinburgensi praefectus, de bonis litteris praeclare meretur. Nihil prius, nihil antiquius habuit

* DIOGENES LAERTIVS L. VI. 24.

buit parens, quam, ut nos rectis verae religionis in Deum praeceptis erudiret, et in litterarum studiis ad solidioris doctrinae habitum adollescere. Ad hanc pueritia nostra formata et edocta est, ad illa instituti sumus summa indulgentissimaque venerandi patris cura, ut immortales ILLI gratias debeamus, eiusque ingentia in nos merita numquam inter moritura memoria gratissima piaque mente colere et praedicare nostrum sanctissimumque sit officium. Inter molestissimos labores frequentissimasque et paene quotidianas indignandi causas, quod singulare superni Numinis beneficium fuit, valetudine usus est firma, et admodum prospera. Turbata illa paullum et concussa mox initio infinitis, quibus obruebatur, laboribus. Discantium latinae orationis specimina vitiis purgare et lima emendare tam laboriosum et molestum esse illi sciunt, qui huic operi tamquam glebae adscripti sunt, ut si Herculi illud impositum fuisset, non aliter is existimare potuisset, quam in decimum tertium laborem se incidisse. Hoc adfixit et adtrivit eius corporis vires, et, quod ex sedentaria vita oritur, malum hypochondriacum sibi contraxit, quo gravissime laboravit. Quo inimico litteratis morbi incommodo salutaris artis usu et facultate praestantissimi CHRISTIANI VATERI, Vitebergensis sui aevi Aesculapii, cura feliciter sublato, cum lateris incommodis conficari coepit, et colicis doloribus frequenter adfectus est, quibus usu aquarum Pyrmontensium praeter opinionem liberatus est, et ex eo tempore constans fuit valetudo, optimeque valuit, nisi quod pituita et distillationes saepius eum adfixerint, et tussi graviter vexaretur. Quum ingrauesceret eius aetas multo plus et vehementius illum tentarunt morbi vitia, aliaque, quae senectus simul et conferunt adportat mala, quibusque mentem concutit et deprimit. Oppresso iam tot laboribus et fracto tot curis corpore, supervenientibus illis symptomatibus magis magisque in dies vires eius deiciebantur. Stato fere tempore redibat tussis, sed novissimis annis semper vehementior, et ita, ut sicior esset et nihil egerere posset, satis luculento argumento, naturam iam adfectam et corruptam esse, aut, amissa illa, alia et longe graviora incommoda sentiebat. Accidit hoc anno c^{lo} lccc xxxvii, quo

quo cum pluribus eiusmodi incommodis conflietari coepit, et primum grauedine et tusſi laborauit, ita, vt magno conatu nihil fere ſualoris eiicere poſſet. Accesſit poſt diarrhoea, quae male admodum eum habuit, et nimis vires proſtrauit et exhauiſit. Sed, vt aliud ex alio naſcitur, malum eum inuaſit, quo cum perpetuo mingendi conatu, inanis tamen fuit egerendi cupiditas, ex quo dein natae ſunt haemorrhoides, quae multo dolore eum excruciarunt. Nec tolli, aut leuari potuit mali vis optimis et conuenientiſſimis remediis viri experientiſſimi et ſalutaris artis uſu probatiſſimi, ALBERTI CONRADI KAVLITZII cura adbibitis, vtpote quod vitium non tam arte ſalutari, quam natura ipſa optime corrigitur. Inter illas infirmitates non lecto decubuit, niſi nouiſſimis diebus, ſtationemque ſuam numquam deſeruit, et adhuc officio ſuo functus eſt, licet iam conſectus, viribus, vna alteraue, ante mortem die, vt vere dixeris docentem e ſtatione ſua in meliorem vitam euocatum eſſe. Inuitus ſuperſedebat labore ordinario, nonnumquam non ſine valetudinis incommodo, et vix precibus hoc vt faceret adduci poterat, ne quid ſpei votisque ciuium et iuuentutis, delicij ſui, commodis profuturum, ſubtraheretur. Longiſſime abhorrebat a more iſtorum, qui molles et delicatuli in vita, qua otio fere diffluunt, leuiſſima quaque aura ſiniſtre adſati ſtatim effeminantur, et vicaria opera ſplendide, ſed turpiter vtuntur. Sed quum variis illis adſurgeretur incommodis, mortalitatis leges ſaepe numero cogitans, decretoriam vltimamque horam non longe abeſſe animaduertit. Non ſine lacrimis et ſummo animi dolore legi litteras, paterni amoris pleniſſimas, quae nunciabant admoneri ſe de vltimis ob infirmitatem, vaſa ſibi colligenda eſſe, Deique curae et prouidentiae ſe nos commendare. Ad coeleſtia igitur animum conuertit, et aeternae ſalutis praefidiis inſtruxit, fiduciaque omni in Numinis fide et optimi ſeruatoris CHRISTI merito collocata, confirmatus ante a viro ſumme reuerendo, IO. ROETTIGER HIMMIO ſacri viatici uſu, piisque ſermonibus, placida piaque morte e vita exceſſit d. XIII. Decembris menſe poſt, quam annum ſeptuageſimum quintum expleuerat. Factae ſunt exſequiae d. XVIII. Decembris iuſta funeris pompa, exuiac-

viaeque eius nocturno tempore in sepulcro ad aedem D. Benedicti rite conditae. Luculentum honoris in parentem monumentum societas, quae apud nos florer, latina, a qua inter sodales honorarios colebatur, dedicata eius memoriae funebri oratione, beniuole exstare voluit. Reliquit parens optimus, quod sine iactantia dicere licet, omnibus bonis iisque, qui bonam mentem amant, maximum sui desiderium, suis vero luctum acerbum. Sed, quod longe maximum est, viua et spirantia virtutum et gloriae eius simulacra supersunt, et ingenia ab eo formata et perpolita memoriam eius omni posteritati consecrabit. Non contemnenda esse merita, quae ab eo per tot annos in salutem pubis, vñsibus publicis consecratae, profecta sunt, nec ipsa inuidia negare, aut turpiter dissimulare potest. Variis tamen, quod aegre scribo, molestiis et aduersitatibus desideratissimus parens iactatus est, et calumniis saepe forensibus, quas vtpote rei familiari admodum noxias non potest non bonus quisque magnopere detestari, exercitus. Si quaeris, quid illas conflauerit? studium, profecto, enixum officio suo satisfaciendi. Ita verum est, quod dudum experientia comprobatum est, eum, qui perfunctorie et tralatitè officium suum facit, facile carere inuidia et obtrectationibus, quibus optimi viri sunt obnoxii. Non vnus loci haec labes, hic furor est, vt inertia pro sapientia sit, quod de Domitiani temporibus Tacitus dixit, et vbi virtuti, et iis, qui illa eminent, inuidetur. Sed recte factorum conscientia virtutisque praesidio tutus, non curauit maleuolorum et male feriarum hominum inimicitias, et generoso contemptu inanes vltus est iras. Venio iam ad ingenii et doctrinae monimenta, in quibus optimi Parentis imago clarissime expressa est, quaeque memoriam eius omni aeuo repraesentant et conseruant. Quod reliquum habuit temporis in academia a docendi muneris ratione, illud litteris omne consecrauit, et semper aut legendo meditandoque confirmauit doctrinam, aut aliquid excudit et effinxit, quod esset perpetuo suum. Testantur hoc scripta, quae in academiae spatiis elucubratus est, quaeque aut aliorum auspiciis ab illo, aut eo ipso auctore et moderatore conflictus ab aliis defensa sunt.

DIS-

DISPUTATIONES.

De immutabilitate Dei, Praefide M. PAVLO FRIDERICO GERHARDO, Pauli celebris ὑμνοποιῆ filio, a. cło łoc LXXXIII. Calendis Iunii. •

De epilogo Augustanae Confessionis articulorum doctrinalium, Praefide IO. DEVTSCHMANNO Calend. Nouembr. a. cło łoc LXXXV.

De thematibus philologicis de voce ἀδης, Praefide CONR. SAM. SCHVRZFLEISCHIO d. XXVIII. Iunii anno cło łoc LXXXVII. quae collectione Dispp. eius est LXXXIII.

De disputationibus academicis, Praefide D. MICHAELE WALTHERO d. XV. Decembr. a. cło łoc XCI.

IPSE AVCTOR ET PRAESES DISPUTAVIT.

De signo sancti Pauli epistolarum ad II. Thess. III, 17. d. XVI. Iulii a. MDC LXXXVII.

De Paulo Athleta ad I. Cor. IX, 26. 27. d. III. Februar. a. MDC LXXXVIII.

De Athenis superstitiosis ad Act. XVII, 22. 23. d. VIII. Iulii eodem anno, quae inserta est thesauro philologico, historico, theologico in Belgio collecto et excuso.

De spiritu principe aeris ad Ephes. II, 2. d. XIII. Octobr. eodem anno.

De facto Hielis cum dispendio duorum filiorum Hierichuntem aedificantis ad I. Reg. XVI, 34. d. XVI. Ianuar. a. MDC LXXXVIII.

De funesto Iudae exitu, pro loco in ordine Philosophorum concessio, d. XXX. Maii eodem anno.

De fonte haeresium ad Coloss. II, 8. d. XII. Decembr. an. MDC LXXXII.

De iustificationis in veteri nouoque Testamento ratione vna et eadem ex Pf. XXXII, 1. 2. et Rom. IV, 7. 8. d. VII. Iulii eodem anno, qua facultatem sanctiorem disciplinam docendi sibi comparavit, Praefide D. IO. DEVTSCHMANNO.

De

De Christi seruatoris resurrectione Rom. I, 4. alterius nomine scripta. a. MDCCC LXXXVIII.

In eandem diligentiae laudem incubuit, quum Stadae muneri praecesset, nec voce solum, sed et scriptis praeclare de aliorum commodis mereri studuit, cuius rei argumenta sunt, quae ibi prodierunt commentationes. Praeter epistolas officii causa scriptas ad AVGVSTVM VARENIVM, tum Rectorem de obitu filiolae, GERHARDVM MEIERVM, tum Professore Hamburgensem, D. NATHANAELEM FALCKIVM, doctrinae salutaris apud Stetinenses interpretem primum, et in Carolino Theologiae Professore, quibus felicitatem gratulatus est, XIII programmata, praemissa illis exercitationibus, quibus iuvenes dicendo exercuit, et VII disputationes in lucem emisit. Ipse his ad dicendum publice prodiit, et in splendidissimo amplissimoque auditorum consessu funebrem orationem memoriae SERENISSIMAE POTENTISSIMAEQUE SVECORVM, GOTHORVM AC VANDALORVM reginae VLRICAE ELEONORAE consecrauit, et post paegeyricam orationem dixit CAROLO XII. Suecorum Regi, ob memorabilem victoriam ab eo propter Naruam a Russis reportatam, quae sumtibus amplissimi Senatus formis descripta est. Quedlinburgum delatus eundem voluit lapidem, et maiori quidem nisu. Longum foret enumerare sigillatim singula programmata, quorum quotannis duo fere et plura edidit, quae quum iustum conficiant volumen, in vnum fasciculum collecta, breui forsân luci publicae exponentur.

SEPARATIM IN LVCEM PRODIERVNT.

Oratio de victoria a Carolo XII. Suecorum Rege ad Naruam anno MDCCC a Russis reportata, Stadae 1701. f.

Deus Sacrilegii vindex ex historia sacra et profana demonstratus. Quedlinb. 1710. 8.

Arts rationis s. Elementa logica. Quedlinb. 1714. 8.

Nachricht von denen öffentlichen Bibliotheken zu Quedlinburg. Quedlinburgi 1715. 4.

Technica sacra, Quedlinb. 1716. 4.

Praecepta de Chriis, Quedlinb. 1716. 8. *Recusa sunt auctiora* ibid. 1720. 8. 1733. et denuo repetita ibid. 1736.

Schediasma de tabulariis antiquis. Quedlinb. 1717. 4.

Lineae primae philosophiae practicae s. moralis atque civilis. Quedlinb. 1717. 8.

Discours von Decanis vnd Decanissen. Quedlinburg 1718. 4.

De Medicis, qui mortui sunt iuvenes in funere Cos. D. Pfannenschmidii. Quedlinb. 1719.

Praxis Logicae. Quedlinb. 1720. 8.

Epistola ad D. Gerh. Meierum de Comitatu Stadenfi. Quedlinb. 1721. 4.

De Templo Cappadociae Comano. Halberstad. 1721. 4.

Rhetoricus libellus de elocutione. Quedlinb. 1722. 8. *recus.* a. 1736.

Coniecturae de Codice Graeco N. T. quo vsus est B. Lutherus in conficienda germanica interpretatione. Halberstad. 1722. 8.

Vita D. Frider. Ernesti Kettneri, Antistitis Quedlinburgensis. Quedlinb. 1722. 4.

Epistola ad V. C. P. A. Boysenium de Codice graeco, quo vsus est B. Lutherus in conficienda interpretatione germanica. Quedlinb. 1723. 4.

Codices MSS. Quedlinburgenses. Quedlinb. 1723. 4.

Vita D. Gerhardi Meieri, Antistitis Bremensis et Confiliarii regii. Bremae 1723.

Non Christianorum de Christo testimonia. Quedlinb. 1725. 4. *recusa* ibidem 1736.

Contra ea, quae in hoc libello disputata sunt quaedam dixerunt, et a parentis sententia suas seiunxerunt duo Augustae Goettingensis Academiae eximia ornamenta CHRISTOPH. AVGVST. HEVMANNVS et IO. MATTHIAS GESNERVS, et hic quidem in Dissert. de *Philopatride Luciano dialogo* Lipsiae a MDCCCXXXI. edita.

Gratulatio ad Io. Georgium de Broke Doctorem Medicum, vbi de origine et progressu artis medicae breuiter agitur. Quedlinb. 1725. f.

Vita Alberti Stadenfis. Quedlinb. 1726. 4.

Linguae Apostolorum neque dissectae, neque medica manu MICHAEL. ERICI SOLEICHT redintegratae ac curatae. 1726. 4.

Io. George Leuckfelds *Lebens-Beschreibung*. Braunschweig 1727. 4.

Discours von denen schwehr zu bekehrenden Wenden, und daher eingeführten teutschen Adel in dem Mecklenburgischen. Quedl. 1718. 4.

Memoria D. MICHAELIS KAVLITZII. Quedlinburgi 1728. f.

Ersten Gründe der Gottes-Gelahrheit, wie sie von Anfang fortgesetzt worden. Quedlinb. 1730. 8. 1733.

Memoria Friderici Wilhelmi de Posadowsky L. B. de Postelwiz, 1730. f. recusa sub titulo: Vita et obitus Frider. Wilhelmi de Posadowsky 1731.

Epistola ad Georgium Carolum Loffium, patriae ciuitatis Cos. de rebus nonnullis patriae 1731. 4.

Henrici Leonis auctoritas circa sacra Guelpherbyti 1731.

Obseruationes philologicae ex Aristophanis Pluto dictioni Noui Foederis illustrandae inseruientes. Quedlinburg. 1733. 4.

Memoria Ioachimi Quenstedii, Antistitis Quedlinburgensis. Quedlinb. 1733. f.

Dissertatio historico-critica de Peto episcopali. Quedlinburg. 1734. 4.

Praeterea dudum adfectum et paratum habuit opusculum de ECCARDIS, in quo primo de nomine Eccardi quaedam disputavit, dein de Eccardis illustribus, religiosis et doctis disseruit. Variis refertum illud est observationibus, quae ad antiquitatem pertinent, ac historiam medii aevi, sacram, civilem, et potissimum litterariam illustrant, et plurimum aliis, quibus videndi illud copia contigit, probatum est, sed quamvis summa cum cura iam reuifum et perpolitum sit, tamen viuo se illud in lucem exire non passus est. Nostrum esse putamus, quod ipse nobis Parens commisit, publici illud iuris facere, nec ingratum hoc futurum speramus viris harum rerum intelligentissimis cupidissimisque. Fidem propediem liberabimus.



SATIS-

SATISFACTVM. EST. PIETATI
QVAM. VT. DEBEO.
PRAESENTIBVS. ET. FVTVRIS. SAECVLIS.
TESTARI. VOLVI
NE. SOLA.

PARENTEM. OPTIMVM.

MEMORIA. COLERE. VIDEAR,
EXPLEVI. OFFICIVM.

QVOD. AMOR. SVASIT.
SED.

ANIMVS. HORRVIT.
PIETATIS. SALTEM. PROFESSIONE. LAVDANDVM.
QVISQVIS.

AMAS. ERVDITARVM. ANIMARVM. MEMORIAM.
HOC. MONIMENTVM. AMA.

QVO.
EXPRESSAM. HABES. IMAGINEM.

OPTIMI. PARENTIS.

VERBIS. QVIDEM.
VERVM.

ANIMO. MEO. NVMQVAM. NON. INFIXAM.
VT.

ALAT. ET. CONSERVET.

EIVS.

IN. ME. MERITORVM. MEMORIAM.
NON. VOS. LILIA. NON. FLORES. ORNANT.

CINERES. VENERANDI.

NON. AMBITIOSA. ET. INVIDIOSA. VOS.
PROSEQVITVR. LAVDATIO.

PII MANES.


SED.

LACRIMAE. FILII. MOESTISSIMI. DECORANT.

FRVE-

FRVERE. VERO.
 ANIMA. SANCTISSIMA.
 COELITVM. CHORIS. ADSOCIATA.
 AETERNA. FELICITATE.
 QVAM. NVLLVS. LIVOR. TVRBAT.
 NVLLA. AEGRITVDO. CONTAMINAT.
 CVI. IN. TERRIS. IAM. PRAELVSISTI.
 MONSTRANDO. ALIIS. VIAM.
 QVA. AD. ILLAM. ITVR.
 CAPE.


DESIDERATISSIME. PARENS.
 PRAEMIA. FIDEI. ET. VIRTVTIS.
 PVBLICAE. SALVTI. ET. SVMMI. NVMINIS.
 GLORIAE. SACRATAE.
 PROPOSITA. VBERRIMA.
 VALE. AETERNVMQVE. SALVE.



QVae passim in vtroque volumine typothetarum occurrunt errata, certe correctae fuissent, si exercitationes Ienae excusae fuissent, nobisque ipsis eas emendare licuisset. Iam vero quum alibi prelo subiectae sint; non nostrae, sed correctoris negligentiae ea aequi lectores adscribent. Operam dabimus, ut, quae in posterum in lucem edentur, hoc in loco typis exscribantur, atque ita prodeant quam adcuratissime emendatae.

p. 6. dedic. lege *languent*. ibid. l. *flare* p. 11. praef. l. 15. is *inveniat* pro *inveniatis* p. 12. l. ipsi pro *ipse* ibid. *admovent* pro *admovent* p. 13. lin. ult. lege *possint* pro *possunt* p. 14. l. *non intelligat* pro *intelligat*. p. 16. l. *aetas nostra* pro *aetūs nostra*. p. 18. l. *Densstettenses* pro *Dcusstettenses*. p. 8. Exerc. l. *herede* pro *heredes*. p. 24. l. *frustra* pro *frustre*. p. 31. l. *sibi* pro *sibi*. p. 35. l. *litteratos* pro *litteratas*. ibid. l. *facultas* pro *facultos*. p. 84. l. *at* pro *ac*. p. 86. l. *perveniat* pro *perueniat*. p. 88. l. *nostrae* pro *nostrae*. p. 94. l. *rerum* pro *uerum*. p. 100. lege *eos* pro *eum*. ibid. l. *opaca* pro *opace*. p. 101. lege *alieniori* pro *alieniori*. p. 102. lege *obrepere* pro *arripere*. p. 104. l. *ad* pro *ac*. p. 117. lege *serenissimus* pro *serenissimu*. ibid. lege *efflagitasset* pro *efflagitasset*. ibid. *singulorum* pro *sigillorum*. p. 130. lege *cui* pro *qui*. p. 139. lege *sine* pro *sine ne*. p. 144. lege *exprimenda* pro *expromenda*. ibid. lege *collocutores* pro *collocatores*. p. 159. lin. 9. & 10. l. *iudicium* pro *iudicium*. p. 162. not. (c) lin. 2. l. *Et* pro *Ex*. p. 165. not. (b) lin. 3. post vocabulum *Critices* inferatur *habuit*. p. 165. not. b) lin. 6. l. *cl.* pro *el*. p. 166. not. (a) l. 6. l. §. 5. pro §. *S.* p. 168. not. a) lin. 1. l. *Ξενοφώντος* pro *Ξενοφόντος*. ibid. not. a) l. 2. lege *ἀπομνημονευμάτων* pro *ἀπομνη*

ἐπιπονημονευμάτων. p. 170. lin. 2. post vocem *academias* in-
 feratur *sc.* p. 170. lin. 6. lege *in sinu* pro *in finum*. p. 174. lin.
 32. lege *aspellito* pro *aspellite*. p. 175. lin. 35. l. *testimonio* pro
estimonio. p. 178. l. *enodari* pro *eno dari*. p. 183. lin. 1. l. *τεῖνω*
 & *τάσεις* & sic saepius pro *τεῖνω* & *τάσεις* not. (d) lin. 6.
 omissa est vox *numerus*. l. 8. omittitur *erratum est*. p. 184.
 lin. 19. l. *θυθμός*. lin. 26. l. *ex* pro *ε*. lin. 31. l. *ὁμοιόπτωτα*.
 p. 185. l. *ὁμοιοτελέτων*. p. 186. lin. 3. l. *auribus*. lin. 13. l. *con-*
stantes. ibid. not. (k) lin. 6. post *accusativo* ponatur *plurali*.
 p. 187. lin. 10. l. *apud*. ibid. not. k) lin. 4. lege *borrendum*. p.
 188. lin. 21. lege *navis illa*. lin. 26. lege *lentum*. p. 189. lin. 9.
 lege v. 19. p. 190. not. (o) lin. 3. lege *maioris*. not. p. lin. 14.
 ante vocem *teilo* omissum est *ex*. p. 191. not. (p) lin. 23. lege
figuram. p. 202. §. 1. lin. 13. lege *novum* pro *novm*. p. 203. §.
 3. lin. 6. l. *παρεχομένου* pro *παρεχομενου*. p. 205. lin. 8. lege
καθέδρα pro *καθεδρα*. p. 207. lin. 17. lege *ἀμφικεφάλους*
 pro *ἀμφικέφαλους*. ibid. lin. 17. & 18. lege *προσκεφάλαιον*
 pro *προσκεφαλαμεν*. p. 226. l. 6. lege *singulorum* pro *singularum*.
 lin. 21. *δοᾷ* *σᾶς* pro *δοᾷ-των*. lin. 29. l. *Κροτωνιάτης* pro *Κρο-*
τωνιάτης. lin. 31. lege *Σπαρτιάτης* pro *Σπαρτιάτης*. p. 229.
 lin. 7. lege *Plautinum* pro *Plantinum*. p. 241. lin. 6. a fin. lege
 KOPINΘ pro KΩPINΘ. p. 242. lin. 3. l. *quique* pro *quinque*.
 p. 243. l. 4. a fine lege *ὑποσχῆτω* pro *ὑποχῆτω*. p. 249. lin.
 8. lege *συμφορὰς* pro *συμφωρὰς*. p. 262. l. 33. pro *iubent* lege
iubet. p. 264. l. 10. pro *PROFESSOR* scribe *PROFESSOR*
 p. 295. l. 12. pro *nulla* lege *nullae*. p. 278. l. 10. pro *esse* lege *esset*.
 p. 324. lin. 5. lege *mendaciis* pro *mendaciiis* p. 326. l. 2. post *ali-*
quam adde - p. 329. lin. 17. lege *patronorum* pro *patronum*. p.
 331. lin. 19. lege *ε* pro *est*. p. 338. lin. 23. pro *dispensati* lege
dispensata.





11.12

a) 005655905

b) 005655906